

C A E L I I
A V G V S T I N I
C V R I O N I S S A R R A -
C E N I C A E H I S T O R I A E
L I B R I T R E S, A B A V T O -
R E I N N V M E R I S L O G I S E -
mendati atque expoliti.

I N : Q V I B V S

*Sarracenorum, Turcarum, aliarumque gentium origines & res per annos
septingentos gesta continentur.*

His accessere W O L F G A N G I D R E C H S L E R I earundem rerum
Chronicon, siue breuiarium.

*Item, CÆL. AVGVST. CVRIONIS Marochensis regni in Mau-
ritania nobilissimi à Sarracenis conditi, descriptio,
nunquam antea edita.*

C Æ L I I S E C V N D I C V R I O N I S, D E
bello Melitenfi à Turcis gesto, historia noua.

*Cum rerum & verborum in hisce præcipuè memorabilium
copioso I N D I C E.*



F R A N C O F V R D I
Apud Andreæ Wecheli heredes,
Claudium Marnium & Ioan. Aubrium.

M D X C V I.

DIVO
IMP. CÆS. MAXIMILIANO II.
DIVI FERDINANDI, D. CAROLI V. FR.
F. D. MAXIMILIANI I.
PRONEPOTI:

D. FRIDERICI III. D. D. D. ALBERTI
I. ET II. ET RODOLFI
ABNEPOTI:

AVSTRIACO, BOHÆMICO, PANNO-
NICO, ALSATICO, SVEVICO,
DALMATICO, ETC.

PIO, FELICI, INCLITO, VICTORI
ET TRIUMPHATORI SEM-
PER AVG.

CÆL. AVGVSTINVS CVRIO, PERPETVÆ
OBSERVANTIÆ ERGÒ HAS EXIGVI
AGELLI ET LABORVM SVO-
RVM PRIMITIAS
DICAVIT ET CONSECRAVIT.



C A E L I I A V G V S T I - N I C V R I O N I S I N S A R R A - C E N I C A M H I S T O R I A M

P R O O E M I V M.



*S*ÆP E & multum mecum ipse cogitans, scire cupiui, quid illud esset, quod maxima & potentissima quaque regna euertisset, vicissimq; multos tenuissimos & obscurissimos homines ad summos honores & potentiam euexisset. Nam cum & Romani Imperij Christianæque Reip. detrimenta considero, & maximorum regnorum veteres animo calamitates colligo, non minimam video per luxum, ambitionem & discordiam, inuectam esse partem incommodorum. Cum autem res ab nostra memoria propter vetustatem remotas, ex Historiarum monumentis repetere instituo, multa Imperia constituta, plurimas gentes subactas, diuturna regna & tutissimam tranquillitatem intelligo populis cum temperantia, tum etiam facilius ciuili concordia partam. Ac me quidem diu cogitantem, ratio ipsa, & exempla in hanc potissimum sententiam ducunt, ut existimem, opes, diuitias, robur, rei militaris peritiam, sine concordia & populorum beneuolentia, obesse plerunque, prodesse ferè nunquam: consensum verò & beneuolentiam, etiam sine diuitiis & opibus plurimum valere. Quare qui populorum suorum salute, tranquillitate & commodis, quibus beneuolentia & conciliatur & alitur, neglectis, prorsus ambitioni dediti, omne studium in potentia inter suos augenda consumserunt, potiusque ab illis quàm ab hostibus timeri voluerunt: illi tandem inutiles sibi, & perniciosi patriæ fuere. Qui verò ita sese suorum ciuium & populorum charitate armarunt, ut suis chari, patriæ autem hostibus formidolosi essent: illi & suis & publicis rationibus optimè consuluerunt. Ac si volumus antiquissimam regnorum omnium originem quærere, illorumque considerare principia, reperiemus ea omnia quæ diu floruerunt, honestissimis artibus parta, atque optimis rationibus constituta fuisse. Nam satis constat, initio Regium nomen, quod semper sanctissimum fuit; iis attributum fuisse, qui optimè de hominum vita meriti videbantur, populis sibi ob communem utilitatem reges creantibus. Cum enim nondum diuinæ religionis, aut humani officij ratio ulla coleretur, cum nemo legitimas vidisset nuptias, certosve inspexisset liberos, nec ius æquabile quid utilitatis haberet accepisset: ac propter errorem atque inscitiam, cæca atque temeraria animi domina cupiditas ad se explendam viribus abuteretur: cuius potuit tanta vis

esse, ut dispersos homines in agris & in tectis sylvestribus abditos congregaret, & ad ea quæ ipse iussisset facienda induceret? profectò id non vi, sed sapientia, æquitate, iusticia beneficiis quæ in omne genus hominum collatis, quæ populos in sui admirationem traherent, communi quodam beneuolentiæ vinculo colligarèt: & primò propter insolentiam reclamantes, deinde propter beneficia accepta & æquitatem studiosius obsequentes, in unamquamque rem inducerèt, utilem atque honestam, factum necesse est fateri. His artibus Saturnus, antiquissimus Romanæ arcis cōditor, prius in Armenia regnavit, & Babylonie regum potentissimorum insidias, vimque, nulla re magis quàm æquitate, & populorū suorum in se beneuolentiā fretus, effugit: iisdemque nouum sibi in Italia regnum, Iouis arma fugiens, comparauit. Hac via Romulus, alter urbis cōditor, ex pastoralis & inope vita, & Numa cum Tarquinio Prisco, ex peregrinis ac priuatis, ad regium fastigiū ascendere. Tali suorum in se beneuolentiā, Alexander ille Magnus totum domuit Orientem. Concordia, Græcorum res creuere: Concordia, Carthaginensium res publicæ potentissima est facta: eadem Romanos Concordia terrarum omnium dominos, & gentium domitores effecit. hoc vinculo iuncti Sarraceni, primò imbecilles & tenues, Romani Imperij provincias innumeras occuparunt: hoc eodem Turcarum potentia creuit: cum insolentia, ambitio & discordia, regna omnia potentissimaque Imperia & amplissimas res publicas euerterit. Vbi enim principes, artibus iis relictis, quibus regna initio sunt constituta, regnorum fundamentum ac neruum pecunias & opes esse arbitrantur: occultis inter illos & populos odiis gliscentibus, & illo charitatis vinculo dissoluto, facile cuius & se & populos suos prædæ obiiciunt. Nā sic natura comparauit, ut eadem ratione qua alios in nos ipsos affectos sentimus, & nos erga illos affecti simus: notissimumque est Platonis illud, Quales in Republica principes essent, tales ciues & populos esse solere. Ex quo nemini mirum videri debet, Principes, qui sua ipsorum commoda & rationes publicis anteferunt, à populis non amari: & omnes qui sub illis degunt, eodem exemplo publicas rationes priuatis postponere: sic studiis hominum in varia distractis rempublicam pessundari. His de causis Imperium primū à Chaldaeis ad Assyrios, ab Assyriis ad Medos, à Medis ad Persas, ac tandem à Persis ad Macedonas translatum est. Discordia summū illud Alexandri Magni Imperium, successoribus eius inter se, dum nemo suis finibus contentus est, de monarchia dimicantibus, evertit: discordia Græcorum res potentiamque fregit: discordia & ciuilibus bellis Romana Respublica concidit: iterumque Græcorum dissidia, Byzantinum imperium barbaris prædæ dederunt. Discordia Sarracenorum nomen extinxit, ut in hac nostra historia patebit: eademque pestis hodie Christianam rempublicam ita exagitat, ut verendum sit ne tandem (sed nolim quidquam malè ominari) ea quoque vel deleta, vel oppressa, ni resipiscamus, nobis sit lugenda. Quid igitur facimus? cum tantorum malorum semper causa fuerit ambitio, & ex ea nata discordia? Cur tam præcipites in ferrum, mutuamque perniciem ruimus? Cur ciuilibus bellis, & nostrorum cadē gaudemus? Quin potius, o cæcæ hominum mentes, odiis depositis controuersis que sopitis, quæ non vi & armis, sed æquitate, Dei que lege diudicari debent, arma in communes Christiani nominis hostes, in omnis humanita-

tis, reli-

tis, religionis, literarumq; eueriores conuertimus? arma inquam ista, quæ in va-
 rias partes disuncta atque distracta, & in se inuicem conuersa, omnem Chri-
 stianam remp. in exitium tandem trahent: quibus coniunctis, Byzantium Ro-
 mano iterum imperio restitui: Græcia ac tot Christianæ gentes in perpetuo lu-
 ctu vitam agentes, intoleranda tyrannide liberari: impurissima Turcarum
 gens tota Europa pelli posset, & vera CHRISTI religio apostolicis concionibus,
 vitæque innocentia propagari. At forsan, ut olim, longè quærendus est hostis,
 maria trananda, Europa uniuerſa metienda, in Asiam Syriamq; per loca ar-
 dua, regiones suspectas, & ferocissimas gentes transeundum? At qui pro fori-
 bus & in ipso limine est, arrogantia tumidus, ultro nobis insultans, disidiis no-
 stris gaudens, fortunis inhians. Potuit olim Petrus eremita, tenuis fortunæ
 vir, trecenta mortalium millia contra Sarracenos sola oratione armare, & in-
 numeros nobiles ac proceres cum multis legionib. in eosdem concitare, in Asiam
 usque perducere: ubi regna multa Sarracenis ademerunt. nam tunc populi ipsi
 per se nullo stipendio adducti, sola pietate impellente, longissimas peregrinatio-
 nes suscipiebant: & regibus ipsis velocio ac luxui deditis, vel ciuilibus bellis oc-
 cupatis, arma in remotissimas terras cōtra impios ferebant. Nunc autem, cum
 potentissimus, idemq; immanissimus hostis, ceruicibus nostris immineat, Chri-
 stianas prouincias alias occupet, alias oppugnet & vastet: habeatq; Christia-
 na resp. D. MAXIMILIANVM Imperatorem sapientissimum, cui non fru-
 stragladium tradidit Deus, sed ut eo aduersus latrones, pro sui populi pace trā-
 quillitateque tuenda, uteretur: quorundam nihilominus prauis consiliis nos
 mutuò conficimus. Quod cogitans, & mecum ipse Christianæ Reip. statum lu-
 gens, ut cum vnus & viribus imbecillis, ægroque corpore, nil efficere possem re-
 bus gerendis: saltē multis aliis, qui possent animos ad commune periculum pro-
 pulsandum excitarem: exemplisque, quæ Historiarum lectio suppeditat, ad
 consulendum Reip. saluti accenderem: me ad Sarracenorum, Turcarumq; res
 alta vetustatis caligine immerſas, ordine scribendas contuli: ut quibus artibus
 illi creuerint, & quibus vitiis nostræ vires imminutæ sint, videntes ea vitare
 possimus. Hanc autem Historiam totam breuissimè comprehensam, & cum ex
 multis Græcorum, Byzantinorumq; & Latinorum voluminibus, tum ex
 Arabum, Maurorumq; annalibus collectam in tres libros partiti sumus: sic,
 ut Primus Muamedis & Sarracenorum originem, imperiiq; incrementa, ad
 summum usque fastigium, per ducentorum annorum spacium contineat: Se-
 cundus, à prima eius inclinatione, ad eiusdem excidij initium, totidem anno-
 rum spacio: Tertius, excidium ipsum ac Turcici (quod Sarraceno successit)
 imperij originem ad Othomanum usque, trecentorum videlicet annorum res
 gestas breuissimè complectatur. Ita ut hæc omnis Historia, ab anno post Chri-
 stum Seruatorem natum D L X, quo natus est Muamedes, ad M C C C
 perueniat. Othomanorum autem Imperatorum res omisimus, quod à multis a-
 liis seorsim scriptæ fuere: cum de his, quæ nos his tribus Libris complexi sumus,
 nemo vel Latinorum, vel Græcorum, quod sciam, separatam Historiam fece-
 rit. Quem meum laborem, si bonorum & doctorum iudicio comprobari sensero,
 ad maiora me deinceps accingere audebo.

CAELII AVGVSTI NICVRIONIS SARRACEN- NICÆ HISTORIÆ

Liber primus:

Quo Sarracenorum origo, & Imperij incrementa continentur.



SARRACENORVM origines resque gestas scribere, operæ
precium existimaui: primùm, quia magnæ & toto terrarum 10
orbe peruagatæ fuerunt, & diuina atque humana cuncta per-
miscuerunt: deinde, quia ex Christianorum diffidiis coalue-
runt: vt inde exemplum capientes discamus, quantum diffi-
dia nostra virium Christiani nominis hostibus & audaciæ ad-
dant: néue amplius hac ratione iis qui nihil magis quàm san-
guinem nostrum appetunt, iugulum præbeamus. Etenim primùm omnium illud
fatis constat, Imperium Romanum, quod concordia, temperantia & fortitudine
in tantam magnitudinem creuerat, vt cunctis penè mortalibus leges daret, vbi o-
cio & ingentibus opibus patris luxus Imperiorumque cupiditas ciuium animos
inuasit (quæ res ipsum iam sua mole labantem, dum plures pro Imperij fastigio di- 20
micant, deiecerunt) à nullo tantam cladem, quantam ab Sarracenis accepisse.
Nam etsi Gotti, egregiis virtutis atque amplitudinis Romanæ monumentis im-
mani rabie deuastatis, primi hominum de domitore gentium populo triumphar-
int: & Attila Hunnorum rex à Rhiphæis montibus ad Pyrenæos cuncta rapidis-
simi torrentis more prostrauerit: & Longobardi maximam Italiæ partem occu-
passent, vt & Franci ex Germania in Galliam irrumpentes fecerant: illorum ta-
men alienis in terris vel non diuturna fuerunt imperia, vel tandem sub mitiori
cœlo degentes mores mutarunt, religionemque & Cæsarum summum Impe-
rium agnouerunt. Verum Sarraceni, vt Romani Imperij simul & Christianæ re-
ligionis euerfores viderentur, ex Arabia erumpentes, nobilissimas Asiæ partes, 30
quæ tantis immanissimarum gentium inundationibus intactæ fuerant, vasta-
runt, omnibus bonarum literarum, ingenuarumque artium studiis & (quod
maximum est) religionis veræ cultu in iis extinctis: & non solum Asiæ prouin-
cias, sed & Africam penè totam, ac Hispaniæ maximam partem barbaris rit-
ibus, ignorantiae tenebris, impiaque & nefanda religione fœdarunt: inde-
que crebris incursionibus Italiam, Græciam & Galliam maximis calamitatibus
affligerunt: & tale Imperium constituerunt, vt hodie (qui est annus à Christi
Seruatoris natali M. D. L X V I I .) nongentesimo videlicet postquam natum est
anno, ceruicibus nostris imminere videatur, toti que Christianæ Reipub. sit for-
midabile. Nam Turcæ qui hodie rerum potiuntur, quasi hæredes ab illis & re- 40
ligionem & regna acceperunt: & adhuc in Africa Sarracenorum reliquiæ quæ-
dam vigent. Sed priusquam ad res gestas illorum explicandas venio, sunt mihi
pauca de origine, & sectæ auctore dicenda. Arabia omnis in tres partes est distri-
buita: quarum vna Petreia: altera Deserta: tertia Fœlix siue Sabæa. Petreiam ab
Ægypto, cui ad Orientem est Causus mons, & inde vastæ solitudines dirimunt: à
Septentrione Iudæam & Palæstinam habet: qua sol oritur, desertam Arabiam: &
qua ad meridiem vergit, Arabici sinus interior partem. Deserta in qua vrbs
Scene erat, alio nomine etiam Scenitis appellata: à meridie montibus Arabiæ fe-
licis cincta est, à septentrione Mesopotamiam habet, & Euphratem fluuium ab
ortu. Arabia fœlix, inter duos sinus Arabicum & Persicum, veluti península ex- 50
currit: Petreiam & Desertam habet à septentrione, ab occasu Arabicum sinum:
ab ortu Persicum, & à meridie Rubrum mare. Has regiones à quatuor populis
habitas fuisse inuenio, nempe ab antiquissimis Arabibus, ab Arabo, Sabo, & Pe-
treio, Curetis filiis, & Chami nepotibus oriundis: à quib. & res Arabiæ cognomen
acceperunt, népe Arabia deserta ab Arabo, Sabæa, quæ & Felix, à Sabo thurifero,
Petreia

Petrea à Petreio, Berofo Chaldæo autore, quamquam alij à Petra oppido veru-
 stissimo dictam velint: deinde ab Ismaelitæ, quorum generis conditor fuit Ismael,
 Abrahami & Agar ancillæ filius, à quo & Ararena regio & Agranum oppidum,
 à Strabone corruptè, pro Agarena & Agareno nuncupata, originem habuerunt.
 ut Petrea regio à Nabeoth, Nabathæa, & Cedrei populi à Cedare eiusdem Ismae-
 lis filiis dicti sunt. Tertij populi fuerunt ex Chætura, secundæ Abrahami coniu-
 gis, filiis oriundi, qui magnam Arabiæ felicis partem occuparunt, eam præsertim
 quæ ad Rubrum mare pertinet: & in Libyam quoque colonias deduxerunt, vnde
 postea (Iosepho auctore) ab Ophre Mandanes filio, & Abrahami ex Chætura cō-
 iuge nepote, Africa dicta est. Quartum genus ab Esau Isaac filio originem traxit,
 qui Iudææ proximas Petreæ Arabiæ partes incoluit, vnde Sarraceni populi in A-
 rabia Petrea à Plinio & Ptolemæo nominantur. nam Isaac Esau pater, Abra-
 hami ex Sara filius fuit. Dicti autem sunt Sarraceni, ut simul se à domina, non au-
 tem à serua, quemadmodum Ismaelitæ, oriundos testarentur: & ab Iudæis distin-
 guerentur, qui & ipsi iisdem parentibus ortierant. Inter hos omnes fortissimi &
 bellicosissimi erant Scenitæ, Desertam Arabiam incolentes, ἀπὸ τῆς σκηνῆς dicti, quod
 Nomadum more vagi & sine ædificiis in tentoriis habitarent: qui sese antiquissi-
 mos esse gloriabantur, & cum cæteris omnibus de nobilitate contendebant. ho-
 rum opera sæpe in bellis Romani Imperatores utebantur. Instituta multa Arabes,
 20 & ritus Hebræorum institutis similes semper habuerunt, & hodie retinent: nam
 semper, ut etiam Herodotus atque Diodorus testantur, circumcisione vsi sunt: ac
 tribuum, ut Iudæi, familiarumque ordinem seruauerunt: & alterius tribus familiæ ve-
 scemina viro nubere, aut virum vxorem ducere nefas ducunt, generis nobilita-
 tem incorruptissimam seruantes, ita ut nobiliores semper apud eos regnarent: nec
 vnus omnibus, sed quælibet tribus regem suum haberet: eique non filius succede-
 ret, sed primus qui postquā rex esset salutatus, ex nobilissimo viro ac muliere na-
 sceretur, in spem regni alebatur: homines passim (ut qui sub torrenti sole degunt,
 plerunque solent) furtis ac rapinis dediti. Religio apud eos varia. alij enim Chri-
 stum colebant: quorum etiam eo tempore, à quo nos Historiam nostram ordi-
 30 mur, ut & in alijs locis omnibus, variæ erant sectæ. alij Iudæorum ritus seruabant:
 alij solem & lunam, alij arbores quasdam, alij serpentes, alij turrim Alcaba dictam,
 quā ab Ismaele ædificatam putabant, & alij aliud venerabantur. In hac igitur tan-
 ta religionum varietate, ac tam rudi populo, Muamedes paternum genus à Core
 Esai, vel (ut alij volunt) ab Cedare Ismaelis filio trahens, cuius pater Abedela, &
 mater Enima vocabatur, gente Iudæa, Itraripi Meccæ vrbis agri oppido, in Ara-
 bia deserta tenui fortuna natus est, Anno salutis Christianæ (ut ipsi tradunt) D L X,
 mense Februario. vnde à parentibus primis annis & Hebræorum ritibus, & gen-
 tium cultu est imbutus. Parentibus verò, cum adhuc tenera ætate esset, defunctis,
 Salutare bi patrui tutelæ fuit commissus. deinde cum iam adultam ætatem attigis-
 40 set, ab Scenitis, ferocissimis (ut diximus) populis, vitam per latrocinia ducentibus,
 captus, Abdimone pli Ismaelitici generis ditissimo mercatore venditus fuit: qui
 eius ingenio cognito, eum sapissimè ob mercaturæ negocia ex Palæstina, in qua
 habitabat, in Ægyptum mittebat. quæ negocia, cum Muamedes per multos an-
 nos exercuisset, apud Hebræos, Christianos & Gentiles magnam sibi gratiam
 conciliauit. Erat enim Muamedes, statura mediocri, capite magno, facie subfu-
 sca, colore viuido, barba prolixa, nec tamen cana: quia caniciem, si quæ fortè in-
 cipiebat, vnguentis celabat: aspectu graui, & maiestatem quandam cum comita-
 te præ se ferenti: cruribus optima proportionem factis, motu corporis suaui, leniq;
 ac (ut aiunt) fluminis suauiter delabentis cursum imitanti: in sermone benignus,
 50 magnaque animi & corporis vi: ingenio acri, sed (ut de Catilina tradit Salustius)
 malo, prauoque: audax, & periculorum contemptor. Cuius rei exemplum hoc
 adferunt, quod cum aliquando equo ferocissimo, ac prorsus indomito, amicis
 aliquot spectantibus, insideret, eum ita agitauit, ut omnes qui spectabant, de eius
 salute vehementer solliciti rogarint, ut ex equo descenderet. quibus ille placidis-
 simè respondit: equum illum mari similem esse, ut se ea agitatione, non secus ac si

naui veheretur, oblectari intelligerēt. Itemq; varius erat, vt leges ab ipso innumere inter se pugnantes, latæ indicant: quæ res in ipsius religione sectarū varietatem induxit. nec nō cuiuslibet rei simulator ac dissimulator, sed natura facundissimus. Vastus eius animus, immoderata incredibiliaq; cupiebat. Hunc tanta sectarum varietate cognita, cupiditas maxima incessebat vnus religionis constituendæ, & imperij simulq; diuini honoris sibi vindicandi. Cuius rei spem illi faciebant Christianorū dissidia, mores corrupti, & militaris disciplina propemodum amissa. His accessit Sergij monachi consilium: qui ob Arianam sectam Byzantio pulsus, in Arabiam profugerat, & Abdimoneplis Muamedis heri domum frequētabat, Muamedemq; ob ingenium valde diligebat. Itaque hero sine liberis mortuo, Hadigia 10 vxor vidua quinquagenaria, omnium mariti bonorum hæres, hunc sibi virum capit. Is igitur, vt qui comitalem morbum pateretur, cum sæpe corpore prostratus, in alienationem mentis veniret, idq; vxor valde ægrè ferret: id sibi ex ipsius Deī spiritu, qui se corripere, & quædam nunciaret, quæ per ipsum circa Mosis Christi q; legem populis essent indicanda, accidere dixit. Corpora etenim corruptioni obnoxia, numinis intuitum ferre non posse: ideoq; corpus tunc penè animo destitui. quibus verbis vetula, vt quæ formæ eius atq; ætatis amore capta erat, fidem adhibens, non iam vt maritum amare, sed vt diuinum hominem & vatem colere, ac venerari cœpit: eiusq; sanctitatem inter æquales prædicare, adeo vt decedens non modò fortunis diuitem reliquerit (hæredē enim eum ex asse instituit) 20 verum etiam sanctitatis apud rudem illum populū opinione clarum. quas ob res Bubacus, eius Arabiæ partis facilè princeps, & ex eadem tribu natus, ipsi iam trigessimum ætatis annum ingresso, Aissam filiam nuptui dedit. Qua affinitate & opibus sibi à priore vxore relictis fretus, ausus est se apertè Dei nunciū & vatem profiteri, & nouam quandam religionem docere, ex omnium sectarū erroribus conflata. Præcipiebat enim circumcisionem simul & sacri fontis lauacrum, porcinaq; carnis & vini abstinentiam. Ieiunium mensē continuum seruari, volebat, tantumq; noctibus cibum capi. Tres modò vates fuisse, se, Mosē & Christum, Christumq; minimè Deum esse: & huiusmodi impia dogmata innumera, quæ in ipsius Alcorano siue Alfurcano, continentur. Quæ dogmata initio quidē à multis derideban- 30 rur, & illorum causa pro mente capto habebatur. Verum cum iam affines omnes & Bubaci familiam, quæ potens erat, multosq; ex plebe in sectā suam pertraxisset, Meccæ magistratus, id Reip. ni citò huius hominis audacia reprimeretur, perniciosum fore animaduertentes (apertè enim in principes inuehebatur) manus illi injicere, vt supplicio afficerent, sunt conati, qua de re certior factus Muamedes, Mecca profugit: eumq; multi propinqui, affines, amici & clientes, quibus iam talem esse, qualis haberi volebat, persuasum erat, sunt sequuti: & ab hoc anno, qui fuit post Christum Seruatorem natum D X C I I I. Arabes suos annos numerant: huncq; annum Legiræ, id est fugæ annum vocant. Hac igitur multitudine visa, magis quàm antea viribus suis fidens, talem ad eos orationem fertur 40 habuisse.

Quantoperè semper cupiuerim legem, quæ mihi per Dei opt. max. nuncium Gabrielem mortalibus ferenda tradita fuit, promulgare, & ipse Altissimus nouit; & vos amici mihi testes estis. nulli enim vnquam labori peperci, nulla pericula, nullas ærumnas subterfugi, vbi me communi hominum saluti consulere, & munus mihi diuinitus iniunctum exequi placidè posse sperarem: vt homines à flagitiosa vita ad sanctam reuocarem: atque ex orco, in quem præcipientes ruunt, in cœleste regnum retraherem. In hoc videlicet Dei ipsius, cuius legatione in terris fungimur, benignitatem imitantes. qui cum omnes Adami culpa mortales, in immanis inferni tyranni manus cecidissent: voluit tamen populū suū, sicuti 50 Abrahamo parenti nostro promiserat, seruare, lege nempe illi proposita, per quam vitam sempiternam adipisceretur. ideoq; primum Mosē misit, qui iniūta quædam & fundamenta iaceret huius doctrinæ, & homines sempiternarum pœnarum metu ad saniozem vitam reuocaret. Sed cum ea ratione parum Mo-
sis lex profecisset, I E S V M Christum misit, qui mitiore quadam via mortales deli-
niret,

niret, ac Deo obsequentes redderet. Nunc autem humano genere ita rursus deprauato, ut nulla sit certa & cōstans religio, nulla disciplina, nulli probi mores: mihi, quem iam ab ipsa mundi origine ad hoc destinârat, id muneris iniunxit, ut extremis malis extrema remedia adhiberem: & ferro atq; igne, quicquid prauum esset, vel sese huic legi opponere auderet, rescinderem: ac regnum Dei, augustioremq; in terris, quàm vlla antehac fuerit, Rempub. constituerem. Nam quis non videt, nisi nos, quibus à Deo id muneris est iniunctum, obuiam tantis malis eamus, omne mortaliū genus breui perituro? Non enim potest humana natura sine lege (quæ in tanta varietate & viuendi licentia, nulla constare potest) non grauissimè labi &
 10 peccare: legem autem, quomodo salutare inuitis & spernentibus feremus? nam quantis nos, qui summi Tonantis iussa exequi satagimus, contumeliis affecerint, vos amici vidistis: non secus ac feras, ad necem nos persequuntur. Sed vos felices ac beatos, quos Deus mihi ministros & adiutores ad tâtas res gerendas delegit: & nō solum æternæ felicitatis mecum participes esse voluit, verum etiam in terris ingentibus diuitiis locupletare: quibus profectò, si fortes & in fide constantes fueritis, breui innumeris gentibus subactis, & ditissimis regionibus populatis fruemini. Ea enim omnia Deus vestra esse vult, quæ iniuste impij homines, qui huic legi aduersabuntur, possident. Hæc autem omnia sic futura, cum aduersariorum scelera, quæ Deus diutius impunita esse non patietur, & vestra, viri fortis-
 20 simi, præclara virtus ac fides, tum Dei Opt. Max. certissima oracula, nobis spondent: quamobrem, si & cœlestis regni, & tantarum opum atque gloriæ participes esse vultis, decet vos mihi iusiurandum præstare.

Quibus auditis, multitudinis principes, ac inter primos Zaid filius Zuzaræ, Aomar, & reliqui omnes ordine, strictis gladiis, iureiurando grauissimo promiserunt: se nullam aliam, præter eam quam Muamedes ferret, legem probaturos: & pro ea tuenda propagandæque vitam & sanguinem, vbicunque opus foret, profusuros. His peractis, Muamedes rursus silentio multitudini imposito, ubi aliquandiu precanti similis genibus flexis stetisset, alta voce dixit:

Nunc, viri fortissimi, vos armis & animis ad pugnam accingite: certissimam
 30 victoriam in manu habemus. en illa quæ sæpe optastis: diuitiæ videlicet, decus, gloria, perpetua felicitas, in oculis sita sunt. Deus ea omnia vobis victoribus præmia posuit: virtus vestra, causa ipsa, & superiora omnia, vos magis, quàm oratio mea, hortari debent.

His dictis decem duces ex nobilioribus potentioribusque, & sibi affinitate iunctis multitudini præficit, eamq; in cohortes & centurias distribuit. Ducum hæc erant nomina: Vbequar, Omar, Ozmen, Alifre, Talaus, Azubeirus, Zadinus, Zaedinus, & Abuobeid. & sic Meccam instructo agmine perrexerunt. Quo audito, Meccæ magistratus exercitum contra eum misit: cum quo Muamedis copię congressæ, inferiores fuerunt. Quamobrem quatuor annorum spacio ab oppugnatione vrbs abstinuit: populos tamen interea semper suis concionibus, quas in agris & vicis habebat, ad seditionem accendens: quibus etiam inter Scenitas, qui Romanis Imperatoribus parebāt, motus quosdam excitauit. Deinde iterum viribus auctus, Meccæ oppugnationem frustra tentauit: & biennio post tertio eundem conatum irritum est expertus. Interea Heraclius Imperator Scenitarum iuuentutem ad seditionem spectare animaduertens, ut eam placaret, per speciem militiæ, magnam partem procul ablegauit. Regnabat tunc in Persia Cosdroes rex, qui Mauricij Cæsaris filiam nomine Mariam vxorem duxerat, & in eius gratiam sacri fontis lauacrum sumpserat: Christianorumque omnium, quamdiu socer vixit, amicissimus fuerat, atque in eosdem beneficis. Sed eo post à Phoca, qui ei in
 50 Imperio successit, proditione interempto, eorum qui tam nefarium hominem domini sui cæde pollutum, sibi principem constituerant, quasi illius sceleris & occultæ societatis reorum perfidiam detestatus, ut soceri necem vxore incitâte vlcisceretur, Heraclij (nam Phocas breui fuit interemptus) qui cum Italiam & Romanum Imperium vndiq; barbari vastarent, in ocio desidebat, ignauia audacior factus, in Imperij fines cum exercitu irrupit: & tota Asiæ ora quæ ad meridiem vergit, armis

subacta, Ægyptum ingressus Alexandriam occupauerat: & inde ulterius progressus, Carthaginem, & omnem Africam subegerat. Deinde prouincia præliis firmata, per Alexandriam reuersus, Syriam & Iudæam vastabat. Heraclius, à barbaro hoste tantis affectus cladibus, pacem petiit: qua non impetrata, potius coactus quam sponte, exercitum comparat: & Arabas istos Scenitas (cum quibus sunt qui velint Muamedem fuisse, & prælio, quo Cosdroæ res conciderunt, à milite quodam nomine Turco vulneratum fuisse) sibi adiungit: & cum Cosdroa multis præliis congressus, tandem eum vicit, adeò vt is ultra Tigranem fluuium fugiens, Medarsen filium (altero filio maiore natu, præclare indolis adolescente, qui Sirochis vocabatur, præterito) regni consortem declararit. Qua contumelia grauissimè irritatus Sirochis, occultè cum Heraclio conuenit, vt patre simul & Medarse fratre, quem pater sibi prætulerat, cum omni regia gaza proditis, deductisque præliis ex omnibus Rom. Imperij prouinciis, ipse Persarum regnum obtineret, paxque inter vtrumque Imperium esset: nec magis puduit Heraclium, Christianum videlicet principem regnum, quod iam tot præliis aduersis debilitatum, si victoriæ cursum sequi, & fortuna vti sciuiisset, in manu sua, rege præsertim fugiente habebat, parentis simul ac fratris impio nefarioque proditori tradere, & ignauam ignominiosamque pacem tanto scelere mercari: quàm barbarum illum & impium iuuenem, regnum sibi, tam nefario facinore parare. tantum in hoc valuit regnandi dira cupido, & in illo ocij desiderium. Itaque Cosdroas cum Medarse & vxoribus ex fuga retracti, in vincula conijciuntur: nec multo post ambo Syrochij iussu interfecti, fortunæ varietatis exemplum crudele fuerunt: quo moneri debent reges, quid ipsis in successore declarando sit cogitandum, ne fortioribus præteritis ignauiores eligant. Nulla enim acrior indignatio est, in feroci præsertim pectore, quàm virtutis a suismet contemptæ. Rebus igitur Persicis hoc fœdere pacatis, Syriaque & Hierosolyma reliquisque prouinciis Romano Imperio restitutis, ab hoc bello redeuntem Heraclium Muamedes regio comitatu & pompa stipatus conuenit, & regionem ad habitandum petiit, atque obtinuit. Cum autem militibus stipendium daretur, quererenturque Arabes se merito stipendio fraudari: quæstor imprudenter nimis atque arroganter, vix esse respondit, quod Græco & Romano militi daretur, nedum huic canum turbæ. Quæ verba alè in pectus demissa, ac sæpius inter sectæ principes gregariosque commemorata, breui toti ferè Christianæ Reip. exitio fuere, & adhuc in capita nostra illius iniuriæ vindicta redundat: tot sæpè mala ex vnus imprudentia oriuntur, cum præsertim viri fortes & milites iniuria afficiuntur. Hac enim contumelia ad iram accensi, Arabes in Syriam secessere, seque Muamedis affectis adiunxere. Quamobrem Muamedes his viribus auctus, quare Meccam summo conatu oppugnaturus petit. Perceperunt hunc conatum Meccæ magistratus: & ideo maiore quàm antea apparatu, & copiis, vniuersa penè ciuitas ad impetum hunc reprimendum ei occurrit: cum quibus ille ad Bredinū amnem prælio congressus, trecentis Meccæ patriciis, præter ingentem aliam multitudinē, cæsis, superior euasit, adeò vt eo prælio penè omnis Meccæ nobilitas fuerit extincta: sic Muamedes victor Meccam est ingressus: præsidioque imposito, Hunaimum cum exercitu petiit: eaque vrbe expugnata, prædam, quæ opima fuit, militibus diuisit. Inde Tharsum obsidione cinxit. qua vrbe per mensem frustra oppugnata, in Arabiæ interiora rediens, Itraripum siue Ietripum primò, deinde Medinam vrbe diuitibus Iudæis refertam occupauit: & præda militibus concessa, diripuit: Iudæos verò omnes qui tum ibi, tum in aliis Arabiæ locis erant, vt qui maximè ob diuinæ legis peritiam instituto suo aduersarentur, summo odio persequens, vndecim præliis penitus deleuit. Inde Itraripum reuersus, Azeibum Meccæ præfectum constituit, qui cum magna Arabum siue Saracenorum manu vrbe est ingressus. erat enim tunc Mecca, & adhuc est, totius Arabiæ, tum ob vetustatis opinionem, vt quæ ab Ismaele, vel Abrahamo ipso condita creditur, tum etiam ob magnitudinem vrbis populique frequentiam, nobilissima. Deinde rursus eodem anno Azeibo inde moto, Moadum, Gadelis filium, eidem vrbi præfecit: cū huiusmodi mandato, vt se humanis exempto legem suam tueretur,

tueretur, & à populis seruari curaret: interea verò Meccensibus ius diceret. Rebus in hunc modum constitutis, Tambicum castra mouit: ibique templum condidit, quod adhuc visitur. Inde Zalidum & Melidum legatos suos, cum copiarum parte contra Alozaidam, Almathaliphi filiū, Aliendeli regem misit: quem illi armis victum, veſtigalem fecerunt: & sic Arabia tota subacta, Eubocaram, dum ipse Itrari-ripi ageret, cum exercitus parte Meccam ire iussit: & ut neminem in ea viuum relinqueret, aut aliunde venientes, nisi qui suæ legi parerent, ac doctrinæ acquiescerent, ingredi pateretur, iniunxit. volebat enim Meccam quemadmodum effecit religionis atque imperij sui sedem esse. Itaque Mecca breui tempore iis tantum qui Muamedem colerent, est repleta: nec sola Mecca, verum etiam Arabia tota eius errores (ut sunt illi populi naturâ creduli, & rerum nouarum admiratores) est amplexa. Deincepsque omnes qui se ei sectæ dederent, tum quod ex Sarracenorum gente is error esset ortus: tum etiam Muamede, ut ipsis omnia à Deo promissa viderentur, quæ in Sacris literis Abrahami posteris promittuntur, sic persuadente, Sarraceni sunt appellati. Quo rerum successu elatus, legationes ad vicinos reges misit: quibus monebat eos, ut & ipsi religionem hanc amplecterentur, cum literis argenteo signo, cui hæc verba erant impressa, *M V A M E D E S D E I N V N C I V S*, obſignatis: nempe ad Cæsarem Constantinopolitanū, ad Persarum, Ægypti, aliosque reges. Postea creauit quatuor tribunos militum, vulgò Admirantes appellatos, quibus singulis multos duces & centuriones attribuit: eosque quatuor acutos Dei gladios nuncupauit, & iussit diuersos in quatuor orbis terrarum partes ire, ac omnes qui legem suam non amplecterentur trucidare. Quorum hæc erant nomina: Ebubezer, Omar, Ozmenus, & Ali Salutalebi patruus ipsius filius: cui etiam Fatemam, suam ex priore coniuge priuignam, vxorem dederat. Ex quibus Ebubezer, ab aliis Vbequar, aliis Bubacus vel Eubocara appellatus, Muamedis focer, Palæstinam petiit: ibique oppidum Muchea nomine oppugnauit, cui Theodorus Begarius Cæsaris nomine præerat. is viribus suis collectis, repente Sarracenos tanto impetu est adortus, ut multis ex illis cæsis, reliqui fuga sibi consuluerint. Quo tempore, 3. Idus Martij, obiit Muamedes: Anno salutis Christianæ *D C X X X V I I*. cum decem annos reguasset, atque in domo Aissæ coniugis Medinæ, eo ipso in cubili in quo quiescere solebat, absque vlllo regio ornatu, corpore solummodo triplici candido panno inuoluto, ferrea in arca conditus fuit: ubi post templum magnificum latericio opere extruxerunt propinqui eius, & fornecem in eo magnete lapide ita crustatum fecerunt, ut arcam in qua Muamedis corpus iacet, sublatam pendulamque sustineat, ex quo locus is à toto Oriente magna religione colitur. Tradunt illum, dum exularet à patria, in Mauritaniam Tingitanam semel peregrinationis gratia profectum, in Hispaniam quoque traiecisse. Sed cum intellexisset, Isidorum episcopū sibi insidias parare, mox inde recessisse. Moriens autem Muamedes Alim generum successorem suum declarauit: & Califam, id est, pontificem sectæ suæ esse voluit, ei que vnà cum filia corporis sui curam commisit. Sed Eubocara focer id vetuit, æquum esse inquiens, ut cum Muamedes apud se decessisset, suoque fauore & opibus quæcunque adeptus erat, acquisiuisset, ipse ei succederet prior. Cui Alis se opponere non potuit, quia potens erat, adhærebantque illi Homar & Ozmenus propinqui ipsius, viri fortes, & factione pollentes: qui cum ad se quoque, quod Muamedi rebus gerendis semper adfuisſent, regni administrationem iure spectare arbitrarentur, malebant Eubocaram, qui senex erat, & ipsis sanguine iunctus, regnare, quàm Alim iuuenem; qui tam diu regnare poterat, ut ipsis nulla regni post illum obtinendi ex naturæ ordine spes relinqueretur, & nulla ipsos sanguinis affinitate contingebat. Quamobrem Eubocara Muamedicæ sectæ pontifex creatus est: qui statim cum ingenti exercitu finibus suis egressus, Romanum præsidium fudit: & victor in Arabiam rediens, regni sui anno tertio non expleto, nec sine veneni suspicione, mortuus est, & prope Muamedem absque regio ornatu conditus. Huic successit Homarus, quem eius propinquum fuisse diximus. Hic Bosram, totius Arabiæ caput, cum multis aliis expugnauit, & Gabatam usque cuncta subegit: quo Sarracenorum successu vehementer commotus

Heraclius, Theodorum fratrem cum magno exercitu contra eos misit. Qui cum
 Homare prælio congressus & victus, Emessam confugit. Quo tristi nuncio acce-
 pto, Heraclius Baanem cum maioribus copiis ad eandem expeditionem misit. qui
 cum prope Emessam castra haberet, Sarracenos in se impetum facientes fudit, ad-
 eò ut illi in Damascenorum fines concesserint: & castris ad Bardanes fluuij ripam
 positis, tam validis excursionibus vicinos agros populabantur, ut nemo reprimere
 eos posset. Quamobrem Heraclius viribus suis diffusus, & sibi, si diutius in ea
 prouincia mansisset (erat enim tunc Hierosolymis, unde post Persicum fœdus
 nunquam discesserat) timens, preciosis omnibus Hierosolymitani templi orna-
 mentis secum, ne barbaris prædæ essent, acceptis, Byzantium rediit. Sequenti ve-
 rò anno Sarraceni Damasco castra admouerunt. qua re motus Baanes, qui eam
 urbem Cæsaris præsidio tenebat, Theodorum Sacellarium, iterum Cæsatis in As-
 syria legatum, ut sibi cum copiis auxilio veniret, rogauit. quod cum ille facere pro-
 peraret, à Sarracenis in itinere fractus fuit. milites verò, qui cum Baane erant, du-
 cem summa cum potestate habere cupientes, eum Imperatorem salutârunt: sed
 qui cum Sacellario Sarracenorum ex pugna manus euaserant, Heraclio fidem
 seruare volentes, abiuerunt. Baanis milites numero quatuor millia erant, & Sa-
 cellarij ferè totidem. Hoc igitur dissidio, quod inter Romanos milites ortum erat,
 cognito, Sarraceni promotis castris Romanos sunt adorti. cumque ventus aduer-
 sus Romanorum aciem spiraret, qui in sicca & sabulosa regione puluerem attolle-
 bat, quo Romanis & oculorum vsus, & respirandi facultas adimebatur, Sarraceni
 hac occasione vsi, eos fuderunt. qui per præcipitem viam fugientes, penè omnes
 in Ermeta amne submersi interierunt. Qua victoria elati Sarraceni, Damascum
 petierunt: eaque vrbe expugnata, totam Phœniciam subegerunt. Deinde cum ex-
 peditionem in Ægyptum molirentur, id audientes Romani, qui eam prouinciā
 obtinebant, Cyrum episcopum Alexandrinum sibi ducem constituerunt: qui le-
 gatis ad Sarracenos missis, pacem ab illis ducentis aureorum nummum millibus
 in singulos annos promissis impetrauit. Et sic trium annorum spacio nullam ab
 eis molestiam acceperunt. Sed Heraclius ea recognita, hoc fœdus sibi ignomi-
 niosum ratus, Cyro Byzantium reuocato, Emanuelem Armenum Ægypto præ-
 fecit: qui apertè promissam à Cyro pecuniā Sarracenis denegauit. Quare illi
 vehementer indignati, in Ægyptum cum maximis copiis irruerunt: Emanuel
 verò cum paucis se Alexandriam recepit. At Heraclius, serò fidem etiam hosti-
 bus seruandam suo malo edoctus, cum vires ad bellum contra tam validos hostes
 gerendum nō haberet, Cyrum ad Sarracenos misit: quò, si fieri posset, eos ita mi-
 tigaret, ut deductis ex Ægypto copiis priori fœderi stare vellent. Cui id eis persua-
 dere satagenti, Sarraceni responderunt, Num marmoream columnam deuorare
 posset? quòd cum ipse fieri posse negaret: non magis se Ægypto discedere posse di-
 xerunt. sic præsidiis Romanis pulsīs, eam prouinciā occuparunt. Deinde Homar
 Hierosolymam petens, eam valida obsidione cinxit: & duorum annorum spacio
 obsessam, tandem deditione cepit. qua occupata, facile Assyriam vniuersam suo
 subiecit imperio. Postea vnum ex suis ducibus nomine Iaidum, cū magna copia-
 rum parte in Mesopotamiam misit: cui tum prouinciæ Cæsaris nomine præerat
 Iohannes cognomento Catea, qui Ozroenæ sedem habebat. Hic Iaido, mille auri
 pondo in singulos annos, modò ne Mesopotamiā ingrederetur, promissit: ac Ede-
 ssam profectus, ei, Cæsare inscio, prioris anni vectigal misit. quo cognito Heraclius
 eo in exilium relegato, Ptolemæum equitum magistrum Mesopotamiæ præfecit.
 Iaidus verò, ubi id rescivit, Euphrate fluuiio traiecto, Ede ssam urbem obsidione
 capit: deinde Constantiam & Baram diripuit, Mesopotamiāq; vniuersam sube-
 git. Et Muauia Ægypto, ubi Cairum oppidulum prope Memphis ruinas ædifica-
 uit, & communiuit, ac prouinciis omnibus inter Nilum & Euphratem amnes si-
 tis, præposito, in Arabiam rediit. Post duos annos Sarraceni Persas iam tot aduersis
 rebus debilitatos bello petierunt. In Perside, ut supra diximus, Syrochis Cosdrex
 successerat: eiq; intra annum defuncto, Adhiseris filius: quo breui extincto, Persæ
 Hormisdam sibi regem creauerant: qui in pugna contra Sarracenos periit. & sic
 Persæ

Persæ acie victi, non solum imperium, sed nomen etiam amittere, Sarraceni deinceps, pro Persis appellati. Petride occupata, Homar populos suum agnoscentes imperium recensuit: & Hierosolymis habitauit, ibique templum Muamedis edificauit: post regni sui anno decimo, à Persa quodam seruo suo, nomine Almigira, submisso, dum precaretur, fuit interfectus. Fuit Homar vir bellicosus & ferox, ut innumera bella ab illo gesta, & prouinciæ subactæ testantur: nec minus prudens, quam fortis. Muamedis scripta colligi, & in vnum volumen componi curauit: & in eos qui eum labore sumperunt, liberalissimus fuit. Nam Muamedes, cum esset literarum prorsus ignarus, nullum volumen confecerat: sed ut quæque res in mentem veniebat, eam per hunc aut illum ex suis familiaribus in schedula excipi iubebat: ex quo factum est, ut eorum quæ prius scribi iussisset, oblitus, sæpe pugnantia diceret. Hic etiam primus legem tulit, ut in omnibus templis (Mescitas ipsi vocant) per totum Septembrem mensem supplicationes fierent, his peractis, totum Muamedicæ legis volumen publicè legeretur. Erat Homar statura procerus, colore subfusco, capite caluo, barba minimè densa, & albicante: sepultus & ipse fuit prope Muamedem. Sed priusquam moreretur, sibi ex vulnere moriendum sentiens, successorem eligi voluit Ozmenum: qui & ipse Muamedem in rebus omnibus iuuerat, eiusque gener bis fuerat. duas enim eius filias uxores duxerat: quæ tamen ambæ Muamede viuentis sine liberis decesserant. ad quod eum largitio iuuat. nam Homaris pecunia ab eius ærarij præfecto accepta, eam vnà cum paternis bonis in milites distribuit. Fuit igitur tertius post Muamedem pontifex creatus Ozmenus, qui sequenti anno maximū exercitum Hucba duce in Africam aduersus Gregorium patricium, qui impetum in ea prouincia occupauerat, misit: eoque acie victo, & Carthagine deleta, totam illam prouinciā Sarraceno subiecit imperio. sed post repentinum aliquod bellum, ab Europa, si Carthagine moraretur, metuentes, Tunetem urbem in interiore Goleræ sinu sitam, se transtulerunt: ibique sedes aliquantisper ponentes, eam valde auxerunt. Verum post mandato ab Ozmeno, ne vlla maritima loca incolerent, quia sic cum Imperatore conuenerat, accepto, xxxvi M. P. à mari & circiter centum ab Tunete recedentes, urbem sibi condiderunt, Cairoanum appellatam. Deinde tertio huius regni anno Muauias, quem Ægypto præpositum fuisse diximus, cum mille & septingentarum, vel (ut alij volunt) cum septingentarum nauium classe Cyprum petiit: & vrbe nobilissima Constantia capta, totam insulam populatus est. Sed Carcozirim, Constantis Cæsaris ministrum, magna cum classe aduentare, certior factus: inde, ne quid incommodi pateretur, recedens, urbem in eadem insula Aradum appellatam, frustra oppugnauit: mox Damascum in hyberna exercitum reduxit. Interea Ozmenus schedas Muamedis ab Homare colligi iussas, in meliorem ordinem redigi, in capita distribui, ex iisque librum qui Alcoran siue Alfurcam vocatur, componi curauit, in quo omnia Muamedicæ sectæ dogmata & instituta continentur. Vere postmodum redeunte, Muauias maiore quam antea classe, Aradum Cypri urbem petiit. quam post multas oppugnationes tandem cepit: & incolis, quocunque vellent, sine alia iniuria abire iussis, penitus deleuit, atque insulam vniuersam habitatoribus spoliavit, vastauitque. Eodem quoque tempore alius Sarracenorum exercitus Busirro duce, in Isauriæ regionis fines irrumpens, regionem totam ferro flammaque vastauit: & quinque mortalium millibus ex ea in seruitutem abductis, domum redierunt. His tot tantisque cladibus acceptis, Constans Cæsar duorum annorum inducias à Muauia petiit: quibus non impetratis, dum Muauias ingentem classem aduersus Romani imperij prouincias apud Tripolim Syriæ urbem parat, duorum fratrum virtute conatus ille aliquantisper irritus est factus: qui carceribus, in quibus ingens Christianorum numerus erat, effractis, omnes in libertatem vindicarunt: adeo ut repente impetum in Sarracenos facientes, innumeros ex illis ceciderint. & reliquis fugatis, victores ad naues accurrerunt: ex quibus, iis sumptis quæ ipsis erant necessaria, reliquas incenderunt, & ipsi in Thraciam venerunt. Sed Muauias nihil hac clade terditus, aliam maiorem classem comparauit & instruxit, cum qua Phœnicem Lyciæ portum petiit, vbi Constans cum classe erat: eumque adortus, tantam Romanorum

stragem edidit, vt mare illorū sanguine ruberet. Constans verò vili veste indutus, paruo nauigio cū paucis Byzantium fugit. qua victoria elatus, Muauias Rhodum cepit: & Solis colossū, quem Plinio authōre Chares xii annorum spacio trecentis talentis fecerat, demolitus est: cuius statuae æs à Iudæo quodam Emeffano emptum, noningenti cameli extulerunt. Neque hanc solū statuam, quæ septuaginta cubitorum erat, inde Sarraceni tunc asportarunt, verū etiam innumeras alias: nam Plinius præter hunc Solis colossū, septuaginta tria millia signorum & centum colossos ea in insula fuisse testatur. Rhodo autem populata, per Ægæum delati, pariclade Cycladas affligerunt. Hoc ipso etiam tempore Iaidus, alterius Sarracenorum exercitus dux, Armeniæ fines ingressus, ad Caucasum montem 10 vsq; omnia depopulatus est. & Muauias Rhodo reuersus, classem in Siciliam misit: quæ illam ferro & igni totam vastauit. cum qua cōgressus Olympius Italiæ exarchus (sic enim tunc vocabantur, qui pro Constantinopolitano Cæsare Italiam prouinciam gubernabant) cruentissima victoria adepta eos expulit: qua pugna defatigatus, in morbum incidit, quo paulo post obiit. Ipse autem Muauias terrestri exercitu comparato, in Cappadociam ad Cæsaream eius prouinciæ caput oppugnandam duxit. Sed prius quàm aliquid memoria dignum ibi gerere possit, Ozmeni Califæ morte audita, quia illi succedere cupiebat, exercitum reduxit. Ozmenius duodecimo pontificatus sui anno, Sarracenorum, qui Ali Califam volebant, turba domum, vt ipsum interficeret, obsidente, sibi ipse mortem consciuerat, ne in illorum manus veniret. Hic annulum Muamedis, quem omnes Califæ ante ipsum gestauerant, casu quodam amisit. aliumque item argenteum sibi comparauit, in quo hæc verba scribi iussi: Ô PERTINACES, Ô POENITENTES. Colore erat albus, aspectu grauis & humanus, barba prolixa, statura mediocri: fuitque semper, & antequam sectam hanc amplecteretur, & post, multitudini charus. ex mercatura magnas sibi diuitias comparauerat: quamuis semper liberalis, imò magnificus fuerit: quas (vt diximus) post militibus, vt pontificatum adipisceretur, elatgitus erat. Vixerat annos LXXXVII. noctu sine vlla pompa sepultus est, quia se ipse interfecerat. Itaq; eo defuncto, magna inter Sarracenos de nouo pontifice eligendo est orta cōtentio: alij enim Alim volebant, alij Muamadū Ozmeni 30 filium, alij Muauiam. Sed Alis armis contra Muamadū obtinuit, adeò vt omnium præterquam Muauicō consensu, pontifex crearetur. Muauias verò militibus Ægyptis atque Assyriis, quos secum tot bellis exercitatos habebat, fretus, arma contra eum, Ozmeni cædis vlciſcendæ causam prætexens, mouit: & cum vterque cum exercitu ad Euphratem fluuium venisset, Muauias rei militaris peritior, & qui militem veteranū haberet, castra prope amnem & Babylonem urbem vallo ac fossa cōmuniuit sic, vt neq; ad pugnam cogi posset, neq; aqua (cuius in ea regione magna est penuria) & commeatu destituerentur, ac nullus impetus à tergo esset metuendus: cum interea Alis exercitus magna aquarum penuria laboraret. eo modo per vndecim menses militem intra castrorum munimenta continens, leuioribus 40 tantum præliis rem gerendo, hostem fatigauit: donec tandem sacerdotibus & aliis Muamedicæ legis peritis intercedentibus effectum est, vt causa tota duorum senum iudicio permitteretur. hi autem fuerunt delecti, ab Ali Alascates, ab Muauia Alascius: qui cum Algendelum oppidum, in quo de tota causa cognoscere debebant, venissent: alter ex illis Alim pontificatu deponendum, alter verò eo dignissimum esse censuit: quamobrem re per eos nec ritè diiudicata, nec composita, Alis & Muauias in castra quisque sua redierunt: nec desierunt excursionibus crebris se mutuò vtriusque partis milites interficere, & agros populari, donec tandem Alis in templo quodam prope Cufam Arabiæ urbem Muauicō infidiis trucidatus fuit, ibique sepultus: & ob id nunc locus ille Massadale, id est, Alis 50 domus vocatur. Is in annulo hanc habebat inscriptionem: CORDE SINCERO DEVM DOMINVM VENEROR. Corpore brevis erat, barbam habebat prolixiā, brachiaq; & crura villosa, in incessu nunquam oculos attollebat. Ali mortuo, Cufæ & Arathæ ciues Alhacemum, eius ex Fatema coniuge, Muamedis filia, maximum natu filium, pontificem creârunt: qui auum maternum forma omnino referebat.

referebat. Hic exercitu contra Muauiam ducto, quum acies ambæ ad pugnam instructæ, fronte opposita starent, siue prælij euentum metuens, siue (vt alij tradūt) naturæ bonitate victus, ne tanta humani sanguinis strages sua causa ederetur: Muauiam supplex adiit, eumq; superiorem agnouit. sic pace inter eos facta, simul Cusam petierunt: & magna ibi accepta pecuniæ vi, Ietribum iuerunt, vbi Muauias Alhacemum propria manu regio diademate ornauit, regemque appellauit, quia non diu victurum sciebat. Nam sexto pontificatus sui mense nondum expleto, veneno quod illi Muauias dederat, obiit. Symbolum eius, quod in annulo gestabat, fuit: SOLVS DEVS POTENS EST. sic Muauias solus æmulis sublati regnauit.

10 Rebus in hunc modum constitutis, in Imperij Romani fines irrupit: sed post Constantio petenti pacem, dedit, ea lege, vt quotidie ab eo decem auri pondus, & seruum cum equo acciperet. Damascus his temporibus Sarracenorum Imperij sedes & caput erat. Verum in tanta felicitate, orta sunt inter eos dissidia, ob religionem ex Muamedis rescriptorum varietate & repugnantia. Persæ namque iam (vt diximus) Sarraceni facti, longè diuersa ab iis qui in Syria erant, Homaris Alcoranum sequentibus dogmata habebant. quamobrem Muauias exercitu in Persidem ducto, sectam illam depressit, & suam quæ Syria vigeat extulit: constituitque, vt suæ sectæ militibus ducenti denarij in singulos dies numerarentur, Persis verò solum triginta. Deinde Ciliciæ fines ingressus, totam ferro flammâq;

20 vastauit. Cumq; Damascum rediisset, Sapor locorum, quæ adhuc Romanum Imperium in Perside agnoscebant, Prætor, qui ab Imperatore defecerat, Sergium equitum magistrum ad eum misit, rogatum, vt se ad Cōstantinopolitanum Imperium occupandum iuuaret: quo hæc cum eo tractante, venit pariter ad Muauiam Andreas Cæsaris minister, magna & ampla dona promittens, si Saporis rebus non fauisset. quibus Muauias respondit: cum vtrumq; pro hoste haberet, se illi auxilio futurum, qui plus dedisset. atque sic Sergio maiora dante, fœdus cum eo iniit. Andreas verò discedens, Sergium in Persidem redeuntem insidiis structis cepit, & in crucem sustulit, eo cui fides data erat sublato, Muauiam retentis munerib. se promissis solutum cauillaturum sperans: sed maior fuit in barbaro fides, quàm Græcum ingenium capere posset. Muauias enim fidem sine fūco seruare volens, Arabicas copias Fadala duce Saporis auxilio misit: eoq; equi casu mortuo, Fadalæ supplemētum Iazido filio suo duce, quo cœptum bellum sustinere posset, dedit: quibus copiis Chalcedon valde afflictæ fuit, & Armaria Phrygiæ ciuitas capta: ac quinque millium Sarracenorum præsidio imposito, quia hyems instabat, in Syriam cum exercitu redierunt. Interea Cæsar, quamuis hyems iam adesset, omniaque niuib. tecta essent, Andream cum parua manu ad præsidium illud pellendum, & Armariam recuperandam misit. Itaque Græci scalis repenti ad mœnia applicatis, absque vllō impedimento in ciuitatem irruerunt: & Sarracenos, qui nihil tale suspicantes, cum ingens esset frigus, domibus inclusi erant, vt tot clades

40 ab illis acceptas vlcerentur, omnes trucidarunt. Postea Constantio qui in Italiam ex Græcia, & Romam profectus, vbi omnia diligenter circumspexit, ad prædam cōuersus, quicquid antiqui operis fuit ex ære aut marmore, & quicquid oculos delectare potuit, sublatum, & in naues delatum Neapolim primum, ac inde Syracusas in Siciliam secum trāstulerat, adeò vt plus ornamentorum ipse septem dierum spacio, quam tot barbaræ gentes CCLVII annorum (tot enim à Romani imperij prima inclinatione intercesserant) vrbi detraxerit. ibi dum tributum Italiæ vrbibus & insulis imperatum (quod tam auarè & crudeliter exactum fuit, vt multi fortunæ simul & cōiugibus ac liberis spoliarentur) molliter & libidinosè vitam agens expectat, à suis met trucidatur: cui Constantinus filius in imperio successit: quæ imbellem videntes Sarraceni, classē occultè comparant, Thraciam & Græciam, si quid Byzantij tumultuatum esset, inuasuri. Verum quia pacata ibi erant omnia, in Siciliam Romanorū tunc & totius Italiæ spoliis refertam impetu facto, Syracusas, quæ nullo præsidio tenebantur, repentina vi ceperunt. Cumque ibi ob Italiæ propinquitatē tutò esse non possent, Romanæ vrbis ornathētis omni-que Syracusanagaza nauibus imposita, opima præda onusti Ægyptum repetunt.

Non defunt tamen, qui tradant, Constantinum Constantij filium patris ex deau-
 ditam in Siciliam nauigasse, & spolia inde Byzantium asportasse. Post alius Sarrace-
 norum ingens exercitus Africam ingressus, incredibili successu omnem mariti-
 mam oram (nam mediterraneorum iam magnam partem possidebant) octingen-
 tis mortalium millibus in seruitutem abductis, populatus est: ab alia parte Muauias
 maximum exercitū Muamado & Caise ducibus emisit, qui Lydiam & Ciliciam
 Romanorum prouincias subegit. Ac paulo post, ut Byzantium oppugnare posset,
 huic alium Sæuo duce submisit: quo priori coniuncto, Byzantium ambo petunt,
 obsidioneque cingunt. His classem etiam ingentem addidit, quæ ab Hebdomi oc-
 ciduo promontorio ad Cyglobium omnia cingebat: ac sæpius oppugnatione ten-
 tata irritus illorum conatus fuit. Durauit hæc obsidio à mense Aprili ad Septem-
 brem. Inde Cyzico vrbe capta, eò in hyberna concesserunt. Vere deinde incun-
 te, rursus in aciem produnt: sicque multis illatis & acceptis cladibus bellum hoc
 circa Byzantium in septimum annum productum. Tandem verò Christiano-
 rum rebus prosperè cedentibus, multis militibus atque etiam nauibus amissis, de-
 iecti animo, inde cedebant, cum tanta eos tempestas in mari corripuit (erat enim
 hyems) ut nauibus ad Chæm Ægæi maris insulam fractis, magna illorum pars
 submersa perierit. ac fortuna tunc mirum in modum Christianorum rebus fa-
 uente, paulo post Constantinus cum Susia, Muauie nepote, prælio in Asia feliciter
 commisso: & trecentis Sarracenorum millibus in eo cæsis, eos sibi vectigales fe-
 cit: fœdere cum eis per Iohannem Pizigaudam patricium, quem ad hoc in Ara-
 biam ad Muauiam Cōstantinus misit, in triginta annos his legibus icto, ut Roma-
 norum Imperatori quorannis auri pōdo ter mille, octonos seruos, totidemque præ-
 stantissimos equos tributum nomine darent: & præterea ex captiuis Christianis, qui
 apud eos erant, quinquaginta, quos Cæsar petiuisset, libertate donarent. Fuerunt
 autē & alia, quæ Sarracenos ad hoc fœdus impulerunt. Nam his cladibus in Syria
 cognitis, quidam Sarracenicarū nauium præfectus, Calinicus nomine, animo ex
 illorū aduersis rebus sumpto, naues omnes quæ ibi erant incendit, & post Byzan-
 tium confugit. Et in Ægypto quoque eadem fortuna res illorum afflixit. Pestilentia
 enim tantopere ibi tunc sæuiit, ut Sarracenorū genus in ea prouincia penè extin-
 ctum fuerit: & Constantinus paulo antè, ut conatus illorū quauis ratione reprime-
 ret, consilio non satis prudenti Caucaasia claustra, ab aliis Caspia errore dicta (quæ
 ab Alexandro magno occlusa veteres semper, montanorū, simul ac Septentriona-
 lium populorū ferocitatem metuentes, magis clausa & septa voluerant, vnde post
 Turcas egressos ferunt) aperuit: & populos quosdam intra eos montes latentes,
 Mardaitas appellatos, euocauerat, qui speculis omnibus montiū à Tauro, qui ho-
 die Maurus dicitur, ad Libanum occupatis, Sarracenis formidabiles facti erant.
 quibus enim graue erat Sarracenorū iugum, omnes se ad hos in montes transfe-
 rebant: & inde crebris excursionibus subiectos agros populates, omnia illis in
 festa reddebāt: quibus tot tantisque cladibus Arabum vires valde imminutæ erant:
 vnica tantū illis classi reliqua, quæ tunc Fadala & Cadallo duceb. Cretam vastabat.
 His autē successib. visa est non nihil Ro. Imperij maiestas reuirescere. Sed Muauias
 pace, quæ Christianis perniciosissima fuit facta (tunc n. poterant Sarracenorū iam
 ita fractæ & conquassatæ vires, si non magis præsens ocium, quàm diuturna Reip.
 tranquillitas, quæ nulla ratione diuturnior tutiorque cū barbaris, quàm perfecta vi-
 ctoria paratur, Cæsari tunc cordi fuisset, penitus opprimi ac deleri) vires aduersus
 Mardaitas conuertit: iisque de speculis illis & montibus quos insederant deiectis ac
 deturbatis, ad religionis suæ, in qua iam multæ sectæ erāt obortæ, cōtrouersias cō-
 ponendas animum applicuit. Ideoque concilium suæ sectæ indixit, ad quod edicto pro-
 mulgato doctos omnes, qui uel aliquod Muamedis aut superiorū pontificū rescri-
 ptū haberent, suum agnoscentes imperiū, venire, & scripta secū adferre iussit. Ce-
 lebratus hic cōuentus exitiabilis fuit Damasci. cumque ibi ob sententiarū pugnan-
 tium varietatē nihil statui posset, sex omnium sapientissimos ex eo numero cōi con-
 sensu seligi iussit: & sic delecti fuere Mulcin^o, Boarius, Auora, Anæcius, Atermin-
 dus & Dauid. his in vnam domū, cum omnib. scriptis quæ allata fuerāt inclusis, ut
 singuli

- singuli ex illis scriptis omnia Muamedis facta & dicta, quæ verisimilia viderentur, in vnum volumen colligerent, iniunxit. Cumq; illi sex volumina fecissent, reliqua omnia scripta in flumen proici curauit: quæ tot fuerunt, vt illis ducenti cameli fuerint onerati. Deinde lege lata grauem eis pœnam proposuit, qui secus crederent, facerent, dicerentve, quàm in iis sex Alcoranis præscriptum esset. Ex quibus sex voluminibus ortæ sunt postea quatuor Sarracenorum sectæ, quæ Melici, Asafij, Alambeli & Buanifi vocantur. Afri enim, Melici: Arabes & Damasceni, Asafij: Armeni & Persæ, Alambeli: Alexandrini & Assyrij, Buanifi. In Cairo verò, maxima Ægypti vrbe, omnes sectæ, nemine repugnante, vigent. His peractis Muauias
- 10 Damasci, vbi sedem habuerat, obiit: ibidemq; sepultus fuit. Hic primus Sarracenorum ducum, vnà cum Ozmeno, Homare regnante, Romanas prouincias cum exercitu est ingressus: primusq; imperij Sarracenici fines ad Occidentē, in Ægyptum scilicet atque Africam, ad Orientem in Mesopotamiam, & ad Septentrionem in Asiam promouit, & primus sibi certam regiamq; sedem constituit Damasci: cuius vrbs ager omnem alium vbertate, cœliq; temperatione superat, & feruis regio more, atq; eunuchis, qui coram se aperto capite starent vsus est. fuit enim vir prorsus militaris, & in rebus gerendis prudens: colore albus erat, facie iucunda & graui, oculis varij coloris, statura mediocri, barba semper nigra: quia vbi canescere cœpit, tingebat. Vixit an. LXXVII. regnauit XXIII. Sigillum gestabat cum
- 20 hoc symbolo: Ô DEVS IGNOSCE MIHI. Literas nullas, & ne scribere quidem norat: cum tamē magno esset alioqui ingenio. vnde ferunt Muamedem aliquando in conuiuio (vt coram hominibus solebat) orantem dixisse: ô Deus doce Muauiam scribere & numerare, eundemq; à periculis libera. quibus verbis vir callidus, qui Muauia ingenium acre & ferox norat, duo voluit indicare. Primū, illud, si aliquid literarum didicisset, potuisse sectam suam vehementer adiuuare, nam qui scribere norunt, ij etiam legere possunt, & inde prudentiores fieri. Deinde, quia ob ferocitatem multis sese periculis obiecturum videbat, numerandi artem ei à Deo precabatur, qua tempora metiri & obseruare posset, occasionesq; rerum gerendarum captare. eandemq; ob causam à Deo, vt eum periculis
- 30 eriperet, petebat: sed viro per se & natura callido, nihil his opus fuit. Muauia defuncto, statim Iezidus eius filius, pontifex & rex fuit salutat: qui nihil admodum memoratu dignum gessit. erat enim ocio & luxui deditus, nec corpore satis firmo: nisi quod multos ex Arabum nobilitate interfecit: sororē suam libidinosē adamauit, & literis atque pœtice delectabatur, multaq; carmina faciebat, legis Muamedicæ & cuiusvis religionis maximus contemptor. hoc regnante, Mutar, quem ipse Persidi prouinciæ præfecerat, eius ignauia cognita, se vatem esse prædicans, tyrannidem in ea inuasit: ab eoq; Persarum reges, qui hodie Sophi vocantur, originem ducunt. Iezidi symbolum fuit: DEVS EST MEVS DOMINVS. regnauit annos tres: obiit autem Arrani, ætatis suę anno XL. cū paulo antè Cusæ ciues Hocemum,
- 40 Alis filium, pontificem creaturi vocassent: quem Abdalamus, Iezidi filius, in Carbalensibus campis prope Cusam insidiis oppressum interemit: ibiq; sepultus fuit. in cuius rei memoriam, ad eius sepulchrum vrbs postea fuit condita Carbala, de cāpi in quo est nomine appellata. Hocemus duodecim filios mares reliquit, Zeinalum videlicet Abadinum, Zeinalum Muamedem, Baguerū Muamedem, Giafarum Cadenegum, Giafarum Musam, Cazinum Musam, Hali Muceratium, Alle, Muamedem Taguinum, Muamedem Halinaguinum, Alle Hacemum Asquerinum, Hacemum Muamedem Mahadinum. qui variis in locis sepulti sunt, nempe alij prope Muamedem abauum, alij Bagadati, alij Herini: solum Muamedem Mahadinum Persæ nondū obisse dicunt, quem equo insidentē ad legem cunctis
- 50 gentibus declarandam venturum, & omnes gentes conuersurum, id autē in Masfadale vrbe, vbi Ale aui eius corpus iacet, incoaturū aiunt. Ideoq; semper ibi equū pro illo paratum habent: quem, cum sacra fiunt, facibus accensis ad templum deducunt: & quodam anni die apud eos solenni hunc equum quanta maxima possunt pompa ad templum, in quo Ale sepultus iacet, ferunt, rogantes eum, vt hunc suum nepotem, quē ipsi expectant, quam certissimē mittat. is dies magno vndiq;

mortalium cōcursu celebratur. Itaq; Hocemo interfecto, & Iazido mortuo, Mar-
uanus quidam pontificatus adeptus, qui non plus q̃ nouem menses regnavit:
quoniā Abdalamus, Iazidi filius, eum regno expulit, eoq; annum vnū ipse potitus
est. quo tempore Arabes cōcilio in Cufa interioris Arabiæ vrbe habito, Abdimeli-
cū pontificem creârunt et tum iuuenem: aduersus quem motus excitauit etiā qui-
dam alius, nomine Dadacus. Sed Abdimelicus Ciafam consanguineū suū ad Ab-
dalanū persequendū misit (erat Abdalanus ex Eubocarē stirpe oriundus q̃ stirpem
Arabes Maraunionā vocant) & vt ex iis quæ narrata sunt patet, multos annos per
vim pontificatus obtinuerat: ideoq; Sarracenis qui Alis stirpē, quæ à Muamede
recta ferè linea originem trahebat, magis amabant, erat inuisa. Abdimelicus verò
ab Aligenis ducebat, quod illi Abazionē vocant: ipse verò Abdimelicus cum al-
tero exercitu Dadacū est persequutus. Abdalanus tunc fortè in Mesopotomia no-
uum Califam ibi exortum deleuerat, & cum exercitu victor Damascum redibat:
cum eum Ciafas ad Euphratem fluuiū offendit, & commissio prælio cruenta victo-
ria est potitus. Damascenus Califa Abdalanus, Damascū confugit: vnde ibi, quia
tyrannicè imperiū exercuerat, non admissus, Cairum tunc non magnam urbē ad
Nilū, non procul ab Memphiticis amplissimæ urbis ruinis sub Homare à Muauia,
vt Nili transitū in sua potestate haberent, cōditam, & præsidio munitam, q̃ post ita
creuit, vt nūc inter maximas orbis terrarū vrbes numeretur, petiit: vnde quoq; à præ-
sidio quo tenebatur exclusus, atq; à suis omnib. ob sæuitiem, qua in secunda fortu-
na vicissitudinis hamanæ parū memor, vsus fuerat, desertus, in Græciam nauigare
cum vnico seruo voluit: sed ventis in insulam quādam, in qua notus erat, delatus,
ibi trucidatus fuit: & sic Caliform, qui Damasci regnauerant genus interiit. Cia-
fas verò Damasco potitus, Iazidum Califam iam ante multos annos sepultum ex-
trahi, eiusq; ossa cremari, & cineres in flumen projici iussit: & in omne genus Ma-
raunium ferro ac flamma sæuiit, cadauera illorum feris dilaceranda projiciens, vt
Hocemi & aliorum ex Abazia familia ab ipsis intersectorū iniurias vlcisceretur.
erat tunc quidam ex Maraunia stirpe homo diues & potēs, nomine Abedramon,
cuius maiores Damasceni Califæ fuerant: & sunt, qui eum tradant Muauiei filium
fuisse. Hic Abdimelech & Ciafæ immanitatē, qua genus suum persequerantur, 3
videns, sibiq; talia metuens, magno amicorum, propinquorum & clientū nume-
ro collecto, in extremas Mauritanæ Tingitanæ partes penetrauit: vbi, tum quòd
ex Damascenorum pontificum familia esset, tum ob virtutem fortitudinemque,
magno honore ab iis Sarracenis, qui illic erant (nam multi iam Romanis, mariti-
ma quæ ad Mediterraneum spectant loca tantū defendentibus, eò venerant, ibiq;
sedes posuerant) acceptus fuit: qua potentia & sectæ opinione elatus, primus o-
mnium se Miralmutnum, quæ vox Arabica lingua credentiū principem signifi-
cat, ausus est appellare: quē post nostri historici corruptè Miramulinum vocauere.
itemq; Maroci urbem maximam & nobilissimam prope Atlantis radices, ad
Agmeti portas cōdidit, & regni sui metropolim constituit: quamuis multi à Iosip- 4
po, Tesfni filio, & alij ab alio cōditam velint. Contra hunc autē Abdimelicus tum
quia illum reb. suis cum aliò arma conuerteret, quòd ipse Asiæ rebus intentus spe-
ctare non poterat, nihil obesse vidit: tum quia multis aliis molestiis affligebatur,
nihil tentauit. nam etsi Dadaco cum sua factione deleto victor Damascum & ipse
venisset, non tamen diu ea læticia frui potuit: quia & sæua pestilentia grassari cœ-
pit, quæ Sarracenicam gentem penè ad internecionem deleuit: cui malo accessit
dira etiam in omnibus suis regionibus fames: & Mardaitæ monte Libano iterum
occupato, fines suos Hierosolymam vsq; promouerant, & Persidis à Mutare occu-
patæ, res animū eius angebant. Quibus aduersæ fortunæ fluctib. agitatus Abdime-
licus, ne qua maiori tēpestare obrueretur metuens, p̃ legatos à Iustiniano, qui tūc 5
annos natus 16. imperiū erat adeptus, pacis, q̃ Muauias cū Constantino pepigerat,
confirmationē rogans, vt Mardaitæ Libano amouerentur petiit: quod si fieret, se
Romanis quotidie decē auri pondo, seruū & equum eximie pulchritudinis tri-
buti nomine daturum pollicebatur. qua impetrata, quo melius Cæsar posset Mar-
daitas, qui iam non vltra 12 millia erant, Libano monte amouere, mediam Cypri
Amenæ

Armenia & Iberia annorum tributorum partem ei concessit. His igitur rebus ex sententia confectis, & Mardaitarum ferocissimorum hominum metu liberatus, Ciasam aduersus Mutarem, qui sub religionis specie tyrannidem in Persia occupauerat, cum magnis copiis misit. quæ expeditio infelicem & ipsa exitu est sortita: quoniam Mutarus cum exercitu occurrens fregit eum, ac fudit: unde maiorem sibi quam antea existimationem comparauit. Abdimelicus, ut ex propinquiore loco Persicas res spectaret, in Mesopotamiam transit: ubi rursus multis simul calamitatibus iactatus fuit. nam Iustinianus Sclauis partim deditioe acceptis, partim armis domitis, delectis ex ea gente iuuenum fortissimorum circiter $xxxc$ legiones conscripserat: quibus fretus prætextu ex eo sumto, quod moneta annui tributi non Rom. signum, sed nouum Arabicum haberet, foedus fregit: & Leontio patricio cum his nouis legionibus in Asiam misso, Iberiam, Albaniam, Ircaniam & Mediam, quæ regiones Sarracenorum parebant imperio, subegit. Eodem tempore Saidus quidam seditionem contra Abdimelicum excitauit: aduersus quem cum exercitu profectus Abdimelicus, ita eum terruit, ut supplex veniam peteret. cui Abdimelicus simulans condonauit: sed paulo post clauis interfici iussit. Excitatus etiam est hoc ipso tempore inter Sarracenos & alius tyrannus, nomine Abdala Zubir, qui Musubum fratrem contra Mutarem in Persiam misit: ab eoque Mutarus & victus & trucidatus fuit, sed eius victoriae fructu frui non potuit. Abdimelicus enim totis viribus aduersus eum collectis prælio victum cum exercitu deleuit: ac inde in Perside profectus, totam illam provinciam subegit. quo successu territus Abdala Zubir, Meccam confugit. ad quem persequendum Abdimelicus Cagianum cum magno exercitu misit, qui Mecca capta Zubirum interfecit, & antiquissimum eius urbem idolum cum templo incendit: & sic Abdimelicus Perside recepta, & æmulis extinctis, solusque Sarracenicarum rerum potitus, cum sæpius Roman. Imperatorem frustra obtestatus esset, ne foedus violaret, vires aduersus Græcos, bellum contra iura omnia humana atque diuina inferentes, Muamate duce conuertit: quibus apud Sebastopolim inuentis, foederis tabulas instar vexilli hastæ appendit: ac Deum (cuius illæ numine interposito confirmatae erant) vindicem imploras, acie instructa in eos impressionem facit: Sclauis tamen prius pecunia corruptis: quorum statim, ubi prælium est initum, circiter $xxxc$ ad Sarracenos defecerunt. quæ res adeo Græcos perculit, ut nullo labore fusi fuerint: quos illi persecuti, ferè omnes ceciderunt: & Imperator Iustinianus (nam & ipse huic prælio interfuit) turpi fugam paucis conseruatus, ubi ad Leucatem peruenit, reliquias Sclauicæ illius & nouæ militiæ omnes trucidari, & cadauera in mare præcipitari iussit. Unde Sarraceni post impune non modo sua recuperarunt, verumetiam reliquas Romanas provincias inuaserunt: & Sabatius patricius, Armeniae prætor, Romanorum clade cognita ad eos se contulit, eisque Armeniam tradidit: neque illi Orientem vniuersum vastare, & Christianos in seruitutem abducere desierunt. nam etiam illa Persidis pars, quæ adhuc Romanum agnoscebat imperium, à Cagiano subacta fuit: & Muamates cum Sclauis qui ad eum transfugerant, Thraciam provinciam ingressus, eam ferro & flamma vastauit: Romano imperio interea ciuilibus discordiis atque intestinis odiis ita dilacerato, ut nemo illorum audaciam reprimere posset. Leontius enim patricius, Iustiniano in Chersonem insulam relegato, Imperium occupauerat: statimque Ioannem patricium cum classe ad Sarracenorum Africanorum, qui ex mediterraneis quæ illis ex foedere ad inhabitandum erant concessa, denuo maritimam oram inuaserant, vim inhibendam miserat: qui Sarracenos acie victos, Romanorum finibus expulerat. Sed cum opes illorum in Syria totoque Oriente formidolosæ essent, & maiores copias iis qui in Africa degebant Sarracenis ab Abdimelico auxilio submitti crebris rumoribus nunciaretur: Ioannes se nimis paruum exercitum ad eam provinciam tutandam habere ratus, Byzantium, ut nouas à Leontio in supplementum copias acciperet, exercitu in Africa relicto postulauit. Sed dum hæc nimis lentè à Leontio comparantur, Abdimelicus suorum qui in Africa erant statu cognito, iacturamque iniquo ferens animo, classem ingentem mittit ad provinciam recipiendam: cui cum Romana classis impar esset, inde recessit: cumque in Cretam peruenisset classis, principes partim tur-

perati, Africa amissa, & hostibus concessa reuerti: partim ira in Imperatorem, qui tam segniter bellicas res tractaret, commoti, classiarios ad defectionem cōcitant, ac vt Absimarium Imperatorem saluent suadent, quem & Tyberium nominarūt. is cum copiis Byzantium confestim profectus, Leontium imparatum offendens, statim vrbe est potitus, & Leontium truncis naribus in vincula coniecit: Sarraceni verò Africam totam Romanis vndiq; præfidiis pulsis occuparunt: erant autem qui tunc Africæ maritima loca tenebant, magna ex parte Gottici generis. Hic Tyberius statim vbi imperio potitus est, Heraclium fratrem suum cum maximis copiis in Asiam contra Sarracenos misit. qui in Syriam irrūpens, Samosata vsq; progressus est. finitimaq; loca omnia populatus, circiter CCCIO illorum cecidit: captiuisq; plurimis, & ingēti præda parta, magnum eis terrorem iniecit. eodem tempore Armeniæ principes, Sarracenos omnes qui in Armenia erāt, per seditionem trucidarunt: ac legatis ad Absimarū missis, Rom. denuò in prouinciā receperunt. q̄ Muamates magnis copiis adortus, iterum Sarraceno subiecit imperio, ac principes populi viuos cremauit. dein Ciliciā quoq; inuasit, totā eam vastans, non tamē sine magno suo malo. quoniā Heraclius cum eo congressus, magnā eius exercitus partē deleuit, cæteris captis: quos Cōstantinopolim ad Imperatorē vinctos misit. quo tempore obiit Abdimelicus, regni sui an. XXI. Diximus suprā, Abedramonē quēdam ex Maraunia stirpe initio Abdimelici pōtificatus in Mauritaniā secessisse, & tantā sibi existimationē apud suam gentē & sedā conciliaſſe, vt quasi alterum Califam, vel etiā Califa maiorem illū, quotquot Sarraceni in ea prouincia degebant, venerarentur: sed quia bellicis reb. se nō immiscebat, & remotior erat Abdimelicus eū vt alios non est persecutus. verū tamen eius nomen etiam in Arabia magnum fuit. is moriens filium reliquit Vlitū nomine, qui Abdimelico in pōtificatu successit, Miralmuminus & ipse appellatus, An. salutis Chrift. DCCVII. quo imperante Armenia Sarracenis pulsis iterū sub Rom. rediit imperium: & Arabes in Romanas prouincias irruptione facta, Mistam urbem cum multis castellis ceperunt, atq; opima præda onusti domū redierunt. Deinde rursus Abatio duce in Galatiā irruperunt, eamq; totam deprædati sunt: & Iustiniano Cæsare à Trebellio Bulgarorum rege in imperiū restituto, Sarraceni horū motuum occasione multo maiore q̄ vnquam antea apparatu ex Ægypto profecti, Libyā vniuersam ad Oceanum vsq; occuparunt. Libyā nunc dico, quia prius Africā ab illis captam ostēdi, quæ Libyæ pars est: vt intelligatur, me non de parte tantū loqui, quæ iā capta erat, sed de tota. nam cū Libya siue Africa vniuersa instar peninsulæ à Septentrione nostro mari, ab Occasu & Meridie Oceāno Atlantico, ab Ortū mari Eoo, Rubro & Arabico sinu clauditur, paruo ibi isthmo inter Arabici sinus extremū & nostrum mare Asiæ cōiuncta: Ægyptus tamen, q̄ prouincia circa Nilū fluuiorū maximum ab eius cataractis ad ostia patet, vnā cū Æthiopia q̄ supra illum est, à plerisq; veterum, atq; etiam recentiorū scriptorum Africæ nō adnumeratur. & vt Nilus fluuius peninsulæ Orientalem partem, hoc est Ægyptum atq; Æthiopiā, in qua Preteianes latissimè regnat: sic Niger amnis iisdem (vt multi tradūt) fontibus ortus, ac vt ille à Meridie in Septentrionem, sic iste ab Ortū in Occasum atq; in Atlanticum Oceanum defluens, Nigritarum ditissima regna ab illa diuellit: adeò vt Libya (de qua nos intelligimus) Nilo & Nigro fluminibus, Oceano Atlantico & nostro mari contineatur: q̄ totam, quanta ab Occasu in Ortum patet, Atlas maximus mons mediā secct: hodie in tres partes distributa, Barbariam, Numidiā & Libyam. Libya, quæ Arabicè Sarra, id est deserta vocatur, Nigritarum regnis à Meridie, à Septentrione Atlante monte, ab Ortū Nilo flumine, & ab Occasu Oceano. Numidia apud Arabes Bifédulgerid, hoc est, palmifera regio nuncupata, ab Ægypti finibus ad Oceanum protensa, Atlantis australe latus occupat. Barbaria verò ab Ortū in Occasum iisdem contenta finibus. quicquid Atlantem inter & nostrum mare iacet, cōprehendit. Hæc autem rursus in quatuor prouincias est distributa: Mauritaniā Tingitanam, quæ Marrocci & Fessæ regna continet: Cæsariensem, in qua Telenſini regnum est: tertia pars Africa propriè & olim & hodie dicta, in qua olim Carthaginienſes floruerunt, hodie Africa vrbs, & Tunes atq; Tripolis hanc

hanc sequitur Cyrenes, quæ Bugiæ regno comprehenditur. Prima igitur irruptione, quæ Ozmeno imperante in hanc provinciam facta est, Sarraceni ex Ægypto progressi, Cyrenaicam & Africam occuparunt: sed cum post pace cum Imperatore inita, à maritima ora recedere iussi sunt, in Numidiam & Libyam fines promouerunt: & Muauia regnante rursus in Carthaginiensium fines irrumpentes, maritimam Africæ orā subegerunt. Nunc verò armis promotis vtramq; Mauritaniā inuadunt, & sic imperij fines Oceanum & Nigrum amnem constituunt. Cui provinciae Vlitus pontifex Mucam summa cum potestate, Admirantem dictum, præfecit. Veruntamen in ea adhuc partem illam Tingitanæ quæ ad fretū Herculeum est, obtinebat Hispaniæ rex Rodericus Visigottus. Gotti enim tunc rerum tota Hispania, Romanis præfidiis pulsus, iam à trecentis ferme annis potiebantur, vnicum Rodericū regem agnoscentes: qui nō modò citeriori & vltiori Hispaniæ imperabat: verū etiam omnia ad fretū posita in Mauritania Tingitana possidebat. Habet autē fretum in Africa tria promōtoria, duos sinus efficientia: & in Hispania totidem promontoria, totidemq; sinus. Vrbes ad fretū nobiles erant, in Hispania quidem Carteia, ad Calpe promōtorium sita, quæ post Tarifa dicta fuit: in Africa Tingis, vnde Mauritania Tingitana nomen habet, ad Abylæ promōtorium posita: & Cepta, Ptolemæo Essilissa nuncupata. Hispaniam Rom. vniuersam in duas provincias diuidebant, duosq; proconsules aut propretōres in eam mittebant: quorum alter Citeriori, Vltiori alter imperabat. Sed hæ partes non semper eandem magnitudinem habuerunt. nam cum nondum tota Hispania potirentur, citerior Hispaniæ flumine Ibero & Pyrenæis montibus continebatur: quicquid verò vltra Iberum erat, ad vltiorem spectabat, quæ Carthaginiensium erat. Sed postquam Punicis præfidiis vndiq; pulsus, totam Hispaniam, quæ nostro mari ab Ortū & à Meridie, ab Occasu Oceano Atlantico, à Septentrione Cantabrico & Pyrenæis montibus instar peninsulæ clauditur, occuparunt, præter Lusitaniam & Beticam, quicquid terrarum in Hispania est, Citeriorem vocarūt: illas verò quas Anas fluuius diuidit, & Oceanus ad Astures vsque ambit, Vltiorem hanc quidem quæ ad fretū est, quæ Beticam, quæ nunc Vandalusiā & Granatæ regnum continet: illā verò quæ ab Ana flumine ad Duriam amnem pertingit, Lusitaniam & eiteriorem totam Tarraconensem vocantes. quam diuisionem tripartitā Geographi tradiderunt. His igitur tribus provinciis, ac præterea Asturibus & Cantabris, qui cis Pyrenæos ad Oceanum Septentrionalem sunt, nec non provinciæ Narbonensi ad Rhodanum vsque, quæ tunc Gottica Gallia vocabatur, imperabat (vt diximus) Rodericus Visigottus, cum Sarraceni imperij fines in Africa ad Oceanum promouerunt, anno salutis Christianæ dccxii. Is Iulianum Ceptæ comitem, genere Visigottum, virum fortissimum, quiq; magnas opes in Hispania habebat, & insulæ cuidam quæ nunc Viridis vocatur, in ipso freto sitæ, multisque aliis tum in Hispania, tum in Tingitana locis imperabat, Beticæ, & iis quæ in Tingitana possidebat, præfecerat: eique, Hispaniæ ab illa parte à Sarracenis tutandæ, ac freti custodiendi curam commiserat. Habebat hic filiam Cabam nomine, forma præstantem: adeò vt eius forma Hispaniæ non minus perniciosa fuerit, quàm Helenæ Troianis. nam eius amore captus Rodericus, siue vi, siue fraude (nam vtrumque fertur) pudicitiam eius violauit: quod illa quamprimū potuit, parenti indicauit. qui iniuriam dissimulans, & vlciscendi cupiditatem celans, impetrauit à rege, vt sibi Ceptam migrare liceret, quòd se inde melius Sarracenorum conatus reprimere posse diceret: sicq; omni suppellectile sua collecta, cum vxore se Ceptam contulit. Deinde, vbi eò peruenit, coniugem suam grauiter ægrotare fingens, regem rogauit, vt Cabam ad matrem, quæ fortasse esset moritura, visendā ire pateretur. Nam Caba cum aliis principum filiabus (vt moris erat) in aula degebat. Deinde hoc pignore recepto Mucam (quem ab Vlito toti Libyæ præpositum fuisset diximus) adit, secessionis suæ causam narrat: seq; Hispaniæ eum dominum facturum, si modò id aggredi auderet, pollicetur. Mucas rem totam Vlito proponit, cuius voluntatē præterire in re incerta nō audebat. à quo responsum accepit, rem difficilē esse q̄ proponebatur: nec in tā graui negotio temerē homini callido, &

ab ipforum religione alieno, credendum. Sed tamen vt Comit^{is} fidem experiretur, paruo ei militum numero tradito: cui si res initio bene succederet, postea maiores copiar^{um} submitti possent: tentari posse. Mucas igitur, etsi Comit^{is} oratione ita permotus fuisset, vt rē omnino bene cessurā crederet: non ausus est Vliti mandatum præterire. quamobrem ducem quendam ex suis, nomine Tarifem Auenzar-cā, cum c equitibus, & ccc c peditibus Iuliano tradidit. qui omnes, quatuor nauibus, in insulam paruam, in sinu illo quem Calpe mons facit, sitam trāsuecti sunt, quæ post ab hoc Tarife duce Gelzira Taref dicta fuit: quò Iulianus amicos suos & propinquos omnes aduocauit, & commodis quæ ipse regi sua opera, laboribus ac periculis dederat enumeratis, eiusq; ingratitude & filiæ stupratę iniuria indi-¹⁰ cata, animum suum eis aperuit: addens etiam, eum iniustè illud regnum obtinere, quod ad Vitizę filios hæreditario iure spectaret: idcirco rogare se illos, vt sibi in tam iusta causa adesse vellent, seq; totis viribus iuuarent, venturum proximo anno cum exercitu ad rem perficiendā idoneo. Quibus rationibus permoti omnes illi, cum tempus foret, suam operam sunt polliciti: & hoc animo domum quisque suam rediit. Iulianus verò, vt belli initium faceret, Gades insulam in exteriori Oceano prope fretum sitam inuadit, quæ post Alzira Dalfrada est dicta: eamq; totam ferro & flamma incolis in seruitutem abductis vastauit. inde Lusitaniz ac Beticę oram pari clade afflixit, & spoliis oneratus in Africam rediit. Quo viso Mucas id satis bonum initium ratus, ei duodecim millia Sarracenorum eodē Tarife du-²⁰ ce adiecit, cum quibus ille ad Calpes promontorij radices appulit classem: qui mons postea ob id Gabel Tarif, id est mons Tarifus est appellatus, & nunc Gibel terra nūcupatur: & copiis expositis Carteiam urbem, quæ post ad nostram vsque ætatem Tarifa dicta fuit, cepit. cuius rei rumore per Hispaniam diuulgato, Iuliani comitis propinqui quàm maximis potuerunt viribus collectis, se ad hos Sarracenos repellēdos ire fingentes, eò contenderunt, seq; illi adiunxerunt: & sic viribus coniunctis, Bētis fluminis, qui hodie Guadalguibir vocatur, oram, Andalusia, siue à Vandalis Vādalusia vocatam, magna ex parte ferro & flamma sunt populati. Interea Rodericus maximo exercitu collecto, Ignicum, patruelem suum, cōtra hos misit: qui sæpius infelicitè cum illis congressus, tandem etiam cum suis omni-³⁰ bus deletus fuit. Sarraceni verò magna populatione facta, præda onusti, ingētemque mortalium multitudinem in seruitutem abducentes, in Africam redierunt. Quo tempore Vlitis in Asia, dum se ad bellum Constantinopolitanū parat, obiit. & post illum factus est pontifex Zulciminus, Abdimelici filius: quo regnante, Sarraceni Byzantium secundò obsederunt. Statim enim, vbi pontificatum est adeptus, Malsanam cum terrestribus copiis, & Aumarera cum nauali classe Byzantium versus misit: ipse autem cum maiori exercitu subsecutus est. Sed hunc tam validum conatum aliquantisper repressit Leo, Armeniz prætor: quem dum ipsi fallere nituntur, ab eo decepti fuerunt: qui locis opportunis occupatis, transire eos non est passus. Interea Mucas ex Africa ad Zulciminium nouum pontificem⁴⁰ salutādum veniens, ei Hispaniz res narrauit: quamobrem ille imperij in immensum propagādi cupiditate accensus, vt Tarifem rursus cū maioribus copiis in eam prouinciam mitteret, illi iniunxit. Mucas igitur in Africam reuersus, sequenti anno cum ingenti exercitu, Richila, Tingis urbis comite, Iuliani propinquo, cui parum fidebat, obside retēto, in Hispaniam traiecit. quibus copiis in proximā oram expositis, Rodericus quanta potuit celeritate proximarum prouinciarum copias collegit, & Gottalaniz sic à Gottis & Alanis appellatæ, quæ nunc Catalonia vocatur, vbi Lacerani olim fuere: nec non Iberiz, in qua Tarracon, quæ nunc Aragon vocatur: atq; Cantabris, qui hodie in regno Nauarræ sunt: & iis qui Gotticā Gal-⁵⁰ liam incolebant, in qua sunt vrbes Tolosa & Nemansum, hodie Nimes ad Rhodanum vsque, nō expectatis eis ad Bætis fluuium, prope Xerez oppidū, occurrit. Sarraceni tunc in ea fluminis parte, in qua Andalusia est, castra habebāt: & rex in altera parte, in qua Castellæ regnum est, metatus erat. Bætis enim fluuius ex Orthospeda monte, in Tarraconensium finibus ortus, in Oceanū frero proximū decurrens, Andalusiam & Granatæ regnum à Castella diuidit: mediamq; Bætiam interfecat,

intersecat, quam Anas fluuius eodem mōte lapsus terminat. Lusitaniæ verò, Tarraconensis prouincię Occidentale latus claudēs, ab Anasi ostio recta linea ad Duria ducta excurrit, & Castulonensiu fines ab Asturibus Pisuerra fluuius dirimit. In hoc igitur loco primū cum illis, 4. Non. Septemb. qui dies Domino erat consecratus, anno DCCXIII. prælium iniit. Pugnatum est ferocissimē pro transitu fluminis: dum hi transeunt, illi prohibere conantur, pari ferē vtrinq; fortuna: quamuis Hispaniæ iā duos annos annonæ penuria & pestilentia afflicta, nō eā vires adessent, quæ antea solebant: & homines qui iam c. l. annor. spacio nulla bella viderant, ocio eneruati, penē omnem disciplinam militarem, & armorum vsum amisissent, & armis insuper carerent: quoniā Vitiza, qui Rodericum præcesserat, immanissimus tyrannus, arma omnia populo adempta frangi curauerat: nec eo solum die pugnatum est, sed per totam hebdomadem ad alterum Dominicum diem vsque, quotidie acerrima prælia fuerunt: octauo autem die, qui fuit xi Septembris, duobus Vitizæ regis filiis, qui præcedēti nocte cum Tarife, regnum eis paternum promittente conspirauerant, cum suis agminibus quos ducebant, se pugna subtrahētibus, & Mucas copias omnes traduxisset, victa fuit Gottica acies: & Rodericus, qui primo die, quo prælium est initum patrium, hoc est Gotticū morem seruans, aurea toga indutus, auream item coronam, & calceos aureos, omniaq; gemmis & margaritis preciosissimis ornata habēs, in eburnea lectica duobus præstantissimis equis ferētibus, in aciem prodierat. quod idcirco faciebant in præliis Gottici, vt milites regem fuga euadere non posse scientes, sibi pariter aut in eo loco moriendum, aut omnino vincendum esse scirēt. Turpe enim fuisset regem deferere. Quem morē securæ multæ liberæ Italiæ ciuitates, quæ simul fœdere iunctæ erant, quandam quasi curulem sellam, cui infixæ erant sociorum omniū vexilla, ad belli vsum adornarunt: quā in præliis boues multi, ne qua exercitus honestæ fugæ ob bouum tarditatem spes foret, trahebant: easq; sellas Carocios appellarunt. Hoc igitur modo Rodericus rex in præliis, quæ per septem dies commissa sunt, lectica ferebatur, summa cum pompa. Octauo igitur die rem ad extremum perductam videns, ipsemet cū aliis pugnare statuit: ideoq; equum conscendit generosissimum, 30 Orelia appellatum, & militibus suis vehementissima oratione cohortatis, pugna signa canere iubet. Sed vbi aciem suam inclinare vidit, in proximum montem secedens, regias vestes insigniaq; exuit: indeq; suorum stragem videns, pœnitentia cōmorus, quod se tantorum malorū causam esse sciret: amictu mutato, in quendam Lusitaniæ locum desertum confugit, vbi virum sanctum solitariam vitam agentem inuenit, cum quo reliquum vitæ suæ tempus transegit. Nam quod illum stellam, siue Dei nuncium ducem secutum esse traditur, id quidem fieri potest, & aliis quoque accidit: verū id etiam de occulta quadam stella, voluntatem ipsam mouente atq; ducente, intelligi potest. Quod verò dicunt, à sancto illo viro cum serpente bicipiti in fouea inclusum fuisse, qui eum bidui spacio totum corroserit: 40 id vt simpliciter intelligatur, minimē est verisimile. Nam quæ sanctitas, quæ religio, quæ deniq; pietas iubet pœnitentem, & solatium afflicti animi, institutionemque meliorem quærentē, diris cruciatibus & inaudito supplicij genere interimere? Quamobrem & illud mysticē dictum crediderim: & bicipitem serpentem esse malè sibi consciam mentem, qui nō secus ac Furia, eos qui aliquod magnum scelus perpetrarunt, exagitat, vt poëtæ de Oreste atque aliis finxerunt. Eo igitur in loco obiit: & post aliquot annos Visei, in Lusitania, sepulchrum eius fuit inuentum cum hac inscriptione:

HIC IACET RODERICVS, REX GOTTORVM

MALEDICTVS, FVROR IMPIVS.

50 IVLIANI QVIA PERTINAX.

ET INDIGNATIO QVIA DVRA.

VESANVS FVRIA, ANIMOSVS INDIGNATIONE.

IMPETVOSVS FVRORE, OBLITVS FIDELITATIS.

IMMEMOR RELIGIONIS, CONTEMPTOR DIVINITATIS.

CRVDELIS IN SE, HOMICIDA IN DOMINVM.

HOSTIS IN DOMESTICOS, VASTATOR IN PATRIAM.

REV3 IN OMNES.

MEMORIA EIVS IN OMNI ORE MARCESCET.

ET NOMEN IN ÆTERNVM PVTRÈSCET.

Hoc prælio Gotticus equitatus omnis extinctus fuit, & totius Hispaniæ vires fractæ: eorum verò qui ex Gottica acie ceciderunt, numerus fuit infinitus, ex Sarracenis autem tantum viginti millia: quia cū illis erat Iuliani factio, quæ totius Hispaniæ arma habebat: & ingens erat illorum multitudo: & qui pro rege pugnant, penè omnes erant inermes. pauci quidam fuga, quo quenq; fors ducebat, sibi consulerāt: & qui ex remotioribus prouinciis auxilio regi veniebant, hac clade audita, illis qui Egiciam confugerant coniuncti, Sarracenis iam instructa acie 10 victoriæ cursum persequentibus sese opposuerunt: & summa ferocitate nō secus ac leones, quibus catuli sint erepti, pugnantes, primam aciem fuderunt. Sed cum Iuliani legionem sustinere nō possent, sese in urbem receperunt. Tarifes verò, ubi fons est hodie Tarifus appellatus, castris positus, & inde oppugnationē aggressus, statim vrbe est potitus. Deinde Iuliani consilio exercitum in multas partes distribuit, quibus singulis duces erant assignati: vt priusquam Christiani consilium aliquod capere possent, aut vires colligere, omnes simul vbicunq; essent, opprimerentur, Vituzæ filiis & Opatio episcopo eos ducētibz. Itaq; exercitus vnus Malaccam, quæ hodie Malega dicitur, Beticæ ad nostrum mare portū, quem citò capere magni intererat, cōtendit: alter Cordubam, cui præerat quidā Christianus Sarracenus factus, Mageitar nūcupatus: ipse Tarifes cum tertio exercitu Mentisiam petiit urbem, ei Aquitaniæ parti quæ Pyrenæis cōtigua, Guienna appellatur, proximam: & illa vrbe, quæ excindi quàm Sarracenicum iugum accipere maluit, deleta, Toletum: inde Guadalagiam atq; Medinā Almeidæ expugnauit: quæ vrbs à mensa quadam satis magna, quæ vnica gemma viridi instat smaragdi constabat, in ea reperta, Arabum lingua nomen accepit. Inde Amaiam urbem munitam cepit, in qua ærarium erat in belli vsum comparatum. Pōst regionem Gottici campi appellatā ingressus, Asturricam & Gegionem, quæ hodie Gigion vrbes Mugnuzza duce Gotto tradente cepit: & Mugnoce, qui Gottus & ipse erat, Cardaniæ regulo adituante, Gottalaniā subegit. quamobrē Sarraceni eum locis Cerdaniæ finitimis præfecerunt: alter exercitus Granata occupata, Murtiā & Horihuelam petiit, ubi cruentum prælium inter nostros & Sarracenos in cāpis, qui hodie ob id Sanguinarij vocātur, fuit cōmissum: in quo cum Sarraceni vicissent, ciuitas deditiōne fecit. Pōst idem exercitus Valentiam inuadit: & Valentinis qui ad pugnam aggressi erant fusis, cum urbem viderent muro ac fossa munitam, deditiōne acceperunt ea lege, vt Christiani in ea templum vnum ad habitandum haberēt, quod erat sacrum D. Basilij collegium, hodie Bartholomæi templū appellatum. reliqua omnia Muamedi consecrarunt, præter illud templū quod in Ficario foro erat, ubi Vincentius martyr interfectus fuit. quod pōst Christianorum diuerforiū fuit. Ciuitatem Mauri repleuerūt, Iudæis tamen in ea manentibus: & paucis quibusdam Christianis, qui Basilij collegium inhabitārent. Quod audientes qui Puigum E- 40 neliæ oppidum incolebant, ubi erat aliud Basilij collegium, campana magna, cum marmoreo quodam simulacro in templo, in reditus spem sepulta, inde omnes auferunt. quò pōst Sarraceni coloniam Cebola duce miserunt. vnde oppidū illud pōst Puigum, Cebulæ dictū fuit: à quo & aliud eiusdem nominis parū oppidum fuit cōditum: & hoc pacto Valentia, Sogorbes, Tortosa, Lerida, Barcinon & Sarragotia, cum tota Hispania, in Sarracenorum potestatem venerunt. Tarraconem verò, quia diutius obstitit, penitus deleuerunt: quæ pōst à Bernhardo Toleti metropolitano, Urbani II. Rom. Pont. iussu, anno M X C, iterum fuit ædificata. Hoc modo quatuordecim mensium spacio subacta fuit Hispania tota: quod illis facile fuit factu, populo præsertim armis & ducibus spoliato, & Opatio Sibilæ metropolitano populos ad deditiōnem cohortante, ac ipsis & religionem & iura omnia quibus antea fruebantur, integra fore promittēte. quod tamen nisi in paucis quibusdam locis seruabatur, vt Valentia, Sibilæ ac Toleti, in quibus templa quædam reliquerūt Christianis inhabitāda: vnde adhuc hodie Toleti in augustissimo vrbis templo,

templo, in facello quodam sacra Mozarabica, id est cum Arabico mixta, appellata celebrantur, quæ ab eius temporis antistitibus ex D. Leandri instituto fuerunt comprobata. Post has victorias quotidie Sarracenorū numerus in Hispania crescebat, adeo ut non solum religionem Hispani tunc mutarint, & mores, sed & linguam corruerint, & urbium, oppidorum, montium, fluuiorum aliorumq; locorum omnium nomina sint mutata. Multi tamen in Galliam, Angliam, Italiam, Græciamq; , ad opem ab aliis Christianis principibus implorandam confugerūt: alij illam Pyrenæorum partem, quæ in Astures instar brachij tēdit, & intra Oceanum Aquitanicum extenditur, infederunt: qui verò cum Sarracenis manserunt,

10 ubique antistites atque pastores, sanctitate claros habuerunt. Sed in Asturibus primū Hispaniæ salus nata est: quæ regio nō modò à barbaris intracta fuit, verū etiam prima cursum illorū est remorata: ibidemq; et antiqua Hispaniæ lingua est cōseruata, quod, ut qua ratione factum sit, melius intelligatur, est nobis totus Pyrenæorum tractus breuiter describendus. Hispaniam Cherronesi siue peninsulæ formam habere diximus, cuius Borealis pars isthmo Galliæ coniungitur, & Pyrenæi montes ab Ortū hyberno ad Occasum æstiuum porrēti instar muri eam claudunt. Isthmi latitudo est circiter CCLXX. M. P. Sed Pyrenæi in maiorem longitudinem porriguntur. nam vbi ad Oceani Cantabrici angulum, & quasi finem, qui Hispaniæ Septentrionale latus claudit, peruenerunt, quasi brachium

20 quendam intra eum sinum rectā in Occasum æquinoctialem immittunt: quod Cantabricum mare à Septentrionali Hispaniæ parte arcens, in apertum Oceanum vsque porrigitur, qui occiduum Hispaniæ latus claudit. hi montes quā Galliam spectant prorsus steriles sunt: quā verò Hispaniam, arboribus pleni, & oppidis ac vicis frequentes. Horum igitur descriptionem ab Oceano ordiemur, vbi in Hispania Guipuzquæ regioni coniunguntur, in Gallia verò Vasconum finibus adhærent. Ab Hispania Stephani vallis est, supra quam Besaca & Guciutha sunt, Vardulorum oppida, Nauarræ regioni quæ Cantabriam & Asturiam continet finitima: hinc colles ex Pyrenæis manantes, Bassam, & Squala, quæ Rocida siue Ronus valles appellatas efficiunt: ab Gallia verò, prope Vasconum fines, Ioannis

30 Pedeporti fanum, locus munitus. Prope Roscidam vallem, brachium illud quod diximus, ab his intra Oceanum immittitur, per Galiciam siue Gallicos & Astures, ad mare magnum vsq; porrectum. Sed post Roscidam vallem in Ortum progredientes, Salazari vallem, in qua est Ociogauia oppidum, efficiunt: inde Roncalis vallem, in qua est Isaua, et Tarraconensis atque Nauarræ, quæ olim Nagiera vocabatur, regnorum fines ab Gallia Bearnæ oppida sunt. Sequitur deinceps Camfranci iugum: cui in Gallia finitimus est Peiraneræ ager, & Vrdos: in Hispania, Villa noua, antiqua vrbs & nobilis, Iaca, Christinæ fanum, & Ioannis Pigniæ fanum: & in eodem tractu inferius, mons Aragon. Hosca, à qua Occetani, & CæsarAugusta, hodie Saragotia appellata. Ex monte qui Christinæ fano imminet, oritur Aragon fluuius.

40 & quia ex Roncaliæ vallis montibus oritur alius paruus fluuius Aragon minor, siue Suborda nuncupatus, hic Aragon maior vocatur: & regio interiecta, ab iis Aragonia dicta fuit. Sequitur in Pyrenæis Gauas mōs, ab Gallia Larunti Bigerronum, ab Hispania Teniæ agro finitimus: quo in agro oppida sunt Salentum, Helenæ fanum, & Biesca. Ex Gauasio iugo oritur Gallecus amnis, qui per Teniam vallem descendens, prope CæsarAugustam in Iberum influit. Dehinc sequitur Horcæ iugum omnium asperrimum, cui ab Gallia finitimus est Aruntis ager, & ab Hispania eadem Tenia vallis. tum Tarlæ iugum, ex quo oritur Ara fluuius, qui post Cincæ amni prope Inzam oppidum commiscetur, ab Hispania Broti, ab Gallia Voreiam Guiennæ valles habens. In Broti valle sunt hæc oppida:

50 Torla, Brotum, Oto, Linaris, Faulū, Bressa, Sarbise, Aierue, Laresitalla, Scartinum & Giasa. Sequitur Bielsæ iugum, ex quo Cincæ fluminis pars oritur, & Biōi vallis: infra verò in hoc ipso tractu, Sobarbria regio: tum in Pyrenæis, Gistau vallis: ex cuius montibus oritur alter Cincæ fluminis ramus, qui Sobarbriam regionem irrigans, Segrem annem prope Scarpum excipit, & in Iberū prope Meschinentiam labitur. In Gistau valle nobiliora oppida sunt hæc: Gistainum, Senias,

Serbetum, Ioannis Caraueli fanum, Plaunium, Poma, Gistaina, Cerquétum, Lamiana, Catalaugna, Badainum. Post hæc in Pyrenæis Bonasia vallis, & Ribagorgiæ tractus, in quo sunt Gabalaria, Grausium, Benauarrium, Peralta & Panniellum. Inde castrum Leonis iuga, quibus subiaceret Arani siue Fiscalia vallis, quæ hæc oppida habet: Biollam Fiscalem, Lardius, Voralstrum, Iusti fanum, Ligarrium, Aretisa, Sciabierre, Olaliæ fanum, Acortum, Tricasium, Abesum, Planielum, Felicis fanum, Sason, Silues, Spierlum, Ascasum. & infra est Solana vallis. Rursus in Pyrenæis sequuntur Petræ Blaniæ, Altalauaccæ, vbi transitus est, Torri, & Pimorentis atque Pallasij comitatus oppidorum iuga. his subiaceret Henui vallis, in qua sita est Valentia, Pallasia, tum Andoria iuga, vbi transitus ex Hispania in Galliam est, cum eiusdem nominis valle, cui eregionè in Gallia est Azachsum in Aquitania. Hactenus Nauarræ loca. Dein per Cerdaniam mons Bellamir, vallis Bibesia, mons Liuia, & Persæ iugum. Post Rocilionis agrum ingrediuntur, eregionè Puigiualedij, Caudiesij, Arotonij, Galamij fani, Perapertusæ, Eitori & Leocatæ oppidorum, vbi ad mediterraneum mare desinunt. in quorum sine in Hispania est Salses arx munitissima, copiosissimum intus fontem habens: vbi olim Gerunda fuit, & eregionè in Gallia Veneris templum. His eregionè in Gottalania respondent alij montes, qui minores Pyrenæi, vel Antipyrenæi nuncupari possunt. hi ad locum Cobliure dictum, à mediterraneo incipientes, Pertusium, vbi Bellaguarda est oppidum Darnilsum, Campredum & Canigum excurrunt, montem præstigiis dæmonum celebrem: inde ad Nuria virginis fanum: vbi Segrius amnis, qui Leridam alluit, oritur. Iunonis collem, Pandisium, Cadium, Vansam, Organam: quam Segrius amnis iam magnus, qui in Gottalania Naualis aqua vocatur, alluit: atque ibi rursus alius mons incipit, qui ad Setcomelsium oppidum vsque, & Callagatium porrigitur: vbi Nøgera, Pallaresiæ fluuius montes hos terminat, quibus in montibus multa sunt oppida. ex hac igitur descriptione, quænam horum montium pars tunc in Sarracenorumpotestatem venerit, facile patebit: & quæ illis obstiterit. Nam cum diximus, Mugnocem Cerdaniæ principem sese Sarracenis dedidisse: sciendum est, totam Cerdaniam regionem eis subiectam fuisse, quæ Pyrenæorum partem mediterraneo mari proximam, vbi Salses nunc est, ad Arani vallem vsque, totumque Lampurdanum, Puigcerdanum, Rocilionensem & Pallasium agrum comprehendit. Sed tamen quia tractus hic valde asper & incultus est, multi Christiani in his montibus et syluis manserunt, clam in oppida ad com meatum capiendum irrumpentes, & Sarracenos semper ex opportunis locis infestantes. Contra quos exercitum duxit Mugnoces, vir immanissimus: qui quod regionis & locorum peritus esset, magnis eos cladibus afflixit. Nec non in ea Pyrenæorum parte, in qua Benacum est, Ribagorzam, Camfrancum, & totum eum tractum ad Gislau & Bielsæ valles vsque occuparunt. nec ulterius sunt progressi, castellis & munitis locis, tum quæ prius ibi erant, tum quæ tunc temporis in hunc finem ædificata fuerunt, impredientibus: cuiusmodi erant in Sobarbria regione, Arcussa, Castellacium, Castellum Monclusij, Scaniella, Clamosa, Abizanla, vbi Sobarbrizæ regis arx est: & in altera parte Builium, Buessa, Vicieni fanum, Castellones, & pleraque alia. quo in tractu conseruati sunt Christiani illi qui Garziam Scimenesium Tarraconensem regem erant: & apud eos mansit lingua illa qua Gotti tunc in Hispania utebantur incorrupta. In ea verò Pyrenæorum parte quæ Oceano propinquior est, hoc est in Roncalia, Salazaria, Squala, & Stephani fani vallibus, hisque finitimis locis, vt Alaba, Cantabria, & aliis huius oræ, Christiani tam ab Sarracenorumpotestatis iniuriis tuti & remoti degebant, quàm prius ab Romano imperio intacti permanserant: linguam etiam suam antiquissimam ad hodiernam diem conseruantes, quæ ab Armenica corrupta est: nec non & montes illi rectè ad Oceanum Occidentalem intra sinum porrecti, quos Astures incolunt, ab Sarracenorumpotestade liberi manserunt. & ij quoque Gotticam linguam

retinuerunt.

retinuerunt, non nihil tamen immutatam. Qua in parte primùm Hispaniæ vires simul colligi cœperunt. Pelagius enim, cuius patrem Faslam Vitiza rex, vt vxore eius ad libitum frueretur, interemerat, Vitizæ insidias metuens, in Logroniam urbem, quam alij Cantabriâ, Nebrissam alij dictam olim putant, confugerat: ibique apud Petrum Cantabriæ ducem simul cum sorore, quam habebat, formosissima degebat. Sed Roderici clade, & Sarracenorum in victoria persequenda celeritate audita, vnâ cum sorore se Gigionem contulit, eum locum tutiorem ratus: cumque Mugnuza, Gigionis dux, contra spem ipsius se Sarracenis coniunxisset, Pelagius nihilominus simulans apud eum ducem mansit, donec Magnuza fororis ipsius amore captus, vt ea liberè potiretur, Pelagium Cordubam ad 10 negocia quædam cum Sarracenorum principibus tractanda misit: mox illo absente, sororem eius falsis matrimonij promissis deludens, stuprauit. Quæ de re Pelagius statim, vbi rediit à sorore certior factus cum illa in ardua atque inaccessa loca secessit. quod ægrè ferens Mugnuza, Tarifæ dixit, Pelagium aliquid contra Sarracenicum imperij maiestatem moliri. Quamobrem Tarifes ducem vnum, cum cohorte militum, ad Pelagium si posset, comprehendendum misit. Iamque milites Bretum, quo in oppido Pelagius erat, peruenerant: cum ipse à Christiano, quodam, qui cum illis erat, & consilia illorum nouerat, admonitus, equum conscendit: & ad Pioniam fluuium currens, eum (quia magnus 20 erat) transnatauit. Quod cum, qui persequiebantur, facere non auderent, manus illorum effugit, & in Canicam vallem mœstus peruenit: vbi Dei prouidentia obuios habuit multarum Cantabriæ & Asturum ciuitatum atque oppidorum magistratus ac optimates, qui ad sese cum suis ciuitatibus Sarracenis dedendos ibant. Ex quibus cum itineris causam cognouisset, talem ad eos orationem habuisse traditur:

Equidem viri, horum temporum calamitatem non sum mopere deplorare non possum: & nisi id impium foret, fata accusarem, quæ ortum meum in ea tempora distulerunt, quibus tot meæ gentis strages, & (quod maius est) tantam ignominiam, tantumque Dei contemptum viderem. nam à quibus nunc 30 magis Dei honor & gloria contemnatur, non faciliè possum diiudicare: à barbarisne, qui in tenebris, quas mentibus illorum dæmon ille Muamedicus offudit, degentes, & verum Deum, eiusque cultum ignorantes, templa, in quibus Deo immortalis honores haberi solebant, eiusque cultui dicata profanant: infantes, quos Christus ad se duci iussit, in prima ætate impiis ritibus & religione imbuunt, nefandisque sacris initiant: virgines ac mulieres veram religionem agnoscences decipiunt, rapiunt, & concubitu suo non secus ac mali dæmones fœdant: mortalesque cunctos, quos semel in potestatem habuerint, dira seruitute premunt: nec solum fortunis, coniugibus ac liberis captiuos spoliant, corpora duro seruitio affligentes. verum etiam omnem cultum adimunt, ac denique impia religione Dei 40 gloriam obscurant, & animas in Tartara detrudunt. an verò à vobis, qui de benignitate ac potentia Dei, quem nouistis pro salute vestra sanguinem profudisse, à quo salutem æternam vobis datam esse scitis, ac cuius beneficio tot adiuueta habetis, certissimam vobis de hostibus victoriam promittentia desperantes, vltro turpissimum iugum ceruicibus vestris imponere vultis? quasi nulla amplius spes salutis esset: quasi Deum nullum haberetis, à quo auxilium sperari posset. vel quasi nulla munimenta possideretis: ac denique quasi non longè satius esset, fortiter pugnando breuem hanc fragilemque vitam cum sempiterna, cui ingens quoque gloria adiuncta sit, commutare, quàm ea quæ supra enumeravi perpeti: tamen qui Romanis orbis terrarum domitoribus obstitistis, qui ab omnium mortalium for- 50 tissimis viris, quibus Germania, Britannia, Gallia, Hispania, Græcia, & omnium terrarum regina Italia, Europa vniuersa, totaq; Africa & Asia parebant, debellari nō potuistis: qui optimè instituti imperij leges potestatemq; detrectastis: qui denique aduersus Gottos, eiusdem imperij vastatores ferocissimos soli inuicti mansistis: vos (inquam) nunc totius Europæ viribus integris, Hispaniæ tantum apertis locis partim proditione, partim Roderici regis imprudentia occupatis, qui fato

eum ad tot nefariis facinoribus debitum excidium trahente, iis viribus quibus patriæ proditorum acies frangi poterat non expectatis, temerè cum hostibus cōgressus, & insidiis suorum circumuentus, temeritatis ac flagitiorum suorum pœnas dedit: quæ tamen à capite (vt necesse erat) in reliqua etiam membra redūdā-runt vltro, vilissimæ, ignauissimæ, quasi sanctissimæ fidei desertores, gentis intoie-randum iugum subire & accipere vultis. Si Deus ob nostra flagitia ita auersus à nobis esset, vt nullus nostras preces admitteret (quod tamen nunquam credide-derim, cum poenitentes, & auxilium suum implorantes deferere non sol-eat) & re-liquus terrarum orbis Sarracenis parēret, nullaq; munita loca nobis superessent: præstaret tam fortitur mortem oppetere, quam illa videre & pati quæ ab his nobis 10 erunt perferenda. Bruta animantia & syluestres feræ, si catuli ipsis rapiantur, summo furore raptores persecutur: quos si inuenerint, strictorum gladiatorum acies, mortemq; pro suorum vindicta contemnentes, se in extrema pericula coniiciūt: & uos qui uiri estis, quibus natura liberorum educationem dedit, non solum vt aliis animantibus procreationem, & nutriendi curam: quiq; eos in vero Dei cultu, vt vitam inde sempiternam consequantur, instituere debetis, eos sponte accer-setis, qui post liberos vestros à vobis & simul à Dei cultu abstrahant. Vbi nunc est illa antiqua fides, pietas & religio, cum pueri nondum pubertatis annos ingressi, & sanctæ virgines dira omnia perpeti, quàm deos illos colere, quos (quamuis fal-sos) fortissimæ & sapientissimæ gentes passim colebant ac venerabantur, malue- 20 runt? Vbi illi qui pro libertate tot bella gesserunt? Fornaces, eculi, gladij, se-cures, omnia suppliciorum genera olim pueros ad simulacrorum cultum flecte-re non poterant: & nunc viri adulti, & viri omnium gentiū fortissimi, et ciuitatum principes, quibus sacrosancti Euangelij lux affulsit, Sarracenorum nomē horrent supplices illos nullis armis visis vel auditis, adeunt. At fortasse speratis, mitius vobiscum, si sponte vos dedideritis, actum iri: religionem iuraque omnia inte-gra fore: coniuges ac liberos inuiolatos. huiusmodi enim promissis decipere so-lent miseros populos nefarij illi, et scelesti patriæ proditores: quasi fides vlla in iis esse possit, qui dominos, qui patriam, qui amicos & propinquos, qui Deum ipsum prodiderunt. scilicet Valentiam urbem munitissimam, maritimam, & 30 clarissimam, deditione acceperunt, eadem promittentes: & tamen statim vbi ingressi sunt, omnes aut eiecerunt, aut trucidarunt, aut in suam sectam coege-runt. Toleti idem factum, idemque Sibilæ, & tot aliis claris urbibus, quæ hæc spe, & his veneficis orationibus deceptæ, sese illis dediderunt. Hæc exempla vos docere possunt, longè satius esse fortiter mori: quod quanto magis facien-dum est rebus nondum ita desperatis? Habetis montes arduos, & in iis multa in-accessa loca, & munitissima oppida, quibus freti pauci ingentes sæpe exercitus fuderunt: & vos viri, quos cœli ac terræ natura fortes fecit, laboribus assuetos, & hætenus inuictos metu fatiscitis. multi etiam sub Sarracenis degunt, qui si mo-dò vos caput extollere viderint, accurrent vndique. Est à tergo Gallia hodie ar- 40 mis et viris florentissima, vnde haud dubiè auxilia præstō erunt. Neque enim fe-rent Galli hanc ignauam gentem, quæ iam ad mediterraneum vltra Pyrenæos transgressa est, tam liberè in regni sui fines debacchari: & Deus ipse (si modò ad eum conuersi, vitam corrigamus) nobis aderit, quo adiuuante vel centum impio-rum millia singulis non sunt timenda.

Hac oratione permoti (erat enim Pelagius valde vehemens in dicendo, & magnæ ob prudentiam & vitæ sanctitatem apud illos populos exiſtimationis) do-mum redierunt, populisq; conuocatis reditus causas eis indicarunt. Pelagium videlicet, cuius virtus & sanctitas iam illis omnibus nota erat, cum (vt suprà o-stendimus) diu apud eos versatus esset, miraculo ex impiorum manibus ereptum, 50 ipsis quasi diuinum aliquem nuncium obuiam factum, quantum scelus com-mitterent, quamque perniciosum consilium cepissent, ostendisse. Quamobrem cum & ipse tum concionibus, tum priuatis colloquiis populos ad constantiam & pietatem accendere non desisteret, communi populorum consensu rex est Can-tabriæ & Asturū creatus, anno Salutis dccxvii. Deinde omnes Auseuam montē conscen-

- conscenderunt. cuius rei fama Hispaniam diuulgata, omnes Gotti qui ex barbarorum manibus effugere potuerunt, spem magnam concipientes, armis arreptis ad eum venerunt: quid statim facere non poterant, omnem occasionem intenti obseruare. Tunc Tarifes Abraemum Adcamacem, cum magno exercitu, & cum eo Opasium, Egicæ regis filium, Sibilæ metropolitanum, quem Iuliani & proditorum patriæ factionem sequutum supra indicauimus, aduersus eum misit. Quod audiens Pelagius, cum se ad tantam multitudinem repellendam parem non esse videret, paucis ex suis, sed fortissimis selectis, Aufeuzæ montis specum quendam natura munitissimum cum iis est ingressus reli-
- 10 quos ad angustias viarum tutandas reliquit. Quò cum Sarraceni peruenerunt, Opasius his qui angustias obtinebant, vt sese Mauris dederent, multis rationibus persuadere est conatus: sed cum labor eius irritus appareret, atrox pugna cœpta est: & Sarraceni tot saxa & sagittas in specus fauces iaculabantur, vt de cœlo instar nimbi pluere viderentur. Verùm Deo iacula in eos met qui iaculabantur prodigio retorquente, tot ex illis ceciderunt, aut vulnerati sunt, vt fracti retrocesserint. Tunc Christiani numinis præsentia et ope cognita gratias Deo agentes, audacter egressi, penitus eos repulerunt. Ceciderunt in hac pugna Sarracenorum ad viginti millia: Christianorum verò vel nulli vel admodum pauci, nam nihil de eo tradunt scriptores: & qui Sarracenorum ex pugna euasere, cum
- 20 Abraemoduce in verticem montis confugerunt: quo vertice terræ motu, diuino miraculo, concusso, ac in luam fluuium, qui eius montis radices alluit, corruente, omnes interierunt. Opasius verò & Mugnuza proditores, fugientes (neque enim cum aliis in montem ascenderant) capti sunt: & Mugnuza quidem in loco qui Olaglias appellatur, ab Asturibus statim interfectus: ac Gigion vrbs ad Mugnuzæ principis perpetuam ignominiam deleta. De Opasio autem quid factum sit, à nullo traditur. Mucas his auditis, Iulianum & cæteros coniuratos occulta cum Pelagio consilia agitare suspicatus, illicò Iulianum, & simul S. siberum atque Ebasium, Vitizæ filios, obtruncari iussit. & sic prodicionis præmium acceperunt. Quo exemplo multi ex iis qui Iulianum sequuti erant, territi, se ad
- 30 Astures contulerunt: & iis qui sub Sarracenorum tyrannide degebant, quotidie clàm ad Pelagium confugientibus, breui vires eius ita creuerunt, vt qui paulo antè vix sua tuebantur, mox multa ex iis quæ Sarraceni occupauerant, recuperarint. Statim enim Legio vrbs, quæ hodie Leon vocatur, recepta est: nec non Rota, Mansilia, Canicas, quæ vulgò Cangas dicitur, Tineum, & alia eius tractus oppida.

C A E L I I A V G V S T I N I C V R I O N I S S A R R A C E - N I C A E H I S T O R I A E

Liber secundus:

Eius imperii inclinationem ad Turcici initia usq; continens.

IN Oriente Sarraceni apparatus, quem superioribus annis ad 10
Constantinopolis oppugnationem fecerant, irritum fuisse æ-
grè ferētes: & Leonem, cuius opera conatus ipsorum repulsus
fuerat, imperium adeptum esse audiētes, ingentib. copiis col-
lectis denuò eandem expeditionem bipartitò sunt aggressi.
Malsamas quidem legatus Abydo cū magnis copiis in Thra-
ciam transuectus, magnam eius prouinciæ partem populatus
est: impetuq; in urbem regiā factò, ad Occidentalem vrbis partem, vbi Isthmus
est, prope mœnia castra posuit, atq; ab ea parte ipse urbem oppugnauit: Zulcimi-
nius autem pont. è mari cum trium millium (vt multi tradunt) nauium classe. Est
enim Constantinopolis vrbs cū maxima atq; ornatissima, tum loci natura & ar- 20
te munitissima, ad Bosphori Thracij, vbi exiguo tantum dirimente freto Europa
Asiæ penè coniungitur, fauces, quibus in Propōtidem exoneratur, sita: vbi modi-
cus sinus ab Oriente in Occidentem sinuosis portuosus lateribus panditur, ob id
etiam Cornu appellatus, quòd septem vrbis collibus in eum prominentibus mul-
tiplices quasi ramos, vt cerui cornua, habeat. inter hunc sinum & Propontidem
mons quidam excurrit, peninsulæ siue Cherronesi formam habens, qui ab Oc-
casu in Ortum circiter x x x stadia, non tamen admodum in altum assurgēs, qua
Propontis est perpetuo iugo eius faucibus obuerso excurrit: à Septentrione verò,
qua in Cornu (quem sinum esse diximus) vergit septem habet annexos colles, ex
quib. quatuor in sinū prominent: et qui Bosphoro alluitur, maximus est, & quasi 30
trianguli basim efficit. nam triquetra est peninsulæ & vrbis forma. Habet hic duo
promontoria: vnum, quod Propontidem intuetur, Occidentale Hebdomi: alter-
rum Septentrionibus obuersum, quod sinus fauces à ventorum iniuria tutas red-
dit, Chrysoceras nūcupatū. à quo si lineam ad septimū & intimū omnium collem,
qui sinū itidem ab Occidentali vëto tuetur, ducas, Galatæ siue Peræ planiciē intra
arcus, quē perpetuū Cherronesi iugū facit, sinū incluseris. Sinus longitudo circi-
ter sexaginta stadiorū est, in cuius intimo recessu Cydri & Barbyſæ fluminū ostia
sunt: latitudo autē varia, vbi maxima sex stadiorū: vbi verò minima, trium. Fauces
eius angustissimæ sunt. nā & ab Septentrionali parte, in qua Pera est oppidū, pro-
mōtorium in Meridiē obuersum prominet Metopicum atq; Cyclobium: & item 40
aliud ab Asia, mediis sinus faucib. obiectum, Damalicum appellatum. Cherrone-
sus hic ab Occasu, qua in parte continentem Thraciam habet, isthmo sinū hunc
à Propontide separat. Isthmi latitudo est, vbi septimum collem & interiorē vrbis
angulum cōtingit. passuū quinquaginta: vltērius verò maior. In hac igitur penin-
sula sita est Constantinopolis, olim Byzantium appellata: cui in altero sinus litto-
re oppositum est Pera oppidum, olim Galata, quatuor et ipsum promontoria in
Cornutum sinum immittens: & in Asia exopposito, Chalcedon. Sinus siue portus
fauces, vbi angustissimæ sunt, catena clauduntur, quæ ab Pharea turri ad Chryso-
ceram promontorium ædificata, ad Galatæ promōtorium Metopicum, vbi aliud
propugnaculum est, trahitur: vrbis ipsa triplici muro, dupliciq; latissima & profū- 50
dissima fossa, frequentibusq; turribus ac propugnaculis munita est. nam circum
circa planiciem habet: media verò vrbis pars paulum collibus sublata confurgit.
totus vrbis ambitus est circiter x i i i. m. p. hanc talem & tantam Constantinus,
vbi prius Byzantium erat, ædificauit: Imperiique sedem & omnia Romanæ
vrbis ornamenta in eam, non satis sano consilio, transtulit. nam etsi locus
ipse

ipse ad Imperii sedem aptissimus videatur, cœlum tamen & fatum hanc urbem Romani Imperij sedem esse non pauebantur. Vt enim singulæ non modò regiones, verum etiam vrbes sua fata moresque suos proprios & ritus habent: sic illa in alium locum transferri non tutò possunt, etiam si homines ipsi & leges transferantur. Cœli namque temperies hominum mores mutat, cum quibus & fata ipsa commutantur. quod sic esse, exitus comprobauit. Imperio enim ferè in Asiam translato, Imperatores ex ea prouincia legionesque Romanæ deinceps fuerunt: quæ & Græca leuitate & ambitione in factiones diuisæ, atque Asiæ mollicie enervatæ, barbarorum incursiones repellere non potuerunt: cum interea Itali & Ro-

10 ma, orbis terrarum arx, capite carens, atque militari disciplina amissa omnibus gentibus prædæ esset. Sic imperium illud, quod vt arbor bona, in proprio solo optimos fructus ferebat, in alienum cœlum et solum traslatû breui interiit. Sed vt ad institutam narrationem redeamus: Malfarnas eam partem à terra oppugnandam suscepit, quam in Isthmo esse diximus inter Cornu et Propontidē, quæ sola terrestribus copiis oppugnari poterat: & vt omnino commeatum obsessis adimeret, simulque mœnib. instaret, ita metatus est. itaque præsidia vndique disposuit, vt frons castrorum quasi cornu proxima mœnib. esset. indeque vt sese campi ab Isthmo recedentes magis diffundunt, circa sinum ad fluuiorum, quos in sinum exonerari diximus, ostia inflexa pertingerent. nam ingens erat exercitus, adeò vt loci spaciû

20 amplissimum occuparet, vnde excursionibus totam regionem vastabât: & oppugnationē cuniculis, turribus, omniq; machinarum genere tentabât. Zulciminus verò maritima classe totam urbem, qua Propontidem & Bosphorum respicit, ab Isthmo ad Metopicum promontorium cingebat, adeò vt & Propontis & Bosphorus ex vrbe intuentibus ligno strata viderentur. nec minus ipse quàm Malfarnas instabat operi: & pontibus naualibus in altum sublatis, tormentis item iis quæ illa tempestate in vsu erant, oppugnationem vrgebat. Sed tanta erat propugnatorum vigilantia & virtus, vt omnes illorum conatus omni ex parte irriti redderentur. Itaque ad diurnam obsidionem conuersi sunt. Verùm interea Zulciminio hic defuncto, Sarraceni in nouo pontifice eligendo seditionibus iactati sunt,

30 atque ob id oppugnatio aliquandiu intermissa. tandem verò Aumar, Abdimazidi filius, in defuncti locum pontifex creatur, Anno DCCXXI: quo anno hyems tam sæua fuit, vt fluminibus glacie concretis, quamuis commeatus assidue ex Aegypto in castra veheretur, tamen quia ingens erat hominum & iumentorum multitudo, & frigus immensum, magna illorum pars fame, frigore & morbo periit: & ingens illorum manus quæ prædæ cupiditate è castris in Bulgariæ fines irruerat, à Bulgaris, qui in eam populabundam impressione facta, magnam stragem ediderunt, oppressa fuit. vbi quidam triginta millia cæsa tradunt. Et Leo imperator artificio quodam ignis per speculum (vt Archimedes Syracusanus faciebat: cuiusmodi speculum & Alexandriæ Aegyptiacæ in)

40 Pharia turri fuisse tradunt, quo incolæ solis radiis obuerso, hostium naues, vel longè venientes comburebant) in hostilem classem eiaculandi, quo vel mare ipsum circa naues arderet, ab architecto quodam inuento, classem illorum ita afflixit, vt paucæ superfuerint naues, quæ à Græcis capræ fuerunt, ipsis præfectis illius ignis metu sese sponte deditibus, & in Græcorum manus confugientibus. Interea verò cum Mucas & Tarifes, qui Hispaniam subegerant, Aumaro suspecti essent reddit, ambo ad nouum pontificem salutandum, & suspicionis causas remouendas venerant: vbi Tarifes Mucam peculatus in Hispanicarum rerum administratione accusauit atque redarguit: cuius criminis damnatus, mœrore confectus obiit. in cuius locum Aumar Gizidum Africæ præposuit: Tarifem

50 verò toti Hispaniæ. Itaque Gizidus trecetarum & sexaginta nauium classe instructa, cum supplemento legionum & commeatu Byzantium versus iter direxit: sed ignis illius, quo Byzantini naues consumeabant, nuncio in itinere accepto ad Bithyniæ littora prædabundus substitit: vbi Romanæ legiones quæ in præsidiis erant eos aggressæ, multos occiderunt, ac territos repulerunt. Et nihilominus terrestris exercitus oppugnationem urbis nō intermittebat: & si tanta fame præ-

meretur, vt nullius animantis cadaueribus abstineret. quin & stercus exsiccatum comedebant, & humanis quoq; carnibus manus admouisse perhibentur: tanta barbarorum animos regiæ vrbis capiendæ cupiditas tenebat. Nec tamen minus interea Byzantij laboratum fuerat, qua in vrbe ad ccc hominum millia pestilentia absumpserat. Sed Aumar tot tantarumq; cladium nunciis territus, literis ad Malsamam datis, vt exercitum reduceret, iussit: quamobrem Malsamas exercitu nauibus imposito discessit. Sed vehementi tempestate exorta, omnes, decem tantum nauibus exceptis, perierunt: quarum quinque à Romanis captæ sunt, reliquæ cladis nunciæ domum redierunt. At in Hispania Abdeluzitus Mucæ nepos, quem Mucas discedens sibi substituerat, Egilona regina Roderici coniuge 10 sibi matrimonio iuncta, eius consilio Sibilæ quæ Hispalis olim fuit, se regem appellari iussit. Quod Sarraceni ægrè ferentes, eum vnà cum coniuge trucidarunt: & in eius locum quendam alium Mucæ propinquum, Aiubum nomine, tamdiu, donec summus ipsorum Pontifex alium mitteret, substituerunt. Hic Aiubus Bilbilis urbem, quæ Martialem poetam Epigrammatis clarum dedit, eo bello euersam, & nonnullas alias vrbes in Hispania instaurauit, ac de suo nomine Calataiub nuncupauit, quæ nunc Calataiud dicitur. Sed varij in diuersis Hispaniæ partibus regna occupantes, quominus cogitata sua perficeret, obstitērunt. Nam cum Córdubæ totius Hispaniæ regni sedes & caput esset, reliquarum verò urbium ac prouinciarum præfecturæ gentis principib. essent distributæ, singuli Abdeluziti 20 factum imitantes, præfecturarum suarum se reges appellārunt. Et sic in multa tūc regna Hispania fuit distributa, vt Sibilæ, Granatæ, Giaenæ, Murtiæ, Denjæ, Sciatuæ, quæ olim Setaba fuit, Valentæ, Tertosæ, Leridæ, Fragæ, Cæsaraugustæ, & multorum præterealocorum quæ his minora sunt. Qui reges dum concordēs inter se erant, magnis sæpe cladib. Christianam Rempub. affligerunt: iidemq; seditionib. diuisi, Christianis Hispaniæ recuperandæ occasionem præbuēre. Cui rei, quemadmodum supra narrauimus, initium dedit Pelagius, qui & fortitudine, & prudentia, & miraculis, & hostium dissidiis feliciter vsus, multas vrbes & oppida ab illorum tyrannide liberauit. Huic se adiunxit Alphonfus Petri Cantabriæ ducis filius, ab Richaredo Gottorum rege originem ducens, cui Pelagius Orismundam 30 filiam in matrimonium dedit: & hi duo simul multas ex Mauris victorias retulerunt. Sed vt in Orientem redeamus, Aumaro Califa defuncto, successit anno Salutis dcccxxii, Gizidus Abdimelici filius. quo imperante excitatus est in Perside alius Califa Gizidus, & ipse Moalabs appellatus. cōtra quem missus fuit cum magno exercitu Masabnacus, qui eum prælio vicit, Persidemq; subegit: & sic Gizidus, Abdimelici filius, solus Sarracenorum omnium Califa mansit: qui cum tres annos regnasset, obiit: et post Euelitus eius filius, Califa est creatus, qui magnis viribus Romanas prouincias in Asia atque Europæ est adortus: sed nulla rememorabili gesta, ita se ad ocium & voluptates conuertit. Verum tamen iterum secundo imperij sui anno Malsamam cum exercitu in Cappadociam misit, à quo 40 Cæsarea vrbs capta fuit, & ab altera parte Euelitum in Thraciam, qui ea populata in Syriam rediit. Hoc tempore prope Asiæ minoris littora, terra in fundo maris ita arsit, vt primò fumus ex eo incendio: deinde tanta pumicum accensorum copia extitit, vt monticuli in mari nati viderentur, quib. pumicibus omnia Asiæ minoris, Lesbī, Abydi, & Macedoniæ littora repleta sunt, mareq; ipsum iis stratum esse videbatur: quinetiam traditur tunc insula quædam prope Sacram insulam nata esse. Deinde Euelitus Muauiam quemdam et Amerum duces cum, xc Sarracenorum millibus ad Nicæam Bithyniæ urbem oppugnandam misit: qua summis viribus, & omni arte oppugnata, Christianis fortissimè propugnantibus, & illos semper magna cum cæde repellentibus: tandem re infecta, nisi quod ab re- 50 trocedentibus Ateum oppidulum captum, domum redierunt. Postmodum Gazariæ princeps, Cacani Bulgarorum regis filius, Sarracenis in Armeniæ finibus bellum intulit: & Gradaco Armeniæ ac Mediæ prætore Sarraceno prælio deuictō, atque trucidato, duas illas prouincias rursus Romano subiecit imperio. Anno dcccxxx Malsamas cum ingentibus copiis Caucasia claustra ingressus cum Turcis,

Turcis, qui & Vnni Teutazitæ, id est gentiles tunc vocabantur, intra eos montes degentibus ferocissimis populis, cruento vtrinque prælio per integrum diem dimicauit, donec tandem nox victoria adhuc incerta eos diremit. Sed Malsamas in Armeniam (iam enim cum Cacani filio pacem inierat) se recepit. Interea in Hispania Pelagius res feliciter aduersus Sarracenos gerente, & Tarraconenses, qui in montibus degebant exemplo Asturum Garziam Scimenecium in Ioannis Pignæ specu, Panouio appellato, regem crearunt: & paulo post Pelagius cum regnasset annos XIII, obiit, Anno Salutis DCCXXXII. cui successit Fasla filius, qui regni sui anno secundo in sylua quadam ab uis deoratus, nullos liberos reliquit. hi reges

10 sedem regni Legioni collocarunt, & leonem purpureum in argenteo clypeo depictum pro insigni sumpserunt, non quidem ob uis in qua sedem habebant, nomen, quæ non a leone, sed à militum legione, quam Nerua Cocceius Imperator ibi collocauit, nomen habet: sed quod non secus ac ferocissimi leones, pugne pro patriæ salute desiderio arderent. Hoc Fasla regnante, Sarraceni per eam Pyrenæorum partem, quam ad mediterraneum mare obtinebant, in Galliam transierunt. Galliam tunc Franci, Germanica gens, obtinebant: qui anno Salutis circiter quadringentesimo suis sedibus ad colonias aliò transferendas moti, ab Aetio patricio Rom. qui tum Galliæ provinciæ prætor erat, eam Sequanorum agri partem, quæ Germaniæ proxima est, ut aliquod aduersus Hunnos, qui Attila duce finibus

20 suis egressi Europam vastabant, si fortè in Galliam venissent, præsidium haberet, habitandam acceperant, ob id adhuc Franciam appellatam. Erant enim Franci, populi in Germania bellicosissimi, eam (ut opinor) regionem quæ adhuc Franco-nia vocatur, incolentes: & post paulatim finibus promotis, totius Galliæ imperium occupauerant, adeò ut Francorum nomen latissimè patèret. Sed cum Franci reges voluptatibus & ocio dediti, ab antiqua illa ferocitate degenerassent, nec quidquam per se administrarent, sed omnia per domus regiæ magistratos curarēt: quem honorem primus Pipinus, Arnolphi Bauariæ ducis filius, regiarum prouinciarum præfectis, qui regem imbellem videntes, ad tyrannidem aspirabant, domitis adeptus erat. Tunc autem Theodorico secundo regnante, Caroli Martelli, huius Pi-

30 pini filij secundi in eo magistratu virtus inclyta erat in tota Gallia, adeò ut is populi princeps haberetur. Eodem tempore Aquitaniam, quæ tunc Gottica Gallia vocabatur, obtinebat Eudo, Gottus et ipse, qui ei provinciæ à Roderico rege præpositus, ubi regis sui cladem audiuit, regem se in ea fecerat. Hic Carolo Martello aliis bellis in Germania occupato, cum vicinorum locorum præfectis Francis, de finibus armis contendere cœperat, eosque iura sua defendere nitentes multis cladibus affecerat. Quamobrem Martellus arma aduersus eum mouit. & eodem tempore Sarraceni Pyrenæos transgressi, Narbonem ceperant: in eaque, ut eo exemplo cæteris terrorem incuterent, crudelissimè sæuierant. itaque Eudo sibi difficile fore, Francicum simul & Sarracenicum bellum sustinere animaduertens, quia Mugnocem generum habebat, qui multum apud Sarracenos gratia valebat, cū Sar-

40 racenis maluit quàm cū Christianis fœdus inire. Quo Mugnocis opera impetrato illorum auxiliis subnixus, multas Francis clades inferebat: sed cum Sarracenos omnia oppida et vrbes, quas ingrediebantur, præsidiis suis munitas sibi retinere animaduertisset, serò errorem suum agnouit. illi enim iam Nemausum, Montem pessulum et Auenionem cū omnibus aliis circumiectis locis occupauerant. Veruntamen Eudo, ut eos repelleret, viribus suis omnibus collectis, cū eis pugnavit, victusque fuit: cumque Mugnoces, cuius opera fœdus illud initum fuerat, fidem sibi non seruari quereretur, Abderama Gottalanæ rex, exercitu in eum ducto, illum in Cerdaniæ arce obsedit: ex qua, cum ob aquæ penuriam Mugnoces in aspera & sal-

50 tuosa loca profugisset, in aliam Sarracenorum manum incidit, qui eum captum obruncarunt, & caput Abderamæ miserunt, unà cum eius coniuge, Eudonis filia: sicque omnes patriæ proditores breui miserè interiēre. Itaque hostibus, qui à tergo timeri poterant, omnibus sublati, Abderama in Galliam reuersus, flumen Rhodanum traiecit, multaue Christianorum loca vastauit: & tantam stragem Arelate edidit, ut etiam hodie ossium ille acruus, qui tunc factus

est, ibi extet in loco Alies campi appellato. Inde in Eudonem iterum vires suas colligētem arma conuertit: Tolosam, Gotticæ Galliæ regiam sedem obsedit: qua in oppugnatione, quia vrbs fossa & mœnibus, nec non machinis & omni armorum genere, idoneo quēque præsidio ac rebus omnibus ad propugnationem necessariis optimè munita erat, magnas Sarraceni ex machinis, præsertim peritorum architectorum ingenio excogitatis, & variis strategematibus clades acceperunt. capta tamen tunc fuit à Sarracenis Burdegala: & omnes ad vnum in ea, etiam mulieres cum paruis infantibus cæsi, nec non templa solo æquata. Dein, per Pythagorum fines vltra Garumnæ fluuium in Sanctones excurrerunt atque Angolismam, Blaesium quēque euerterunt. inde per Lemouices & Pictauos in Turones deflexerunt, vbi Martini templum donariis opulentissimum direptum incenderunt. Quibus cladibus afflicti Eudo, cum Martello fœdus iniit: & sic coniunctis viribus Abderamam in Turonum finibus ante ipsam urbem, trecentis septuaginta quinque millibus Sarracenis cæsis, prælio fuderunt. ex Francis mille tantum & quingenti desiderati. Et ne tunc tota illa Sarracenorum manus deleteretur, in causa fuit nox prælio nondum confecto superueniens. Abderama enim noctu clade sua cognita, sequentis diei fortunam expectare noluit: sed impedimentis omnibus in castris hostibus prædæ relictis, maximis itineribus cum iis reliquiis quæ illum sequi potuerunt, ad Pyrenæos, inde in Hispaniam rediturus, fuga contendit. Sed Nauarri itinerum angustias occupatis, omnes interfecerunt: sequenti die Martellus statim vbi sol illuxit, suis ad pugnam instructis, in aciem prodit: qui hostes fugæ se dedisse conspicati, ad prædam sunt conuersi, quæ in hostium castris opima fuit. Eudone autem defuncto, regni eius partem Martellus suo adiecerat imperio: quam obrem filij eius Hunoldus & Vaifarum Narbonensem prouinciam sollicitantes, bellum cum Martello redintegrarunt: & Rhodano transmissis, summa immanitate in oppida, vicis, agros, animantia, & omne genus hominum, omnem quēque ætatem & sexum ferro & flamma sæuerunt: quam procellam, præcipuè Allobrogum ea pars quæ hodie Delphinatus appellatur, antequam Martellus iusto cum exercitu occurrere posset, sensit. Qui vbi venit, Visigottus in vastam solitudinem, quam fecerat, recessit: & fœdere cum Sarracenis cautius quam Eudo fecerat, obsidibus videlicet datis atque acceptis, iusto, eos rursus in Galliam aduocauit: qui non iam, vt antea, sexu ætatēque imbelli armatis intermixta, sed flore iuuentutis, militum quēque robore delecto terrarumque, et comœtu instructi, Atino duce in prouinciam transierunt: vbi Auenione Mauricii præfecti proditione capta, eam urbem cum Narbone belli arces delegerunt. Quos liberè vagantes, Childebrandus cum validis copiis à Martello præmissus, primo statim aduentu intra Auenionis mœnia compulit. Auenio vrbs ad Rhodanum sita, tunc mœnibus, crebris quēque turribus ac propugnaculis munita satis erat: & Atinus, eam se defendente, nec segniter (vt certè vir fortis, & rei militaris peritus erat) rem administrante, expugnari non posse existimabat. Præsidia enim vbique locis opportunis disposuerat, mœnia, turres & propugnacula, armis, telis, machinis ad saxa in hostes eiacularanda, & ignis fomento, quod in irruentes faces accensæ proiicerentur, propugnatoribusque compleuerat: portas stationibus fidissimis excubiis quēque firmarat: comœtus quoque magnam copiam introduxerat, & denique nihil quod ad propugnationem spectaret, prætermiserat: ducibus singulis ac centurionibus decurionibus quēque: si munera & loca assignarat. Ipse custodias vigilas quēque circumibat, laborum, vigiliarum, inedia quēque patientissimus, exemplo potius quam pœnarum metu milites in officio continebat, & ad præclara fortia quēque facinora excitabat. Childebrandus castris admotis oppugnationem tentauit: quem Atinus non modò repulit, verum etiam castra procul ab urbe remouere coegit. Sed vbi Martellus cum suis aduenit, iunctæque copię sunt, situ et munitione urbis inspecta, propugnatorum quēque viribus exploratis, omnia maturè & forti consilio agens, non modò erumpentes intra mœnia compulit, sed castra in pristinum locum promota muniuit. Cum enim Martellus rei militaris peritissimus esset, duces ac milites secum habebat tot bellis, quot & quanta gesserat, exercita-

exercitatissimos, & castrensis disciplinæ, quam sub illo didicerant, obseruatissimos: qui siue metandum, siue castra mouenda, siue acies instruenda esset, singuli signo tantum accepto sua munera locosque norant. Cum castra erant munienda, statim alij locum ab Imperatore diligenter exploratum, ac indicatum metari, alij vallum et fossam ducere, alij tentoria figere, alij stationes et vigilas collocare, alij extra vallum hostium in laborantes impetum arcere: si verò mouenda essent castra, singuli vicissim partes officiaque sua norant: si in pugnam prodeundum, ordines singuli, modò qua forma acies esset instruenda indicaretur, certos habebant: & quo loco pugnâtes pedem fixerant, ab eo recedere morte peius ducebant, laudis & gloriæ auidi. Si oppidum oppugnandum esset, alij scalas, fasciculos alij, & turre ac pontes, quibus mœnium altitudo superaretur, admoueant: & certatim mœnia conscendebant, nunquam ne in capta quidem vrbe ad prædam extra ordines vagantes, neque vnquam prædæ auiditate ferro sequi desinebant, dum hostes supererant, qui arma non tradidissent. Cum huiusmodi igitur exercitu Martellus vbi castra admouit, dum recens terror erat, & militum animi feruebant, quia gentis suæ naturam norat, quæ primo impetu, dum recens est iniuria, & animus audacia atque victoriæ speferuet ferocissima: breui si bellum trahatur, ita mollescit, ut agni videantur, nulla militi quiete data, nisi ut corpora cutare possent, pugnae signum dedit, eorumque animos huiusmodi oratione accendit:

20 Nisi mihi virtus vestra, milites, multis laboribus ac periculis mecum exaltatis nota, & si hostis ignotus esset, multis vos verbis incitare conarer: nunc autem cum vos tot bellis inuictos expertus sim, & hunc ipsum hostem superioribus annis longè maioribus viribus sibi Galliarum imperium deposcentem, facillimè penè ad internecionem deleueritis: mihi non multum laborandum esse video, ut spem vobis victoriæ, quam scio vos tot bellorum difficillimorum nostro ductu feliciter confectorum exemplis edoctos, certam in manu habere faciam: nisi quis fortè existimet, difficilius nobis nunc fore hos paucos, qui ut lepores antris, sic ipsi illis mœnibus inclusi latent, superare: quàm in Turonibus fuerit, totius penè Orientis vires delere: aut quasi mœnia plus valeant in bellis, quàm quadringenta hominum millia, quorum gladij & arma simul in cumulum congesta, his mœnibus quæ videtis altiore maioreque aggere hanc urbem possent cingere. Ferro, mihi credite, non mœnibus setuentur viri: & qui muris nituntur, vbi eos virtute superatos vident, pauidi ut damæ arma abiicientes diffugiunt, velut pecora sternuntur. Accingite igitur vos ad oppugnationem, opima in ea vrbe spolia inuenturi, & vilissimum istud genus hominum cauea inclusum opprimite: digna, præter prædam, qui fortius se gesserint, à me præmia accepturi. Ego ipse non solum consilio, verum etiam manu (ut soleo) vbi opus erit, vos iuuabo: & virtutis vestræ vbiq; testis & iudex, periculorumque particeps adero. ite muro illo transcurso, Galliarum bis liberatores conseruatoresque ab omnibus celebrandi.

40 Quibus dictis, sublato vndique clamore mœnia summa vi oppugnari sunt coepta: scalæ, turre, pontesque admota exercitu in tres partes (quarum vni Childebrandus, alteri Carolomānus Martelli filius, tertiæ ipse Martellus, summi duces præerant) diuiso, tripartito oppugnationem sunt aggressi. Sarraceni saxa ingentia, ad id preparata, deuoluentes, scalas frangebant: sagittarum nimbum in oppugnantes iaculabantur, et picis accensæ ollas in propius accedentes coniciebant, nullum denique telorum genus cessabat. Atinus ipse circūcirca discurrens, et omnia prospiciens, periti Imperatoris simul et strenui militis officio fungebatur: multisque primi murum ascendere voluerāt, audacia nec attulit. Sed Martellus cum scalæ partim ab hostibus partim ascendentium multitudine grauata frangeretur, ut ab aliqua muri parte hostes deturbaret, turrem ligneam erexit, ex qua machinis quibusdā saxa ingentia in eosque in muro stabant iaculabatur: in eademque multi milites sagittarij erant, eisdem sagittis a pugnatione mœnium deturbantes. Hæc turris pontem habebat, qui machinis pariter attollebatur, & vicissim deprimebatur: quæ qui in terra stabat, ascendere nullo labore poterat. machina tota corio bubulo tecta erat, ne ignis obesse illi posset. Itaque ea mœnibus admota (rotis, n. impellebatur) posmuri fastigio appositus, & sic statim

murus Francis militibus in illa parte completus fuit. Tunc cum penè par dimicatio esset, virtus vicit, clamorq; vndique sublatus aliis per scalas, qui clypeis se quasi testudine facta tegebant, dum in summum venirent, ascendentibus & cæsis vel deiectis propugnatoribus, reliquisq; amissa spe dilabentibus, Atinus cum proceribus nauibus quæ instructæ in Rhodano stabant, secundo flumine aufugit: multi in fuga cæsi, multi aliorum super alios ruetium multitudine obtriti: multi, dum nauib. iam discedentib. adnatant, vorticib. absorpti. Atinus in mare delatus, Narbonem urbem munitam, opulentam, et maris auxiliis intromittendis opportunâ, quanq; alia Sarracenorum manus infederat, petiit: ad quam Martellus quoq; oppugnandam contendit. Iamque non minore vtrunque certamine oppugnabatur 10 defendebaturq; Narbo, quam modò Auenio: cū Amorreuus, alter Sarracenorum rex obseffis opem ferens, Martellum in se conuerit. Ad Illiberim fluuium signis collatis, pugna atrox commissa: sed tandem, cum Amorreuus in prima acie fortissimè pugnans cecidisset, Francus vicit, hostes fusi cæsiq; sunt, adeò vt ne nuncius quidem cladis domum redierit. qua suorum clade comperta, Atinus, & qui cum eo Narbonæ erant, classe Gallia decesserunt. Hoc tempore Mauris tota Aquitania pulsus, nouem proceres ex Martelli exercitu viri fortes, Sarracenis in Gottalanja bellum intulerunt: & Martellus obiit, eiq; successit Pipinus alter filius: in Oriente autem Malfamas Thraciæ, quæ nunc Romania vocatur, fines populatus, Cursianum munitissimum Cappadociæ oppidum occupauit. Deinde iterum ad 20 Caueasia claustra cum exercitu profectus, ea ab Vnnis siue Turcis ita munita reperit, vt cum eis congredi non ausus, retrocesserit. Biennio autem post altera Sarracenorum manus Euelito, Mauniz filio duce rursus in Thraciæ fines irrupit, magnaq; populatione facta, in Syriam rediit: qua in prouincia multa Sarracenorum millia morbo interierint. Nec tamen ideo ab incursionibus in Romani imperij fines abstinerunt. Zulciminus enim cum magno exercitu Armeniam & Thraciam tertio depreddatus est, & Sideronium oppidum cepit: deinde in Cappadociâ cum L. X. mil. transit, eodemq; tempore Melicus & Batalus cum centum millib. Sarracenorum quarto in Thraciam irruerunt. Leo verò imperator cum exercitu contra eos qui Thraciam vastabant, profectus, penè omnes deleuit. Quo tem- 30 pore obiit Euelitus: in cuius locū Gizitus I. pontifex, Salutis anno DCCXLIII. creatus est. qui, dum Romanum imperium in se diuisum erat, Constantino Copronymo, Leonis filio, cum Artabado de eo dimicâte, ad imperij Sarracenicis res constituendas animum conuertit. & quoniam Cyprus insula tunc bene habitata motus aliquos faciebat, populò vniuerso in Syriam translato, insulam vacuam reliquit: & cum annum regnasset, decessit. Ices post illum, pontificatus adeptus: quo ante annum expletum defuncto, Maruanus pontifex creatus est. In Gallia verò Pipino II regnum administrante, Sarraceni denuò Pyrenæos transgressi, ab eo summoti sunt: & ita mulctati, vt id amplius eo viuo tentare non sint ausi. Quamobrem Childerico, ad quem Galliæ regnum hereditario iure spectabat, deposito, 40 Franci Zacharia Rom. pont. adnitente Pipinum regem salutârunt: atque cum eo Carolum, qui post Magnus cognomento dictus est, eius filium, in regni spem vixerunt. quem, cum post multa, propria auctoritate, quasi iam rex esset, contra patris voluntatem gereret, Pipinus in exilium extra omnes regni sui fines abire iussit. quamobrem ille multis ex Francica nobilitate eum sequentibus, se ad Galasiū, Toleti regem Sarracenum, contulit: eiusq; opera vsus est Galasius in bello, quod tunc contra Marsilium Saragotiæ regem, itidem Sarracenu, gerebat. quo in bello Corolus, qui regis Toletani copiis omnib. præerat, fortissimè se gessit, multaque damna Marsilio regi intulit. Post Galianæ regis sui filia amore captus, multa præclara facinora in eius gratiam patrauit: præsertim verò aduersus Bramantem, itidem Sarracenum regem: qui vt Galianam inuitis parentibus coniugem haberet, Toletum oppugnabat: quem Carolus, cum ipse Toletani regis milites tum Francos, tum Sarracenos funderet, ad pugnam instaurandam egressus, sua manu interemit. Tandem verò, ea in hortis siue balneis extra Toleti mœnia ad Tagi fluminis ripam sitis, qui adhuc hodie Galianæ palatia vocantur, rapta, cum illa Burdegalam

degalam confugit: vbi ei magnificas ædes ad Toletanæ regis similitudinem, quæ adhuc extant, & Galianæ palatium & ipse appellantur, ædificauit. In Syria verò Maruano imperante, multæ seditiones inter Sarracenos sunt obortæ, & plures tyranni facti: vt Tebidus, Dadacus & Zulciminius. quos armis persecutus Maruanus, Tebidum cepit, atque occidit: Zulciminius autem fractus in Persidem fugit. At Dadacus meliore fortuna vsus, Maruani filium prælio fudit. Sed non diu ea læticia frui potuit: breui enim cū ipso Maruano atroci prælio congressus, victus & trucidatus fuit. Horum inter Sarracenos ciuiliū bellorum occasione Constantinus Copronymus Syriæ bello illato, magnam eius prouinciæ partem occuparat.

10 Itaque Maruanus Dadaco extincto in Syriam victoriā arma conuertit, eamque magna Christianorum cæde recuperauit: eo autem anno paulò antè quàm hæc clades Christianis inferretur, Syria, Palæstina, Asia penè vniuersa, Thracia, Græcia atque Italia cum multis aliis regionibus ingenti terræmotu cōcussæ sunt. Post, maiores motus in Perside sunt exorti. Asmulinus enim eius sectæ, quæ à Mutare, cuius suprà mentionem fecimus, Alim Muamede maiorem fuisse dicente, fuerat excitata, princeps apud Corasenos Persidis populos degens, Catabani cuiusdam consilio seruos ad dominos siue infidiis siue aperta vi interficiendos concitauit: quorum deinde diuitiis serui potentes facti, in duas factiones sunt diuisi, quorum hæc Caismorum, altera Lamonitarum vocabatur. Asmulinus verò Lamonita-

20 rum dux factus, Caismos deleuit. Inde in Persidem cum Lamonitis & Catabano perrexit: cui prouinciæ pro Maruano præerat Iblinus quidam, qui cum centum armatorum millibus se Asmulino opposuit. Sed Lamonitæ quamuis inferiores longè numero essent, tamē Asmulini & Catabini, quos sanctos, & diuino numine plenos existimabant, promissis freti, fortissimè dimicârunt, adeò vt Iblinum fuderint. Deinde tot victoriis elati, ausi sunt etiam cum Maruano, qui trecenta mortalium millia in aciem produxerat, prope Zebanum amnem cōstingere: eumque exercitum fuderunt. Maruanus ponte, ne se hostes persequi possent, rescisso, cum quatuor tantum millibus in Ægyptum transfugit. Quem persequutus Salinus, Asmulini filius, in Ægypto cruentissimo prælio deleuit, & sic omne Marua-

30 nium genus expulerunt. Cuius familiæ, quæ tot annos regnauerat, reliquæ, pars in Mauritaniam, vbi Fessæ regnum constituerunt, pars in Hispaniam transit. Et ab Asmulino post orta est illa familia, quæ hodie in Perside regnat, Sophiana nuncupata. Mortuo autem Asmulino & Catabano, Abubalanus cognomento Muamat, Syriæ & Persidi, Salinus verò Ægypto imperauit: & sic cœpit Ægypti Sultanorum, qui Cairi sedem habebant, imperium. sic enim Ægyptij Califæ appellari voluerunt, quæ vox summum principem, & regum regem significat. Eodem tempore in Gallia Pipino defuncto, regnum iniit Carolus eius filius: & in Asturi-

40 bus Fasile successit Alphonfus, Pelagij gener, cognomento Catholicus nuncupatus. is in Galleciis lucum, Tui & Asturicam, in regione campi appellata, quicquid Srola, Carrione, Pisquerra, & Duerro fluminibus includitur: in Castulonensibus, Simancas, Duengas, Amaiam, Caniciare, Alefanium, Transineram, Supuertam, & Carraciam: in Lusitania, Bracham, Viseum, & Portum, à quo & Galleciis eiusdē prouinciæ populis Lusitania tota hodie Portogallia appellatur de Sarracenis recepit. Multa loca muniuit, vt Alabam, Ordugniam, in Cantabria, quæ hodie Biscalia dicitur: in Nauarra, Ruconiam, Sarracecasium, & alia loca vsque Pyrenæos: quo, regni sui anno xvi i i defuncto, Froila eius filius rex salutatus fuit. Hic Sarracenos, qui Gallecos inuaserant, Omare illorum duce cum quinquaginta millibus cæso, Iosepo Cordubæ rege in fugam compulso, fudit, & Gallecorum regionem totam, hodie Gallicia nūcupatam, suo subiecit imperio: quo

50 post à suis interfecto, Aurelius eius patruelis regnum est adeptus: qui nihil memoria dignum contra Sarracenos gessit. & eo quoq; breui defuncto, Silo eius frater rex creatus fuit: qui vt Gallēcos rebellantes debellaret, pacem cum Sarracenis iniit. Regnavit octo annis: ei que successit anno salutis dcc lxx x, Alphonfus II, Froilæ filius, cognomento Castus. Huic, Maurægati eius patrui impulsu, bellum intulerunt Sarraceni. Promiserat illis Maurægatus, se, si illorum opera Legionis

regnum, quod maiores ipsius obtinuerant, adipisceretur, quotannis eis quinquaginta nobiles, & totidem obscuri generis virgines tributi nomine traditurum, multaque alia nefanda. Quamobrem Sarracenis eum summis viribus adiuuantibus, Legionem cum regno toto occupavit, & quinque annis obrinuit: eo autem vita functo, Vermudeces, Vimarani eius fratris filius, successit: qui post duos annos sponte regnum Alphonso restituit. quo audito, Sarraceni ingentem exercitum Muga duce contra eum miserunt: cum quibus ille prope oppidum Lutum siue Ledum, acie congressus, eos, LXXCIO cæsis, & multis captis, fudit. Dum hæc in Hispania geruntur, Sarraceni in Oriente intestinis seditionibus lacerabantur. Abubalano namque in Syria imperante, multi motus in Arabia contra eum à Maruani defuncti factione, Maruanum nondum obijisse dicente, & ideo arma pro eo reducendo capiente, sunt excitati: quibus moribus multi mortales vtrunque ceciderunt, magnæque populationes factæ. Abubalano mortuo successit Abedela frater: quem alius quidam Abedela ad Pontificatum aspirans, insidiis oppressum interemit, ipseque regnum occupavit: quo imperante, Turcica gens Caucasii portis egressa, anno videlicet Christianæ salutis circiter octingentesimo, Armeniæque populata, in patriam rediit. & sequenti anno iterum magno numero egressa, cum Sarracenis pugnavit, donec multis vtrunque cæsis, prælium nox diremit. Abedelæ secundo, anno imperij sui xxix defuncto, successit Madi filius: qui nulla memorabili re gesta, cum annis novem regnasset, obiit, Mosem filium imperij hæredem relinquens. quo anno secundo defuncto, creatus fuit Califa in eius locum Aaron. Sed ut ad Occidentis res redeamus, Ibnabala Cæsar Augustæ rex, ab cæteris Sarracenorum in Hispania principibus domo pulsus, ad Carolum in Galliâ venit, eius opem implorans: & Alphonso cognomento Casti, Asturum regis, legati eodem tempore ad Carolum venerunt, quod eum ad Hispanicas res capeffendas incitarent. Itaque Carolus non modò regni sui viribus collectis, verum etiam externis auxiliis acceptis, inter quos fuerunt quidam Danicæ iuventutis proceres, quos studium armorum virtutisque ostentandæ perduxerat, cum non quidem ingenti, sed iusto selectorum militum ac ducum exercitu Pyrenæos per Roncisuallem, nemine impediante transmisit: & Navarra fines ingressus, ad Pompeionem, Cantabrorum regni caput, castra posuit. quam urbem Sarraceni valido præsidio communierant. Et iam antiquis Hispaniæ artibus instructi, vnius prælij fortuna secus ac antè solerent vitata, bellum trahere decreuerant. Carolus, qui interrogarent, num deditionem facere, an belli fortunam expetiri mallent, misit. Illi primò tempus ad deliberandum petebant: & diei spacio accepto, id agebant, ut ad reges socios amicosque mittere liceret, ut nisi intra quindecim dies auxilio sibi præsto adessent, sese cum vrbe dederent. E re Francorum esse, vrbe integra à clade belli potiri: potius quàm à victore per iram, & à victo per desperationem eversa: neque hac mora Francum vilius rei iacturam facere. Urbem enim, ut omnes terrores ingruant, vim eo dierum numero laturam. Et Francos, si occurrentibus suis pugna superiores sint, portarum claustra solo verborum imperio refracturos: idque ex eorum dignitate ac vtrorumque commodo esse, ne infontes vrbes ad quas liberandas Franci se venisse dicerent, exempla belli vtrinque paterentur, quæ oppugnationis necessitas insolentiæque afferat. Carolus ea à barbaris, ut bellum magno impetu cœptum, mora languesceret consenesceretque, callidè dici animaducrtens, hostibus ad belli apparatus tempus dare noluit: quin statim bellum denunciat, iubetque militem, quæ oppugnandis circumsedendisque urbibus vsui sunt, parare. Oppugnatio per multos dies atrox fuit, hostis assiduus aderat: crebra eruptione, non Arabico, sed Hispanico more, ferro igneque armatus, velox subitusque omne tempus, omnem locum conatumque varia ludificatione intutum, infidum, infestumque faciens: prius circumfusus, quàm venturum quis suspicari posset: prius cæde incendiòve facto ex oculis se propiciens, quàm contrà eum diu spaciū daretur. Ad portas castre cum primò tumultum trepidationemque iniecit: deinde oppositis aduersus vrbis portas stationibus, ne tunc quidē arceri poterat, quin pari audacia impetū faceret: nec prius quàm perfectis operibus, circumvallatusque,

uallatusque claudi mœnibus potuit. Tunc quoque præstanter non virtutem muris, sed muros virtute defendebant. Dùmque obsidio diutius spe trahitur, cæteri barbari reges, non quidem cum exercitu ad pugnandum iusto prælio aderant: sed per occasiones notis tramitibus levis armaturæ equites submittebant, qui sæpius noctu quàm interdiu castra perturbarent. Quædam etiam manus cæsis custodibus, perruptisq; munitionibus in urbem penetrans, spe obsessos repleuit. Carolus animo infracto suos adhortatur, admonet tolerantia vigilantiaque vincendum esse. Virtutem bellicam non acie tantum clarescere, sed longe magis optima disciplina, quæ insomnes maxima ex parte noctes, dies laboribus plenos, libidinum & 16 luxu abstinentiam, perpetuūq; cum mora temporis tædiūq; certamen poscerent. Clausura illa quibus se impij tutarentur, vel vi refringenda, vel illos pertinacia edomandos. Quamobrem signa inferrent, hostem inclusum respirare non sinerent. Et in ancipitia munimenta facta, quibus castra à tergo, à fronte, à lateribus custodirentur. Mox, qui ut antè excurrerant coerciti, & cœdè pulsī, & res ad iustam obsidionem redacta. Post oppugnatio atrocior cœpta: quæ dies noctesque summa in aliis post alios in orbem succedentibus, omni operum, machinarum, tormentorum, scalarum, pontium, artis virtutisq; genere continuabatur, adeo ut tandem hostis consternatus, per æqua, per iniqua scandentium Francorum virtute deiectus, cæsusve sit. In urbe quoque magna strages edita, donec præconium à 20 rege circummissum est, ut inermi parceretur. Tum Sarraceni ad eam diem assueti potius mori, quàm dum arma suppetere, se dederè, abiectis telis dextras inermes supplicesq; tendebant. Post mœnia diruta, & urbs direpta. Inde Cæsar Augustam, Tarraconensis provinciæ caput perrexit: quæ hoc exempla territa, statim in conditiones descendit, ut concionatores admitterent, Ibnabalam reciperent, regemq; agnoscerent. Post in Gottalaniam transit, duosque eius provinciæ reges qui Ibnabalam domo eiecisse in simulabantur, Abutaurum & Deusfezum in castra venire cum donis coëgit, & veltigal pacisci: omnemque Hispaniam nominis sui terrore compleuit. Sed ubi in Galliam reuersus est, sunt qui addant, venisse ex Africa Aigolandum quendam à summo Africanorum Sarracenorum 30 satrape, qui Marroci sedem habebat, cum ingentibus copiis, ad ea quæ Carolus in Hispaniis ceperat, recuperanda missum, cum quo fuerint multi reguli & viri fortissimi: cum eoque Carolum ad Baionam, Vasconiæ urbem, post aliquot singularia certamina ex prouocatione facta, eruento prælio dimicasse: in quo quadringenta Christiani nominis hominum millia ceciderint, & in his Milo Anglerius, Rolandi pater, vir fortissimus, qui vniuersum ductabat exercitum, restitutam tamen rem fuisse Caroli virtute, per opportunūque auxilium copiarum aduentu, quæ tunc ex Italia Gallis adfuere, adeo ut Aigolander occultè fugam præoccupauerit. Sed mox reparato exercitu rursus Carolum in Vasconiam exciuisse: Gennūque urbem, quæ nunc Baiona dicitur, quam alij Aquas Augu- 40 stas olim appellatam volunt septem mensium obsidione fatigatam: tandemque recedentem, in Sanctonum finibus Aigolandum ingenti prælio victum, in Hispaniam fugisse. Carolum verò, ut aliquando Hispanicum bellum ad exitum perduceret, maiore quàm vnquam antea exercitu contracto, Hispaniam ingressum, Aigolandum post multa leuiora certamina ingenti prælio victum interemisse: indeque vniuersam penè Hispaniam perdomuisse: multaque his fabulosa inserunt, quæ nos ideo prætermittimus. Sed si quis ea videre cupit, Turpinum Remensem antistitem legat, penes quem & hōrum quæ hic adiecimus, fidem esse volumus, non enim in iis quos sequimur maiore fide dignis scriptoribus, Carolum plusquam semel arma in Hispaniam promouisse, nec vnquam eo regnante Sarracenos in Galliam transiisse, inuenimus. Verum illud satis constat, cum bellum in 50 Hispania contra Sarracenos gereret, Alphonsum Asturiæ regem rerum ab eo gestarum, virtutisque fama motum, ut suis popularibus consuleret, quia liberis carebat, & maioribus quàm eius regionis viribus ad perpetua cum Sarracenis bella sustinenda opus esse videbat, clam ei per legatos, si modo sibi aduersus Cordubæ regem, cum quo tunc bellum gerebat, opem ferret, Legionis regnum obtulisse.

Ea conditione accepta, Carolum ei auxilia misisse. Quod ubi regni proceres adiuerunt, gentis finitimæ (ut plerunque solet) odio id ægrè ferentes, regem coegerunt à fœdere discedere: nec eo contenti, Carolum, ubi se derisum videret, hanc iniuriam ulturum metuentes, de eo cum vniuerso exercitu delendo cogitârunt. Itaque omnibus Asturum Cantabrorumque populis ad arma coactis, & Sarracenum quoque auxiliis accitis, angustias motium qua in Hispaniam per Roncisuallem itur, elàm occupârunt (iam enim Carolus in Galliam reuersus erat, & iterum in Hispaniam, ut eam iniuriam vlcisceretur, contendebat.) Erat tunc Caroli exercitus ad Pyrenæorum radices, quæ in Galliam vergunt, in valle quæ adhuc Hospita nuncupatur: cum nunciatum est, Hispanos per vallem Caroli hodie appellatam, quæ planior est, contrà aduentare. Itaque exercitu Galeronis, siue Gani (ut aiunt) quem hostes pecunia corruperant fraudulento consilio, in tres partes distracto, Rolandum (quem nostri poetæ Orlandum vocant) suum ex sorore nepotem, Britannæ citerioris ducem, virum fortissimum, primo agmini præfecit, in eoque omnes Galliæ proceres & summos viros: in secundo innumeros nobiles, equitèssque collocavit: ipse cum tertio agmine, in quo erat Galero, in castris substitit: & Rolandum cum primo agmine præire iussit: Hispanicus exercitus in Roncisualle venientes expectabat. In quem ubi primum agmen incidit, sic ab eis acceptum fuit (locum enim illi superiorem, & angustias omnes occupârunt) ut peius habuerint qui illorum manus effugerunt, quàm qui pugnando cadebant (hi enim citò moriebantur) illi per saxa de summis scopulis ruentes, membris fractis in summis cruciatibus aliquandiu versabantur. Et sic Rolandus & alij omnes, ut ex ascensu montis & armorum pondere fessi erant, facilè sunt trucidati: eodemque modo actum est de secundo agmine, in quo erant Galliæ XII viri, quos Pares siue Patres vocant, ut penes quos regis creandi, & omnium grauissimarum rerum potestas est: Carolo semper in valle, quæ nunc ob id Caroli vocatur, in quam ex Hospita castra mouerant, hærente. qui ubi tantam cladem cognouit, in Galliam summa celeritate se recepit: sed Alphonfus per legatos hæc omnia se inuito & inscio facta excusavit, cum quo amicitia fœdusque renouatum est. Inde ad pacis cogitationem conuersus, quam toto terrarum orbi nitebatur parare legatos in Ægyptum Syriamque misit ad amicitiam cum impiorum satrapis contrahendam, quo illi melius Christianos sub imperio suo degentes haberent. quod impetratum est, adeò ut Aaron summus Persarum & Arabum Calyfa, qui cum CCC hominum millibus Asiæ prouincias, quæ adhuc Constantinopolitano parebant imperio paulo antè tumultuose adortus, Nicephorum ad pacem auro, quod singulis annis penderet, redimendam compulerat: deinceps non modò Christianos non infestauerit, verùm etiam egenis, qui sub eius erant imperio, magnam quotannis pecuniæ vim largiretur: idemque legatos cum muneribus ad Carolum misit. Nam cum Aaron Tyana, ubi ædem Muamedis dicauit, aliisque innumeris oppidis captis, Rom. imperium multis cladibus afflixisset: Nicephorus rebus suis iam desperatis, ad Arabem literas pacis impetrandæ causa in hanc sententiam scripsit: Cur tam iniuste, nulla à me iniuria laceratus, mihi bellum inferas, aut quo impulsore id facias, non video: nisi fortasse, quod cædibus & rapina gaudes. Nam te id religionis causa facere, causari non potes, cum Muamedes, vates tuus, Christianos omnes fratrum loco habere vos iubeat. An existimas Deum Opt. Max. omnium rerum opificem, & mortaliùm curam gerentem, quos ipse ad imaginem sui creauit, sanguine iniuste fuso delectari? sed neque huiusmodi piacula illi exhibere vos iussit Muamedes vester. An fortasse argenti, auri, aliarumque rerum inopia compulsus, alienas prouincias inuadis? atqui cum earum rerum nos egentes simus, preciosissima quæque, & paratu difficilia apud vos in magna copia sunt. Quin si qua re nostra opus habes, amicè petis: & nos eam tibi illicò amanter exhibebimus. Si genus humanum, & mortalium contemnis arma: scito Deum esse memorem fandi atque nefandi. Cum enim mortales simus, non decet nos immortalia odia inter nos ipsos exercere: in eoque dæmonem imitari, qui perpetuum gerit cum genere humano bellum.

His literis

- His literis, quibus & dona quædam erant adiecta, placatus Aaron, & ipse multa munera Nicephoro misit: & pacem ea lege iniit, ut Imperator ipsi quotannis aureorum nummum triginta millia, & terna pro suo, totidemque pro filij capite penderet, neve oppida à Sarracenis vastata instauraret. Sed leuior fuit apud Græcum quam apud barbarum fides. Nicephorus enim Sarracenis digressis, statim ea instaurauit atque muniit: quo cognito, Aaron exercitu rursus in Græciā misso, Thebas cepit: missaq; in Cyprum classe, templum evertit, & Cyprios expulit. Aaronne autem cum annis xxi regnasset defuncto, Muamates eius filius pontificatum est adeptus: qui cum Haldale fratre hostiliter congressus, ubi suarum partium fortunam inclinare vidit, conuenit ut ambo eodem titulo æquoque iure imperarent. inde quatuor tyranni sunt creati: quorum vnus Hispaniam, alter Africam, tertius Ægyptum, quartus Syriam & Palæstinam obtineret. Vnde Sarracenorum potentia inclinare cepit, & aliquandiu Orientis res à Sarracenis pacatæ fuerunt. Syriæ autem Calyfa Muamates non iam Damasci sedem habere voluit: sed nouam urbem prope veteris Babylonis ruinas, Bagadat nomine, condidit, in eaque pontificiam regiamque Syriæ & Orientis sedem collocauit. ei enim & Persæ adhuc parebant. Ægyptius Caira, quam urbem prope Memphis ruinas conditā, suprā ostendimus: sed post regia sede in ea collocata, ita creuit, ut hodie inter maximas totius orbis terrarum vrbes numeretur: & Africæ sedes Cairoani,
- 10 quæ vrbs in Africa circiter c. m. p. ab Tunete, & xxxvi a mari, Ottmeno imperatōe cōdita fuerat, ab Elaglebo fuit collocata. Hispania verò etsi pluribus regibus pareret, omnes tamen Marroci pontificem agnoscebant: quæ vrbs in Mauritania Tingitana est. Qui verò Assyriæ imperabat, Calyfa vocabatur: quæ vox successorem significat, quod is Muamedis successorem se esse gloriaretur. Ægyptius pontifex, Sultanus est appellatus. Caiorani verò, & ipse Calyfa se vocabat: & Marroci antiqua eius vrbs conditoris appellatione Miralmuminum. Sub his & alia minora regna etiam in Africa sunt exorta: ut Tunetis, Tripolis, Algeriæ, Orani, Fessæ, & innumera alia his minora. ut enim quisque vrbi aut prouinciæ alicui præerat, sic se eius regem appellabat, idque quasi hæreditario iure possessum, posteris suis
- 30 per manus tradebat. Sed tamen omnes hi reges aliquem ex his pontificibus agnoscebant: & ut quisque huic aut illi adhærebat, sic bellum cum alterius factionis regibus gerebat: quæ discordiæ & seditiones, tyrannorumque multitudo ita Sarracenorum vires attriuerunt, ut post hos quos enumerauimus pontifices paulatim ita decreuerint, ut tandem Turcis penè omne Sarracenorum nomen cesserit: & res illorum hoc tempore ita propter summæ regiæ perturbationem obscuræ fuerunt, ut nulla certa imperij illorum successione apud ipsorum quoque scriptores haberi possit. Nos tamen temporum ordine seruato, ea quæ de rebus ab illis gestis à variis scriptoribus memoriæ tradita sunt, quàm breuissimè cōplectemur.
- Hoc igitur Muamate Aaronis filio in Assyria, & Michael Nicephori genero, qui
- 40 Leonem Armenium expulerat, Byzantij imperante, Thomas quidam motus excitauit. de quo duplex fama erat. Aliqui enim eum obscuris atq; pauperibus maioribus ortum ferunt, iisque barbaris, diuque in paupertate vixisse, victum labore manuum suarum, nonnunquam etiam seruilibus ministeriis parantem. Deinde patria relicta Constantinopolim venisse, ibique apud quendam Senatorij ordinis seruientem, eò libidinis ac sceleris progressum, ut heri quoque lectum polluere ausus sit. Quare detecta, cum ignominiam non ferret, ac pœnas talia facinora aggressis constitutas metueret, ad Sarracenos profugisse. Quibus cum se satis probasset, continuisq; & diuturnis experimentis fidem confirmasset (annos enim viginti quinque apud ipsos egerat) sancta Christianorum eiurata religione, & Mu-
- 50 medicā impietatem amplexum, ab iis bellicæ cuidam phalangi præfectum, contraque Christianos missum fuisse, pollicitum se Romanum imperium in illorum potestatem redacturum. Ac ne Christiani fraudem struenti, ut alienigenæ fidem non haberent, Constantinum sese nominasse, Irenes filium quem ob ingenij morumq; peruersitatem mater iam pridem oculis imperioque orbauerat, morsque iam tum viuis exemerat. Alij hunc Thomam quondam affirmant in familia

Bardani, cognomento Turci, vna cum Leone & Michaele fuisse: quum is Philomelij degens, ac de imperio sibi vindicando cogitans, consilium suum monacho cuidam futurorum perito, Leone Armeno conscio aperuit. Cui monachus prædixit, si imperium affectaret, & oculis suis & opibus spoliatum iri: sed ex iis qui equum ipsi adduxissent, primum & secundum diademate potituros, tertium imperatorem declaratum iri: sed quod cupiuerat, minimè consecutum, statim periturum. Primum autem fuisse Leonem, secundum Michaelē, tertium hunc Thomam, quem Leo Imperator fœderatorum cohorti præposuerit: eum ergo Thomam cum interfectum à Michaele Leonem cognouisset, cum ut eius, cuius beneficentia usus erat, necem vlcisceretur, tum ut suum animum expleret (nam 10 inde ab adolescentia ei cum Michaele inimicitia intercesserant) arma contra Michaelē sumisse: & primo Orientales copias, apud quas degebat, concitasse. Sic igitur exercitum minimè imbellem aut exiguum, sed grandem fortēque collegit, ex Sarracenis, Mauris, Indis, Medis, Persis, Assyriis, Armenis, Chaldæis, Iberis, Zigis, Cabiris atque aliis gentibus. Quorum alij coacti castra eius sequebantur: alij beneuolentia ducti, nulli spe prædæ: quidam etiam odio in Michaelē, qui ob morum peruersitatem omnibus erat inuisus. Nam Thomas etsi alterum pedem mutilum haberet, ac genere barbarus esset: erat tamen ob caniciem venerandus, & in congressu comis & facilis (quæ gratissima sunt militari multitudini) nec cuiquam corporis robore posterior habebatur. Is ergo Sarracenorum, quibus Con- 20 stantinopolitanum imperiū promiserat, viribus & magnis etiam Christianorum copiis sibi adiunctis, Orientem occupauit: & publicorū vectigalium exactoribus in suam redactis potestatem, animi magnitudine & secunda usus fortuna, ex paruo magnus, ex imbecillo potens factus est: à quo tota Asia vastationibus populationibusque miserè afflictā fuit: urbibus aliis Thomæ se ob metum adiungentibus, aliis quod fidem imperatori seruarent, direptis, atque incolis in seruitutem actis: adeo ut soli Opficiiani & Armeni, quibus Catacellas & Olbianus pro Imperatore præerant in tota Asia in fide manserint. Quibus ut gratiam referret Imperator publicum vectigal quod Fumarium dicebatur, remisit. Quo rerum successu elatus 30 Thomas, Imperatoris nomen sibi arrogauit: estque Antiochiæ, ab eius temporis Antiochenæ ecclesiæ pastore Iobo diademate ornatus: quem ipse vicissim in filium adoptatum, imperij socium adiutoremque adsciuit, & nomine mutato se Constantinum Irenes filium appellauit. Quibus cognitis Imperator se quoque ad bellum parauit, & copias nequaquam certamini pares cum duce emisit: quas Thomas penitus fudit. Inde Romana classe in suam potestatem redacta, cum 40 txxx hominum millibus Abydum, omnia itinere populatus, inque cinerem redactis non humilibus modò sed & loco optimo sitis, ac expugnatu difficillimis oppidis petiit: inde nocte tenebrosissima in Thraciam traiecit, ubi multi quotidie ad eum ex Cæsaris militibus transibant. quin & Imperatoris copias, quibus Olbianus & Catacella duces præerant, nec non & instructissimam aliam classem 40 aduersus se comparatam, instar torrentis alto monte decurrentis irruens, terra marique profligauit. Urbem ipsam terrestribus simul ac naualibus copiis ferrea catena, qua portus claudabatur, perrupta oppugnauit. Sed cum nihil efficeret, ad obsidionem conuersus, castris optimè communitis, exercitus partem ad Euxini oppida subigenda misit. Deinde rursus oppugnationem urbis summis viribus adortus, cum omnes eius conatus propugnatorum virtus irritos redderet, & classem eius grauis in mari tempestas oborta dissipasset, exercitum in Asiam in hyberna reduxit. Pòst, ineunte vere ad eādem oppugnationē rediit: sed Michael 50 iam & maritimis & terrestribus copiis melius quàm antea instructus, eius militum animis variis artibus prius ad defectionem frustra sollicitatis: tandem omnibus portis repente copias in eum nihil tale suspicātem effundens, exercitum eius fudit, classem quoque eo tempore paruo labore diffregit. Quibus rebus permotus Gregorius quidam, Leonis Imperatoris consobrinus, qui cum magna militum manu Thomæ aderat, ut in gratiam Cæsaris rediret, suos milites statim à reliquis separauit, Thomam à tergo adoriturus. Quod videns Thomas, nihil animo de- iectus,

iectus, castris quę optimè munita erant, ab vrbe non dimotis, cum parte exercitus Gregorium est adortus, prælio quę fufum, & in fuga comprehenfum necauit. Inde celeriter in castra reuerfus, literis in omnes partes missis, falso se aduersus Michaelē acie superiorem fuisse iactauit: classem quę Beryti erat, nauibus tum longis, tum onerariis ccccl. constantem, statim veluti rem mari continuò gesturis ad se vocat: Qua re cognita, Romanę classis præfecti eam noctu in statione adorti classiariis subito impetu perterritis multas ceperunt, quasdam artificioso igni combusserunt: paucis admodum, quę celeri fuga auectæ, se cum terrestribus copiis coniunxerunt, periculo ereptis. Dum terrestres copię leuioribus præliis circa

10 Byzantium varia vtrunque fortuna sæpius dimicant, huius belli fama per totum terrarum orbem diuulgata: Mortago Bulgarorum rex, etfi Imperator (vt erat natura sordidissimus) pecunię parcens opem ab ipso oblatam grãtis actis sibi minimè necessariam esse dixisset, tum quòd belli & prædę cupidus esset, tum verò vt fœdus tricennale cum Leone Armeno pactum confirmaret: cōtra Thomam expeditionem suscepit, eum quę in loco cui Cedocto nomen erat, haud procul Byzantio, sibi obuiam cum omnibus copiis progressum, prælio vicit, magna quę strage edita cum multis captiuis & spoliis amplissimis domum rediit. Qua clade audita, Thomę classis quam ad obsidionem reliquerat, tota ad Imperatorem defecit. Thomas exercitus sui reliquiis collectis, in campum quendam Diabasis appellatum,

20 aliquot ab vrbe stadiis remotum verum excursionibus aptum, & ob aquarum copiam commodum, copias traducit: ibi quę castra locat: atque inde crebris excursionibus suburbana ædificia, regio luxu facta, omnia vastauit. Imperator autem copiis auctis tripartitò eum adortus, exercitum ipsius (cui ipse, vt prius simulata fuga, post repentē se in hostem conuerterent, mandauerat) in veram fugam compulit, ex quo etiam multi ad Imperatorem transfugerunt. Thomas cum paucis Adrianopolim incolumis peruenit: & Anastasius eius adoptiuus filius, ex fuga Byzię castellum occupauit. Quos statim persequutus Imperator, primò Adrianopolim, vbi Thomas erat, petiit: & ne vicini Scythę machinarum, quibus vrbes oppugnantur, noticiam consequerentur, urbem annonę penuria ad deditionem

30 compellere statuit: eam quę vallo ac fossa cinctam acriter obsedit, adeò vt obsessi cibarijs omnibus consumptis, occultè cum Michaelē collocti pactique delictorum veniam, Thomam arreptum, ipsi tradiderint. Cui, more antiquo Imperatorum vsu recepto, primò eius in pauimento prostrati ceruicem pedibus contudit: tum pedibus manibus quę mutilatum, & asino impositum, nihil quę aliud vociferantem, quàm (Misere mei, qui verus es rex) per castra circumduci iussit. Cum quę is ab Imperatore interrogatus, aliquos ex ipsius familiaribus quasi occulta secum consilia agitassent, accusare vellent, Imperator ab Exambulio patricio, inimicis amicos accusantibus fidem non adhibendam, monitus, eum audire noluit: qui tandem lentis confectus suppliciis, animam emisit. Et qui Byziam confugerant, Adrianopolitanos imitati, Anastasium Imperatori victum tradiderunt: qui

40 & ipse supplicio affectus est. Hic finis fuit Thomę, cuius res gestas nos idcirco minimè prætereundas duximus, quamuis ipse non fuerit Sarracenus: quia ea omnia Sarracenorum opibus & potentia subnixus gessit, adeò vt Sarracenorum Imperator fuisse videri possit. Dum hæc in Oriente geruntur, Sarraceni qui in Hispania degebant, per legatos à Ramiro Asturum rege, qui Alphonso Casto succederat, tributum ipsis à Maurēgato rege pendi solitū arrogantissimè petierunt: quibus Ramirus ex senatus sui decreto se mori centies, quàm id facere, malle respondit, statim quę cum exercitu ad fines illorū populandos Nagieram vsq; est progressus, sed cum Sarraceni cruento prælio ad Alueldam cum eo, quod mox diremerat,

50 cōmisso superiores extitissent: Ramirus noctu cum suis in collem quendam prope Clauigium secessit, ibi quę sequētis diei fortunam valde timens, cū exercitu vniuerso totā ferè noctem illam preces ad Deum fundens in somnū egit. Tunc aiunt, D. Iacobum apostolum (si credere fas est) se illi videndum præbuisse, suam quę ipsi opem pollicitū: & cum sequenti die Ramirus hac diuina ope fretus in acie prodisset, eundem D. Iacobum equo albo insidentem, & rubram crucem gestantem, in

pugna visum fuisse: eoque prælio septuaginta Sarracenorum millia cæsa fuisse tradunt. Tunc Albaidæ, Clauigium, Calagurra, multa que alia eius tractus oppida Christianis cesserunt: in cuius victoriæ præsentis numinis auxilio partem memoriâ, D. Iacobi equestris ordo à rege fuit institutus. Et Sarraceni, qui occiduum Hispaniæ sinum, vbi Valentia est, accolebant, multitudine hominum aucti, & terram quæ ipsis obtigerat, parum fertilem & opulentam esse animaduertentes, à summo principe suo, qui Marroci in Mauritania Tingitana sedem habebat, Amerum appellato, ut coloniam eos aliò deducere pateretur, petierunt: quos princeps rerum nouarum cupidus, longarum nauium classe confestim instructa, simul ut eorum cupiditatem alienis opibus expleret, ac num aliqua ferax insula esset, in quam commodè suorum posset deducere coloniam exploraret, ad insulas 10 Orientis misit. ijque in Corsicam venerunt: sed ab Abdemaro, quem Pipinus Caroli Magni filius, Italiæ rex, cum Genuensi classe contra eos misit, repulsi sunt. quæ in pugna ipse Abdemarus fortissimè dimicans obiit. Inde ad Græciæ insulas, quæ tunc classe, quæ ad eas custodiendas destinata erat, Thomam adiuuante præsidio, spoliatae erant, nauigantes, omnes penè diripuerunt. cumque inter cæteras Creta eis bonitate atque amœnitate præstare videretur, nauibus omni præda oneratis domum redierunt: & sequenti vere nauibus x l. viris militaribus oneratis, Cretam rectà secundo vento repetierunt: copiisque ad promontorium cui Carax exinde nomen est inditum, expositis, ignem nauibus iniecerunt. & castra statim ibi- 20 dem vallo ac fossa munierunt, eique loco Caudax nomen imposuerunt. Aduersus quos Imperator statim Photinum Orientis præfectum, & Damianum cum copiis misit: sed Damiano in pugna, quam cum eis commisit, mortuo, reliqui fuga sibi consuluerunt. Tum monachus quidam ex insulæ montibus ad eos venit, docuitque, locum quem delegerant, minimè aptum esse vrbi condendæ: & simul locum Candaces appellatum eis ostendit, omnibus rebus longè commodiorem. Vbi illi urbem, quæ veluti totius insulæ arx esset, condiderunt, Candia nuncupatam: ex eaque in totam insulam incursiones faciebant, adeò ut breui omnes penè insulæ totius vrbis incolis in seruitutem actis occupârint. Quo tempore Cyrillus Gortynius episcopus, Christum seruatorem inter cruciatus moriens testatus est. 30 Et alia eiusdem gentis classis eodem ferè tempore, iterum Sardiniam & Corsicam occupare est conata, quam Carolus Pipini frater, Bucharedi comitis ductu quinque Sarracenorum millibus cæsis circa Sardiniam vicit: ac post etiam Corsica expulit. Pipino cum Venetis bellum gerente, Sarraceni qui in Hispania erant, Christianorum diffidia in suum commodum vertentes, Sardiniam vnde non multo prius fuerant repulsi, cum insigni cæde suorum, ex improviso inuadunt: indeque subito auersi, Corsicam petunt: Aleriaque vrbe direpta, præter eius antistitem & senes admodum paucos, cæteram multitudinem inde auerunt. Michael verò imperator aliam classem Cratero, Cybiretarum præfecto duce, contra Sarracenos Cretam obtinentes, misit: qui cum lxx suis, & innumeris reliqua- 40 rum insularum biremibus ferox admodum in Cretam appulit: vbi Sarracenos inuenit, nequaquam pugnam subterfugientes. quamobrem prima luce ad meridiem vsque acerrimè vtrinque, & dubio euentu pugnatum est. sed tandem die ad vesperam vergente, Sarraceni superati, fugæ se mandarunt: quorum multi in pugna occisi sunt, plures abiectis armis capti: adeò ut etiam vrbs illorum eadem die, nisi nox ingruens obstitisset, capi posse videretur. Quæ quidem nox & victoria, Græcis exitium attulit, dum enim victoria tumidi, ut qui superstites paucos se postridie nullo negotio in suam potestatem redacturos sperarent, perinde ac si non in hostico, sed domi suæ agerent, potationibus & luxuriæ se dedunt: neque excubiarum aut vllius salutaris rei curam habent, de solo somno ac quiete & so- 50 cordia facile omnia euertere cogitantes, à Sarracenis, qui id animaduertentes, somno vinoque sepulti me- ia nocte opprimuntur, & sic omnes ne nuncio quidem superstite cæsi sunt. Solus dux Craterus, mercatorio vsus nauigio, salutis suæ consulere est conatus: quem Sarracenorum dux diu multumque inter cadauera & captiuos quæsitum, cum non inueniret, ac fuga elapsum perciperet, misit qui eum

eum persequerentur: à quibus in Co insula comprehensus, in crucem actus fuit. Quibus auditis Michael Orypham, virum prudentē, & rei militaris peritissimum, prætorianam legionem (quæ tum, quod quadraginta aurei nummi singulis illius legionis militibus penderentur, Quadragenaria vocabatur) colligere iussit. is Sarracenos passim per alias insulas prædatum excurrentes, partim insidiis locatis, partim aperto Marte congressus interemit: & eorum qui Cretam obtinebant, immodicam audaciam repressit, atque inhibuit. Hoc ipso tempore Euphemius, turmæ cuiusdam in Sicilia dux, virginis, quæ à tenera ætate castitatem vouerat, seque sacris dicarat, impotenti amore captus, eam Imperatoris sui (qui & ipse huiusmodi facinus perpetrarat) exemplo, è sacris ædibus raptam, ad se inuitam traduxit. Cumque eius fratres eum apud Imperatorem accusassent, Imperator Siciliæ præfecto mandauit, vt (si quidem hoc crimen verum esset) Euphemio nasum præcideret. Quod sentiens Euphemius, coniuratione cum iis quibus præerat, & aliarum turmarum doctoribus facta, ad Ambulacum Mauritanæ Sarracenorum pontificem transfugit: ei que promittit, se, modò ab ipso Imperator Romanorum declaratur: omnem ipsi Siciliam subiecturum, magnumque tributum soluturum: qua conditione accepta Ambulacus, eum Imperatoris Romani titulo insignitum, magno exercitu instruit, eiusque opera Sicilia potitur: sed Euphemius, dum Siciliam Imperatoris habitu obit, Syracusis fuit interfectus. Inde Sarraceni Calabriam quoque, & plerasque alias Italiæ partes incursionibus populationibusque infestare cœperunt: quorum vna classis circa Sardiniam deleta fuit, altera (nam duæ emissæ erant) fugienti similis domum est reuersa. quod fecit, vt Ambulacus cum Galliæ rege pacem inierit. Sed paulo post Bernardo, Pipini filio, in Italia regnante, Sarraceni Ambulaci pacem aspernati, Corsicam inuasere: quos præda onustos alto mari adeptus Ermengarius, qui pro Italiæ rege ex Balearibus insulis, maiorem præsidio tenebat, primo congressu fudit: atque aliquot nauibus ex ea classe interceptis, quingenti Christiani captiui seruati sunt. Nec tamen ob eam cladem Sarraceni quieuerunt, quin classe circumacta Italiam petunt, Centumcellas in Hetruriæ ora (quod oppidum nunc Ciuitas vetus appellatur) repentino impetu adorti occupant: captum oppidum diripiunt, ferroque & igni vastant. Narbonensem inde oram populati Sardiniam inuadunt, prædæque & populationis omnia complent. In quos licentius vagantes Ermengarius, iterum cum insularum manu repente impetum fecit, fusosque cum multa cæde ad mare egit: ubi dum naues tumultuariè ascendunt, ad hostium satietatem cæduntur: atque ita grauer affecti, magna que parte classis amissa, in Africam traiecere. Et qui in Sicilia erant, Venetos in Constantinopolitani imperatoris (cui insula illa tunc subiecta erat) gratiam classem contra se mittere audientes. præda onusti abiuerunt. Posthæc Haido, quem Ludouicus Gallæ rex & imperator, Aquitaniam præfecerat, Autonia vrbe dolo capta atque direpta, Sarracenorum Hispanorum auxilia accersuerat: quibus fretus, tum Aquitaniam, tum citeriorem Hispaniam latè populabatur. quem conatum Ludouicus breui repressit: & Alphonfus cognomento Magnus, Asturiæ atque Legionis rex, duos Toletani regis Sarraceni exercitus ad Legionem urbem oppugnandam missos, prope Duerum amnem fudit: Coimbram præterea, quam Sarraceni oppugnabant, obsidione liberauit. Et cū Zamorram urbem conderet, eosdem Sarracenos Alchama vate, suo duce, contra se venientes, multis ex ipsis, ac inter cæteros etiā Alchama cæsis, vicit: & Aboalnum magni apud eos nominis ducem cepit, qui se ducentis aureorum nummum millibus redemit, qua pecunia rex D. Iacobi templum, quod Ouiedi est, ex marmore, cum antea latericium esset, ædificauit. At in Italia Sarraceni Panormū, clarissimam Siciliæ urbem, ceperat: nec quisquam erat qui eorū conatibus obuiam iret, nisi Bonifacius Corsicæ comes, cum Beatrio fratre, & paucis Hetruriæ comitibus, classe in Africam delatus: ac inter Vticam & Carthaginem in terram egressus, quatuor præliis, tot hostes cæcidisset, vt non secus ac Pœni olim Annibalem ab Italia, sic Sarraceni tunc suos ex Sicilia reuocare fuerint coacti: ita Sicilia pestifero bello liberata est. Bonifacius verò ex Africa victricem classem reduxit, multa præda onustam.

Sed non diu Sarraceni quieuerunt: quin mox maiore quàm vnquam antea vi Italiam adorti, Centumcellas iterum capiunt. inde citato agmine Romam petunt, Vaticanum nullis adhuc munitionibus septum facile adepti: templumq; D. Petri direptum, argenteisque quas habebat ingentis precij foribus sublatis, ferro & igni prophanant: ibiq; plures dies commorati, cum urbem oppugnare in animo haberent, audito auxiliarium ex Cisalpina Gallia copiarum aduentu, recedentes, inter Appiam & Latinam vias suburbana omnia vastant. Pauli basilicam Ostiensis via spoliant, atque igni iniecto magna ex parte absumunt. Inde in Latinam viam flectentes, populabundi in Cassinensem usque saltum excurrunt. Cassinense fanum opulentissimum sacra veste & donariis spoliant, magna que ex parte excindunt. 10
Hinc dextra Liris ripa ad mare instar rapidæ procellæ sese effundunt: ibique prædantia uibus suis, quæ illic præsto fuere, imposita, in altum abiuere: & in Hispania Abduramenus Cordubæ rex, Cantabriæ fines ingressus, cum Ordonij Legionis & Gartæ, Ignigenij Cantabriæ, regum copiis, ferocissimè per diem integrum pugnavit, & fortuna in neutram partem inclinante, recessit. Ordonius verò fines eius ingressus, Cintiliam oppidum, quod nunc Santiliana vocatur, evertit. At in Asia Impraelus Syriæ Calyfa, qui Muamati successerat, cum maximis copiis in Imperij Romani fines irrupit. Aduersus quem profectus Theophilus Imperator, Theophobi & Manuelis præstantissimorum ducum virtute fretus, acie dimicare statuit: quo aduentante Impraelus siue arrogantia ductus. siue quod prælij fortunam timeret, Abuzachare quodam cum LXX armatorum millibus ad pugnam relicto, cum parte exercitus discessit. Commisso autem prælio, quum Sarraceni vincerent, Theophilus cum prætoria cohorte & duobus Persarum millibus & Theophobo in collem quendam euasit: quo ab Sarracenis cincto, illis summo conatu Romæ Imperatorem capere nitentibus, his autem Imperatorem suum fortissimè propugnantibus, in vesperam usq; acriter est dimicatum. Sed ubi nox venit, Theophobus Sarracenos arte delusit. Mandauit enim militibus, ut quantum possent, streperent ac conclamarent, sonitumq; cithararum & chordarum tubarumq; ederent, quasi subsidium ipsis aliunde aduentaret. Quod suspicantes Sarraceni, ne ab hostibus circumdarentur, ad VI. M.P. recesserunt: & sic Imperator cum suis periculo erepti, ad exercitum, qui fugam è prælio federat, contenderunt. Quamobrem Imperator Theophobum vniuerso exercitui præposuit. & sequenti anno rursum contra Sarracenos expeditione suscepta, eos apud Charbianum prælio fudit, & XXV millia captiuorum secum domum rediens abduxit. Rursum tertio anno contra eosdem profectus, commissa pugna ab hostibus circumuentus, penè in manus eorum peruenit: quod sentiens Manuelus dux exercitus, animis suorum vehementi oratione collectis audacter eò perripuit: Imperatoremque iam fatigatum, ac de salute sua desperantem, causantem tamen fuga se suos prodere nolle, & inuitum periculo eripuit: mortem ei, ni se iter aperientem sequeretur, minatus. Et quarto cum copiis utriusque exercitus in aciem progressi, nulla re gesta domum redierunt. 40
Quinto anno Theophilus longè in Syriam vastando ac populando progressus, Sozopetram Impraelis patriam expugnauit. Qua re vehementer irritatus Impraelus, copias vndique ingentes comparat, Amorium Theophili patriam petiturus. Copiæ eius Tharsum conuenerunt: ubi cum Impraelus venisset, filium suum cum parte exercitus ad Romanum exercitum, qui ad Doryleum tridui ab Amorio itinere castra habebat, tentandum præmittit, ei que decem Turcarum millia & omnes Armeniæ copias adiungit: qui cum ad Drazymenum esset metatus, Theophilus contra eum progressus ad locum venit cui Anxino est nomen: atque inde statuit, priusquam manus cum hoste confereret, multitudinem hostium speculari. Itaque à Manuele in altissimam ductus speculam, hostiles copias (etsi Manuel non multitudinem, sed hastarum segetem spectandam moneret) suis robustiores iudicauit. Sed tamen post multam deliberationem prima luce prælium acerrimè est initum: quo in prælio Romanis legionibus fortissimè pugnantibus, Sarraceni fugæ se dederunt. Sed Turcis sagittarum nimbo Romanos ab illis persequendis arcentibus mutata est pugna fortuna. Romanæ enim legiones Turcicarum

rum sagittarum vim non sustinentes, Imperatore deserto fugerunt, ducibus illarum & Persis pro eo summa vi dimicantibus. Verum cœlum tunc Imperatorem iuuit. pluuia namq; exigua delata, neruos arcuum Turcicorū relaxauit: quo factum est, vt Romani sagittarum metu liberati, salutis parandæ occasionem habuerint. Hac suorum victoria cognita, Impraelus filij copiis cum suis coniunctis, Amoriū petiit: eumq; profunda fossa cinctum, omni vi oppugnare cœpit: sed cum nihil efficeret, Amoriēsis quidam Batidzes nomine, muneribus corruptus, quam ex parte facilius in muros euadere posset, Sarracenis indicauit: & sic vrbs Orientalium pulcherrima expugnata, deletaq; fuit. Qua victoria elatus Impraelus, Cæsaris legatos ante oppugnationem cū ingentibus muneribus ad se, vt ab incepto desisteret rogandum missos: & hæcenus in vinculis detentos, omnia prius inspicere iussos, claudis nuncios ad dominum remittit. Quos cum Imperator rursus, vt de clarioribus captiuis, quorum magnus erat numerus, redimendis agerent, ac pro eis duo milia & quingenta auri pondo offerrent, misisset: barbarus iterum contumeliose remisit, stultum se fore inquit, si captos ea pecunia redderet, cum ipse eo bello decies tantum impendisset. Cuius cladis mœrore confectus Theophilus, obiit. Huic successit Michael filius, qui & ipse expeditione in Sarracenos suscepta, Samosata urbem ad Euphratem fluuium sitam opibus ac robore insignem, obsidione vallauit: sed dum (propterea quod Sarraceni metum simulantes, intra mœnia se continerent) exercitus securè nimis & sine excubiis degit, tertio obsidionis die, cum milites omnes (erat enim is dies Domino consecratus) ad sacra conuenissent, Sarraceni armati sese patentibus portis effundunt, Romani vndique opprimuntur, adeo vt vix ipse Imperator impedimentis omnibus amissis, euaserit. Rursus biennio post Sarracenis imperij Romani fines cum xxx millibus ingressis, Michael vt cladem prius acceptam victoria sarciret, xl v millibus Thracum atque Macedonum collectis, eis obuiam it. Sed illi eo cognito, per difficilia loca compendioso tramite eum dissipatum in itinere repente adoriuntur, atque in fugam conijciunt: & tunc quoque Michaelē in hostium potestatem venturum fuisse tradunt, nisi Manuel phalange perrupta eum eripuisset. Deinde biennio post Mamum, Impraelis filio, Calysa Syriæ imperante, Sarraceni xl milliū exercitu coacto Armeniam & maritima populati vastarunt. Quo quidem tempore imitatum tunc Calysam Xerxis factum ferunt, qui mare flagris cædi iusserat, quod vltius sibi ad libitum progrediendi facultatem ademisset, quod grauiter ferens Michael, Petronam auunculum suum, qui tunc Thraciæ prouinciæ præerat, cum magnis copiis contra Mamum misit: qui in loco quodam Lalacæon nuncupato metatus, insidiis vndique positis, Mamum ad pugnam prouocat: qui instar feræ indagine cinctus, deque exitu anxius, de regionis locique in quo castra posuerat, ac præterlabentis fluuij nomine, quendam e captiuis Romanis percontatus, cum audiisset regionis Lalacæonis, loci Profontis, amnis Gyrus nomen esse (vt erat

Græcarum Latinarumque literarum non ignarus, & philosophiæ studiis deditus) statim nomina illa sibi copiarum cladem, easq; in gyrum à Romanis inclusum iri denunciare dixit. Suos tamen monet ne desperent, sed fortiter se ad pugnam parent. Itaque sequentis diei, prima luce se vndique inclusum sentiens, per eam partem quam Petrona statione tenebat, exitum quære statuit, hostesque ingenti sublato clamore inuadit: sed conatum suum irritum cernens, paulum se recipit: rursusque inde impetum facit, idque sæpius iterans: tandem desperata salute in aduersos hostes vehementi cum impetu irruit. ubique & ipse cadit, & exercitus eius ad internecionem deletur: & filius eius cum parte copiarum populatū missus, cladis nuncio accepto, statim fuga Melitenā petit. Sed eum qui Charisianis angustis præerat insecutus, captum Petronę tradidit. Fuit Mamum vir certè multis præclaris virtutibus ornatus. nam cum ipse doctus esset, viros etiam doctos vehementer amabat, magnoq; in honore habebat: cuius rei præclarum exemplum hic narrare lubet. Erat Byzantijs insignis quidam philosophus, Leo appellatus: qui cum Thessalonicensium esset episcopus inde ob imaginum controuersiam, quæ tunc Latinam & Græcam exagrabat ecclesiam, pulsus, Byzantium se contulerat:

vbiq; vili quadam in domo degens, quibus quisq; vellent artibus homines institue-
 bat, vnde multi ex eius priuata schola insignes in artiū & philosophiæ studiis pro-
 dierunt: ac inter cæteros iuuenis quidam summam ex eius disciplina Geometriæ
 peritiā adeptus, à Sarracenis in bello captus fuit, & in seruitutem cuiusdam cla-
 ri inter eos viri venit: quem cum Mamumus Mathematicis disciplinis instructum
 audiuiſſet, coram se ſiſti iubet: cumq; certamine propoſito is Arabas geometras
 eatenus viciſſet, quòd uarum rerum illi ſolum uſum habebant, ipſe etiam cauſas
 & rationes adferebat: Mamumus vehementer admiratus (putabat enim artem il-
 lam apud ſolos Arabas vigere) à quo ea didicerit, & num præceptor eius adhuc vi-
 ueret, quærit. Reſpondet ille: Leonem ſibi fuiſſe præceptorem, inopem adhuc vi-
 tam agentem, & nulli alij rei quàm ſtudiis deditum. Statim ergo ad Leonem lita-
 ras in hanc ſententiā Mamumus ſcribit: Vt ex fructu arbor iudicatur, ſic nos ex
 diſcipulo præceptorem cognoui-
 mus. Ergo tu, qui tanta rerum ornatus ſcientia,
 ignotus tuis ciuibus, nullum ſapientiæ fructum percipis, ne dedigneris ad nos ve-
 nire, tuæq; nos doctri-
 næ participes facere. Quòd ſi feceris, omne Sarracenicum
 genus tibi colla ſubmittere: iisq; diuitiis & donis cumulaberis, quibus nemo vn-
 quam hominum. Has literas iuueni libertate & multis muneribus donato, Byzan-
 tium perferēdas tradit. Quibus literis acceptis, Leo rem totam ad Imperatoris fa-
 miliares refert: ſicq; Imperatori innotuit, qui eum diratum publicè docere iuſſit.
 Mamumus autem Leonis ad ſe aduentu deſperato, Geometricas aliquot, Aſtro-
 nomicasq; & aliarum ſcientiarū quæſtiones ei diſcutiendas mittit: quibus à Leo-
 ne optimè ſolutis, & inſuper ſignis quibuſdam ad futura prædicenda adſcriptis,
 cum eas Leonis literas legiſſet, ſummo eius deſiderio ardens fertur exclamaſſe: ò
 beatos illos, qui tua, diuine Leo, conſuetudine fruuntur. Inde ſtatim legatos cum
 donis ad Imperatorem miſit, eiq; in hunc modū ſcripſit: Statueram (vt candidum
 amicum decet) ipſe ad te venire: ſed cum à Deo cuius ſumma eſt poteſtas, mihi
 commiſſum imperium, populusq; ſubditus ferociſſimus, id non concedant: peto
 vt Leonem, virum philoſophia aliisq; ſcientiis præſtantem, quem habes, ad me
 mittas, quo exiguum tempus mecum degens, ſuæ me doctri-
 næ, cuius amore fla-
 gro, participem faciat. Neq; ob religionis & gentis diuerſitatem hoc differas: ſed
 mecum amicè agas rogo, quod ſi præſtiteris, tibi mille auri pondo dabimus, pacem-
 q; & fœdus perenne tecum inibimus. Cui petitioni Imperator, ne ſcientiæ qua-
 rum cauſa Romani cunctis gentibus admirationi erant, barbaris proderetur, non
 annuit, quin potius Græcus ipſe, & Chriſtianus, à barbaro impioq; homine virtu-
 tem colere didicit. quod vtinam & noſtri principes hoc exemplo edocti facerent.
 Is enim Leonem deinceps magnis diuitiis locupletatū, ſummo in honore habuit,
 Theſſalonicenſiq; iterum eccleſiæ paſtorem dedit: vbi & ſummopere, propterea
 quòd Theſſalonicenſem agrum in ſummam ſterilitatem redactum, adeò vt incol-
 lis aut fame moriendum, aut aliò migrandum eſſet, ſuo ingenio, & ſcientiarū quas
 callebat ope ad frugem conuertiiſſet, fertilemque reddidiſſet, eum omnes venera-
 bantur. Sed tempus eſt, vt ad Occidentis res redeamus. Mauritani Sarraceni ex
 Sicilia, in qua iam diu multa oppida obtinebant, Saba duce in Italiam traſcien-
 tes, Tarentum oppugnabant: cū Græca & Veneta claſſis ſimul iunctæ in Calabriam
 delatæ ſunt, ad eam urbem obſidione liberandam. quo audito, Saba timorem vt
 hoſtem in certamen traheret, fingens, ſoluta obſidione vitabundo ſimilis, con-
 ceſſit in Crotoniatem ſinum: vbi non multo poſt prælio commiſſo, & Græcorum
 agmine ſtatim in fugam verſo, omnis Sarracenorum vis in Venetos fortius dimi-
 cantes verſa eſt: pauci q; à tam valida claſſe circumuenti partim cæſi, partim flu-
 ctibus merſi, Veneti ad vnum eo prælio periēre. Qua victoria elatus Saba, Ionij
 maris ora celeriter enauigata, Illyricum petit: cuius prouinciæ oram dum popu-
 labundus legit, ad Venetarum nauium, quæ Syriaca onuſtæ merce aduentabat,
 famam, in Tergeſtinum ſinum claſſem celeri curſu contrahit: vnde naues ex inſi-
 diis adeptus diripit, negociatores & ſocios nauales remigesq; omnes incredibili
 Veneti nominis odio trucidat. Hinc tranſgreſſus, Anconem, nobilem Picæni vr-
 bem, & pulchro portu celebrem, vi capit: captam diripit, & incendio abſumit,
 paucis

paucis oppidanorum captis. omnes enim ferè repentina trepidatione dilapſi, in mediterranea ſe receperant. Paulo poſt alia eiſdem gentis claſſis, vrbis Romæ oppugnandæ conſilio ad Hetruriæ oram appulſa eſt: cuius repentinus aduentus cum totam urbem terrore repleuiſſet, Leo III pontifex populo ad concionem conuocato, in hanc ſententiam verba fecit: Quid vos filij trepidare video? aut cur tantus timor animos veſtros occupauit? nihil numine inuito, inſciove, aut nobis immerentibus accidit. Tum nos pauere & formidare decet, cum innumeris flagitiis Dei opt. max. iram in nos prouocamus: cum ciuilibus diſcordiis odiisq; accenſi, arma in noſtros met ſumimus, cum frater in fratris necem conſpirat. Omnes

10 enim Chriſtum ſeruatorem conſtitentes, fratres ſunt. Tunc (inquàm) hæc, vel his deteriora nobis erant ab irato numine ſperanda: nam ſi exiſtimatis, has barbarorum impiorumque hominum manus non diuinitus in nos immitti, longè fallimini. Id enim & diuina oracula paſſim teſtantur, & docent exempla ipſo Deo dicente, ſe impiis & nominis ſui hoſtibus ad inſidos perduellésque perſequendos uſurum. ſcimus enim, Gæcorum diſſidia atque flagitia huic peſtiferæ genti in Chriſtianos ſæuiendi occaſionem dediffe. & in Hiſpaniam quoque nōne Gōttorum & Roderici regis ſcelera eos traxerunt? quibus fractis atque mulctatis, ubi in bonos & ſanctos viros arma conuerterunt, à paucis repulſi, fuſi, cæſique ſunt. Ergo hanc ignauiffimam gentem magis quàm Deum ipſum opt. max. timemus? cum

20 eius iram ſingulis horis & horarum momentis in nos prouocare, cum in eum cōuicia iacere, eiſq; maietatem lædere non dubitemus: huius verò gentis ſolo nomine audito, trepidemus? quaſi mortalia arma magis ſint timenda, quàm ſempiternæ pœnæ. Vbi nunc ſunt antiquæ illæ & Romanorum propriæ virtutes, fortitudo, laborum tolerantia, & animus in rebus aduerſis inuictus? Maiores noſtri priuſquam orbi terrarum Chriſti nomen innotuiſſet, cum adhuc ſub falſa religione degerent, nullam hoſtium vim timuerunt, & parua ſæpe manu ingentes hoſtium copias fuderunt. Galli, gens ferociſſima, & tunc ipſo aſpectu ob corporum magnitudinem formidabilis, imperij Romani adhuc anguſtis finibus, & vrbe non ita magna, animis hominum potius repentinò ferociſſimæ gentis, & maxi-

30 ximi exercitus atq; hominum inuſitata ſpecie aduentus terrore percuſſis, urbem hanc nulla tunc arte munitam ceperunt quidem, ſed tamen Capitolium nunquam capere potuerunt. & mox, vnius exulis Romani virtute, inſigni cum clade repulſi ſunt: & tamen non tantæ tunc erant Romani imperij vires, quantæ nunc ſunt. Neque enim imperium latius quàm Romanus ager patebat: nunc autem cum maxima Italię pars Romano ſit ſubiecta imperio, & vrbs ipſa frequentiffima, & non iam vnicam Capitolij arcem, ſed præterea etiam integrum oppidum noſtra opera vrbi adiectum, & omni arte munitum ſit, cum tot principes viros habeatis maximis bellis exercitatos, & ſacroſanctæ religionis ſedem non Gallos, gentem nobiliſſimam, non Gōttorum ingentes copias, non denique Hunnos nobiliſſimarum urbium euerſores: ſed ignauiffimam Aſiæ gentem, vel Mauritaniam prædonum ſœdam & contemnendam manum formidatis. Capitolinæ arcis humanum caput in ea inuentum, eiſmodi fatum dedit, vt à nulla gente capi potuerit. An exiſtimatis Capitolium Saturni ſede tutius ſanctiusque olim fuiſſe, quàm nunc, vera religionis arce adiecta? Nunquam, mihi credite, in hac vrbe Sarra-

40 ceni, vel vlla alia impia gens, quæ Chriſti nomen auerſetur, ſedem ponet. Eo ſidere condita vrbs Roma eſt, vt perpetuum habeat imperium: eoq; fato hoc nouum oppidum adiectum eſt, vt religionis ſedes ſit, quod Apoſtolorum principis basilica auguſtiſſima promittit. Sed fortasſe putatis, Deum peccatis noſtris irritatum, eis in nos graſſandi poteſtatem dediffe. fateor quidem nos hæc & maiora cōmeruiſſe, nec ſine diuino numine hanc procellam in nos immitti, vt his cladibus moniti, ad frugem redeamus: & tam diu illos poteſtatem in nos habituros, quàm diu nos in peccatis pertinaces erimus. Sed ubi ad Dei Chriſtiſque miſericordiam conuerſi, opem eius implorauerimus, ſtatim impia gens nobis cedit: ingentemque eius ſtragem edemus, iniurias ſuperioribus annis ab illa & nobis & diuino numini, cuius templa prophanârunt, illatas vleifcentes. Niſi fortè arbitramini, Aſtu-

res, Cantabros & Francos, qui hanc gentem sæpius ingenti strage profligârunt, vobis meliores fuisse. Non erant, mihi credite: neque enim Deus antea actam vitam nostram magis quam præsentem mentem animumque respicit. Sed Pelagio, & aliorum sanctorum virorum sermonibus admoniti, ad Deum conuersi opem eius implorarunt, qui se ex animo rogantes nunquam deserit. Resipiscite igitur, & cogitate nitendum vobis esse, vt pietate & fide nulli genti cedatis: & pristinae virtutis nominisque Romani memores, arma audacter, vel me ducē ac præeunte, in hostem ferte, certissimam (si modò vt dixi, feceritis) de barbaro hoste victoriam relaturi, quos verò in pugna cadere contingit, ij præter gloriam, vitam quoque sempiternam statim se consecuturos esse certò sperent.

His dictis omnes qui ad militiam erant apti, arma ceperunt, eumque Ostiam sequuti sunt, hostem in litus egredientem prælio excepturi, quem vbi in conspectu habuerunt, pontifex militibus Deum precari iussis, huiusmodi verbis diuinam opem implorauit: Deus omnipotens, qui Gedeoni cum parua manu de hostibus victoriam dedisti, qui te sanctè colentes nunquam tua ope destituisti, preces nostras propitius suscipe: & filij tui, qui sanguinem suum pro salute nostra profudit, meritis concede, vt hæc piorum manus aduersus tuæ fidei hostes dimicatura, tuæ maiestatis dextra roboretur. Et tu CHRISTE IESV Seruator noster, quem admodum Petrum in fluctibus ambulante, ne mergeretur, erexisti; & alterum Apostolum tertio naufragium passum, de profundo mari seruasti: sic nos nunc hac procella eripe, & validiores contra impios redde, vt parto de his triumpho, nomen tuum cunctis sanctum sit, & gloriosum. Deinde pugne signum dedit, nec vllò vnquam tempore populus Romanus alacrius pugnam inuit, vt non ad dubium pugnae euentum, sed ad certam victoriam mitti videretur. Pugnatum primò est aliquandiu æquo Marte, fuitque cruentum prælium. Postremò fusi fugatique Sarraceni, & ad naues cum multa cæde compulsi sunt. Ingens hostium numerus variis caibus perijt, & multi capti: quorum plerique sunt circa portum ad aliorum terrorem, inuito tamē pontifice, qui vt miti erat ingenio, à captiuorum cæde abstinendum censebat, laqueo suspensi: reliqui Romam perducti, publicis operibus sunt attributi. Edificauerat enim Leo in Vaticano ciuitatē Leoninam, quam hodie Borgum appellant: in eamque Corforum, quos Sarraceni insula eiecerant, coloniam deduxerat, agro eis quem colerent, circa Vaticanum viritim assignato: hanc autem assidue magis muniebat, ornabatque. Posthæc Sarraceni, qui Cretam obtinebant, in Illyricum & Histriam classe delati, Gradum urbem, Venetorum imperio subiectam, circumfedere. Sed hinc subito Veneti ducis accessu depulsi, nauibusque repente eductis in altum abiire. Fuit hoc anno Salutis DCCCXLV. In Oriente Basilus Macedo, bello contra Cretenses Sarracenos suscepto victus est: malisquæ cæsis, parum abfuit quin ipse caperetur. Quorum post audaciam fragit Christophorus, contra eos in Cretam ab eodem cum exercitu missus: & ipse Imperator cum exercitu in Syriam profectus, castellis quibusdam captis, & magna populatione facta, Tephricam, nobilissimam Sarracenorum urbem oppugnauit: sed cum eam nisi longa obsidione capi non posse animaduerneret, castris inde motis, Euphratem fluuium nauali ponte traiecit: ac circumiecta loca populatus, multis castellis oppugnatis, aliis verò deditione acceptis, ad urbem rediit. Inde rursus expeditione in Syriam contra Sarracenos suscepta, Germanicam innadit: & suburbiis incensis, urbem Adaram obsidet, quam ciuibz negligenter defendentibus, non tamen cepit. cuius negligentia causam ab eis scitanti Basilio, respondit senex quidam: in fatis non esse, vt ipse eam caperet: sed Constantinus quidam, qui ab ipso genus esset ducturus: nec tamen eum esse Constantinum ipsius filium, quem secum in castris habebat. Quo responso irritatus Basilius, maiore conatu oppugnationem est aggressus, sed quum videret se nihil efficere, inde discessit: captiuus, ne motum aliquem excitarēt, neve custodia opus esset interfici iussis. Deinde Tharsensibz Sarracenis prouincias Romanas infestantibus, Andream cognomine Scytham contra eos misit, quo audaciam illorū reprimente, Tharsensiu rex minaces, & in Deum contumeliosas literas ad eum misit: quibus

quibus scribebat, si ipse illum inuasisset, nihil ei Mariæ filium profuturum quorum verborum mox pœnas dedit. Nam cum ipsemet ad exercitum venisset, Andreas contra eum copias eduxit: commissaque pugna Sarraceni in fugam versi, maxima ex parte cadunt, ipseque rex iugulatur. Sed cum Andrea ob inuidiam apud Cæsarem, quasi Tharsum capere, cum potuerit, nolisset, delato Strypiota quidam in eius locum exercitui præpositus fuisset: Sarraceni nullas in castris eius excubias esse agnoscetes, noctu aggressi, multos cæciderunt, reliquos in fugam compulerunt. Ab alia parte Sarracenis Africanis Ragusium in Illyrici ora obsidentibus, & Ragusinis auxilium ab Imperatore petentibus, Basilii centum bellicas naues eis subsidio misit. quod ubi Sarraceni cognouerunt, soluta obsidione Italiam petunt: captoque Bario, Calabros, Apulos, Lucanos & Salentinos incendio, cæde, rapinis penè ad internecionem affligunt: & iam de Roma ac totius Italiæ imperio inter se diuidendo agitabant, quum Iohannes pontifex publico periculo motus, ab Alberico, cuius opes latè in Hetruria vigeant, auxilium implorat: qui cum validissimo exercitu etiam Romæ delectu habito, cum illi iam in Romanum irrupissent agrum, primùm eos non procul ab vrbe prælio vicit: inde ad Lirim fluuium circa Minturnas, sic eos fudit, vt de Italia deferenda cœperint cogitare. quamobrem omni maritima ora incensa, in Apuliam concessere: & arce in Gargano monte facta, ac sub iugo montis oppido ad belli sedem communito, per multos annos Italiam infestârunt. Inde Beneuentum adorti, vi capiunt, diripiunt, & incendunt. quo exemplo territæ finitimæ vrbes, eius gentis præsidia admiscere. Verùm subsidiariis copiis à Romano pontifice missis, barbari præda magis quam iusto bello rem gerentes, sine prælio Romanis finibus cessere. Et alia eiusdem gentis classis ex Africa profecta, Genuam graui obsidione pressam incepit: propugnatores primo ingressu trucidati, puellas, matronas & mares impuberes nauibus impositos, in Africam deportarunt. Sed Dandulus Venetus tradit, omnes virilis sexus post in patriam rediisse: quo autem modo id factum sit, nemo scribit. Fuit Genua capta anno Salutis Christianæ supra nongentesimum trigesimoquinto. Inde anno sexagesimo nono supra nongentesimum, ab Othone, Germanorum imperatore, à Gargani arce, prius à Dalmatis deiecti, & à Pannonibus multis cladibus attriti, prorsus Italia pulsi sunt Sarraceni. Græci hic Italiam Constantinopolitani Imperatoris ope, Francis in ipsius Imperatoris gratiam adiuuantibus, Sarracenorum metu liberatam gloriantur. Aiunt enim, Italiæ populos, ubi Ragusium à Græca classe obsidione liberatum audiuerunt, se ei imperio subijcietes, auxilia & ipsos petiisse. Quamobrem Basilium per literas cum Francorum rege, vt eis opem ferret egisse, ab eoque Sultanum captum, & Capuam perductum fuisse: qui post populi Capuani, cum quo contra regem conspirauerat, beneficio, rege inde pulso, liberatus, ipsis Capuanis bellum intulerit, sed Græcis opem ferentibus recesserit: hunc Francum regem, cuius mentionem inieciunt, Carolum

40 Crassum v. Germanorum Imperatorem esse puto. eius autem rei fides penes Græcos esto. Quod si fuit, non tamen tunc prorsus Italia pulsi sunt: sed multo post Othone imperante. nam diu Sarraceni arcem in Gargano habuere. Et in Oriente Esmam Calysa cum magna classe Euripi urbem aggressus, nihil effecit: quin ipse in oppugnatione lethali vulnere accepto obiit. Et Cretensium Sarracenorum classis, dum Ægei maris oram & insulas populatur, in Romanam incidit: à qua multæ naues igni in cineres redactæ, multæ fractæ, & plures demersæ sunt. Quod periculum qui ex illis euaserunt, cum magis irritati Peloponnesum & vicinas insulas vexarent: & Byzantinæ classis præfectus, cum se ad portum Cenchrearum applicuisset, ac naues hostiles circa Methonem, Pylon & Patras crebrò

50 stationes habere didicisset, triremibus per Isthmum Corinthiacum celeriter terra traductis, eos repente aggreditur: iisque improuisa impressione perculsis, hostium naues partim cremat, partim cum ipsis viris demergit, duce quoque illorum Photio interfecto. Verùm ex Africa sexaginta ingentes naues Romanis prouinciis vastandis, Cephallenem & Zacynthum vsque processerunt: contra quos Narfam, Byzantinæ classis præfectus, missus est. sed triremibus remigū fuga penè

euacuatis, cum hoste congregari non est ausus. Sed cum classarios aliquot Sarracenorum captiuorum, quos classariorum more indutos palis affigi iussit, supplicio terruisset: illi noctu hostem aggressi, aliis cæsis, aliis captis profigarunt. Deinde in Siciliam transuecti, vrbes quæ Sarracenis parebant, vastarunt. Interea verò Mesembriaci Sarraceni nauibus aduecti, Phœnicia & Syriæ oram infestârunt. Deinde Leone, qui Basilio Macedoni successerat, templis condendis occupato, Lemnum insulam multis mortalibus cæsis occupârunt. Inde aliquandiu quiescunt, ad Romani Pueri imperium vsque. is enim Nicephorum Phocam contra Creteneses Sarracenos misit: qui septem mensium spacio, illis multis præliis profligatis, oppida omnia subegit: Candacem metropolim eorum euertit. Leo autem 10 eius frater, in Syriam contra Camadam, Chalepi dominum Sarracenum missus, barbaro acie superato, magnam eius exercitus partem prælio cæcidit: reliquam cepit, ipso duce cum admodum paucis ægrè elapso. Quamobrem Leo triumphans, in urbem rediit. Sed Camada vires reparante, Nicephorus ex Creta rediens, Syriam petere iussus est: qui pugna commissa, hostes illustri victoria superauit: & Berroea præter arcem vastata, maximis diuitiis est potitus: captisque penè innumeris, multos Christianos victos liberauit. Deinde hoc Nicephoro Phoca imperante, Manuel patricius, Leonis nothus, in Siciliam cum valida classe contra Sarracenos missus, ob imperitiam cum omni exercitu ab illis cæsus est. Eodemque tempore Ioannes Zimisca, qui post imperiū est adeptus, in Ciliciam missus, apud 20 Adanam urbem Sarracenos vicit. Deinde ipsemet Nicephorus cum magno exercitu in Ciliciam profectus, Anabazam, Rosam & Adanam, eius prouinciæ vrbes, aliæque plura castella in suam potestatem redegit: post in Cappadociam in hyberna regressus, veris initio rediens, fratre Leone cum copiarum parte Tharsum misso, ipse Mopsihestiam obsedit: quam cum mediam flumen Sarus diuidat, altera eius parte oppugnata, Sarraceni igni iniecto, in alteram se receperunt: qua & ipsa capta, omnes cæsi sunt. Qua re audita, Tharsenses imperatori se dederunt: ac triduo post classis Ægyptia Tharsensibus auxilio missa, ad terram appellendi facultatem non habuit: eademque in reditu & ventorum procellis, & Romanarum tiremum incursionibus maxima ex parte periit. Imperator Con- 30 stantinopolim reuersus, æneas Tharsi & Mopsihestiae portas exquisiti artificij, nouis ornamentis additis, arci ad Orientalem & Occidentalem partem accommodauit: dein Syriam inuasit, & vrribus ad Libanum & mare sitis partim expugnatis, partim vastatis, ad Antiochiam, quam flumen Orontes alluit, venit. Sed Antiochenis acrius resistentibus, accedente etiam commeatus penuria, & solo imbribus inundato, castellum in Tauro monte, quem hodie vulgò Maurum vocant, ædificauit: Michael Burze, quem patricium fecit, & Tauri montis ducem nominauit, ad infestandos Antiochenos ibi relicto. Petrum verò quendam ex eunuchis suis, fortem, constantem, & rei militaris peritum, castrorum præsidem designauit, ut locum exercitui daret ad hybernandum in Cilicia: ipso autem By- 40 zantium reuerso, Burzes crebris excursionibus Antiochenos Sarracenos infestabat, assidue de capienda vrbe & gloria sibi comparanda cogitans: & turris eiusdem altitudinem elam mensus, paratis scalis illi paribus, nocte hyberna tenebrosissima & niuosa tacite mœnibus vrbis succedit: affixisque scalis cum trecentis, quos clam adduxerat, ascendit: custodes turris, & obuios quosque cædit: ac statim castrorum magistro nunciat quid fiat, illumque ad opem ferendam accersit. Interea Antiocheni, vbi turrin occupatam esse cognouerunt, eò alacriter ad Romanos repellendos concurrunt. Magister autem castrorum, ut qui in mandatis ab Imperatore ne Antiochiam inuaderet (quod vrbis eius captiuitatem interitum Imperatoris cōsecuturum vulgata fama erat) accepisset, ancipiti cura distra- 50 ctus: tamen ut tot viri fortes perirent, nullo modo committendum ratus, cum omnibus copiis Antiochiam inuadit: quo facto, statim & manus & animi Sarracenorum conciderunt. Burzes verò cum suis iam desperata salute reuixit: & porta bipenni refracta, liberum ingressum castrorum magistro præbuit. & sic facile clarissima vrbs in Romanorum potestatem venit. quam paulo post Ioanne Zimisca imperante,

rante, Sarraceni cōmunibus omnium tum Orientis, tum Occidentis viribus, sed quia Syriæ Calyfx iam tenues erant vires, Cairoani Africæ Calyfx auspiciis recuperare nixi, obsederunt, quibus cum ciues constantius resisterent, Imperator hac gentium conspiratione cognita, Mesopotamiæ ducem obsessis opem ferre iubet: à quo prælio commisso, Sarraceni etsi numero longè Romanis superiores, profligati sunt, sed quia video Sarracenorum imperium ad finem iam excidiumq; properare, sunt nobis prius quàm vltèrius progrediamur, reliquiæ illorum in Africa atque Hispania, quam breuissimè fieri poterit, persequendæ: & primùm de Hispania dicemus, deinde in Africam transibimus. In Hispania igitur Ramirus, Legionis rex, anno post Christum Seruatorem natum primò supra nongentesimum, Sarracenis bellum inferens, Madritum illorum oppidum euertit, eosque prope Osmam fudit, ac Cæsaraugustæ regem Benaiam sibi vectigalem fecit: cumque iterum Abdurameni Cordubæ regi fœdere iunctus rebellaret, eum prælio quo triginta Sarracenorum millia ceciderunt, prope Simancas fudit & cepit, multaq; alia illis damna intulit. deinde cum Talaueram obsideret, Toletanos Sarracenos obsessis opem ferentes, septem millibus captis, & duodecim cæsis, vicit. Post Abduramen, Cordubæ rex, Sancium Legionis regem, regno à suis pulsum, qui ad ipsum, vt morbo quodam ab eius medicis toto terrarum orbe celebrissimis sanaretur, venerat, curatum suis copiis in regnum restituit. Sed eo post defuncto, Sarraceni, Simancas, Duengas, Sepuluedam, Gormas, Legionensis regni oppida ceperunt, ac Zamorram euertunt: & paulo post etiam Portugalliam Lusitanæ caput, atque Compostellam deleuerunt. Abduramene defuncto, Alliagibus, qui ei successit, se, vt multitudinem alliceret, Almanforem, hoc est Mansoris regis sui propugnatorem appellans (tunc enim Marroci, quam urbem Occidentalis Sarracenorum imperij sedem fuisse ostendimus, Mansor regnabat, cui omnes Hispaniæ Sarraceni generis reguli parebant) maximis copiis collectis, Castulonensium, Legionis & Cantabrorum fines inuasit: & Legionis urbem penè deleuit, turres & propugnacula, quæ omnia marmorea erant (vna tantum, vt memoria pristini eius urbis splendoris extaret, relicta) diruit. Asturicam, Coiacam, quæ nunc Valentia est (non quidem illa ad Mediterraneum mare, sed in Legionensi regno & Pyrenæis) ac Sansagnum, aliaque oppida multa occupauit: & in Castulonensibus Osmam, Alcobetlam, Berlangam, Atienzam deleuit: atque in Galleciæ Iacobi fanum inuasit, campanasque Cordubam ferri iussit, iisque pro lucermis in sua meschita vsus est, bellumque in duodecimum annum circumtulit. Sed tandem Bermudes Legionis rex, suis & Castulonensium atque Cantabrorum viribus collectis, in loco qui Calataiacor vocatur, cum eo congressus est: ibique per integrum diem pugnatum, multaque Sarracenorum millia cæsa, & Almanfor cum suis fugiens præ mœre obiit. Hispani castris direptis, opima præda sunt potiti. quam cladem sarcire volens Abdimelicus eius filius, fractus & ipse fuit. Sed post Alphonso Bermudis filio regnante, Sarraceni rursus in Castulonensium fines irrumpentes, Auilam deleuerunt, Ormetum aliaq; aliquot oppida ceperunt, Alphonso verò Legionis urbem instaurauit. Posthæc orta sunt varia inter ipsos Sarraceni generis regulos, qui Hispaniam obtinebant, ciuilia bella: vnde Christianorum vires quotidie magis in ea prouincia inualuerunt, adeò vt Mahometo Enafir, Marroci pontifice, prope Valentiam in Gortalaria victo, & sexaginta Sarracenorum millibus cæsis, anno Salutis supra millesimum centesimo & quinquagesimo, post triginta annorum spacio Christiani Valentiam, Deniam, Alicantem, Murciam, Carthaginem nouam, Cordubam, Sibiliam, Iacem & Vbedam recuperarint: & Sarraceni solum Granatæ regnum retinuerint, quo tandem à Ferdinando, postremo Arraconensium rege, Caroli V. Cæsaris auo materno, pulsi sunt. In Africa verò quidam qui se vatem, & ex Muamedis stirpe oriundum prædica-

bat, nomine Elmahelis, homo in montibus & natus & altus, anno à Christo nato circiter millesimo, seditione in religione excitata, Cairoani (quam urbem haud procul Carthagine, sed in mediterraneis Africæ caput factam fuisse ostendimus) & itè Abraemo Marroci regibus pulsis, vtramq; Mauritaniam, & Africam totam,

Numidiam item & Libyam ad Nigritarum & Ægypti fines vsque, regia pontificiaq; sede Marroci collocata, subegit: & Marroci rex, Habdulmumenem, qui illum cum Elmahelis copiarum parte persequabatur, fugiens, Oranum urbem ad mediterraneum mare in Mauritania Cæsariensi sitam, peruenit: vnde cum à ciuibus receptus non fuisset, miser rex omni spe amissa, solus cum vxore, quæ eidem equo insidebat, altissimum montem, qui mare imminebat, ascendit: atque ibi equo calcaribus impulso, se de rupe cum vxore & equo præcipitem dedit: & sic tres illi mortui, totiq; cōfracti in littore sunt inuenti: & Habdulmumenes Marroci reuersus, Elmahelim mortuum inuenit, ac ipse in eius locum rex & pontifex creatus est: cuius posterum, hoc est Iosippus filius, Mansor nepos, & Machometus Enasir, cuius suprà mentionem fecimus, pronepos, regnum illud obtinuerunt. Sed dum Mahometo defuncto, decem eius liberi inter se pro regno dimicant, Marina gens Fessæ regnum occupauit, & Habduluadea familia Telenini regnum inuasit: ac Tuterano magistratu moto, regem ibi creauit. alij Africæ reguli omnes ab Marroci regum imperio defecerunt: & Sarracenorum potentia in Africa non secus atq; alibi imminuta est, atq; imperij illorum nomen extinctum.

CÆLII AVGVSTI NICVRIONIS SARRACENICÆ HISTORIÆ

Liber tertius:

In quo Sarracenicum imperij euersio, & Turcici origo atque incrementa ad Ottomanum vsque, vnde Iouius & cateri tum Latini tum Græci Turcicarum rerum scriptores historias suas auspicantur: & item Tartarorum, Mamalucorum, Assassinarum, Sophianorumq; origines explicantur, trecentorum annorum ante Ottomanidas, Turcicas historias continens.



NOVVS mihi nunc rerum nascitur ordo, & res maximè memoria dignæ enarrandæ occurrunt. In ea enim tempora nos traxit Sarracenicarum rerum explicatio, quibus vetere & vero Sarracenicò imperio corruente, quasi legitima Muamedis stirpe exclusa, nothi ac spurij filij hæreditatem occuparunt: & non ut illi, religionis specie, sed vi & armis, nouum duriusque ac firmitus imperium constituerunt: quod tantum à priore illo distat, quantum ferri duricies à plumbi mollicie differt. Nam etsi ingens fuerit, & grauissima illius moles, adeò ut falsæ religionis feruore diffusa, totum penè terrarum orbem inundarit, obrueritque: sæpius tamen vel validis militum armorumque aggeribus obiectis, non modò inhibita est eius vis, verum etiam arctioribus quàm antea finibus inclusa, vel intestinarum seditionum flamma concitata, in varias partes dilapsa disiunctaque est, quæ post longo terrarum spacio ab illius Arabicæ Babylonicæque officinæ, vnde eruperant, igne disiunctæ, ita gelu concretæ sunt, ut amplius mouere se non possent: sicque à tota mole distractæ, leuioræque redditæ, aut amotæ sepultæque sunt, aut nouo igne accendente tandem propria flamma conflagrarunt. quod & ipsi officinæ eadem ratione accidit, donec noui validioresque fabri venientes, durius metallum sub incudem posuerunt, quo plumbi molliciem munirent, eiusque officinæ dignitatem tuerentur. Nam quum, ut ex iis quæ duobus proximis libris narrauimus patet, cum Sarracenis per quadringentos fermè annos varia semper fortuna maiores nostri bella gesserint: adeò ut, quamuis ingentes fuerint statim ab initio illorum vires, & Christiana Resp. tunc semper & seditionibus intestinis ageretur, & barbarorum crebras incursiones pateretur, & Byzantinæ arcis enervati mollésque imperatores præessent, sæpe tamen ingentibus illos cladibus affligerint: & modò Syriam, modò Armeniam,

Armeniam, modò Perfidis partem, aliasque prouincias recuperârint: semper autem Europam vniuersam, aliqua Hispaniæ parte excepta, Asiam minorem, Mediâ, Parthorûmque regna, Bithyniam & Cappadociam, cum multis aliis prouinciis obtinuerint: Turcarum vires iam à sexcentis ferè annis in nos grassantes nunquam reprimere, aut imperij illorum incrementa sistere potuerûnt, vel eos semel captis locis expellere: tantam vim habet militaris disciplina, tantûmq; distat Septentrionalium populorum ferocitas ab Australium mollicie. Qui, vnde & qua occasione eruperint, iam explicabimus. Basilio Porphyro genito Byzantij imperante circa annû Salutis nostræ millesimum, cum (vt superiore libro exposuimus)

20 plures tyranni Sarracenicum imperium inter se diuisissent, & quatuor de summo pontificatu semper contenderent, bella atrocia inter se gerentes: ortum est inter Muchumetum Perfidis, Corasmiorum, aliorûmque populorum principem, & Syriæ Calysam, qui Bagadeti sedem habebat, graue bellum: in quo cum Muchumetum Babylonius Scleri, & Romanorum captiuorum opera superaret, Muchumetus Turcarum auxilia accersuit: quorum opera (vt ex iis quæ suprà diximus, patet) iam ab aliquot annis Sarraceni in bellis, vt qui religionem ipsorum, ritûsque statim primis illis eruptionibus, quas in Sarracenorû fines fecerunt, amplexi essent, vti consueuerant. Hi regiones intra Caucasum montem, nec non & vltra ad Septentrionem incolebant: sic etiam à Plinio nuncupati. nam illorum qui

30 eos Tartaros fuisse putant, opinionem falsam esse, ex ipsa historia patebit: iidemque & Hunni Tentazitæ, vel Tussagetæ appellati. nec tamen me latet, hæc nomina à Plinio ita distingui, vt Tussageras, Turcas, Moscos & Vdinos, quos nos Hunnos esse arbitramur, tanquam diuersos populos numeret: eosdémque à Græcis Byzantinarum rerum scriptoribus commisceri, adeò vt de eisdem loquentes, omnibus his nominibus eos absque discrimine nuncupent: quod locorum fortasse propinquitas effecit. Sed tamen cum Byzantinis scriptoribus, vt pote finitimis illorum, fidem omnino adhibendam censeam, nec interea Plinio, grauissimo scriptori, auctoritatem derogare velim, sic existimo: Scythiæ populos, qui regionem Taurum montem inter & Borealem Oceanum à Tanai flumine ad extrema

30 vsque Orientis littora, qui tractus mediam Asiæ partem complectitur, latissimè tenent, olim (vt hodie adhuc sunt) in multas tribus distributos fuisse: in quarum numero Hunni siue Vdini, Mosci, Turcæ, Tussagetæque, qui regiones Mæotidi, & Tauro propinquiores incolebant, fuerint. Sed vt modò hi, modò illi bellicis artibus & potentia præstiterunt ac cæteris imperârunt: sic reliquos omnes populos ab ea gente, quæ regnum obtinebat, cognominatos fuisse: quo factum est, vt ab rerum gestarum scriptoribus omnes hi populi, modò Hunni, modò Mosci, modò Turcæ fuerint appellati. Sed Hunnorum qui loca magis ad Scythicum Oceanum, vt Plinius & alij multi scriptores testantur, incolebât, res multò antè Turcarum potentiam floruerunt. Illis autem ad Europam populandam

40 nibus suis digressis, Turcæ, Tussagetæq; & Mosci fines suos promouere cœperûnt: & Mosci quidem, Mosci montis accolæ, regionibus circa Tanaim occupatis, ibi confedèrunt, vnde pòst regio illa Moscouia dicta est. Moscos autem Turcas esse, Cedrenus, Zonaras, & alij Græci scriptores testantur, eosdém passim etiam Hunnos appellantes: quapropter minimè absurdû videretur, si quis diceret, hos omnes ab Hunnis oriundos fuisse, quorû generis cõditor Hunnus Tuisconis filius (Berofo Chaldæo autore) fuisse perhibetur, qui pòst in colonias diuisi, varia nomina à ducebibus suis sortiti sunt: semper tamen, vt à cæteris Scythis distinguerentur, gētis suę conditoris cognomē retinuerunt. ex his verò illos qui in regione à maioribus suis primò occupata permanserunt, patriasq; artes, hoc est, magicas, & dæmonû com-

50 mercia retinuerûnt, absq; alio cognomine Hunnos appellatos. nã Hūnos ita magicis artibus deditos fuisse accepimus, vt multi eos à Faunis agrestib⁹ genitos crediderint. Verùm Turcæ atq; Tussagetæ ab illis oriundi, & Caucasî mōtis Septētrionale latus, vt diximus, incolētes, haud multû vita, moribus & institutis ab iis differrebant, ita inter se similes & fœdere iuncti, vt pro eodē populo haberentur: & fortasse etiam iidem erant, sed ab vicinis Armenis, è quibus ritus accipiebant, quique

Sagæ, id est, sancti vocabantur, sic quasi profani, appellati sunt. Tentazitz enim, vt in secundo indicauimus, gentiles vel profani eorum lingua dicuntur. nam à multis scriptoribus hæc nomina ita coniunguntur, vt alterum nomen, cognomen alterum esse videatur. Hos Procopius ait, reliquis Hunnis minimè vicinos fuisse, & nihil ad eos pertinuisse: sed Borealium Persidis partium, hoc est Armeniæ finitimos. nam Armenia semper ferè sub Persarum regibus fuit. Nec, vt cæteri Hunni vel Scythæ, Nomades erant: sed optimam inter montes & colles incolebant regionem, solique Hunnorum albi erant. nec vt cæteri, foedi aspectu, vel ferarum more victitantes: sed sub vno degentes principe, bene institutam rempublicam habebant: & non secus ac Græci, Romani, aliæve excultæ gentes inter se, & cum vicinis ius, fasque colebant: urbem Corga nomine regni sedem habentes. nobiliores ditioresque inter eos, perpetuò viginti, vel plures, pro facultatum ratione amicos apud se conuiuas habebant, cum quibus & fortunæ & auctoritas, potestāsque communia illis erant, vt & idem Procopius scribit, & hodierna illorum institutio testatur. Nec desunt, qui Turcarum originem ad decem illas Israelitibus, quæ in Mediam translatae fuisse, apud Iosephum leguntur, referant: cuius rei argumento morum similitudinem adducunt. alij verò ad Gogum & Magogum, quorum in sacris literis mentio fit: à quibus nos Tartaros, & fortasse etiam Gottos ortos arbitramur, & alij ad Troianos, quas opiniones vel refellere, vel confirmare, minimè nostri instituti est, cum nō probabilia indicia, sed ea quæ veterum tum Græcorum & Thracum, tum ipsorummet Turcarum, & aliarum illis finitimarum gentium certissimis historiarum monumentis memoriæ tradita, inueniuntur, persequamur: quæ sic se habent, vt suprā explicauimus. Ab horum igitur principe Muchumetus tum contra Babylonium Calysam auxilia postulabat, iisque Tangrolipice Mucaleto duce acceptis, cum Pisafurio Babylonis Calysa configit: eumque nullo negotio Arabibus Turcicarum sagittarum nimbum non ferentibus superat: & domum victor reuersus, iisdem Turcis voluit etiam in pugna contra Indos, cum quibus pariter bellum gerebat, vti: & petentibus vt domum sibi redire liceret, atque vt præsidium ab Araxis fluminis ponte deducere-tur, vim etiam minatus est. Turcis enim domum redeuntibus Araxes fluuius, qui Persarum regni finis est, traiciendus erat, isque vnico tantum ponte transire poterat: pons autem ille ab vtroque latere, turribus excitatis, ac præsidiis impositis munitus erat. Turcæ maiora pericula veriti, ab eo defecerunt, & in Carbonitidem solitudinem (neque enim, quum nō plus quam tria millia essent, cum tam multis prælio congregi audebant) se subtraxerunt, indeque crebris excursionibus Sarracenorum agros populabantur. quod iniquissimè ferens Muchumetus, ad triginta hominum millia contra eos mittit, decem nobilissimos notæque fortitudinis ac prudentiæ tribunos exercitui præficiens. Hi ad bellum profecti, intrare in desertum, ob aquæ alimentorumque inopiam, noluerunt: sed proximè aditum solitudinis sunt metati. Turcarum dux de aduentu Persarum certior factus, re cum suis communicata, Sarracenos & Persas repente adoriri statuit: biduoque magnis confectis itineribus, tertia nocte eos securè in tentoriis agentes, nihilque suspicantes inuadit, atque illicò profligat: ibi curribus, equis, pecuniaque plurima potitus, non iam vt fugitiuus latrocinia exercere, sed palam exinde in aperto castra habere: ad quem vndique confluebant, qui ob maleficia supplicium metuebant serui, atque alij rapto viuere gaudentes, adeò vt breui tempore eius copiæ ad quinquaginta millia vsque creuerint. At Muchumetus ob cladem acceptam iratus, decem illos duces luminibus orbat: & qui euaserant milites, eos se muliebri indutos vestitu, deuictis hostibus in triumpho ducturum minatur, ipse se ad bellum accingit. qui antea victi à Turcis fuerant, minis perceptis ad Tangrolipicem transeunt: is tanta accessione auctus, cum omnibus suis copiis in Muchumetum it, vt collatis signis iusto prælio rem decernat. Et Muchumetus armatis Sarracenis, Persis, Arabibus & Cabiris, circiter quingentorum millium exercitu coacto, accentum tur-rigeris elephantis, hosti apud locum cui Aspacham nomen est, occurrit. ibi atroci conferta pugna, multisque vtrinque cadentibus, ipse etiam Muchumetus, dū hinc inde in-

de incautius obequitat, suosque verbis ad pugnam accendit, equo collapsio, ceruices frangit, ac moritur: eoque mortuo exercitus cum Turcis conspirat, ac omnium voluntate Tangrolipix Persarum rex declaratur. qui statim suæ genti aditum in Persidem aperit: quorum mox ingens multitudo se eò contulit, oppressisque Persis ac Sarracenis Persidem occuparunt. Tangrolipicen Sultanum, id est, summum Imperatorem, siue regum regem appellant: is omnes magistratus, omnesque dignitates à Persis in suos transtulit: & inter eos indigenis prorsus conculcatis, vniuersam diuisit Persidem. Ægypti autem princeps Daber, qui fœdus cum Romanis habebat, eo violato Hierosolymitanum templum, in quo Christi Seruatoris sepulchrū est, & sacra loca omnia diruit. nam sub illius imperio tunc erat Hierosolima. Et paulo post classem contra Cycladas insulas misit: quam Sami dux, duodecim nauibus vnā cum victoribus captis, reliquis dissipatis, deuicit. Deinde Romano Argyropylo imperante, Arabes, vrbes quas Nicephorus & Ioannes Zimisca in Syria ceperant, presidis caesis occuparunt. & Chalepi princeps perpetuis excursionibus, populationibusque ipsam Antiochiam, aliasque finitimas Syriæ gentes Romano subiectas imperio infestabat: à quo & dux Antiochenus, Constantino adhuc superstite turpiter victus, plerisque suorum amissis vix effugerat. cui Romanus successore dato, ipse quoque ad bellum iuit. Cui cum Chalepitæ legati dona ferentes, & veniam petentes, seque eius imperio rursum subiicere volentes, in itinere

10 occurriscent: quamuis multi ex ducibus eū ad pacem hortarentur, tamen se facile Sarracenos debellaturum, & magnam sibi gloriam paraturum sperans, in Syriam progredi voluit. cumque prope Chalepum castra communisset, Arabes, homines audaces atque expediti, in celeribus equis nudi, insidiis vndique collocatis, si qui pabulum aut aquatum exhibant, eos impetu facto cædebant, aut capiebant: quo fiebat, vt & milites & equi siti deficerent. deinde incursionibus illis magis assuefacti, & Romanos ignauitæ accusantes, subito ex montibus decurrere, & clamore sublato speciem multitudinis ingerentes, omnem exercitum territum in fugam verterunt: atque ipse Imperator à prætorianis militibus præ metu desertus, ac timore penè exanimis, nisi quidam eum in equum sublatum ad fugam cohortatus

30 esset, captus fuisset. Sarraceni verò fictam fugam esse suspicati, fugientes non sunt persequuti: sed castra ingressi, paucis illustribus viris captis, direptoque imperatoris tabernaculo, variarum opum, & regiæ magnificentie pleno, cæterisque impedimentis in equos impositis, recesserunt, Mesopotamiam incursionibus infestantes. Interim Ægyptia classis Illyrici orā populabatur: cum qua congressa Græca, multas illorum naues incēdit: & qui è pugna euaserunt, in mari Siculo tempestate perierunt. Ex Africa quoque circiter mille naues egressæ, multas insulas & loca maritima populabantur. Sed ab Romanis triremibus parte earum adepta, multisque interfectis, quingenti captiui ad Imperatorem missi. Georgius Maniaces, vrbiū quæ ad Euphratem fluuium sunt, prætor, Samosatæ degens, Edeffa expugnata, epistolam Seruatoris nostri IESU CHRISTI manuscriptam, ibi inuentam

40 (si vera sunt quæ quidam literis mandarunt) Imperatori misit. quam vrbe post Michaelē Paphlagone imperante Arabes obsedere: & recuperassent, ni Antiochiæ dux Constantinus, Imperatoris frater, obsessis opem tulisset. Verum Ægypti principe mortuo, vxor eius, quæ Christiana erat, vnā cum filio triginta annorum inducias cum Romanis pepigit, & templum aliisque sacra loca Hierosolymis instaurari curauit. Cumque duo fratres Sarraceni Siliciæ imperantes, inter se dissiderent, eorumque alter Imperatoris opem implorasset, Georgius Maniaces patricius auxilio illi missus est: qui antequam in Siliciam venisset, illi inter se reconciliati, & Maniacen insulæ aditu prohibere conati, auxilia Carthagine euocarunt.

50 Sed pugna commissa Romanus exercitus vicit: magnaque cæde Sarracenorum edita primò tredecim vrbes vastauit: deinde paulatim progrediens, totam Siliciam Romano Imperio restituit. At in Oriente parum abfuit, quin Edeffa ab Sarracenis dolo caperetur. Nam duodecim illorum principes, quingentos camelos Edeffam adduxere, binas cistellas gestantes, quæ totidem armatos claudabant, simulantes se Imperatori munera ferre: qui si intromissi essent, in animo ha-

bebant, noctu eductis armatis urbem capere. Sed quum quidam Armenus mendicus, Arabicæ linguæ peritus, apud Arabes foris diuersitantes mendicaret, audiuit quendam è cista percontantem ubi essent? Itaq; urbem ingressus, insidias prætori aperuit. Is Arabum principes in urbe conuiuentes reliquit: & cum suis egressus, apertis cistis, armatos omnes interfecit: mox in urbem regressus, duces quoq; trucidauit, vno tantum dimisso, cui ambas manus, nasum & aures abscidit, vt cladem illam nunciaret. Ab alia parte Cairoani Africæ Calyfa suarum copiarum interitu cognito, ipse cum maiore exercitu in Siciliam proficiscitur. Maniaces verò castris contra eum positus, classis præfecto mandat, vt oram maritimam diligenter tueatur, ne Carthaginiensis victus effugere queat. deinde prælium committit: quo tot Sarraceni periëre, vt numerari nullo modo possent. Sed illorum princeps pugna elapsus, conscensa celoce domum rediit. Tangrolipix verò, iam, vt supra ostendimus, Persarum rex, regni sui rebus præclare cõstitutis, factaq; in Pisafirium Babylonis ducem expeditione, pluribus eum præliis vicit atq; interfecit: & sic Babylonis subactis, Cutlumum fratris filium cū exercitu contra Carbesum Arabicæ regem misit: à quo superatus Cutlumus, per legatos à Stéphano patricio Mediæ, quæ hodie Baas Pracham vocatur, præfecto per fines ipsius itineris faciendi facultatē petiit: quod non modò non impetrauit, verum etiam Stephanus armatus illi occurrit: qui multis suorum amissis, victus & captus est. Cutlumus autem ad Tangrolipicen reuersus, Medicum bellum referens, eius religionis fertilitatem celebrat, eam expugnatu facilem esse asserens: sed Tangrolipix illi ob cladē acceptam iratus, ipse contra Arabes proficiscitur. Cutlumus metu cum suis aufugit: & Pasare Chorasmiourum vrbe occupata, à Sultano deficit. Verum Sultanus eo ad tēpus omisso, cum omnibus suis copiis contra Arabes proficiscitur: à quibus ipse quoq; profligatus, domum rediens, maxima cum parte exercitus eum obsidet: cui Cutlumus loci munitione fretus, diu obstitit. Et tamen interea Tangrolipix Afanem, alterum nepotem, cognomine Surdum cum xx armatorum millibus in Mediam mittit. is impetu in prouinciam facto, & prælio cum Romanis commisso, cum toto exercitu paucissimis exceptis cadit. Quo Sultanus cognito, vt iacturam illā sarciret, Alimum Abramium cum centum armatorum millibus in eam prouinciam mittit. Cuius præfectus auxiliis ab Imperatore petitis, Liparitam partis Iberiæ dynastam expectabat: nec prius sibi cum Turcis dimicandum censebat, quàm Iberum auxiliares copię aduentassent. quamobrē Romanis intra munitiones se continentibus, Alimus negata pugnandi copia, Arzeni vicum nullo muro circumdatum, quem innumeri ditissimiq; mercatores incolebāt, se primo impetu capturum ratus, inuasit: sed cum incolæ aditus trabibus obstruxissent, tela in hostes extectis cõiicientes, multos sustulerunt. Alimus eo per sex dies oppugnato, cum Arzenos fortissimè se defendere, nec obsideri facile posse cerneret, ignem tectis iniecit: quo vndique sæuiente, & incolis in fugam versis, Turcæ vico potiti, multum auri & aliarum opum quas flamma non absumserat, inuenerunt. Inde cum Liparites Iberiæ copias iam adduxisset, contra Romanum exercitum properarunt: prælioq; sub vesperam commisso, Turcæ fusi fugatiq; sunt, Romanis eos in multam noctem persequentibus. Qua tamen in pugna Liparites, qui alterum exercitus cornu ducebat, captus fuit, & ad Sultanum perductus: cuius redimendi gratia Imperator magnam pecuniam & munera Sultano misit, fœdus cum eo petens. Sed Sultanus, omni pecunia & muneribus remissis, Liparitē gratis restituit: hortatus, ne in posterum arma contra Turcas sumeret: quin ipse etiam legatum ad Imperatorem misit, summæ dignitatis virum, Seriphem appellatum: quæ dignitas ea apud illos est, vt Calyfa mortuo, Seriphies succedat. Nā Turcæ statim Muamedis sectam amplexi Calyfas (et si regna illis, profanamque potestatem in suo imperio ademissent) vt sacerdotes & pontifices in summo honore habuerunt. Is igitur Byzantium ingressus, cum superbe ab Imperatore, vt tributum Sultano penderet, petiisset, re infecta est dimissus: qua re indignatus Sultanus, ipse Romanos adortus est: cūque Comium Iberiæ urbem, propterea quòd incolæ se & res necessarias castellis (qualia tunc in Iberia multa erant) & locis munitissimis

maturè incluserant, nulla re memorabili gesta progressus esset, Romanas copias Cæsareæ colligi audiens, in Mediam est regressus: vbi cum omnia non secus atque alibi muris defendi videret, animum ad oppugnationem conuertit, ac primò omnium Mantzicherte urbem in planicie sitam, ac triplici muro cinctam, multisque intus fontis irriguam, in quam præterea magnam commeatus copiam oppidani importarant, aggreditur: & vallo prope mœnia posito, omnis generis machinis per triginta continuos dies oppugnat: tandèmq; re infecta, & multis ex suis amissis, abiit: Abramium deinceps nepotem persequens, quem Cutlumo consobрино suo coniunctum, prælio apud Pæsirim urbem victum, necauit. Cutlumus verò, cū sex millibus & Melecho Abramij filio fugiens, per legatos ab Imperatore Constantino Duca se in fidem societatemque recipi postulauit, responsum in Perfarmenia ad Charse urbem expectans: quem insequutus Sultanus cum copiis in Iberiam cōtendit, Cauthlumus verò in Felicem Arabiam confugit. Sultanus in Iberia obuia quæq; populatur & vastat: sed Michaellem cum copiis contra se venire sentiens, & turpe sibi cum Imperatoris ministro cōgredi existimans, in suos fines se recepit: quidam verò ex eius ducibus Samuchus nomine, obscuri parentibus ortus, verum bello egregius, cū tribus millibus remanens, atque hinc inde per plana maioris Armeniæ loca vagatus, repentinis ac crebris incursionibus fines Romani Imperij infestabat. Inde Romano Diogene imperante, Sultanus rursus cum maximis copiis Romani imperij fines est ingressus. Verum ipso Imperatore cum exercitu contra illum expeditionem suscipiente, retrocessit: & exercitu in duas partes distributo, alteram in australem Asiam, alteram verò in Aquilonarem misit: qui obuia quæque populati, & Neocæsarea subita incursionem vastata, præda onusti inde recedebant. Sed Imperator hoc audito, expeditionibus militibus assumtis, per loca inuia & montosa, vt hostes anteuerteret, nec faciens, eos repentè adortus, ita terruit, vt statim arrepta fuga, & prædam & impedimenta reliquerint. nec tamē, quia Romani itinere fatigati, longius eos persequi non potuerunt, magna illorum strages est edita: sed multi captiui liberati. Inde Syriæ iter ingressus phalange vna Melitenam missa, Chalepo magnam & hominum & animantium prædam abduxit, ac Hierapolim Syriæ deditione cepit. Dein, quum Turcæ Romanarum copiarum partem superassent, Imperator, qui Hierapoli erat, illo nuncio accepto, ad opem victis ferendam accurrit. Chalepi verò præfectus, Romanorum clade audita, cum suis ad Turcas desciiuit. cūmq; hostes Romana castra corona cinxissent, Imperator prælio eis non denunciato eduxit exercitum: & nulla tubarum sonitu aliòve manifesto signo dato, hostes fudit: Hierapoli arcem condidit: & aliis multis oppidis captis, Alexandriam Ciliciæ urbem peruenit: exercitūque in hyberna, vbi nulla commeatus inopia premere-tur, ducto, Byzantium rediit. Sub veris autem initium Imperator altera expeditione suscepta, quum Cæsaream venisset, & magnam Turcarum copiam eam

40^o prouinciam incurfare cognouisset, illis aut cæsis, aut captis, ad Eufratem contendit: ibique parte vna exercitus Philareto duce relicta, ipse ad Septontrionem declinauit, Turcæ autem Philareti militibus territis, omnibus eorum impedimentis potiuntur. & in Cappadociam progressi, omnibus vastatis Iconium petunt, urbem tunc felicissimam nobilissimamque: quare Imperator Sebastæ cognita, eodem contendit: verum vbi illa vrbe euerfa, hostes suo aduentu cognito discessisse audiuit, Cathagurio Antiochiæ duci Romanarum legionum partem tradidit, eiq; mandauit, vt ad Mopsihestiam veniret, & Turcas illac transituros aggredere-tur. qui quum in Tharsi planiciē venissent, ab Armenis omni ferè præda spoliati sunt: auditisque Romanorum ad Mopsihestiam insidiis, noctu diffugerunt. Vere in-

50^o eunte, Turæ iterum Romanas prouincias infestantes, à Michaelle Comneno, Imperatoris legato, victi sunt: & paulò post ipse ab Imperatore cum minoribus copiis, ob inuidiam in Syriam missus à Turcis victus & captus fuit. Quare ipse-met Imperator, in Oriētales prouincias cum exercitu progressus, quum ad Criapegam castra haberet, prælio cum hostibus congressus, & Scythis quos in castris habebat, ad Turcas deficientibus fortissimè pugnans, captus fuit: & ad Sulta-

num, qui Axan vocabatur (iam enim Tangrolipix mortuus erat) perductus : quem Axan, vt erat iustissimus, & summa animi moderatione præditus, vbi Imperatorem esse certò cognouit (neque enim prius credidit, quàm & legati quos ad eum miserat, eum esse testati sunt : & Græci duces, quos in vinculis habebat, coram illo ducti, ad pedes eius prostrati ceciderunt) prius tamen de more, vt victum ante pedes suos prostratum, erexit : atque vt fratrem amplexus est, & mox huiusmodi verbis solatus : Noli mœrere Imperator : hæc enim est rerum humanarum vicissitudo, vt belli fortuna modò hos, modò illos deprimat, alios verò extollat : tu multa bella præclare gessisti, semper virtus & fortitudo tua celebrabitur, modò te in aduersis non minus fortem præbeas, quàm in secundis prudentem. à me tamen non vt captiuus, sed vt Imperator tractaberis : statimque ei tabernaculum ornatissimum attribuit, & ministros ac reliqua omnia quæ Imperatorem decent. & mensæ adhibitum iuxta se collocat, captiuus quotquot peteret redditus : & sic per dies aliquot cum eo versatus, & colloquutus : pace perpetua sancita, promissaque affinitate inter liberos ipsorum contrahenda, Diogenem cum magno comitatu & honore dimisit, barbarica etiam veste ornatum. Sed post eo Byzantij à suis trucidato, Axan Sultanus id audiens, magno dolore affectus, copias suas in Romanorum prouincias, non iam prædatum, sed ad eas subigendas misit. Contra quem Michael Ducas Imperator Isaacium Comnenum cum exercitu misit : qui à Turcis victus & captus, magna se pecunia redemit. Post Cutlumo, quem supra ostendimus Tangrolipicis nepotem fuisse, arma contra Axanem nouum Sultanum, vt ipse imperium occuparet, parante : Babylonius Calyfa, cuius etià apud Turcas, vt qui à Muamede originem trahere putaretur, summa erat auctoritas, nihil sectæ suæ perniciosius esse animaduertens, quàm si eadem bella ciuilia, quæ Sarracenicum, ipsorumque Calyfarum imperium euerterant, iam inter nouos Sarracenos, hoc est Turcas quoque orirentur : quamuis loco suo excedere, & in publico versari non soleret, ad eos abijt, qui de regno contendebant : eisque persuadet, vt omisso bello Axan, quem Cassianum quidam vocant, principatum suum integrum teneat : cognatòque omni ope præstò sit, vt Romanis prouinciis subactis imperet. qui breui Media & totius Orientis locis subactis, in insulas quoque inuasit, Zacham quendam obscuro genere natum mittens : qui Chio insula cum paucis nauibus repente occupata, classeque ibi comparata, Lesbum, Samum, Rhodum, Cretam & Cyprum cepit, quæ tamen paulò post rursus in Imperij Romani potestatem redierunt. Damascum verò, & reliqua Syriæ loca ei propinqua, Axan Persarum Sultanus cuidam nepoti suo Ducat appellato tradiderat : vt quemadmodum ille alter cum Romanis bella gerebat, sic iste cum Ægyptiis faceret. nam Ægyptius Calyfa, Laodicæam Syriæ usque, omnia possidebat : & Alapiam siue Calepum Samucho illi, cuius supra mentionem fecimus, tradidit : sed ita, vt hi beneficiarij essent sui : Cutlumus verò, Sultanus & ipse. Sed Samuchi filius Sangninus, multis bellis gestis, Damasci quoque regnum occupauit. eique successit filius Norandinus, qui multa cum Ierosolymitanis regibus bella gessit. Sed cum Christiani qui Ierosolymis, & in aliis locis, sub Turcarum imperio degebant, durius à Turcis tractarentur, quàm antè ab Sarracenis : concilio in Gallia apud Claromontem habito, Urbanus Pont. Christianis Orientis per Petrum quendam Gallum opem implorantibus, omnes gentes ad pium bellum cohortatus, effecit vt expeditio in Syriam susciperetur. Itaque profecti sunt, anno salutis nostræ M x c diuersis itineribus Gottifredus, Eustatius, & Balduinus Bolliones, Raimundus & Robertus, Flādriæ comites, Vgo cognomenito Magnus, Philippi Gallorum regis frater, Stephanus Valesius Carnutum comes, Podiensis antistes, & Petrus Eremita, huius expeditionis autor, cum circiter quingentis armatorum millibus, qui multis cruentis præliis cum Turcis & Sarracenis atque Ægyptiis commissis, alij Nicæam Bithyniæ urbem, alij Antiochiam ad Orontem fluuium, alij Ierosolymitanam urbem, alij alias magno labore, multoque sanguine receperunt, ibique regnum Christianum constituerunt : Constantinopolitano Imperatore interea scædus cum altero Turcarum Sultano, qui Byzantio proximis prouinciis imperabat, habente. nam supra ostendimus,

dimus, prouincias illas Cutlumo attributas fuisse, quibus ipsius hæredes sunt potiti, cū Tangrolipici posteri Persis & Babylonii imperarent, in Ægypto aliquot Sarracenorum reliquiis superstitibus. Sed Cutlumo atque eius filio, qui Occidentis Sultani erant, Cappadociamq; obtinebant, defunctis, Tanismanius successerat. Ex his Christianis ducibus, ubi in Asiam traiecerunt, Turcæ Raimundum, Nicenum agrum inexploratum ingressum, insidiis exceptum, multa strage fuderunt: & in Exorgum oppidum desertum compulerunt: ubi aliquandiu obsidione fatigatus, ad hostes cum paucis transiit. reliqui, qui se dedere noluerunt, post diuturnam obsidionem, partim bello in excursionibus, partim fame absumpti: & qui uiui in hostium potestate venerāt, ad vnum omnes cæsi Cæteri Nicomediam primum petierunt, inde ad Nicæam Bithyniæ urbem bellum transtulerunt: quam dum fortiter oppugnant, Tanismanius, siue, ut alij vocant, Solymanus cum sexaginta Turcarum millibus, in eam partē castrorum, in qua Podienfis antistes suos milites habebat, impetum fecit: qui à Gallis facilè repulsi sunt, tandemque Nicæa capta est: deinde cum Solymano quartis ab Nicæa castris ferocissimè pugnatum. collegerat enim ille torius Orientis vires, auxiliis vndique accersitis. Inde Iconium, ad Taurum montē situm, ipsius Solymani sedes, hodie Cogni dicta, & Phrygiæ, quæ hodie Caramania vocatur, principum regia, atque Heraclia capta. post bipartito exercitu Balduinus in Ciliciam flexit, Tharsumq; Edeßam & Manusā cepit: maiores copię Armeniā receptam, Palmuro Armeno tradidit. Inde Cappadociam, Cæsaream, Sororgia & Suram, in angustiis Tauri montis capiunt. Post Taurū transgressis, obtulerūt se in planicie Turcæ: sed facilè fusi à Latinis, fugatiq; sunt: inde Antiochiam Phœniciæ clarissimam munitissimamq; urbem, quam Orontes fluuius interluit (nam alia est in Pamphilia Seleuciæ vicina) rectā perrectū: eaq; deditione potiti, Turcis prius acie victis. quo in prælio centum Turcarū millia ceciderunt, et quindecim camelorum millia capta sunt. Interea Veneti ducenarum nauium classe ad Latinos iuandos missa, Smyrnam in Ioniæ ora occuparunt: & Latini Antiochia capta, Rugiam quoque & Albariam expugnarunt, ibiq; hyemarunt. Vere autem ineunte inde digressi, Tortosam primò & Tripolim oppugnāt. Tripolitanus rex in fidem receptus, Tortosā à suis egregiè defensa. Quare castris indo motis, Zebulo, Zabari, & Brai flumine traiecto per insidiosa loca iter facientes, Berytum maritimam urbem peruenere, & Beryti Sagittam, vnde decimo die Cæsaream ventum est, post Ramam, ac tandem Ierosolymis castra admouerunt: eaq; cruentissimo Marte & summo labore capta fuit, circa annū Salutis nostræ M C, & Gottifredus rex salutatus, At Turcæ cum Ægyptiis ingentibus collectis copiis mox bellum instaurant: quibus obuiam progressus Gottifredus, eos ad Ascalonem castra habentes, centum, vel (ut alij volunt) quinquaginta millib. cæsis, fudit. Sed antequam Ierosolyma caperetur, Veneta classis Lyciæ, Pamphiliæ, Ciliciæ, et Syriæ oram præteruecta, Ioppensem portū iam à Gallis captū, vt Christianos comite adiuuaret, tenuit: indeq; Ascalonem, Porphyriam, urbem Ptolemaidis propinquam, & Tyberiadem maritimas vrbes capiunt. Et Ierosolymis Gottifredo mortuo, Balduinus eius frater rex creatur, cæteris principibus domum reuersis. hic Ptolemaidem, Venetis, Genuensibus & Boemundo Antiochiæ rege adiuuantibus, & Sydonem atque Berytum Phœniciæ vrbes cepit. Deinde Boemundo mortuo, & Tancredo eius fratre Antiochiæ regnante, cum Turcæ atque Ægyptij rursus Ierosolymitanos fines ingressi essent, Balduinus Tancredo in auxilium accersito, cum eis pugnavit: et victus, magna suorum cæde Ierosolymam se recepit, Tancredus verò Antiochiam: & Turcæ montem Sinam occuparunt. Et paulo post Balduino defuncto, Balduinus alter cognomento Burgensis, rex creatus fuit. Deinde Alexio Byzantij imperante, quia Balduinus secundus auxilia à Latinis petebat, altera expeditio in Syriam facta est: profecti sunt Wilhelmus Aquitaniæ dux, Vgo magnus, Philippi Francorum regis frater, Stephanus Carnutum comes, qui ex priore expeditione domum reuersus erat, & Stephanus Burgundiæ comes, atque Tolosæ, Veneti quoque classem maximam miserunt. Latini procures cum suis copiis multis laborib. & cladibus afflictī, ac penè

diffipati, tandem Ierosolýmam peruenere. Sed Balduinus improuidè sine illis cum Turcis congressus, exercitu suo fuso, ipse captus, & Carras per ductus, tandemq; pecunia data, liberatus fuit. At Veneta classis, septingentarum Aegyptij Calysæ nauium classe, quæ loppem oppugnabat, fracta, Tyrum cepit: quam urbem cum oppugnaret, columba visa est castra superuolare (nam copiarum partem in litus Veneti exposuerant) Damasceni regis literas ferens, quibus obsessis significabat, se breui cum ingentibus copiis illis auxilio fore. quæ columba omnibus in maximum clamorem ac strepitum edentibus cecidit: Veneti duces lectis literis, ad illarum exemplum alias finxerunt, quæ obsessis omnem auxilij spem adimerent: vnde post deditio secuta est. His temporibus viguit inter Sarracenos vel Turcas, genus quoddam hominum, & secta, Assassinatorum appellata: qui latronum more quosunque vellent interficientes, magnis Christianos in Syria cladibus afficiebant. ex quo post factum est, ut apud Italos latrones omnes Assassini vocarentur. Cuius sectæ origo sic traditur: Aloadinus quidam secta Sarracenus, regnum in ea Persidis parte quæ Indo flumini proxima est, haud procul ab Arrianae prouinciæ finibus sub Caucaaso obtineas (quæ regio hodie Mulehet à barbaris vocatur, in qua olim fuerunt Asaceni, quorum mentionem facit Arrianus in Alexandri Magni rerum gestarum historia, eos inter Cophen & Indum fluuios collocans: quem Cophen à Iosepho in Iudaicis antiquitatibus Cuthum appellari puto, & in hanc regionem decem illas Israelis tribus translatas fuisse.) hic Aloadinus, ut suis persuaderet, se vitæ beatæ illos participes facere posse, qui mandata sua seruassent: in amœnissima quadam valle, inter duos altissimos montes, hortos pulcherrimos, omni arborum suauis fructus ferentium, & florum genere adornarat: quos vndique splendidissimis ædificiis incluserat. quæ auro aliisque coloribus depicta, & preciosissima supellectile instructa erant, & variis in partibus, lactis, mellis, vini, ac odoratarum aquarum fontes riuosque habebant: intus erant lepidissimæ puellæ, cantu, musicis instrumentis, choreis, omnibusque blanditiis, eos qui ibi essent oblectantes: & insuper ministræ erant, quæ semper intra tecta latentes, omnia tum ad victum, tum ad voluptatem necessaria hospitibus parabant: locus autem totus foris & natura & arte munitissimus erat. Hoc igitur voluptatum omnium hortus siue paradiso facto, Aloadinus montanis illis hominibus se Muamedis socium prædicabat: sibi que paradisi ac beatæ vitæ impertiendæ potestatem datam. & ex illis melioris ad arma indolis, adolescentes duodecimum & decimum quartum ætatis annum transgressos deligebat, & in aula sua educabat: eosque, quo libentius mandata sua exequerentur, aliqua portione altissimo consopitos somno, in eum locum transferebat, ubi eo somno excitati, omnibus voluptatibus per duos vel tres dies fruebantur, & post iterum eadem portione somno obruti efferebantur: sic fiebat, ut illi post nulla pericula, ut eius mandata perficerent, subterfugerent: ac quoscunque ille vellet, vel in remotissimis partibus degentes, insidiis trucidarent: horum autem ad sexaginta millia habebat. Vnde potentia eius ac successorum, qui Sexmontij vocabantur, ita creuit, ut eundem ordinem etiam in Syria instituerit, & præfectum Damasci habuerit. erat enim quasi quidam equestris ordo, cuius summus magister Sexmontius vocabatur: qui præfectos alios variis in locis militiæ suæ habebat. Arx verò illa, in qua horti erant, Tigadum appellabatur. Hi milites cædibus & latrociniiis totam Asiam Christianis infestam reddebant. Sed hi post à Tartaris, arce septem annorum obsidione capta, penitus deleti sunt. Hæc est illorum, quos aliqui Essenos, alij Arfacidas errore vocarunt, historia: ut nos apud fide dignos autores inuenimus. Tanisnatio defuncto, imperium Turcicum Occidentale diuidi ceptum est. nam Muchumetus quidam Tunismania successit, cui cum Masuto Iconij præside inimiciæ intercedebant. Sed cum Ioannes Comnenus Imperator fœdere cum Masuto inito, Muchumetum coniunctis viribus oppugnaret: tandem Masutus cum Muchumeto reconciliatus, ab Imperatore defecit. & nihilominus Imperator Castamonem & Gangrû, nobilissimas Ponti vrbes, à Turcis occupatas expugnauit: quas Muchumet paulo post recuperauit, & Iberiâ quoque ac nonnulla Mesopotamia-

Mesopotamiæ loca subegit: Masfutus verò Iconio cum aliis Syriæ locis est potitus, qui etiam in Thraciam impressione facta, ab Mantuele Comneno fugatus fuit. Cum verò Imperator hac victoria elatus Iconium oppugnaret, Turcæ insidiis collocatis exercitum eius fuderunt, ad eò ut ipse ægrè effugerit. Post Christianis qui Ierosolymam obtinebant, laborantibus facta est tertia expeditio, cuius dux fuit Conradus, dux Franconiæ, qui illis cum magno Germanorum atque Italorum & Gallorum exercitu opem tulit: & cum Turcis, cum quibus & Græci conspirauerant, ad Mæandrum fluuium cruento prælio congressi, ingentem Turcarum stragem ediderunt. Masfuto autem mortuo, regnum eius tres filij sortiti sunt, bella de-
 inde inter se gerentes, Iagupasanes & Iconij Sultani: tademq; Iagupasanes viciit,
 & Sultani ad Imperatorem confugit, qui eum Byzantium in triumphum duxit. Neque hic prætereundus est Sarracenus Icarus: qui cum in Sultani comitatu esset, præstigiator habitus circensibus ludis sponte Byzantini Hippodromi turri cõ-
 scensa, sub qua carceres erant, vnde equi mittebantur: supra verò quatuor illi equi aurati, qui nunc Venetiis supra Marciam ædem sunt, sibi inuicem obuersi, alacritatis ad cursum pleni stabant, se stadium transuolaturum iactabat. cum-
 que diu, ampla & promissa veste candida indutus, quæ vinculis in orbem succincta, sinuosa efficiebatur, manus alarum instar ad volatum, ut plus venti colligeret, librans, tandem se vento committens, prostratus, ossibus omnibus con-
 fractis, expirauit. Manuel verò, ut à Sultano liberalis & potens haberetur, eum ingenti pecunia, & preciosissimis rebus donatum dimisit: ea tamen lege, ut ipse ei Sebastiam cum suburbano agro redderet. Sed ille cum pecunia Iconium reuersus, Sebastia vastata, et vicinia eius subacta, summam rerum ad se transfudit: & Dadunæ altero fratre eiecto, Cæsareâque occupata, Iagupasane quoque euertere nitebatur. Dadunæ verò Amasiam possessore vacuam occupauit: sed paulo post à Clizastlane Sultano, qui Cappadociam obtinebat, pulsus est. Clizastlanes verò Imperatorem patrem appellans, interea semper fines eius populabatur. Quamobrem non multo post nouo inter eos accenso odio, quia et vicissim Sultani Imperatorem leuitatis in promissis non seruandis accusabat:
 3º Imperator bellum summis viribus gesturus, & Turcicæ gentis euerfionem animo concipiens, veteranos milites colligit, nouas legiones conscribit, externa auxilia vndique accersit, cum Balduino Ierosolymatum rege fœdus inuit, Scythas Istri accolis sibi adiungit. ingentiq; exercitu comparato, ac omnibus ritè peractis, et diuina ope implorata copias educit: ac per Phrygiam & Laodiceam, Chonas, Archangelifanum, Lampim & Celænas, vbi Mæandri amnis fontes sunt, in quæ Mariyas influit, Choma iter faciens, Myriocephalum, castellum vetustum & desertum, pessimo omine transit. cuius nomen res subsecuta est. nam haud procul inde multa Græcorum capitum millia perierunt. Semper tamen cautè instructaque acie incedens, castra vbi metabatur communiens, sed tardius propter iumentorum, quæ machinas trahebant, incedere cogeatur: & Turcæ sæpe se ostendentes, leuibus præliis eos lacebant: omniaque infesta reddebant, gramen demerentes, & com meatum intercipientes, aquasque inficientes. At Sultani magnis auxiliis ex Perside & Mesopotamia, aliisque eiusdem gentis regibus accersitis, per legatos ab Imperatore pacem petiit: quam omnes prouectioris ætatis ac Turcicis bellis exercitati duces amplectendam suadebant, propterea quòd loca munita et opportuna omnia ab hostibus essent occupata. Verum ille neglectis seniorum consiliis, & iunioribus (qui forma tantum gemmisq; & auro, non autem triumphis & rerum peritiâ conspiciui erant) cupide auditis, legatos voti impotes dimisit. Cumque Sultani iterum pacem petiisset, eique Imperator iacobus abundè dixisset, Se Iconij responsurum: Sultani in angustiis Tauri montis, quæ Clisura Zybritzæ appellantur, per quas Romano exercitui Myriocephalo castra mouenti, iter erat, faciendum suas phalanges, ut impetum in eos prætereuntes facerent, abdit. Est ante Clisura oblōga conuallis, quam Latino nomine Clusium nominare possumus, verticibus montium assurgens, quæ ad Septentrionem paulò decliuior inter colles in patentiores valles protenditur: ab altera verò

parte abruptis arduisque rupibus includitur. quam viam ingressurus Manuel,
 non secus ac si per patentibus campos inter esset faciendum, nihil prospexit eorum
 quæ periti imperatores providere solent: utpote impedimenta & currus, quibus
 machinæ trahuntur: & imbellem multitudinem, ne pugnantis, si in fors fe-
 rat, impedimento sint, extra aciem removere, expedita cohorte hostes ex an-
 gustiis depellere, atque exercitui viam aperire, & omnia antè per exploratores
 cognoscere. quorum ille, etsi antè barbaros iuga occupasse audiisset, nihil fe-
 cit: sed acie sic instructa, angustias est ingressus. Primum agmen, in quo erant
 Angeli Constantini duo filij, Ioannes & Andronicus, nec non Macroducta Con-
 stantinus, atque Lapardas Andronicus, cum suis cohortibus, lunata acie ince- 10
 debat: dextrum cornu Balduinus Ierosolymorum rex, sinistram Maurozo-
 mes Theodorus ducebat: hos sequebantur lixæ, calones, currus, & alia impe-
 dimenta. Inde Imperator ipse cum delecta manu: extremum agmen clausit
 Andronicus Contostephanus. Sed ubi ad angustias ventum est, cum acies
 explicari non posset, Angeli, Macroducta & Lapardæ cohortes, quæ in sinistro
 cornu erant, cuneo facto, barbaris è collibus, unde pugnabant, in montes re-
 pulsas incolumes transiere. Sed reliquæ legiones hos minimè strenuè consecutæ
 sunt: nec, ut debebant, sagittariis in lateribus positis, Turcarum impetum repres-
 sere, testudinemve egere: quapropter densissimæ Turcarum turmæ undique ab
 editis locis in humilia, & è tumulis in planiciem magna vi irruere: & audacius 20
 in Romanos inuectæ, aciem percurrere: ac Balduini cornu in fugam verso,
 multos vulnerare, trucidareque. quod videns Balduinus, ut suis laborantibus
 opem ferret, cum delecta equitum manu in medios hostes inuehitur: à quibus
 circumventus & ipse occiditur: eiusque milites omnes fortissimè pugnantes ca-
 dunt. quo successu elati Turcæ, omnes vias Romanis intercludunt. qui ut in an-
 gustiis inter se impliciti, & alij alios impediens, tantum aberat ut hostibus no-
 cere possent, ut suos quoque impediens, & hostibus mactandos obtruderent:
 nec ab extremo agmine aut ipso Imperatore iuvari aut recedere, vel in aliquod
 latus declinare poterant, curribus qui in medio trahebantur, tanquam vallo ob-
 iecto impediens iumenta pariter & homines Turcicis telis sternebantur, ca- 30
 daueribus plenæ erant valles, abscissis membris obiecti saltus sanguinis riui pecu-
 dum simul & hominum cruore permixto manabant, adeo ut huius pugnæ atro-
 citas nullis exprimi literis possit: ac præter cætera mala, hostes caput Androni-
 ci Batæ, qui Imperatoris ex sorore nepos, cum exercitu ex Paphlagonia &
 Heraclea Pontica collecto, contra Turcas Amasenos missus fuerat, hastæ in-
 fixum ostentarunt: quibus spectaculis, & periculi magnitudine perturbatus
 Manuel, animo æger, & dolorem ac metum silentio dissimulans, inopsque
 consilij, quo se verteret nesciebat. Verumtamen Romanæ legiones, quas
 præcessisse diximus, periculosis illis anfractibus superatis, in colle quodam sa-
 tis opportuno castra munierunt. Turcæ verò omni contentione Imperato- 40
 ris agmen infringere nitebantur, quod maxima & potentissima exercitus parte
 profligata, se facile cæteros superaturos, eoque victo (ut in serpentibus capite
 contrito, una etiam reliquæ corporis partes, quæ abscissæ, singulæ per se moue-
 bantur, moriuntur: & arce expugnata, urbs hostibus resistere non potest) reli-
 quos paruo labore posse deleri putabant. At Imperator sæpius Turcas ex an-
 gustiis illis depellere, ac suis viam aperire conatus, Turcarum qui è superiore loco
 pugnabant, vi subinde crescente, sibi cum aliis, siue maneret, siue progredere-
 tur, æquè pereundum existimans, suos monet, ut spe omni in Deo primum, de-
 inde in armis, ac dextra posita, ferro sibi salutem, aut honesta morte perpetuum
 decus quærant. se enim nullam aliam euadendi viam videre: nec Deum, si mo- 50
 dò sanctè eius auxilium implorarent, viribusque quas ille suppeditaret fortiter v-
 terentur eos qui pro sacrosanctæ religionis defensione, ipsiusque nominis gloria,
 contra impios, omnis religionis, pietatis, honestatisque eversores pugnarent, de-
 serturum prorsus esse. quod si tamen eos mori cōtingeret, pro breui & fragili vita,
 ut qui iustissimam causam haberent, duplicem consecuturos: nepe sempiternam
 illam

illam & beatam in cœlesti regno, quæ cum omnibus verè Christum colentibus, tum maximè iis qui pro eius gloria sanguinem vitamq; profunderent, promissa & parata à Christo Seruatore nostro est: & præterea alteram, in perpetua hominum in hac vita degentium memoria positam, qui semper fortitudinem, constantiamque ipsorum celebraturi essent: eos verò qui arma abieciissent, ut Imperatoris sui desertores ac proditores, et Christi beneficiorum immemores, ingratosque omnium ore & sermonibus condemnandos, ac sempiternas Deo pœnas datuos. Itaque suo exemplo viam sibi quisque ferro aperiret. Deinde cum paucis quos secum habebat, rectà in hostes fertur: atque ita post multa vulnera illata & accepta, Turcica phalange perrupta, sic toto corpore vulneratus, ut scuto circiter triginta sagittæ inhærent, & cassidem decussam attollere non posset, elapsus est. Cum interea cæteræ legiones passim caderentur, seque inuicem conculcarent: & qui fortè has fauces superarant, nihilominus in altera valle ab hostibus trucidabatur. is enim transitus in septem profundas valles, inter se vicinas, sindebatur: & initio paulo latior, rursus in angustias complicabatur, quas omnes Turcæ præfidiis infederant. Præterea tantus repente exortus est ventorum, arenas, quibus loca illa plena sunt, impellentium nimbus, ut ambo exercitus in densissimis tenebris, velut noctu summo impetu cōgressi pugnarent, & nullo discrimine obuios quosque, siue amici essent, siue inimici, trucidarent. eodemque loco Turcæ,

20 Romani, iumenta et homines promiscuè caderent: & vallis illa nihil aliud videretur, quàm commune amplissimūque horum omnium sepulchrum. Sed tamen plures ex Romano exercitu, quàm ex Turcico, cadebant: præsertim verò genere clari & Imperatoris cognati: & multi etiam viui inter cadauerum acervos ita sepulti iacebant, ut inde se explicare non possent: nec qui eis opem ferret, singulis pro salute sua laborantibus, erat: adeò ut inter longos cruciatus tandem animam agere et ipsi cogerentur. Imperator verò sine armigero, sine satellite, & sine custode, solus sub pyri syluestris umbra vires exhaustas recipiebat: cum quidam gregarius eques, fortè & ipse pugna elapsus, eius misertus, ei pro virili ministrare studens, galeam, aliaq; arma hinc inde cadentia reposuit. Quod dum facit, Turcæ

30 quidam accurrunt: & nemine eum defendente, Imperatorem freno arrepto capere voluit, quem ille hastæ parte, quam reliquam habebat, in caput impacta humi prostrauit: cumque alij Turcæ accurrissent, eum viuum capere volentes, ipse arrepta eius equitis, de quo diximus, hasta, & vno ex hostibus transfixo, cum etiam eques ille stricto gladio alteri caput amputasset, illos repulit: donec aliis decem Romanis militibus accurrentibus, se legionibus quæ præcesserant, coniungere cupiens, inde abiit, sed iter eius tum cadauerum acerui, tum Turcæ vbique occurrentes, valde impediabant. Deinde faucibus illis ac præterfluente amne alibi super cadauera suorum equitando ægrè superatis, aliam Romanorum manum, quæ eo viso accurrat, cogit: ibique aliud prælium cœptum est, in quo Ioannem Cantacuzenum, neptis suæ virum solum cum multis, fortissimè pugnantem cadere & spoliari vidit: & Turcæ, qui illum occiderunt, Imperatorem præterire videntes, eum conglobati, ut opimam prædam, petunt. erant autem ij inter Turcas viri principes, et armis insignes, equis Arabicis splendidissimè ornatis insidentes. quem impetum Imperator animis suorum excitatis facilè repulit: & nunc Turcas, qui vndique ut eum caperent accurrebant, armis repellens, nunc celeritate præcurrens, tandem in suorum castra, ab illis expectatus, & multis periculis laboribusque exantlatis, à suis quoque iniuriis & conuiciis affectus peruenit. vbi noctem illam metu pallentes infomnem egerunt: manè Turcæ castra ipsa oppugnatum ibant. Sed Sultanus Manuelis calamitatem miseratus, missis ad eum

50 muneribus pacem ei dedit, ea lege, ut Dorylæum & Sublæum oppida, quæ à Turcis euersa instaurauerat, rursus euerterentur: quæ pacta Imperator non seruauit. nam Sublæum quidem euertit, Dorylæum verò non. quamobrem Sultanus Atapacum ducem cum delectorum militum manu ire ad mare vsque, omnes vrbes ac prouincias vastare, neminiq; parcere: & sibi aquam marinam, remum, et arenam referre iubet. qui mandata exequens, Phrygiam & Mæandrias vrbes popu-

latus est. quem Imperator in Mæandri fluminis transitu insidiis exceptum, ipso duce cū multis aliis cæso, oppressit. Deinde Manuele mortuo, Sultanus, qui Iconij sedem habebat, multas Phrygiæ vrbes cepit. Huic Sultano defuncto successit filius, Chaichosfoes nomine: quo imperante, Fridericus Barbarussa in Orientem arma cōuerit, & Turcas ad Iconium prælio vicit: filium Coppatinum, qui patrem regno expulerat, & Iconium cepit. Deinde Germanus quidam heros ingenti corpore, quum iter suum sequerentur, post exercitum equum fessum trahēs, à quinquaginta Turcis circumuentus, non magis se commouit, aut gradum accelerauit, quàm si nemo persequeretur: sed gladio vnū ex illis tam facilè in duas partes scēcuit, à capite simul cum equi strato vsq; ad tergum, vt reliqui territi abstinerint. 16 Friderico autem in flumine submerso, Germani domum redierunt. Quo tempore grauis seditio inter Turcas est orta. Clizastlanus enim potentissimus Iconij Sultanus moriens, quatuor filios reliquit, Masutum, Coppatinum, Rucratinum, & Chaichosfoem. Masuto Amasiam, Anciram, Dorilæum, & alias Ponticas vrbes assignauit: Melitenem, Cæsaream, & coloniam quæ nunc Taxara dicitur, Cappatino: Amisam, Doceam, & alias maritimas vrbes, Rucratino. Chaichosfoes Iconium tenebat, ipsius Sultani sedem, & cum ea Lycaoniam atque Pamphyliam, & quæ ad Cottianum vsque pertinent. Coppatino mortuo, de eius principatu Rucratinus, & Masutus certant. sed Rucratinus ingenio & rei bellicæ peritia vincit, & Masuto principatus partem adimit: atque hac victoria elatus, Chaichosfoi, 20 qui ex altera matre Christiana natus erat, Iconij potiundi cupidus, ni sibi regno cedat, bellum indicit. Chaichosfoes igitur ad Imperatorem Alexium Angelum patris exemplo confugit: sed secus ac pater, nullis auxiliis impetratis, domum rediit. vixdum autem Iconium peruenit, cum à Rucratino pulsus, ad Lebunem in Armeniam fugit: vbi humaniter quidem acceptus fuit, sed nulla ope impetrata Byzantium rediit, ibique obscurus vixit. Hoc Alexio Angelo imperante, Veneti Byzantium capiunt: & Angelo pulso, Græci in Asia Theodorum Lascarim, eius generum, Imperatorem creant: qui non solum Bithyniæ & maritimæ oræ imperauit, verum etiam in mediterranea longissimè progressus, à Caria, & qua Meridies est, Mæandro fluuio, Septentrionem versus quidquid ad Ga- 30 laticum pontum & ipsam Cappadociam pertinebat, occupato imperij sedem Nicææ collocat. Quod ægrè ferens Alexius, per mare Aegæum Asiam ingressus, clam lathatinem, Rucratini filium Sultaniū supplex miserabili habitu adit, vt imperium sibi restituat orās: & veterem amicitiam illi in memoriam reuocans, prætereaque aceruos pecuniarum pollicens: quibus rebus permotus lathatines, statim Theodoro bellum exitiumque per legatos minatur, ni focero cedat: & copiis collectis, Antiochiam ad Mæandrum sitam obsidet. Theodorus verò & ipse exercitu, numero quidem Turcico longè inferiori, sed virtute pari, vel etiam superiore collecto, ei obuiam it: superatisque tertio die montis Olympi angustiis, quæ in maximam porrectæ longitudinem Bithyniam ad Septentrionem, Phrygiam 40 verò ad Austrum habent: deinde Caystro amne traiecto, vndecimo die improuisus Turcas nihil tale metuentes adortur: eosque facilè in loco angusto, vt nec copias explicare, nec equis commodè uti possent, ipso Sultano propria manu obtruncato, fudit, & Alexium captum liberaliter apud se habuit. Post Angelo Theodoro imperante, anno Salutis circiter MCCXI, Scythæ Asiatici, qui mediam inter Rhyphæos montes & Oceanum Septentrionalem planiciem incolebant (quos supra Tartaros appellatos diximus) Asiam instar locustarum effusi penè vniuersam vastantes, Turcis bellum intulerunt, de quibus pauca nobis dicenda sunt. Erat hæc gens populosissima, omnium gentium ad Septentrionem vltima, quam Homerus mortalium iustissimam vocauit: cæterum homines inopem 50 regionem incolentes, omnium deliciarum, & agrorum ac vitium culturæ ignari, quibus victam præbebant spontè è terra natæ herbæ, & sanguis, & carnes iumentorum, ferarumque & volucrum venatus: vestem nulla arte confectam, animalium pelles: argentum verò, aurum & margaritas, cæterasque gemmas nihili faciebant: nullos solennes ludos, nulla ambitiosa spectacula, nullas disceptationes habent.

habentes: sed pacatam, & seditionum expertem vitam agentes, ideoque sine lege, sine eloquentiæ usu, & argutiis, innata eos iusticia regente, aurea libertatē fruebantur. quæ regio instar amplissimi fontis innumeras variis temporibus gentes effudit: hoc autem tempore hæc gens omnis in septem tribus (quarum hæc erant nomina, Tatar, Tangur, Cunar, Talair, Sonich, Mongli, Tebeta) diuisa, vicinarum prouinciarum, nempe Georgorum regibus parebat, & augustam pro hominum ac iumentorum multitudine regionem habebant: cum senex quidam ex tribu Tatar, Cangio appellatus, vir obscuri quidem generis, sed prudentia & sanctitatis opinione insignis, & somnis oraculo admonitus, multisque miraculis eius orationi fidem facientibus, eos ad libertatem capeſſendam, vberioremq; regionem & fines propagandos cohortatus, & Rex atque Imperator ab illis factus, extra inopem illam regionem, quæ instar peninsulæ Persidi & Caspio mari opposita, Scythico vndique Oceano clauditur, vnico tantum Isthmo, quem altissimi & inaccessi Rhyphæi montes quasi vallo quodā muniunt, Asiæ coniuncta maris fluctibus (quemadmodum narrat Hayton Armenus) vt via illis inter montes ac mare pateret recedentibus, eduxit. Quamobrem omnes illi Scythæ post à tribu, ex qua Imperator erat, Tatari dein Tartari sunt appellati, quorum antiquissimam originem multi (vt etiam de Turcis diximus) ad decem Israelis tribus referunt: quod vnde habeant, non video. mihi quidem illud constare videtur, Scythas à Magogo Iapeti filio, cuius in Sacris literis sæpe mentio fit, originem ducere: & decem illas tribus à Persarum rege non in Scythiam, sed in Mediam Persidemq; translatas fuisse. Sed vt vt se res habeat, Tartari eo quo diximus modo, Cangio (quem Camum, honoris gratia, hoc est summum Imperatorem vocauere) duce, ab Hyperboreis effusi, Ioanne Duce Byzantij imperante, ad Caspium mare descenderunt. interim verò Cangio Camo defuncto, successit Hoccota filius, vir prudens & fortis, duodecim fratrum natui maximus. is Gebesabada duce ad Occidentis regiones debellandas missus, ipse Caspiis angustiis superatis, Sogdiana, Bactrianis & Oxo Sogdoque flumine qui plurimis iisque magnis fontibus augetur, superatis, ad radices Tauri montis, vbertate illius regionis & præda antè parta fruens, hybernauit. Est autem Taurus mons omnium toto terrarum orbe maximus, qui continenti quodam iugo coherens, & ab Occasu proximè Aegæum mare incipiens, atque ad orientalem Oceanum desinens, Asiam totam in duas partes secat: idem & Caucasus appellatus. vere autem terra graminibus & herbis florescente, relictis ad Caucasii radices hybernis, maximorum gregum vel armentorum instar, montium cacumina superant, & subiectos populos inuadunt. eosque omnes prædati, in Indiam penetrant, quanta in vtramque ripam maximi fluuiorum Indi patet, imperij finem Oceanum constituunt: ibique regia Cambalu, vrbe amplissima, & totius Asiæ ad omnem humanam iucunditatem optatissima, condita, Rex sedem suam

40 posuit: regio Cathea olim, nunc Cathai vocatur. in qua vrbs altera, cuius ambitum p. c. m. patere m. Paulus Venetus affirmat: Quinsai appellatur, quæ vox cœlestem urbem significat. Hoccota deinceps per legatos bellagerens, ex fratribus & regia stirpe delectos exercitibus præficebat: ex his alij Septentrionem, Occasum alij, alij Austrum petierunt: & Arachosiis Caramanisq; item aliis gentibus subactis, ac Perside occupata, Turcisq; inde pulsus, ad Chaldæos & Arabes peruenerunt. Deinde ad Babylonios & Assyrios transgressi, occupataq; Mesopotamia, Persas, Parthos & Medos subigunt. Post per Armeniam maiorem ascendentes, Septentrionem versus ad Colchidem, & finitimam illi Iberiâ summa celeritate excurrunt, adeo vt res illorum & maximæ & clarissimæ fuerint. Habebat

50 autem in animo summus ille Tartarorum princeps, imperij sui limites vndique litoribus maris terminare: sed amœnissimæ regionis Indiæ deliciis eneruatus, prouinciis, urbibus, ædibus, prædiis feracissimis delicatissimisq; inter suos distributis conqueuerunt: & Assyriorum, Persarum, Chaldæorumq; ritus acceperunt. Vbi igitur primum Tartari isti Caspios montes transgressi, Alexandriam urbem ad claustra ipsa sitam quæ nunc Portæ ferreæ nuncupatur, repentina vi occuparunt: Tur-

caram princeps Sultanus, hac nouorum ferocissimorumq; populorum irruptione vehementer territus, timens ne Tartarico bello distractus, hostilem Romanorum exercitum à tergo haberet, legatos omni rei gerendæ autoritate præditos, ad Imperatorem firmandæ pacis causa mittit: quod & Imperatori, utpote cui Europæis bellis occupato, Turcæ contra Tartarorum impetum pro vallo in Asia essent futuri, gratum fuit. Fœdus igitur cum Turcis cupide amplexus est, græco Imperio vtilissimum. Nam cum diuturnorum bellorū ærumnis afflicti homines, iam neque agros colerent, nec armenta curarent, summa annonæ penuria vbique laborabatur, et æraria quoque diuturnis sumptibus erant exhausta, quamobrem iis nunc liberatus, ad pacis artes animum eouertit: ac ut suo exemplo reliquos excitaret, ipse tantum incultæ terræ, ut bonum patrem familias & populi principem decet, sua cura colendum suscepit, arationi & plantandis vineis idoneæ, quantum satis fore putabat ad suâ mensam, eos & sustentandos, quos pro liberalitate ac perpetua benignitate fouēdos susceperat: pauperes videlicet, & variis afflictos morbis: quib. domicilia assignauit, & curatores præfecit, qui & agros colere, & vineas plantare scirent, & quotannis vberem frugum copiam reposuit: atque etiam armenta equorum & boum, ouium item & porcorum greges, ac varia genera cicurum auium parauit, vnde multiplicem quotannis prouentum percipiebat: & idem cæteris cognatis suis ac proceribus atque nobilibus faciendi autor fuit, ut cum quisq; haberet vnde viueret, nemo plebeios & inopes per vim opprimeret, aut grauià tributa imperaret: sicq; Romana Respublica omni maleficio & crimine vacaret, adeò ut paucorum annorum spacio omnium & horrea & cellæ referta frugibus & vino conspicerentur: & viæ ac plateæ, stabula & ouilia, pecorum multitudinem, gallinarumque & cæterarum auium greges vix domus & horti caperent. Huic felicitati accessit, ut Turcæ fame & maxima annonæ penuria affligerentur: vnde factum est, ut omnes illorum auri, argenti, cæterarumque deliciarum & preciosarum rerum opes, hoc diuino Imperatoris consilio in Romanorum manus peruenerint. Videre enim erat, ab illis maximi precij merces exiguò frumento commutari: & quælibet auis, bos, hœdus, magno precio veniebāt: tum viæ omnes eius gentis hominum, mulierum, virorum & puerorum, adeuntium & abeuntium à Romanis prouinciis plenæ erant: adeò ut, cum oua Imperatricis gallinarum quotidie venderentur (neque enim omnia in familiæ vsum consumi poterant) eaque Turcæ magno precio emerent, pecunia ex illis collecta, exiguò tempore ipsi Imperatrici corona, gemmis & margaritis preciosissimis distincta facta sit: quam ideo Imperator Ouatom nominauit: sic breui Imperator, & se, & suos omnes fortunis beatos reddidit. Interea Tartaris, Baydo duce, in Turcarum fines progredientibus, Iconij Sultanus quàm maximo potuit, ex omnibus gentibus exercitu collecto (habuit enim & Græcorum & Latinorum, hoc est, Italarum, Germanorum & Gallorum duas cohortes, ex quibus Græcæ cohorti præfuit Ioannes Lyuitnada Cyprius, vel, ut alij volunt, Palæologus, qui ab Imperatore defecerat: Latinæ autem Bonifacius Molineus, patricius Venerus) suis quemque vestibibus & armis ornatum, & sic Tartaris prope urbem Arscor in Armenia maiori, in loco qui Cosdrach dicitur, occurrit. Tartari peregrino exercitu conspecto, maiora illi auxilia missa fuisse opinantes, vehementer territi fuerunt: & nisi quidam Sultani cognatus, in ipsius pugnæ initio cum magnâ manu, veteris simultatis memor, ad hostes defecisset, terga daturi erant. quæ res Turcarum fortunas euertit, & Tartaris regnum illorum penè totum adiecit. Tartari enim prælio victores, Euphrate fluuiò superato, Syriam vsque ad Palæstinam & Arabiam subigunt. Deinde reliquiis Syrorum, Arabû, Phœnicû annuis tributis imperatis, multis manubiis onusti Orientē reperiunt. Sed anno sequenti rursus intra Euphratem irrumpentes, Septentrionem versus in Cappadociam & ad Thermodontem fluuium peruenerunt: Iconioque Turcarum regia capta: Azatines Sultanus cum fratre Meleco exul ad Imperatorem Michaëlem Palæologum confugit, quem ipse paulo antè liberaliter & muni-

& munificè apud se profugum habuerat: eumque veteri amicitia in memoriam
 reuocata, rogat ut vel opem ferat contra Tartaros, vel partem aliquam agri, ac
 veluti coloniam sibi assignet, in qua cum suis tutius consistere queat. adducebat
 enim secum uxores & liberos, famulosque multos cum magnis diuitiis. Impe-
 rator autem, tot undique bellis urgentibus, copias suas minuere nolebat: ter-
 ræ autem partem tanto viro, qui multis prouinciis imperasset, & regio fastu ab
 ineunte ætate educatus esset, assignare periculosum existimabat. subiectos e-
 nim satrapas, ducem suum quæsituros, & variis in locis dispersos, ut planetæ no-
 ctu aberrantes, ad eum qui facem præfert, & viam monstrat, concurrunt: sic
 10 illos ad regem suum accursuros, ac tandem Romanos insigni clade affecturos.
 Quamobrem eum spe fouens, ancipitem detinebat: ubi cum Christianis pa-
 rentibus Azatines natus esset, & sacro fonte ab ineunte ætate lautus, sacras
 conciones assidue cum Imperatore adibat: & tamdiu apud Imperatorem man-
 sit, donec Scythis Europæis adiuantibus, ex oppido Aeno cum filio suo Me-
 leco profugit, Istrumque traiecit, & paulo post obiit. Meleco verò per Pon-
 tum in Asiam ad Tartaros transiit: ab eisque Turcicæ gentis regnum, ut pa-
 ternam hæreditatem, impetrauit. Sed satrapes quidam nomine Amurius, illi
 infestis armis occurrit, adeo ut fractus Heracleam Ponti urbem confugerit: sed
 paulo post ad suos reuersus, patrium regnum recuperauit, sed breui per insi-
 20 dias fuit interfectus. Sicque euersum est Turcicum imperium, atque ex opti-
 ma disciplina, splendidaque fortuna, ad maximam perturbationem prola-
 psus: quoniam non modò procures & nobiliores regnum in plurimas partes
 diuiserunt, verum etiam multi obscuro & ignobiles homines infima plebe ascen-
 dit, latrocinari coeperunt, præter arcum & pharetram nihil secum gestantes:
 qui angustiis montium infestis, fructuosos agros, & Romani imperij vrbes
 crebris incursionibus vexabant. Nam paulo antè acciderit, ut præsidia quæ
 arces tuebantur, cum annua stipendia illis ab Imperatore non numerarentur,
 inde migrarent. quæ res initio, ut parui momenti, neglecta, maximas tan-
 dem clades Romano Imperio attulit. Turcæ enim, cum à Tartaris pelleban-
 30 tur, Græcos pellebant: & quàm infirmi contra illos, tam fortes contra hos
 erant, adeo ut tandem etiam ad aperta bella deuenirent. Multis enim Turca-
 rum copiis in Paphlagonia collectis, Imperator magno & firmo exercitu ce-
 lerem illorum quantum fieri posset, incursionem inhibendam censuit, ne im-
 punè longius euagarentur. Itaque collectis copiis, exercitum contra eos mi-
 sit: qui Turcas prælio victos, dum fusa nimis ultra fluuium persequuntur, in in-
 sidias præcedenti nocte à Turcis paratas incidentes: hinc recenti milite & in-
 structo exercitu, illinc flumine interclusi, penè omnes cæsi sunt. Vnde post
 Turcæ Romanus prouincias populabundi, ad Sangarium amnem usque percur-
 rentes, à mari Pontico atque Galatia, ad Lycium & Carium mare, & Eurymedon-
 40 tem fluuium omnia suæ ditionis fecêre. Hoc etiam tempore in Ægypto Ma-
 maluchi, id est serui regnum occuparunt, imperiique fines in Africam & Li-
 byam Gades usque promouerunt: nec non Phœniciam & Syriam, omnemque
 oram maritimam domuerunt. quod quomodo factum sit, explicemus. Calyxæ &
 omnes Sarraceni, eius regionis deliciis enervati, eò ignauitæ venerant, ut ditissi-
 mum regnum possidentes, facile à quouis debellari possent: & Calyxæ ipsi toti
 luxui ac voluptatibus dediti, nulla negocia curarent; sed omnia per regni Admi-
 rantem administrarent. Cum igitur Balduinus Ierosolymorum rex, Ægypti
 regnum sibi vectigale fecisset, idque vectigal Almericus eius frater & succes-
 sor sibi pendi postularet, & Ægyptij ei denegarent: ipse cum exercitu Ægy-
 50 ptum petiit, & Darganum regni Admirantem, in solitudine cum copiis occurren-
 tem prælio vicit, eumque in urbem Bilbin fuga se recipere coegit: ac Nilo, qui
 tunc annum suum incrementum habebat aggeribus ab Ægyptiis, ut eius victo-
 riæ cursum sisterent, ruptis, restagnante, spoliis hostium onustus, ne cum toto
 exercitu aquis submergeretur, in regni sui fines rediit. Qua occasione arrepta, Sa-
 nar, quem Darganus paulo antè eadem Admirantis dignitate, vi deiecerat, quique

ad Arabes tribules suos confugerat, ad Norandinum Sanguini filium, Damascenorum regem potentissimum, se contulit: & auxilium ab eo contra Darganum iam fractum, & populo inuisum petiit: idq; multis muneribus promissis à Norandino, se, si sui milites semel Ægyptum essent ingressi, facile eo regno potiturum sperante impetrauit. dedit illi Norandinus magnus auxiliares copias, quibus Syraconum militiæ suæ principem præfecit, virum industrium, fortem, & supra fortunarum suarum vires liberalem, gloriæ cupidum, & rei militaris peritissimum, quem munificentia militibus carum efficiebat: sed obscuro genere natum: quibus auxiliis fretus Sanar Ægyptum inuasit. Dargan verò territus, ab Ierosolymarum rege opem, fœdus cum eo perpetuum paciscens, petiit: sed 10 priusquam legati eius cum responso rediissent, à quodam ex suis sagitta interfectus fuit, cum iam Sanarem & Turcas vno prælio vicisset. quamobrem Sanar quasi victor voti compos factus est, eiusque consanguineos ac familiares omnes interemit: Calyfa interea, quasi altissimo somno consopitus esset, in voluptatibus luxuque immerso. nihil enim sua interesse arbitrabatur, quis regni negocia curaret, modò is se dominum nuncupatum agnosceret. At Syraconus Bilbin urbem, olim Pelusium, occupauit, sibi que retinuit. qua remotus Sanar, fœdus à Dargano cum Almerico pactum instaurauit: sicq; Almericus cum exercitu in Ægyptum profectus, & coniunctis cum Sanare viribus, Bilbin obsidione cinxit, Syraconumq; ad deditiōem compulit: qui inde digressus Babylo- 26 niæ Calysam adiit (Norandinus enim, aliis cum Christianis in Syria gerendis occupatus, Ægypti rebus vacare tunc nō poterat) & Ægypti opibus, vbertate, populique mollicie expositis, eum ad id bellum capeffendum, iam antè æmuli sui odio id cupientem, impulit: ingentibusque Arabum, Persarum ac Turcarum, qui Babylonium pontificem venerabantur, copiis collectis, & multorum dierum comœatu, propter solitudinem quæ inter Syriam atque Ægyptum est, sumpto, rursus in Ægyptum contendit. Quod audiens Almericus, & ipse exercitum quàm potest maximum colligit. pugnatum est in solitudine, ancipiti vtrinque fortuna, & cruento prælio. Syraconus ex fuga se cum exercitus reliquiis Alexandriam recepit, quam Almericus diu obseffam deditio- 30 ne cepit: & Syraconus secum suis Damascum contulit, Almericus verò in regnū suum rediit. Sed paulo post Sanarem cum Norandino fœdus contra se moliri aut suspicatus, aut ob eius regni occupandi desiderium fingens, Ægyptum inuadit, & Bilbin urbem vi capit: in omne genus hominum omnemque ætatē ac sexum ferro & flamma sæuiens, quamobrem Sanar à Norandino auxilium petit: & simul ingenti pecunia promissa, tamdiu Almericæ victoriæ cursum remoratur, donec auxiliares copię veniant. de quarum aduentu certior factus Almericus, Ægypti finibus excedit. Itaque Syraconus, qui Norandini copias ducebat, Ægyptum externis auxiliis spoliata nactus, Cairum regni sedem petit, Sanarem ad colloquium egressum obtruncat: vrbeque statim potitus, Calysæ honorem exhibet: ab 40 eoque Admirans regni appellatur: eaque dignitate annum potitus obiit: Saladinum, suum ex fratre nepotem, acris ingenij, fortemque, & liberalissimum virum successorem relinquens. qui statim Calysam cum tota eius progenie trucidauit, vt solus vtrunque potestatem obtineret: & sic opulentissimum illud regnum Turcis cessit anno MCL. Deinde Saladinus, vt erat prudens, Ægypti molliciem videns (quæ homines ita enervaret, vt sæper eius reges, si qua maior vis ingrueret, externis auxiliis opus haberent) aliquod militiæ genus instituere statuit, quod eius regni propugnaculum esset: & populos qui magis ad Septentriones vergunt, Australibus ad belli vsum aptiores fortioresque esse videns, cum populis quibusdam, qui circa Mæotum & Pontum sedes habent, Circassis, à Plinio autem & ve- 50 teribus Zigis appellatis fœdus iniit, commerciumque instituit: vt pueros & adolescentes ab illis certo precio haberet, qui in Ægyptum perducti, atque ab ineunte ætate in militari disciplina instituti, armorumque vsum edocti, soli arma tractarent, honoresque ac dignitates bellicæ penes illos essent. Sunt enim Zigæ natura ferocissimi, laboribusque perpetuis & malis perferendis, iam ab incuna-

incunabilis affueri: eam Ponti ac Mæotidis oram, quæ circa Phasin fluuium, Colchidis terminum, atque Tanais ostium est, incolentes, qui tractus patet circiter D. M. P. qui non in urbibus, sed hinc inde sparsi & viciatim habitant: religione Christiani, verum nonnullos à nostris dissimiles ritus habent. infantes statim ubi nati sunt, vel media hyeme, ad flumen deferunt, ibique lauant: omnes ferè formosi sunt. regio palustris est, arundinibusque plena, ex quibus & tuguria faciunt. cum Tartaris, & aliis finitimis gentibus perpetua bella gerunt. nobiles nunquam nisi armati, & lorica induti conspiciuntur: semperque equis insident, quos ad cursum habent aptissimos: sed plebeios nullum habere patiuntur. eos enim agros colere cogunt. Regem nullum, dominumve habent, aut leges scriptas: nec literas ullas norunt, verum lites omnes aut armis aut amicorum intercessu dirimunt: in peregrinos hospitales sunt, raptoque, aut ex venatione victitant. Ad hos igitur Saladinus quotannis negotiatores suos mittebat, qui iuvenes ab illis bello captos, aut etiam pauperum inter illos filios emptos, in Ægyptum perducerent. ex iisque validam militiam instruxit: qui post Mamaluchi, id est serui, sunt appellati. quorum opera Damascus, Norandino defuncto, vniuersamque Syriam, & Christianis pulsas Iudæam quoque, nec non & maximam Africæ partem occupauit: ita ut post tres essent maximi inter Turcas principes, quorum vnus Persidi, alter Cappadociæ cum vicinis prouinciis, tertius Ægypto & Syriæ imperaret. Regnavit autem in Ægypto, huius Saladini genus, per centum & quinquaginta annos: solique Ægypti reges, eius posteris, aduersus Tartaros, huius militiæ et fœderis, quod cum Zigis habebant, beneficio inuicti permansere. nam quotiescunque Tartari eis bellum inferebant, Zigæ vicissim Tartarorum fines ab altera parte populabantur: & Mamaluchi Tartaros fortitudine, atque rei militaris peritia longè superabant. Saladini autem genere extincto, cum nullus superesset legitimus regni hæres, omnisque potestas penes Mamaluchos esset: qui Zigarum morem seruantes, quasi ipsi soli nobiles essent, & Ægyptij omnes plebei, neminem in tota Ægypto, præter se, equum aut arma habere patiebantur: ipsi ex suo numero quendam, cui Peperis nomen erat, regem crearunt: eum morem in posterum seruantes, ut non filius patri succederet, aliquæve regiæ stirpis ratio haberetur: sed regis filii non secus atque ceteri serui, qui quotannis aduehebantur, in armis instituerentur: nec quicquam paternam hæreditatem, aut aliquid supra id quod ipsemet meruisset, commodi honorisve haberet, verum singulis omnia ex propria virtute essent petenda. Fuit Ægypti regnum à Saladini stirpe ad Mamaluchos translatum, anno à Christo nato circiter MCC C. hique ad annum MDXVI regnarunt: tunc enim à Selimo Turcarum Imperatore deleti sunt. Regno igitur Ægypti in hunc modum à Saladino occupato, eiusque Calyfa extincto, vnicus inter Sarracenos Calyfa mansit, qui Bagadeti sedem habebat, & quasi Deus quidam à Sarracenis & Turcis colebatur. Sed eum Haloonus Tartarorum Imperatoris legatus, anno MCC LVIII. in potestatem suam reductum, Mustaceno Munibila, qui tunc eam dignitatem obtinebat, inter ingentes quas habuerat diuitias, fame necato sustulit. Deincepsque Sarraceni ducentorum ferè annorum spacio summo pontifice caruerunt, donec in Perside iterum Muamedis genus, circa annum Salutis nostræ MCCCLXXX regnare cœpit: quod quomodo factum sit, est nobis indicandum. Erat quidam regulus inter Persas, Ardenelim oppidum obtinens, Sophi appellatus, qui se ex Alis, Muamedis generi, stirpe, per Musam Cazinum eius nepotem, cuius in primo Libro mentionem fecimus, oriundum gloriabatur. hic Babylonio Calyfa extincto: & aduersa factione, quam Turcæ tuebatur, à Tartaris depressa, cœpit liberius suam de religione sententiam profiteri & quia Hocemus Alis filius, à quo ipse se genus ducere iactabat, duodecim filios habuerat: volens aliquod sectæ suæ, quo à cæteris dignoscerentur, signum imponere, instituit, ut qui suam sectam amplecti vellent, tyaram sub velo, quo caput Turcæ omnes inuolunt (tulibantem appellant) purpuream gestarent, quæ in medio extra tulibantem duodecim fastigia emitteret. Eoque mortuo, successit filius Guines appellatus: qui tantâ sibi

in toto Oriente doctrinæ sanctitatisq; opinionem conciliauit, vt Tamerlanes ille clarissimus Parthorum Imperator, qui Baiazetem Turcarum regem cepit, per Persidem iter faciēs, eum quasi sanctum aliquem virum inuisere voluerit: ab eoq; Guines triginta captiuorum, quos secū abducebat, millia dono impetrarit, quos ipse pōst in secta sua instituit: eorumq; opera Secaidar eius filius in bellis vsus est. is enim Guine mortuo, Georgis Scythiæ populis, suis finitimis, sed Christianis horum viribus fretus, bellum intulit, multisq; illos eladibus afflixit. Regnabat in Perside Turca quidam, Mirza Geunsa appellatus: isq; cum Hacembeco (quē alij Asfambeium vocant) Armeniæ maioris, quæ ab illis Diarbec vocatur, rege itidem Turca, bellum gerebat: quo in bello Acembecus, Mirza in prælio occiso vicit. & 10 Perside potitus, quia obscuro genere ortus erat, nec propinquos habebat, vt regni statum affinitatibus muniret, filiam suam ex Trapezūtij Imperatoris filia, quæ Chistiana erat, natam, Secaidaro nuptui dedit. Hacembeco autem mortuo successit illi Iacobus Becus, quæ vox dominum significat: is Secaidari sororij sui potētiam, quam tum ex noua secta, tum Georgicis bellis adeptus erat, metuens, eum insidiis in eo ipso bello quod cum Georgis gerebat auxiliis clām eius hostib. datis interfici curauit: & duos eius filios Ismaelem & Solymantum, cuidam familiari suo ad Manforem Depornam Siraciæ vrbis, quæ longissimè distabat, præfectum perducendos dedit: eiq; mandauit, vt eos in arce munitissima Zalgah, quæ in ardua rupe est, sub custodia tamdiu haberet, donec ipse aliud mandasset. Sed Man- 20 for eorum, ob Alis, à quo originem antiquissimam ducebant, honorem, misertus, liberaliter apud se habuit, & cum suis liberis in literis institui curauit: cum q; post aliquot annos in grauissimum morbum incidisset, quo sibi vitæ finem imminere videbat, metuens ne Cacemus filius adolescēs se mortuo hos iuuenes Roceno, qui Iacobo patri mortuo successerat, traderet: eos pecunia, equis & comitib. itineris datis, ad matrem et propinquos ipsorum misit: vbi de statu suo, quem hætenus ignorauerant, edocti, et propinquis atq; clientibus paternis vndiq; ad eos accurrentibus: Ismael maior natu, qui ingenio maiori erat præditus, fato eum suo & animo inuitantibus, se patris necem vlcisci velle dixit: & post aliquot incursiones in Georgiorum fines factas, exercitu eius quotidie crescente, se Alis doctrinæ 30 viriumq; defēsores nuncupans, Roceno Persarum regi bellum intulit. & quoniam is duodecim fratres habebat, cū quibus de regni successione armis contendebat: ipse illum cum reliquis omnibus, Marabeco excepto, interemit. Marabecus autem ad Turcarum principem Selimum confugit, eiusq; opem implorauit: vnde pōst multa inter Ottomanidas & Sophianos bella sunt orta. sed priusquam ille Turcarum auxilia impetrasset, Ismael non solū Perside tota est potitus, verū etiam multas de Tartaris præclaras victorias retulit: & sic rursus in Perside Saraceni Turcis pulsus regnare cœperunt, anno post Christum Seruatorem natū circiter M D: & hodie regnant. Turcæ autem coniunctis viribus, cum omnes in Asia Romanorum prouincias ad mare vsq; occupassent, eas inter se sorte distribuerūt: 40 qua in distributione Phrygiæ mediterranea, Philadelphiam vsq;, & prope Antiochiam ad Mæandrum fluuium sitam, Carmano Alifurio obuenerunt, vnde regio pōst Carmania dicta est. Quicquid inde est Smyrnam vsq;, & ad interiorē Ioniæ oram, Sarcano cuidam obuinit. Magnesium, Priensem & Ephesum, Sasan occupauit. A Lydia & Ætoliā ad Mysiam, ad Hellespontum sitam, vsq; Calames, atq; eius filius Cerasus obtinebant. A flumine Sangario ad Paphlagoniam vsq;, Armurij filij inter se partiti sunt. Quæ citra Olympum sunt, & Bithyniam omnem, obtinuit Atman, siue Ottomanus (à quo hæc familia, quæ hodie regnat, originem habet) Anno Salutis nostræ supra millesimū trecentesimo, Alberto primo Austrio Cæsare, imperante. ab hoc Ottomano, Laonicus Chalcocondyla Atheniensis, 50 Paulus Iouius, & cæteri Græci pariter ac Latini Turcicarum rerum Scriptores, historias suas auspicantur: quocirca nos, ne Iliada post Homerum canere videamur, hic finem facimus.

DE SARRACENIS ET TURCIS, CHRONI- CON WOLFGANGI

DRECHSLERI.

Emendatum & auctum.

à

GEORGIO FABRICIO
CHEMNICENSI.

Cum appendice,

Qua historia illa ad hac usque tempora continuatur, additâ.

à

IOANNE ROSINO ISENNACENSI
THVRINGO, MINISTRO VERBI DEI IN TEM-
plo Cathedrali apud Naumburgenses.

DOCTO ET INSIGNI VIRO, D.
GEORGIO FABRICIO, MISENÆ
SCHOLÆ PRINCIPIS RECTORI,
Wolfgangus Drechslerus S. D.



ACEDÆMONIORVM magnus ille Rex Agesilaus ad-
uersus Persas moturus arma consuluit oraculum Iouis Do-
donæi, quod cum annuisset eius instituto, cupiens futura vi-
ctoriæ geminum habere argumentum, adiit quoque Delphi-
cum Apollinis oraculum, ut cognosceret, num eadē filio recta
esse viderentur, quæ parenti. Apolline autem Iouis approbante consilium, tan-
dem Agesilaus cogit exercitum. Quod factū admonet, in rebus bellicis nihil te-
merè, omnia sano cōsilio esse attentāda. Vt autem victoriæ felix contingat, scia-
mus malam vitam nostram esse emēdandam. Correctione enim vitæ neglectā,
male bellum successurum nulli dubiū est. Quamobrem cum iam cuncta sursum
deorsumq; ferantur, volui ob oculos ponere, quæ digna notatu à scriptoribus tē-
porum de victoriis Sarracenorum & Turcarū visa sunt, ut cū in his perspicia-
mus, quæ mala perpeSSI fuerint alij, ipsi quoq; reuocemus in animum, eadē no-
bis mox euentura, nisi malæ vitæ nos pænituērit. Quod enim apud veteres ora-
cula minata sunt, hoc nos miseri huius temporis, & superiorum annorum exem-
pla docent. Testatiorem autem in te redditurus, optimè Georgi, meum amo-
rē, volo hunc laborem tibi dedicatum esse & inscriptum, quem ut bono animo
suscipias, te oro. Quod si quid non satis Latine dictum inter legendum occurre-
rit, rogo ut emendes, & facias Latinius. Inter turbas enim rusticæ gentis cum
uerber, præter rustica & inepta verba loqui, nihil scio. In numero annorum
scriptores temporum non omnes conueniunt: sed nos sine auctore nihil dixi-
mus, & tibi viro erudito, ac plurimæ lectionis, iudicium permittimus. Vale
perpetuò felix. & Hiobum Magdeburgum Collegam tuum saluta. Ex rure
Leubnicio, Non. Ianuarij, Anno CHRISTIANI M. D. L.

CHRISTOPHORVS SCHELLENBERGIVS AD LECTOREM.



*Errarum quantis vexarit cladi-
bus orbem
Horribili vastans omnia Mar-
te Getes,
Quæq; suis regnis adiecit oppida: quamq;
Florentes regum debilitavit opes:
Seu qua sol medio seu qua prono errat Olympo,
Declarant isto, qua legis acta, libro.
In quo non ratio lenis, aut hortatur inanis,
Vt vereare tuum corde timente Deum.
Nam toties fidei, q; amica, tot agmina nostra
Hostis crudeli Thracius ense ferit:
Talia peccatum parit infortunia nostrum,
Dum vindex aquipermanet ira Dei.
Sitemcum repetas humana crimina vita,
Vix sceleris pœnam dixeris esse parem.
Ergo vicem doleas miserâda sortis acerbam,
Illorum tantis & mouere malis,
Qui Turcas inter, spe libertatis ademta,
Tractantur miseris corpora capta modis.
Nec peragas nimum securè tempora vita,
Dum procul instantem credis abesse luem.
Quamala per Geticū multis illata tyrannum
Gentibus; & capitis sunt metuenda tuo.
Nam subigunt Turca quo plura tyrannide
regna,
Hoc opibus pugnant addere plura suis.
Nec nostris villo satiantur tempore damnis,
Donec habet vires curua Sarissa suas.*

*Hos igitur nostris auerti finibus hostes
Sic cupimus, duro nec dare colla iugo:
Cælica saluantis ne tollant dogmata verbi;
Et statuant fictos in pia templa Deos:
Christi adū fuso neu tingat sanguine terras:
Et rapiant dirâ, sacra, prophana, manu:
Inprimis (careat nemo cum crimine) debet
Delictis vita quisq; dolere sua.
Post veniam CHRISTVM commissâ po-
scere culpa,
Corrigere & vita turpia facta sua.
Tum quoque suppliciter det verba precam-
tia, nunquam
Propitij dubitans de bonitate Dei;
Vt donet placida dulcissima cōmoda pacis,
Vertat & in trepidam Turcica castra
fugam.
Nam Mahometigena gentes, omnisq; ma-
lorum
Turba per assiduas est superanda preces,
Sapè quidem populi sumpserunt arma po-
tentes,
Sed tamen inuictis succubuerè Getis.
Ergo verere Deum, crebrisq; obtunde que-
relis,
Vt supera clemens te tueatur ope.
Sic tibi nulla dabunt Rhodopæi damna la-
trones;
Flectetur iusti sic grauis ira Dei.*

ABRAHAMVS FVSIVS.

M Iraris grauib; iactari casibus orbem?
Desine: iusta premit vindicis ira Dei.
Optima negligimus diuina dogmata legis:
Pro clara tenebra luce placentq; graues.
Inde lenis sequitur cacas confusio mentes:
Quisque sui capitis somnia vana probat.
Aspice Turcarum qua sit doctrina, chaosque,
Quanta sit impietas, quanta libido simul:
Quâ tetros habeat cultus, quantosq; furores:
Mentēq; peruersa quàm scelerata patrent:
Sic mentes cecat sancti neglectio verbi:
Sic cupidis sensum dat reprobūq; Deus.
Seditio furiosorum testatur agrestū:
Quos sensus iussit bella mouere malus.

*Hinc pueros etiā spoliant qui fonte sacrato;
Aut quoque Baptismum qui renouare
solent.
Hinc qui de Christi consuerūt ludere cœna:
Atque quibus Iesus esse negatur homo.
Hinc alias torquet variè qui Biblia sancta;
Scriptura miseris qui ingulāntq; modis.
Non igitur mirū, si tanta pericula mūdum,
Et si tot casus, tristitiaq; premunt.
Sed resipiscamus, Christum veniāque
precemur,
Ne sermone suo nos spoliare velit:
Sed nostris illum pedib; sinat esse lucernam,
Quo sine nulla quies, quo sine nulla salus.*

DE SARRACENIS ET TURCIS CHRO-

NICON,

Wolfgangi Drechfleri.

SARRACENORVM REGNV M.

- A** NNO à nato CHRISTO 596. nascitur Machometus in Arabia X. Calend. Maij, patre Abdara, matre Emma, ex gente Ismaëlitum, temporibus Mauritij Imperatoris, & Gregorij, Pontificis Romani. Anno 623. Machometus instinctu & insidiis Ioannis Antiocheni, & Sergij Italici Monachi Alcoranum scripsit, & suo pernicioso dogmate seducens Arabas, aliosque Asiaticos populos, eos Sarracenos nuncupavit.
637. Moritur Mahometus, ætatis agens annum vnum & quadragesimum, sepultus in Mecha Perfidis vrbe.
638. Hierosolyma post biennalem obsidionem à Sarracenis deuastata.
639. Tota Syria à Sarracenis clade affecta est.
640. Sarraceni ab Imperatore Romano defecerunt.
- 20 641. Antiochia à Sarracenis euersa, Damascus capta, Phœnicia oppugnata, subacta Ægyptus.
648. Maximam partem Africæ Sarraceni suo imperio subiugârunt.
655. Rhodus nobilissima insula à Sarracenis oppugnata est, quam capientes, plurimum ex ea auri auexerunt: & Colossus Solis nobilem altum 110. pedes: ex cuius ære Iudæis vendito, noningentos Camelos onerasse dicuntur.
656. Ægæum mare piratica infestârunt, & Cycladibus insulis multa intulerunt damna.
663. Sarraceni Olympium Italiæ exarchum in Sicilia cum toto exercitu fuderunt.
- 30 668. Constantinus IIII. cum Muchamodo rege Sarracenorum hac conditione pacem fecit, vt Sarraceni magnam vim auri Romanis exoluerent, cum insigni equo, & cum nobili puero.
672. Irrupere Sarraceni in Siciliam, & Syracusis captis, omnique terrâ deuastata, Alexandriam rediere.
675. Obsessa est Constantinopolis à Sarracenis, quâ frustra sæpius oppugnata, cum nauibus conscensis domum redire statuissent, maior eorum pars naufragiis periit.
676. Romani Sarracenos vicerunt, occisis triginta eorum millibus.
679. Pax secundò inter Romanos ac Sarracenos ad triginta annos hac lege facta est, vt Sarraceni Romanis tria millia librarum auri, quinquaginta captiuos nobiles, cum totidem equis annuatim soluerent.
- 40 686. Sarraceni rege Ammirhato Africam, & Libyam inuaserunt, multis spoliis ditati.
687. Mortuo Constantino, Iustinianus eiusmodi conditionibus cum Sarracenis pacem iniit, vt Africa & Libya imperio restituta, per decem annos singulis diebus mille aureos, & equum cum nobili puero loco tributis penderent.
688. Hoc fœdere rupto, Iustinianus pugnam cum Sarracenis iniens, plurimum damni ab iis retulit.
692. Fusis per Sarracenos Romanis, nomen Sarracenum creuit, dignitas Romanorum valde imminuta est.
- 50 698. Abimelech Sarracenorum rex Africam inuadens, non diu victoriam gauisus est.
700. Romani Syriam deprædantes, ducenta millia Sarracenorum fuderunt.
706. Contentione de imperio inter Iustinianum, & Leontium orta, Sarraceni Africam rursus occupauerunt.

710. Sarraceni ex Libya nauigantes, primùm intulerunt pedem Hispaniæ, vastantes Tarraconensem, Bethicam, & Lusitaniam.

718. Cum trecentis nauibus Sarraceni Asiatici Constantinopolim appulere, & eam mari, terraque acriter oppugnarunt. Eodem anno in Bulgaris duo & viginti millia Sarracenorum cæsa.

719. Zulemon Sarracenorum Rex, in castris ante Constantinopolim moritur, sublato in eius locum Ammiratho.

720. In obsidione Constantinopolitanæ vrbis multi ex Sarracenis, fame, peste, & frigore interierunt. Superstites cum domum reuerti statuisent, exorta tempestate maris, & igne de coelo cadente, partem igni, partim aquis consumti sunt, ¹⁰ adeò vt ex classe trium millium nauium, quinque tantum naues euaserint. Durauit hæc obsidio totum biennium. Eodem anno Sarraceni refarturi perpeffa mala, cum ingenti exercitu in Hispaniam irruunt, omnem terram excepta Galicia depopulantes.

721. Abidimarus Sarracenorum Africanorum Dux Burdegalam Galliæ urbem, vi captam diripuit, & in Pi&tauos mouens à Carolo Martello repressus est. Abidimaro autem Principe occiso, Sarraceni aliquantulum ab armis quieuerunt.

730. Sarraceni deductis secum vxoribus, liberis, ac omni familia, in Hispaniam incurrunt, quasi perpetuo ibi habitaturi. Cum iis pugnam iniit Carolus Martellus, Gallis in auxilium vocatis, & trecentis octuaginta millibus Sarracenorum interfectis, ipse tantum mille & quingentorum militum ex suis iacturam fecit. ²⁰

735. Carolus Francorum rex Auinionem, claram Galliæ urbem, à Sarracenis dolo captam sua virtute liberauit.

737. Carolus multas alias ciuitates, expulsis Sarracenis, paci ac libertati restituit. Amorthæo altero eorum duce occiso, Athino altero fugato.

738. Idem adiutus Luitprandi Longobardiæ regis auxiliis, ex tota Gallia Sarracenos eiecit atque expulit.

744. Constantinus Copronymos Imperator Constantinopolitanus classem aduersus Sarracenos Ægyptios duxit.

759. Sarraceni in Oriente suo imperio semper aliquid, quod Romanorum erat, subiecerunt, Romanis intestinis odiis dissidentibus, & in solos Galliarum reges intentis. ³⁰

778. Carolus Magnus contra Sarracenos pugnavit feliciter in Hispania. Rolandus Sarracenum Christianos sepè prouocantem duello vicit, eoque strato suis faciliorem victoriam præbuit.

779. Rolandus fortissimus vir, Berthæ Caroli Magni sororis filius, à Sarracenis cum quadraginta millibus Christianorum deletur.

780. Leo Quartus Imperator in Sarracenos Syriam inhabitantes, incursionem fecit.

803. Aaron Sarracenorum Princeps, cum trecentis millibus expeditis equitibus, Nicephorum regem Constantinopolitanum oppugnavit, eumque tributarium reddidit, impositis legibus iniquissimis. ⁴⁰

807. Sardinia & Corfica insulæ à Sarracenis vastatæ.

826. Sarraceni Cretam insulam suæ ditioni subiiciunt, Græcis duplici prælio superatis.

828. Sarraceni Asiatici in Palæstinam: Africani in Siciliam irrumpunt.

830. Bonifacius Corsicæ Comes, Christianorum auxilio destitutus, exceptis Hetruscorum populis, traiecit in Africam, & inter Carthaginem & Vticam, quatuor præliis victor exstitit, & terrore nominis sui ex Sicilia Sarracenos domum ire ad propria defendenda compulit. ⁵⁰

835. Asiam inuadentes Sarraceni, Amoriæ capiunt, Theophilum Imperatorem Constantinopolitanum in fugam bis vertunt, & castris ipsius potiuntur.

836. Multis terris Sarraceni maxima intulere damna, & metu ciuitates plurimæ hinc inde ad eos defecerunt.

843. Saba Rex Maurorum, Sarracenorum Dux, Siciliam, & sinû Crotoniensem vastat,

vastat, Tarentum capit, cui Theophilus Imperator, & Venetorum classes frustra restiterunt.

844. In Dalmatia latrocinia exercentes Sarraceni, Ragusiam urbem claram, magnis incommodis afficiunt.

845. Sarraceni inuadentes Hetruriam & Latium, Romam deprædati sunt; sed antequam domum redirent, plurimi naufragiis perierunt.

846. Illyrico & Dalmatia vexata, Adriaticum mare transeuntes, Anconam Piceni urbem direptam incenderunt.

847. Leo Quartus Pontifex reliquias Sarracenorum è portu Ostiensi eiecit, &

10 Transtiberinam regionem contra eos muniuit.

867. Sarraceni prædæ causa iterum irrupere in Italiam, & Beneuentanum agrum in Samnitibus igne, ferroque vastarunt; sed à Ludouico, & Lothario regibus in fugam sunt conuersi.

870. Cum Persis Sarraceni iterarunt bella. Persæ Turcico milite vsi (montem Caucasum tum Turcæ habitabant, & vocabantur Tartari) illorum auxiliis vicerunt. Ab eo vsque tempore Turcæ nunquam postea reliquerunt Asiam, & in Sarracenicum tam regnum, quam nomen transferunt.

878. Ex Sicilia Sarraceni, quam septimum & quadragesimum annum tenebant, penitus expelluntur.

20 881. Carolus Crassus irrumpentes Sarracenos Italia arcuit.

891. Nicetes dux Constantinopolitani Imperatoris, egregiam victoriam de Sarracenis reportauit.

910. Sarraceni Africani Apuliam, & Calabriam inuadunt.

913. Ad Lyrin Campaniæ fluuium, Sarraceni Romanorum ciuitates vastantes vincuntur.

934. Sarraceni Fraxineto irrumpentes ad aquas vsque peruenerunt, vbi Sagitus dux eorum cum toto exercitu deletus est.

935. Genuam Liguriæ urbem Sarraceni depopulati sunt, collectaque ingenti præda in Africam redierunt.

30 941. Hugo Italiæ rex Fraxineto capto Sarracenam classem exussit.

944. Radamirus rex Galliciæ maximum exercitum Sarracenorum fudit in Hispania.

951. Sarraceni Calabriam, Apuliam, Lucaniam cædibus & incendiis replentes, virtute Alberici Hetrusci Marchionis repressi sunt, & in agro Minturnensi in Campania ad Lyrin fluuium superati, cum accessionem ad urbem Romam instituisent.

952. Sarraceni ex Gargano monte, in quem se contulerant, incursiones frequentes in finitimos faciunt, Beneuentum captum incendunt.

953. Veromandus rex Hispaniæ cum Sarracenis varia fortuna pugnat.

40 969. Otho primus, Germanorum Imperator, Sarracenos Italiæ expulit, & Garganum montem recepit.

970. Sarraceni Consentiam recuperarunt, ex qua paulò antè ab Vngaris eiekti

977. Creta insula Sarracenis erepta, duces ipsorum capti sunt. (erant.

982. Otho secundus, cum Sarracenis, quibus cum sociis arma ex foedere Græci coniunxerant, in Calabria, magna sua clade confligit, Idib. Iulij; fortissimis autem suorum interfectis, ipse fuga vix saluus euasit, peritus linguæ Græcæ à Piratis se redemit. Delatus ad Siciliæ littora, quadraginta ex iis, qui illum ceperant, interfecit.

1000. Alphonsus Hispaniæ rex, Sarracenorum præsidium quoddam, nomine

50 Viseum, obsidens, sagitta percussus, vitam cum morte commutauit.

1007. Sarraceni duplici exercitu Italiam ingressi, Capuam ceperunt, Barum obsidione prefferunt.

1009. Sarraceni Asiatici Hierosolymam occuparunt.

1013. Henricus secundus Germanorum Imperator Sarracenos Capua expulit, & duces quosdam eorum partibus fauentes, graui bello persequutus est.

1018. Calyphas Ægypti præses Sarracenicæ exercitu, & Turcico (qui tum Per-
sidem occupauerant) adiutus, templū Domini Hierosolymis diripuit & spoliavit.
1048. Calypha mortuō, Imperator Constantinopolitanus cum Dobire filio &
successore eius fœdus iniit, & eius permissu Dominicum templum instauratū est.
1056. Robertus Nortmannus Capuam à Sarracenis obsessam liberat, & Græ-
cos cum eis confœderatos Calabria eiicit, Sacerdotibus tantum relictis.
1060. Antiochiam & Cæsaream vexantes Sarraceni repressi sunt.
1094. Rainaldus, vnus è Christianorum dueibus in oppido Syriæ obsessus, de-
ditione facta fidem abnegat.
1095. Ad Cynitum oppidum vltra Bosphorum Thracium multi Christiani à 10
Sarracenis occisi sunt.
1096. Ex Hispania, Gallia, Anglia, Scotia, Dania, Lotharingia, Alemania, Bur-
gundia, Lombardia, Italia, multi exercitus, contra Sarracenos in vnum confluxe-
re, animo exturbandi illos ex Hierosolymis, & tota terra sancta.
1097. Prædicti exercitus apud Nicæam urbem duabus stragibus Sarracenos
fuderunt. Receptæ quoque sunt Eraclea, & Tarsus.
1098. Christiani ex Antiochia expulere Sarracenos, quam obsederunt mensi-
bus vndecim. Hostium centena millia occisa, quod prælium commissum est 4
Calend. Iulij.
1099. In agro Hierosolymitano bellum à Christianis contra Sarracenos com- 20
missum est, & Dei beneuolentia Sarraceni victi, Hierosolyma à Christianis recu-
perata, Idibus Iulij mensis.
- Gotfridus Bolionius Remensis, Lotharingæ dux, qui primus muros ascen-
derat, Rex Hierosolymorum à Christianis victoribus creatur.
- Eodem anno Sarraceni duce Calypha Babylonio, cum centenis millibus e-
quitum, & quadringētis millibus peditum, cōtra Christianos parauerunt exerci-
tum. Christiani autem quinque millibus equitū, & quindecim millibus peditum
victores extitere, centum millibus virorum occisis, & Hierosolymis conseruatis.
1100. Gotfridus Ascalonem cepit, magnōque auri pondere ibi potitus est. Eo- 30
dem anno Gotfridus moritur, cui successit Balduinus frater.
1102. Balduinus magna strage vincitur, & vix fuga incolumis euadit. Ramæ
mœnia, in quam reliquæ eius confugerant, ab hostibus diruuntur.
1103. Boëmundus Apuliæ rex cū cæteris in expeditionem Hierosolymitanam
profectus, à Sarracenis capitur, & postea à Tancredo nepote suo liberatur.
1104. Christiani Accaron ciuitatem Palæstinæ, quam alij Ptolemaida appel-
lant, post vigesimum diem obsessionis capiunt.
1105. Magna pars Sarracenorum à Christi fidelibus delēta est.
- Eodem anno Alexius Imperator Constantinopolitanus conditiones pacis à
Balduino oblatas, accipere cogitur.
1106. Balduinus Berythum & Sidonem, vrbes maritimas subigit. Apud Car- 40
rhas seditio inter Christianos Principes orta, maximo illis damni fuit. Irruentibus
enim in illos ex improviso hostibus, quidam capti, quidam duces fugati sunt, ex-
ercitu miserè destituto. Hanc notam paulò post recenti de Sarracenis victoria e-
mendauit Balduinus.
1113. Sarraceni in regnum Hierosolymitanum ex Perside incurrētes, regis co-
pias fortè oblatas fugant, & cædunt.
1115. Tancredus, qui patrum suum à Sarracenis liberauerat, ad montem re-
galem ab hostibus vincitur, & occiditur.
1117. Præfani inter Hetruscos nobiles populi, Sarracenos ex Balcaribus insulis
armis eiecerunt.
1118. Balduino II. Hierosolymorum rege mortuo, alter eiusdem nominis suc-
cedit, qui regem Persarum deuicit, atque occidit. Damasci regem fugauit. Sed
Parthorum rege sibi resistente, & illos vlciisci volente, Balduinus capitur & vin-
ctus vltra Euphratem custodiæ demandatur.
1119. Balduinus post xvii Mens. insidiis è carcere liberatus, ad suos reuertitur.

1122. Venetorum classis in Syria Sarracenis molesta fuit, Dominico Michaële duce, qui Tyrum & Ioppen cepit. Fuerunt Venetis propter merita & virtutē concessa magna priuilegia.
1125. Pugnatum contra Christianos est quadringentis millibus militum, quibus occurrerūt tribus millibus virorum Christiani, & Dei benignitate, septē millibus hostium gladio cæsis, & quinque millibus quis suffocatis, Christiani victoriam consecuti sunt.
1127. In Syria Christiani duabus stragibus fudere Sarracenos, vbi in prima pugna duo millia Sarracenorum, & quingenti desiderati. In altera, quamuis vterque exercitus afflictus est, Christiani tamen victores exitere.
1129. Rex Ascalonitarū à Balduino repressus, Rex Damasci trib. præliis victus.
1130. Balduino tertio Rege Hierosolymitano è viuis sublato, Fulco quartus Rex constituitur.
1131. Tripolitanus comes proditus occiditur. Fulco Rex ab hostibus fugatur, & iniquas condiciones, vt ex obsidione liberaretur, accepit.
1133. Christiani Ægyptiis felici Marte restiterunt.
1139. Ascalon à Christianis recuperatur.
1142. Fulco quartus Rex in Hierosolymis, insequens leporem, & ex equo decedens, efflauit animam: cui successit Balduinus filius, qui quintus Rex fuit.
- 20 1143. Vrbs Edissa, & tota ferè Mesopotamia à Sarracenis, & Alapho duce Turcarum, qui iam in Oriente magni nominis erant, deuicta est, multa & miserabili Christianorum strage edita, matronis in æde Diui Ioannis Baptistæ supra altare stupratis.
1144. Balduinus III. quintus Rex Hierosolymorum, Gaza & Ascalone Sarracenos eiecit, & apud Hierichunta Noradinum Damascenæ militiæ Principem, quinque millibus hostium interfectis, vicit & fugauit.
1145. Emanuel Constantinopolitanus Imperator exercitus Christianorū contra Sarracenos euntes, multis infidiis fatigauit, ne quid vtile Christianæ Reipublicæ efficerent.
- 30 1146. Rogerius Siciliæ, & Nortmannorum Rex Sarracenos Africanos Rege ipsorum capto, ad triginta annos sibi tributarios reddidit.
- Eodem anno Conradus secundus Imperator ingentes copias pugnatorum contra Sarracenos parat, sed pugnat infelicit.
- Ludouicus Rex Galliæ contra infideles maximam vim militum cogit.
1147. Ex Flandria, Anglia, Lotharingia, Germania magna, instructis ducentis nauibus bellum contra Sarracenos institutum est.
- Hoc anno Conradus Imperator transmissio feliciter Bosphoro, prope hostes accessit, & expugnauit Iconium; verum deficiente commeatu, & (vt nonnulli asserunt) frumento à Græcis gypso corrupto, coactus est continere eursum, & copias reducere. Quo cognito Sarraceni à tergo insequentes, aliquot hominum millia trucidauerunt.
- Eodem anno confluit ad Imperatorem Rex Franciæ, adiuuandi illum studio, sed exercitu fame confecto nihil præclari actum est.
- Eodem tempore Veneti instructa classe profecti sunt in Asiam, opem laturi Imperatori, qui Sarracenis bellum faciebat.
1148. Hispani expulsis Sarracenis, Almariam, & Tortosam, turrigeras vrbes recuperarunt.
- Eodem anno Damascus à Syris, Gallis, Alemanis, Hierosolymitanis oppugnata est, ac extremi muri diruti, cumque iam spes esset potiundæ vrbis, & expugnandi Sarracenos, exortâ dissensione inter Principes, quisque conuocato suo exercitu, ab oppugnatione destiterunt.
1149. Rex Antiochiæ Raimundus cum toto exercitu deletus à Sarracenis est, omniq; terra ei⁹ deuastatâ, sola Antiochia à Rege Hierosolymorū egrè seruata est.
1151. Rex Hierosolymorum Balduinus, Ægyptios ac Babylonios fudit.
1158. Sarraceni ex Almaria armis p̄ofligarunt Hispanos.

1159. Balduinus multas ciuitates, eiectis Sarracenis, in pacem, & libertatem restituit.

1164. Moritur Balduinus Hierosolymitanus Rex, subrogatusq; est frater eius Almericus, Sextus Rex.

1170. Almericus in Ægypto clara contra Sarracenos potitur victoria.

1171. Idem Rex Damiatam obsidet, sed malis conditionibus init pacem.

1172. Sarraceni Africani plurimas fecerunt excursiones in Hispaniam.

1175. Almericus Hierosolymorum Rex febri extinctus, Balduinus filius eius in Regem vngitur, septimus Rex.

1177. Balduinus Saladini Ægyptiorum Regis copiis bis victis & deletis, multum auri Hierosolymis intulit.

1180. Filia Regis Sarracenorum, quæ Pagano Principi nupserrat à Rege Siciliæ in mari, cum sponso domum deduceretur, capitur.

Eo anno Christianæ religionis Professores, qui Hierosolyma inhabitabant vincuntur.

1181. Maximis impensis ac sumptibus Carthago à Rege Sarracenorum Mausamuntho instaurata est.

1184. Balduinus septimus Rex in Hierosolymis, quem lepra infecerat, absque herede vita excedit. Nepos eius ex sorore Balduinus nomine, Rex quidē declaratur, sed fatorum inuidia ex illo honorum gradu eripitur, cui successit octauus Rex Guido Lusignanus.

Inter Guidonem Hierosolymitanū Regem, & Raimundum Tripolitanū Comitē orta dissensio, causa extitit, vt Christiani in extremū discrimen inciderent.

1186. Congressi Christiani cum exercitu Saladini Regis, viginti millibus, ac quingentis suorum interfectis, miserè occumbunt. Guido Rex capitur, Tripolitanus Comes subitanea morte extinguitur.

1187. Octoginta & octo annis, cum Hierosolyma à Christianis habitata essent, hoc anno Regi Sarracenorum, occiso Patriarcha, & expulsi Christianis, deditio- ne traduntur, die secundo Octobris.

Eo anno vniuersam Iudææ regionem hostis Sarracenus Christianis eripuit, 30 Tyro, Tripoli, & Antiochia vix conseruatis, ductu & auspiciis Marchionis Montferratenfis.

1188. Fridericus Romanorum Imperator cū Friderico filio, Philippus Galliar, Richardus Angliæ Reges, cum plurimis aliis Principibus, in comitiis decernunt, relictis in Iudæa Christianis subueniendum esse. Instruitur bellū: Fridericus Imperator deductis in Syriam copiis, Armeniaq; minore receptā, ætatis tempore lauandi causa Selephium amnem ingressus, periit. Factum hoc in die Barnabæ Apostoli, qui est duodecimus Iunij. Intestina Antiochiæ, corpus Tyro est conditum. Exercitus Imperatoris malè dissipatur.

Eodem anno Danica & Flandrica classis Africana littora infestant, Syluā vrbe captā & incensa.

1189. Guido collectis copiis Aconē, olim Ptolemaidē dictam grauiter obsidet: sed Saladini astutiā semper vincitur, magna clades Christianis illata, morbo, fame, armis. Sibylla Guidonis vxor cum quatuor filiis in castris moritur dysenteria.

1190. Angliæ & Galliar Rex coniunctis suis nauibus cum Guidonis exercitu, Aconem oppugnant.

1191. Acon post biennalem obsidionem conditionibus sese deditit.

1192. Inter Philippum & Richardum Reges simultate ortā, copiar disiunguntur, & Rex Galliar domum rediit. Angliæ autem Rex diutius aliquantulum expe- riebat bellum fortunam, sed frustra.

Eodem anno Venetæ quoque, & Pisana classis disunctio, Christianæ Rei- publicę perniciosā fuit, quia & ipsæ discessum parantes, odiorum causas domum secum attulerunt.

1193. Sultanus Saladinus Imperator Sarracenicę gentis, rebus gestis, modera- tione, & fortitudine insignis, efflauit animam, filiis eius regnum inter se disper- tientibus.

1195. Sarra-

1195. Sarraceni Africani in Hispaniam irruentes, binis, vt nunc sunt, regnis potiuntur, Castellæ & Granatæ.
1198. Henricus Imperator Moguntino, Archiepiscopo, & Othone Duce Saxonie, belli præfectis, ac plerisque aliis magni nominis viris, nouas instruxit copias contra Sarracenos, & receptis ad certum numerum ciuitatibus, cōstituunt Christiani Regem, Hamericum nominatum. Fuit in eadem expeditione Hermannus Landgravius Turingiæ.
1199. Henrico Imperatore mortuo, duces modò dicti, victoriam desperantes, in Germaniam reuertuntur.
1200. Sarraceni post captā crudeliter Ioppē, sæuierunt in omnes Christianos.
1202. Africani Sarraceni vtramque Hispaniam igne & cæde vastarunt, excursionibus in Galliam quoque factis.
1216. Friderico secundo Imperatore noua expeditio in Syriam decreta, multis Principibus conspirantibus contra Sarracenos.
- Eodem anno in suburbio Aconis ciuitatis exercitus Christianorū confluunt, & Damiatam Ægypti urbem ab impiis munitam obsident.
1217. Quatuor Hispaniæ Reges collecto in vnum exercitu Sarracenos represserunt, ex Berica tamen eicere non valuerunt.
1221. Damiata Sultano reddita, Christiani Aconem, & Tyrum redierunt.
1228. Fridericus Imperator in Syriam profectus inducias cum Sarracenis pepigit, & Hierosolyma Christianis restituta, cum suis copiis Regio Diademate ornandus ingressus est.
1237. Christianorum exercitus, cui Theobaldus Nauarræ Rex præfuit, inter Gazam & Ptolemaida occubuit.
1238. Immissi à Sarracenis Tartari, multa hominum millia trucidarunt in Vngaria, & Polonia.
1244. Sarraceni à Ferdinando Rege forti & celebri, & Hispaniis expulsi.
1247. Sarraceni Asiatici auxiliis Tartaricis Christianos in Syria vexarunt & sepulchrum Christi ignominiosè defœdarunt.
1248. Ludouicus Rex Galliæ, animo expugnandi Sarracenos, & cupiditate liberandi Christianos, exercitum traiecit in Syriam.
1249. Congressus Ludouicus Galliæ Rex cum Sarracenis Damiatam ciuitatem populosam, ac turrigeram cepit.
1250. Cū inter pcellas pugne ad Faramiā à Sarracenis cōprehenderetur Ludouicus Rex cū Carolo, & Alfonso fratribus, reddidit Damiatā, quo factō suæ, suorumque saluti consuluit, & ex vinculis liberatus est. Captus Rex est die 5. Aprilis.
1252. Sarraceni Baleares amiserūt insulas, quas occupauit dux Tarraconensium.
1255. Bela Rex Vngarorum auxiliis suis adiuuat Christianos in Syria, à quibus diu vario euentu pugnatum.
1261. Hispaniæ Reges inter se discordes, alius Gallos socios ad se allexit, alter Sarracenū militem aduersus fratrem cōduxit, suo suorumque maximo incōmodo.
1262. Factiones Veneta, & Genuensis, Christianos Ptolemaidem & Tyrum incolentes, intestinis odiis exercuerunt.
1265. Expulere è Syria Sarraceni Christianos, & Bodegarus Sultanus Azotum, Cæsaream & Calipham cepit.
1266. Sultanus cepit totam Galilæam & Hierosolyma, Ordinis Teutonicī milites ad duo millia primum vinxit, postea immaniter obtruncavit.
1267. Reges quidam Christiani, audita suorum calamitate in Syria cruce signati ad resistendum Sarracenis proficiscuntur.
1268. Antiochiam captam Sultanus spoliatur.
1270. Iterum Rex Galliæ Ludouicus cum filiis tribus ingentes copias contra Sarracenos in Africam duxit, vbi cum contra illos feliciter pugnatum esset, Carthaginem obsedit: sed pestis exercitum inficiens, Regem, simulque filium eius Ioannem vita priuauit, & sic soluta est obsidio.
1271. Carolus Rex Siciliæ de Sarracenis aliquot victorias reportat.

1281. Armenij & Scythæ ad Gamalam Iudææ urbem cum ipsa penè vrbe à Sarracenis delentur.

1289. Sultanus tripolim incendit, Christianos inter se dissentientes vincit, & in seruitutem abigit.

1290. Tyrus, Sidon, Tripolis, Berythus, ab eodè incense, & complanata. Ptolemais, fuga dispersis Christianis, sine vi capta atq; diruta, fundamentis quoq; effossis. Christiani qui orbem reliquerant, Cretam fugientes, perierunt naufragio.

1291. Post tot clades vniuersæ Christianorum reliquæ passim è Syria cieunt, omnibus, qui fuga non euaserant, aut victis miserrimè, aut occisis crudelissimè.

1299. Tartari Sarracenos Hierosolymis expellunt.

19

T U R C A R V M R E G N V M.

1300. Othomanus rapinis & prædationibus ditatus, intra decennale spatiū bonam Bithyniæ partem, & adiacentia Ponto Euxino loca, suo imperio adiecit, & primi Regis Turcarum nomen meruit.

1307. Rhodus insula Sarracenis erepta.

1310. Aphonius Rex Castellæ cum Sarracenis signa feliciter contulit, duabus potentissimis urbibus captis, Alcala, & Bencaia.

1311. Sultanus à Rege Tattarorum, qui auxiliis pugnabat Armenicis, ingenti prælio victus est.

1328. Othomanus Turcarum Rex moritur, cui successit Orchanes filius, Turcarum Rex secundus.

1338. Græcis de Imperio inter se disceptantibus, Prusiam amplissimam urbem Orchanes vi ademit.

1350. Orchanes contra Tartaros (ita Scythæ appellantur) infautè pugnās cum multis suorum interficitur. Regni habenas accepit Amurathes Turcarū Rex III.

1363. Amurathes avaritia & perfidia Genuensium Hellesponti angustias ad Abydum, conductis eorum nauibus, superat, & Philippopolim, & Hadrianopolim vrbes in potestatem redigit.

1372. Seruia, seu Mysia superior Christianis est adempta, Lazaro Despotæ capto, in Campis Cassouiis.

30

1373. Seruiam ingressus Amurathes, à fideli seruo Lazari, qui mortē Domini vlcisci cupiit, pugione in inguine percussus interiit. Amurathis interfecti regnum consecutus est filius eius Baiazethes, fratre interfecto, Turcarum Rex III.

1374. Marcus Craieuius Bulgarorum Rex, cum vniuersa sua nobilitate à Baiazethè in prælio deletur.

1377. Sigismundus Imperator Walachis opem ferens, Turcarum prælidia eiicit, & eorum latrocinantium reprimat impetum.

1383. Bosna, Croatia, Illyria, Albania, Walachia vastata, multis millibus Christianorum partim occisis, partim in seruitutem abstractis.

1389. Constantinopolis ab immanissimo Turcarum Rege totos octo annos vexatur, & obsidetur.

40

1390. Franci & Angli sociis Genuensibus obsederunt Tunetum, & Sarracenos Africanos compulerunt, vt captiuos Christianos redderent, & decem millia aureorum penderent.

1392. Walachi auxiliis Turcicis vtentes contra Vngaros, profligati sunt. Nicodia oppidum ab Vngaris captum.

1395. Prælio inter Christianos & Turcas ad Nicopolim cōmissō, die profesto D. Michaelis victoria penes Baiazethè fuit, qui in armis plusq̃ trecenta hominū millia habuit, in quib. sexaginta millia equitū fuerunt. Christianorū exercitus, qui ex Gallis & Vngaris constabat, non excessit numerū octoginta milliū, inter quos circiter viginti millia equitū fuere. Gallorū duces maxima ex parte capti, Sigismundus Vngariæ Rex fuga sibi vix consuluit. Ex Christianis viginti millia, ex Turcis sexaginta sunt occisa. Hæc quoq; clades Christiani exercitus discordia contigit, modò Gallis, modò Vngaris primas præliandi partes deposcentibus. Post prælium ad Constantinopolitanam obsidionem recursum fuit.

50

1397. Tam-

1397. Tamburlanus Scytharū Rex, obscuro loco natus, tantopere creuit, vt mille ducentos equites in aula sua aleret. Hic cum infinita armatorum multitudine in Asiam descendens, prope Stellam montem in Galliciæ, Bithyniæque confinio, ad ducenta Turcarū millia cæcidit. Regem Baiezethem cepit, & caueæ inclusit, aureis catenis ligauit. Consensurus equū eo pro scabello vrebatur, & in ludibrium per totam Asiam secum circumducebat. Persas fugauit, Medos vicit, Armenios strauit, totam Ægyptum deuastauit. Damascum euertit: Marchantum urbem cōdidit, quam omnis generis captiuis impleuit, & urbium captiuatum spoliis ornauit. In eius exercitu penè supra fidem duodecies centena millia hominū militasse 10 traduntur. Triplici tentorio vsus est, cum in conspectum hostiū veniret albo, quo spem gratiæ sese dedētibz significabat. Tum rubro, quo sanguinem & flammam. Postremo atro, quo extremam rerum omnium.

Eodem anno Walachia, Transyluania, Moldauia, & omnis transdanubiana regio Duce Stephano Vaiuoda tumultuatur contra Sigismundum: vnde intellectum est, prioris cladis autorem Vaiuodam fuisse, qui Turcas allegerit.

1398. Cyrisceles, quem Calepinum alij appellant, post deletum à Scytharum Rege exercitum, & captum patrem, fuga liberatus, ad regnum aspirauit, quod etiam obtinuit. V. Turcarum Rex.

1399. Turcæ Rege suo capto, & cæso exercitu, sub Cyriscelebe nihil memoria 20 dignum egerunt.

1403. Tamburlanus totius Orientis terror, tyrannorum nobilissimus, è vita migrat.

1404. Cyrisceles Turcarum Rex moritur, relictis Orcanne, & Mahometo.

Orcannes Thraciæ Regulis fauentibus admodum adolescens imperio destinatur, sed in pugna ad Gazarum, non longè ab Hebro fluuio, Mosis patrui sui scelere opprimitur.

1405. Mahometes v. i. Turcarum Rex, sublato fratre, regno solus potitur.

1408. Mahometes Seruiam, Walachiam, & non exiguam Sclauoniæ partem subegit.

30 1411. Sigismundus Vngarorum Rex in Salumbezinis campis, qui Philadelphiæ olim appellati sunt, contra Turcas pugnans, viribus inferior, victus atque fugatus est. Calabotia munitissimum præsidium amissum.

1412. Walachis grauiata tributa Mahometes imposuit. Ex Bithynia in Thraciam, sedem Regiam transtulit, & Prusiæ vrbi prætulit Adrianopolim. Primus Danubium traiecit, Macedoniam perdomuit, ad Ionium vsque pelagus peruenit.

1419. Amurrhates v. i. Turcarum Rex, Mustapha Baiazetis filio hostiliter deuicto, regnum paternum arripuit.

40 1420. Turca in Georgium Despotam Seruiæ expeditionem facit, Nouemontum, & Scopiam, quadriennium obsidet, Synderouiam infestat, Despotæ filios duos captos, oculis & pudendis priuans, tetro carceri includit. Filiam eius in vxorem ducit propter pulchritudinem.

1438. Thessalonica insignis vrbs Venetæ ditionis in Turcarum potestatem venit, qui nullum genus iniuriæ, aut contumeliæ in Christianos omiserunt.

Amurrhates Belgradum obsidens, circa decem millibus hominum in fossis amissis, cum dedecore septem mensium obsidionem soluit, & inducias expetit.

1439. Ioannes Huniades Turcis se opposuit, inter Sauum & Drauum regiones Vngariæ vastantibus, eosque in fugam vertit. Vno die quinquies collatis signis 50 est superior.

1440. Ladislaus Poloniæ & Vngariæ Rex eodem Huniade duce, in Hæmicampis illustri victoria potitus, Turcam ad conditiones pacis compulit.

1444. Pax cum Turca inita, Eugenij Pontificis hortatu violatur, quæ res nomini Christiano perniciosa extitit. Primum enim septuaginta triremes Christianorum ad Hellesponti angustias superatæ: deinde commisso ad Varnam prælio,

die profesto Diui Martini, vltra triginta millia ceciderunt, plurimi in paludibus submersi sunt. Interierunt Iulianus Cæsarinus Cardinalis, qui ad fœderis violationem impulerat; Rex ipse Ladislaus, qui bellum cupidè nimis susceperat: Episcopus Varadinus, qui aciem in prælio nudauerat: Huniades vix fugâ euasit. Turca per Bosphorum Thracium trajicere classem non potuisset, nisi Genuenses, in singula Turcarum capita aureo nummo accepto, id permisissent.

1445. Isthmum Corinthiacū Amurrathes occupat, & Græcorum præsidia cum fratre Constantinopolitani Imperatoris fundit, & populationibus totam deuastat Peloponnesum.

1446. Rex Poloniæ cum Turcis in Vngariam irruentibus conseruit manus, & victor euasit. Turcæ vltionis cupidi, magnâ vi coactâ, reparant vires, ac bellum instaurant, in quo vtræque pars tulit cladem circiter octingentorum millium: grauior tamen Turcarum iactura fuit, quàm Christianorum, quamuis occubuerat Princeps belli, cuius caput ad Turcarum Regem allatum est. Occubuit & Turcarum Regis filius in eadem pugna.

1448. Vngari duce Huniade deuastaturi Turcicas Prouincias numero circiter sexingentorum millium, regiones eorum ingrediuntur, pugnantesq; cum Turcis ad Basila, primâ quidem pugnâ retulere victoriam: altero verò prælio cecidere penè omnes, exceptis circiter mille, qui fuga sibi consulebant.

Eodem anno Despota Georgius Fricebechum Turcicum præfectum cepit, Bidinum Bulgariæ urbem incendit.

1449. Turca Croiam urbem in campis Æmathiæ sitam, Scanderbeco resistente, frustra multis mensibus oppugnat, suorumq; multis deletis infecta re discedit.

1450. Amurrathes Turcarū Imperator de vita discedit, relicto successore filio Machomete, VIII. Turcarum Rege, qui fratrem suum Thurfinem, adhuc infantem, ne pater solus sepeliretur, statim interfecit, & eodem sepulchro condi iussit.

1451. Machometi initium belli fuit contra Scanderbecum. Turca Croiam octuaginta millibus hominū obsidens, cum dedecore discessit, & relicto in Croiæ obsidione duce Ballabano, ab vrbe fugit.

1452. Athenæ, omnium artium & disciplinarum inuentrices ab immanissimo Tyranno solo æquatæ sunt, etiam fundamentis quibusdam in locis effossis, & Mynychia, atque Piræo dirutis.

1453. Machometes Constantinopolim die nono & vicesimo Maij expugnauit, quam nono die Aprilis cœperat obsidere, omnibus Christianis gladio dissectis, & Constantino interfecto, cuius caput ludibrij causa pilo affixum in castris circumferri iussit, vniuersa eius stirpe deleta, & nobilibus omnibus inter conuiuia per ludibrium trucidatis.

1454. Calixtus Pontifex classem conscribit in Turcam, cui Cardinalem Aquileiensem, virum ferocem, & Sacerdotem venatorem, præfecit: statim igitur dissipata est.

1455. Turca Bosnam cædibus & incendiis replet.

1456. Machometes Belgradum, quam Albam Græcam, & Taurinum vocant, cum centum quinquaginta millibus hominum expugnatum adiit. Conuocatis autem Christianis, & Ioanne Capistrano adhortante, Huniades dux vltra quadraginta millia hostium occidit, aliis in fugam turpissimam versis: & ipso Machomete sagitta percusso, Turcæ castris exuti sunt. Hoc prælium commissum in die Magdalenæ.

1457. Cum Assimbeco Persarū Rege, quem Vsuncaffanum, quasi heroa magnū appellant, prælio primo Turca congressus ad Euphratem, quadraginta millia militum amisit. Secundo prælio Machometes superior fuit, occiso Vsuncaffani filio.

1458. Capta est Corinthus à Machomete, Peloponnesiis imperatum tributum.

1460. Rex Turcarum Imperium Trapezuntium suæ potestati, decollao Dauidæ Comneno Rege, subdidit.

1461. Paphlagoniæ, & Cappadociæ regna Turcicis armis cesserunt. Reguli, & Principes omnes cum vxoribus & liberis vexati cõtumeliis, & musilati membris, ducti

ducti in triumpho, postea ad vnum omnes, vxores ante oculos maritorum, filij ante ora parentum obruncati.

1462. Mitylene insula expugnata. Catalusius eius Princeps trucidatus.

1463. Veneti instructam classem, liberaturi Corinthum, in Græciam miserunt, sed re infecta sunt reuersi.

Eodem anno Rex Vngariæ Geisam Bosniæ urbem recepit, quam Turca secundum obsidens, audito Christianorum aduentu, quatuor Bombardis ingentibus in Drinam fluuium demersis, in fuga spe posita reliquit.

1464. Stephanum Principem Myssiæ inferioris, simulata pace ad se Machometes euocans, captum excorauit. Fratrem eius & sororem in triumpho duxit.

1465. Turca in Epiro munitionem validam, urbis instar, mira celeritate triginta dierum spacio extruit, ex qua finitimas regiones excursionibus vexare, territasque & exhaustas facilius posset armis subijcere.

1466. Rex Epiri Georgius Castriottus, cognomēto Scanderbecus, ingenti clade Turcas strauit, atque repulit.

1468. Machometes Syros & Ægyptios cum eorū exercitibus fudit. Narrantana, & Scandalora urbibus vi captis, & incensis omnem populum miserabiliter interfecit, & nobiles de locis editis, & turribus præcipitauit.

Eodem anno cum Cifimo Indorum Rege amicitiam iniit, cui nobilem puellam ex suo gynæceo cum regali munificentia & donis Imperatoris in vxorem misit.

1469. Grauitèr oppugnatus est Machometes à copiis Vfuscaffani Regis.

Eodem anno Nicolaus Canalis, classis Venetæ præfectus, magnū damnum nauali bello intulit Machometi, occisis duobus millibus Turcarum.

Eodem tempore multi Christianorum in Stiria, & aliqua parte Germaniæ à Turcis capti, & abducti sunt.

1470. Missis quadringentis nauibus ac centum viginti millibus hominū in Eubœam insulam, Omario duce, in oppugnando quadraginta penè hominū millia Machometes amisit, sed eam post trigelimum diem cepit, Italos milites palis affixit, & omne genus crudelitatis, & libidinis in incolas flagitiosissimè edidit.

30 Eodem anno Turcicus exercitus in Vngaria vsque ad Zagabriam prædando grassatus, circiter decem hominum millia captiua abduxit.

Eodem anno Turcæ in Dalmatiam, Forum Iulium, Stiriam, excursionès fecerunt, multa ex hominibus & pecoribus præda abacta.

1471. Rex Portugalliæ, freto Gaditano traiecto, multas ciuitates in Mauritaniæ finibus à Turcis liberar fecit, suoque imperio adiecit: duas autem præcipuas, Tingam, & Argillam.

1472. Vfuscaffanus Rex secundis præliis factis, plures ciuitates Othomanicis ademit, quod factum æternum nomen in Orientis partibus illi peperit.

Nicolaus Thranus eodem anno classem Venetam cum Regis Parthorum exercitu contra Turcam coniunxit.

1473. Vfuscaffanus leui prælio circiter triginta millia ex Machometis exercitu fudit.

Eodem anno Turcæ cum ingenti multitudine traijcientes in Vngariam, finitimas ciuitates ad fluenta positas depopulati sunt.

1474. Commisso cum Persarum Rege ad Euphratē fluuium prælio, Turca victor extitit, sex hostium millia, & octingentos cepit. Ex quibus domum rediens, in singulis locis, vbi statua habuit, quingentos per diem gladio secari iubet, & insepultos dispergit, totamque Armeniorum regionem impleuit tetro, horrendoque funerum spectaculo.

50 1475. Ad Istri fluminis partem, quam Muldauiam appellant, Turcæ cæsi sunt à Stephano Muldauic Palatino. Quatuor duces Turcici capti, & xxxvi. signa militaria ex hostibus recepta.

1476. Matthias Vngarorum Rex ad Sauum fluuium castellum Turcarum magna cum laude sua expugnauit.

Eodē anno Capha in Ponti Euxini ora, Genuensium colonia Turcæ perdata est.

1477. Clausit supremum diem Vuncassanus, qui Persis, Parthis, Medis, ac toti penè Orienti præfuit. Cui successit filius maior natu, hic capite plectens fratres suos, solus regno potiebatur.

Eodem anno Nicosiam Turcæ classe piratica infestârunt, non sine magno urbis eius incommodo.

1478. In Myfia ingens multitudo Turcarum superata est.

Veneri cum Machomete fœdus ieiunt, Chalcide armis, Scodra deditione extortâ. Polliciti eidem sunt quotannis octo aureorum millia, vt Pontica nauigatio pateret mercatoribus. Tradita eodem tempore Insula Lemnos, & Tænarum Laconia promontorium.

1479. Magnam classem Machometes in Apuliâ misit, sed & ipse in Vngariam cum exercitu profectus est, & ex vtrisque locis plurimos greges captiuorum Christianorum abegit. Inde Leucadiam, Neritum, Cephalleniam, & Zacynthum insulas armis domuit.

1480. Machometes cum exercitu est in Ægyptum profectus ad occupandam Alexandriam; domi verò ad Rhodianam expeditionem res sunt necessariae comparatae.

1481. Machometes duce Mesicho Rhodum obsedit, & eam quatuor classibus grauissimè oppugnauit, sed trucidatis suorum nouem millibus, & quindecim millibus vulneratis, ab oppugnatione, quæ vndenonaginta dies durauit, turpiter desistere coactus est, Petro Dabusonio pro Christianis propugnante.

Eodem anno cum classe ingenti irruens Turca in Apuliam, Hydruntum ciuitatem maritimam amplam, & populosam, duce Acomato expugnauit, & incolas omnes gladio occidit.

Eo anno sex millia Turcarum ad ciuitatem Mantineam in Laconia occubuerunt, Pirametus Ciliciae Rex magnum illis metum incussit, & prosperâ aduersus eos fortunâ usus est, sed non diuturnâ.

Eodem anno Machometes Rex Turcarum, qui Imperatoris nomen primus accepit, qui duo Christianis imperia Constantinopolitanum, & Trapezuntium subuerit, regna duodecim ademit, ducentas vrbes Christianam pietatem secutas cepit, magna & suorum, & hostium lætitia propter crudelitatem inauditam, & omnibus hominibus grauem, animam impiam & blasphemam euomuit. Hic, vt fieri sæpè in magna fortuna solet, suam quoque religionem irrisit, & omnem Dei cultum futilem, & inanem existimauit.

1482. Baiazethes I X. Turcarum Rex, & secundus Imperator, domestica diffensione sedata, & fratre suo ex tota Asia eiecto, regnum stabiluit.

Eodem anno Ferdinandus Neapolitanus Rex, misso filio Alphonso cū exercitu, Hydruntum ciuitatem à Machomete expugnatam, Turcis eripuit.

Eodem anno Ioannes Castriottus, Scanderbeci filius, ditionem per Machometem patri suo vi ereptam, coactis agminibus recuperabat.

Eodem anno Stephanus Vaiuoda, & Matthias Rex inferiorem Mysiam, quàm nunc Bosnam nominant, Turcæ ademerunt.

1483. Baiazethes contra Sultânũ Ægyptium sæpius suo incōmodo pugnans, fœdus cum eo iniit. Pacem quoque cum Rhodiis fecit, nec non alios Christianos sollicitauit, propter metum fratris Zizimi, qui apud Christianos exulabat.

1484. Walachiam Turcæ infesto exercitu petierunt, & deuicerunt.

1486. Turca Getarum gentem circa paludem Mæoticam antiquis suis sedibus eiecit.

1488. Zizimus Baiazethis frater, apud Rhodios exul, Romam ad Innocentium VIII. Pontificem mittitur, tandem cū Pontificis filio Alexandro veneno tollitur.

1490. Alphonfus Lusitaniae Rex cum decem millibus equitum, & quinquaginta peditum, Sarracenis Granatæ regnum eripuit, eorumque reliquias ultra mare compulit.

1492. Cerauniorum montium incolas, tractumque illum Epiroticum, liberarum semper gentium, seruituti Baiazethes subiicit.

Eodem

Eodem anno in Ciliciæ finibus cum Sultano pugnavit infelicitè, & suorum triginta millibus amissis recessit.

Eodem anno Matthias Vngarorum Rex Sabatium, quod Turcæ munierant, firmissimum præsidium expugnans, fines tutiores reddidit, & regnum suum magno metu liberavit.

1493. Missio in Vngariam exercitu, cui præerat Cadumus Bassa, septem millia Vngarorum deleta, & in testimonium stragis Christianis illatæ, multa capita, ac nati illis abscissi Constantinopolim missi sunt.

1494. Irruerunt Turcæ in Croaciam, quos Maximilianus in fugam vertit.

10 1497. Hieronymus Thranus Venetus pecuniâ corruptus, Naupactum urbem, quam Reipublicæ nomine custodiebat, Turcico imperio subiecit.

Eodem anno Turcæ Stiriam, & Carinthiam infestârunt rapinis & latrocinis.

1498. Bellum Venetis Turca intulit, & Iadrensem, ac Sibenicum agrum in Dalmatia igne, ferroq; desolavit, ingenti præda abducta. In Foro Iulio ite capita hominibus plus quater mille, quos abduere propter inundationem Tiliauenti non poterat, amputari iussit. Venetiæ in periculo & metu constitutæ fuerunt.

1499. Corona vrbs Peloponnesiaca Turcæ se sponte dedit.

1500. Metho vrbs Venetis erepta, die Diui Laurentij. Episcopum eius loci decollari iussit Baiazethes in suo cōspectu, oppidanos ad vnum omnes necavit, ædificia maxima ex parte incendit. Amiserunt eodem casu Dyrrhachium, quod inopinantibus omnibus est occupatum.

20 1501. Quidam ex Christianis Regibus, Venetis amici, vna cum ipsorum classe; cui Benedictus Pisaurus præerat, Æginam & Mitylenem depopulati sunt, Tenedum incenderunt, Samothracem & Carystum diripuerunt. Pylum receperunt Cephallenem & Nerithum, quæ hodie Diuæ Mauræ appellatur, cepit, Naupliam obsidione liberavit.

Eodem anno Venetus præfectus Leucadiam munitiorē factam, pacis causa, Turcæ restituit.

1502. Turca sibi timens, propter rumorē de Elia Propheta Persico acceptum, 30 supra ducentas domos Cōstantinopoli imperavit vna cum habitatoribus cremari. Fuit autem tantæ æstimationis ille Propheta, vt supra centum quinquaginta hominum millia eius sectam & castra, quæ ornatissima fuerunt, sequerentur, & inter se omnia haberent communia.

Eodem anno cum Lauredano Venetiarum duce, & Ladislao Rege Vngarorum pacem & fœdus Turca iniit. Intestinæ inter Baiazethem, & Zeymum cœperunt discordiæ.

1503. Alexium adiacentem Illyrico Insulam, arce destructa, & deductis in coloniam incolis, Turcæ tradiderunt Veneti.

1504. Rex Hispaniæ in Mauritania Cæsariensi cōtra Sarracenos Magnum portum obtinuit.

1505. Rex Persiæ conferens victrices manus in Asia cum Turcicis copiis eas deleuit.

1509. Granum Africæ ciuitas populosa, & opulenta ab Hispanis occupata est.

1510. Bugia in Africa Hispanorum armis capitur.

1511. Zelymus minimus natus ex Baiazethis filiis patri ætate confecto insidias, fratribus interitum struxit. Fratres tandem cum ipsorum filiis strangulari iubet, patrem toxico per Iudæum tollit.

1512. Zelymus factione militari, & studiis popularibus Imperator salutatur & eligitur x. Turcarum Rex.

50 1513. Acomathes Zelymi frater Persicis auxiliis adiutus, bellum mouet, sed fortuna illi inuidente capitur & strangulatur.

1514. Pacem cum Venetis atque Vngaris Zelymus renouans, contra Ismaëlem Persarum Regem p̄ficiscitur, eumq; ad Calderamum oppidum vincit, & fugat Taurum regiam ciuitatem, olim Artaxata nominatam, sine sanguine, & sudore capit.

1515. Zelymus vincit Ioannem Cepusiensem Principem, & bellum contra Ala-

dulum Cappadociæ Regem suscipit, ducemque eius in fuga captum decollauit, caputque in victoriæ signum Venetias misit.

1516. Zelymus Campsonem Ciaurum Ægypti Sultanum, cum omni suo exercitu deuicit, Sultano etiam in fuga pereunte. Belli autem fortuna prospera vsus Alkairum, Alexandriam, ciuitates turrigeras, ac populosas, totamque Ægyptum suo imperio subdidit. Damascum Syriæ, amplam ac celebrem ciuitatē debellauit.

1517. Pons à Zelymo naualis supra Nilum constratus, vt Tomombeium Ægypti nouum Sultanum insequeretur, quem per prodicionem captum, & omnibus tormentis, ac contumeliis vexatum, suspendi ante regiam mandauit.

1518. Maranos Sarracenæ gentis reliquias, Carolus Hispaniarum Rex è regno suo expellit, & barbarorum circiter quadraginta millia occidit.

1520. Zelymus mense Decembri extinguitur vlticibus furiis, eo in loco, quo patrem fuerat hostiliter persecutus. Huic successit Solimanus x i. vel si Moises, qui ante Machometem i. sed non diu, rerum potitus est, connumeretur, x i i. Turcarum Rex, Imperator quartus.

1521. Solimanus Belgradum urbem Daciæ munitissimam expugnauit, Sabatium cepit, multasque arces, & castella in Vngaria diruit. In Croatia prædas agens, quinque hominum millia abripuit in seruitutem.

1522. Rhodum insulam quadringentis nauibus adiit, & cum maxima hominum multitudine obsedit, sub Iunij mensis finem. Rhodi milites conferentes cum eo fortiter manus, post varias & insignitas strages, viribus exhausti, ciuitatē tradidere, quam Turca ipsis Christi natalibus ingressus est.

1525. Sirmiensem Episcopatum, & omnem eius agrum Turca suo subiecit imperio.

1526. Ludouicus Vngariæ Rex, contra Turcam Vngariam inuadentem pugnaturus, suis ipse copiis præfuit. In acie victus, & sibi fuga consulere cupiens, in palude interijt. Multi insignes viri eo prælio desiderati, ex quibus Stephanus Slicco maximum suis dolorem reliquit. Prælium commissum die decollationis Ioannis. Buda Regia vrbs direpta, & nobilis Bibliotheca Matthiæ Regis incensa.

1529. Rhodij milites Meliten insulam Sarracenis eripiunt.

Eodem anno Solimanus rediit in Vngariam, Budam munitissimam arcem, receptam à Rege Ferdinando, secundum obsidet, quam cum frustra laboraret euertere, iis qui eam tenebant, certis conditionibus propositis, persuasit, vt eam traderent. Inde ad Viennam Austriæ perrexit, quam secundo & vicesimo die Septembris obsidet, & quinquies oppugnat, murosque quadam parte rumpit; sed cum multos suorum amitteret, desperatione adductus, fugæ sese tradidit. Ipso obsidionis tempore ex finitimis locis innumeras prædas egit, & hominum multa millia abduxit, virgines, & matronas nudas proiecit, infantes & pueros palis, stipitibusque affixit. In exercitu centum quadraginta millia virorum habuit, ex quibus circiter octoginta millia tum in oppugnatione Viennæ, tum in fuga, frigore & inedia perierunt. Dux exercitus Christiani Viennam defendentis fuit Philippus, Dux Palatinus, Princeps optimus.

1531. Turcica classis tentat Siciliam, sed conatu irrita.

Modonam ciuitatem maritimam Rhodij equites astu occuparunt.

1532. Gunsum Vngaricum oppidulum, defendente forti & claro viro Nicolao Iurizio, cum ducentis armatorum millibus Solimannus ter decies oppugnauit, non captum tamen vi, sed deditione traditum. Audito autem Caroli Cæsaris aduentu, qui octuaginta peditum millia habuit, & triginta ferè galeatorum equitum ex Germanis, Italis, Hispanis collectorum, exceptis Vngaricis equitibus, Turca non expectandum sibi ratus, per Noricorum montana fugit, multa præda onustus domum rediens.

1534. Solimanus Africanum simul & Vngaricum bellum molitus est, Corradinum enim Barbarossam classis suæ præfectum in Africam, contra Tunetanum Regem misit, quem etiam regno priuauit. Ludouicum verò Gritum, Andreæ Venetiarum Ducis filium, in Vngariam, vt Vaiuodam eijceret. Occupata autem Medeuifcha

deuifcha Transſyluaniz ciuitate, quam Gritus tenebrt, Meilanus Vaiuoda ipſum cum exercitu obtruncauit, eiusq; filios duos ante oculos patris in fruſta cōſcidit. 1535. Carolus V. in Africam traiiciens, Alachenum Tunetanum Regem reſtituit, & ad viginti captiuorum millia è ſeruitute liberauit. Tunetam cepit die Ioannis Baptiſtæ.

Eodem anno Taurus Perſiæ ciuitas à Turca vi capitur, in qua cum ſecurius agerent milites, improuiſo Tahamæ Perſarum Regis aduentu ſex & quadraginta Turcarum millia opprimuntur. Spoliis amplis, & Imperatoriis concubinis Perſæ cum magno hoſtium dedecore potiti ſunt.

- 10 1536. Cambaiæ Rex Indicus, bello laceſſitus à finitimis Turcæ fauentibus, Regi Luſitaniæ ſe faciens tributarium, ab eodem defenditur.

1537. Solimanus ex Ponto, & Propontide centum quinquaginta trirèmes, biremes octoginta, ducenta ſimul, & ſeptuaginta varij generis nauigia collegit, quibus Corcyram Veneræ ditionis inſulam, aggreſſus, decem dies obſidet, incenſiſque ſuburbanis, & agris deuſtatis, multisque incolarum aut occiſis, aut captis diſcedit. Zacynthum, & Cythera populatur, Æginam expugnat, & complanat, Parum capit, Naxum tributariam facit. In Apuliam maiorem, & meliorem classiſ partem, in quam decem millia ſectorum peditum, & duo millia equitum robuſtiſſimorum impoſuerat, mittit, & totam Tyrrheni maris oram ibi deprædatur.

- 20 Classes Imperatoris, Pontificis, Venetorum coniunctæ, ducum ambitione, & diſcordia diſſipatæ ſunt.

1538. In Stiriam incurſiones fecerunt Martiloſi nominati, genus hominū agreſte, & latrociniiſ deditum, ſed incolarum virtute repulſum eſt.

Eodem anno classiſ Turcicæ præfectus Adenam Indiæ ciuitatem copioſam adit, Regem ad ſe pacificè euocatum ſuſpēdit. Diu emporium ad Indi fluminis oſtium tentat, à quo non tam armis Luſitanorum, quam inſidiis repellitur, cum ſumma trepidatione vt fugeret.

Eodem anno Calciani ducis perſidia à Chriſtianis infeliceiter contra Turcas in Sauia pugnatum eſt.

- 30 1539. Veneti cum Turca pacem renouarunt, traditiſ illi trecentis millibus coronatorum, & Nauplia, ac Monembafiâ oppidis, in finibus Macedoniæ.

Eodē anno iuxta Epiri littora Turcicæ naues quinquaginta naufragio perierunt, hominū millia viginti, quos tempeſtas nō hauſerat, fames ac peſtis abſorſit.

Eodem anno Caſtellum nouum in Dalmatia, Ducatus S. Sabæ vocati oppidum, & Rizanam ceperunt Chriſtiani.

1540. Caſtellum nouum, quod Hiſpani & Germani milites tenebant, conuiuentibus Venetis, à Turcis receptum, & direptum eſt, incolis & militibus, de more, gladio occiſis.

1541. Turca relictus tutor Ioannis Vaiuodæ infantis filij, cum in Vagaria Ferdinandus Rex Budam oppugnaret, à Georgio monacho Vaiuodæ gentili vocatur. Qui Buda capta, infantem vnâ cum matre ſequi caſtra iubet, ipſe arcem ingreditur, & Peſtum è regione poſitam ciuitatē, omni apparatu bellico tum inſtructam, ſui iuris facit, die Natiuitatis Mariæ.

Eodem anno Carolus Imperator contra Barbaroſſam, ad capiendum Argiæ portum, in Mauritaniam Cæſarienſem ſerius nauigans, & (vt aiunt) Pontificis colloquio Lucæ detentus, naufragium fecit. Ipſe in Baleares inſulas vento reiectus eſt, multis nauibus ex pulcherrima illa claſſe vi & iniuria tempeſtatum amiſſis. Germanus miles Italo fugiente fortiter contra Mauritanos pro Cæſare pugnavit.

- 30 1542. Expeditio in Vngariam facta, ad recuperandam Budam, Duce Ioachim Brandeburgenſi Electore, plures milites morbo, quàm armis perierunt. Oppugnationem tentauerunt quidem, ſed non vrſerunt. Mauricij Saxoniæ Ducis tus tum maximè eluxit.

Eodem anno Strigonium nouendecim dies obſeſſum proditione Salamancæ capitur poſtridiè Laurentij. Quinquececleſiæ Epiſcopaliſ vrbs ſolo æquata.

1543. Pacis conditiones Ferdinando Regi cum Turca inite ad certum tempus, quæ utrique parti armis fessæ gratæ fuerunt.

Eodem anno Catharum Dalmaciæ Barbarossa Turcicus præfectus obsedit ducentis triremibus, sed virtute Ioannis Matthei Bembi repulsus est. Portum Villæfrancæ, & Niciæ idem Barbarossa incendit, sed prædam & captiuos ei extorserunt Gasias Neapolitanus, & triremes Rhodiæ non procul à Siciliæ littoribus.

1546. Polonia Rex Sigismundus castellum quoddam Turcæ prope regni sui fines ædificatum, duce Breteutio diruit, & euertit.

1547. Mustapha Solimani filius, reliquis liberis à patre sublati, solus imperio destinatus, cupidus paterni imperij, sollicitauit populos Ægyptios, & commouit Persarum arma in patrem.

1548. Solimanus contra Tolcham Regem Persarum maximo cum exercitu profectus, signis infelicibus pugnavit, suis fame & inediâ amissis in Persia, & Tartaris socia arma iungere volentibus, cæsis in minore Armenia.

Eodem anno Curculaius Turcicus pirata, viginti biremibus, & triremibus contra induciarum pacta, Siciliæ & Campaniæ littora infestauit, improuisosque accolæ adoriens, ingenti prædâ ditatus est.

Eodem anno Sarraceni Mauritani, auspiciis Regis Sarsensis tumultuantes, ducum Cæsarianorum Sestiani & Albani virtute repressi sunt; Portugallia, & Hispania ab incurfione liberatæ.

1549. Turca ut vindicaret recentem ignominiam, nouos exercitus conscripsit contra Persas, & primùm milites suos stipendiorum amplificatione inuitauit, deinde sociorum animos per legatos confirmauit. Sed copias apparatissimas foris fame & peste amisit, & eodem morbo Constantinopoli grassante, quam centum triremium præsidio absens munierat, ad septuaginta hominum millia sublata sunt.


1550. Ineunte hoc anno Solimani mors falsis rumoribus nunciata est, qui triginta annos populum Dei afflixit.

Hic annus autem cum Iubilæus habeatur, & apud Ebræos olim annus mitigationis & leuationis fuerit, te oramus Deus æterne, mitiga propter Filium tuum mala tot annos Ecclesiæ tuæ illata, conserua pro immensa misericordia tua doctrinam Euangelij, ut sublatis Machometanorum blasphemiiis, gloriosum fiat nomen tuum in gentibus: excita ad necessarium bellum Principum Christianorum animos, ut liberato grege tuo ab impiissimo Tyrannidis iugo, tuam bonitatem & potentiam agnoscat, atque prædicet orbis vniuersus, Amen.

HACTENVS CHRONICON DRECHSLERIANVM.

APPENDIX CHRONICI TURCICI ADDITA

A IOANNE ROSINO



NEVNTÉ (1550.) vere, Dragutes Raisus, pirata celebris, auspicijs Solimani Aphricam Barbariæ oppidum, (veteres Aphrodisium appellarunt) occupauit, & præsidio muniit. Verum Andreæ Doriæ Imperatoris classis Caroli V. Augusti industriâ, atque vigilantia & Monasterium Aphrodisio proximum oppidum expugnatum, cæsis ex hostium præsidio trecentis: mancipiis autem mille ac ducentis abductis: & adiuuante suis cum copiis Ferdinando Gonzaga Siciliæ Prorege, Aphrodisium ipsum receptum; vbi plurimi ex Barbaris cæsi, capitum septem millia capta.

1551. Sinan Bassa, quia instructa eû classe, & adiunctis sibi Dragute, Salaq; Raisis, arcem Melitensem frustra tentasset, transiectis in Africam copiis, Tripolim arcem, & oppidum ditionis Equitum Melitenfium, eorumque præsidio munitam, frau-

tam, fraude Dragutis & Salæ Raiforum, & proditione Aramontani, Henrici Gallicæ regis Legati, occupauit. Factum hoc die xv. mensis Augusti. Solimanus Tripoli Dragutem cum imperio Sangiacibegi præficit, qui non contentus suis finibus, Caruennæ regem Maurum maiore principatus sui parte spoliatur.

1552. Temesuarum Daciæ oppidum à Turcis, ductu Alis Bassæ Budensis obsideretur, ac deditione capitur, interfecto per scelus violatæ fidei Stephano Lofoncio, illius loci propugnatore. Descripta extat hæc huius arcis expugnatio à viro clarissimo Ioanne Sambuco.

Lippa quoque Solimosus, Chianadia (Vlpianum veteribus dictum) Daciæ
 10 oppida, cum aliis castellis occupata: Erasmus Teifelus, Ferdinandi regis exercitus dux, Sfortia Palauicinus, & Augustinus Sbardellatus, Vacienfis præsul ad Palastum cæsi: Dregeltum arx, Giarmatum, Zezenum, aliæque loca vicinia, sub iugum Tyranni Turcici missa. Zolnoceum vltro cedentibus præfidiariis occupatum 3. die Septembris. Agria summo quidem cum impetu ab eodem Ali Bassa Budensi, Achmate Romanæ Beglerbego, & Casanæ, aliisque pluribus begis oppugnatum, sed irritum conatu, & magno cum Bassarum dedecore: qui in ea erant Ducibus, aliisque fortibus viris eam feliciter defendentibus. Extat hac de re Ioannis Sambuci narratio.

1553. Classis Turcica cum Gallicis coniuncta copiis ditiones maritimas Caroli
 20 Quinti Imperatoris infestans, grauissima Neapolitanis, atque Siculis littoribus damna infert. Capitur & Corsica Genuensium insula, incolis & præfidiariis partim cæsis, partim crudeliter habitis. Hæc tamen insula anno post sexto, cum pax inter Philippum, & Henricum, Hispaniæ, Galliæque reges coiuisset, Genuensibus est restituta.

Eodem anno Solimanus filium Mustapham ex Circassa susceptum, exercituique charum, veritus, ne ab ipso imperio excuteretur, è medio tollit, & paulò post filium etiam eius vnicum Amuratem, qui Prusæ apud matrem educabatur. Zangier minimus natu Solimani filius ex Roxolana vxore, conspectu interemti fratris Mustaphæ cadauere, & exprobrato Patri verbis acerbissimis tam impio di-
 30 roque facinore, statim suis manibus in propria viscera pugionem adigit, & cadaueri fratris incumbens expirat.

1555. Turci copiis Gallicis auxilio missi, Plumbinum in mari Thusco obsidione cingunt, sed non sine clade reiecti, Elbam insulam conatu itidem irritò tentant.

Ferdinandus Bohemiæ, Vngariæ, & Romanorum Rex Legatos de pace cum Solimano acturos Constantinopolim mittit, qui totum ibi biennium coguntur hærere.

Bassa Budensis Capenisuarum, præfidiariis ad deditionem compulsis, & Baborzam, nihil dum ab hoste perpeßam grauius, fide militari deserta, seseudentem occupat. Zigethum adoriturus, quum fortiter in hostem præfidiarij sese
 40 gererent, suique monerent, ne temerè tentatam obsidionem soluere coactus, Solimanum offenderet, ab instituto discedit. Gesta hæc apud Vngaros per Autumnum.
 1556. Sequentis anni vere Solimanus Alim Bassam cum copiis denuò in Vngariam misit, qui Zigethum obsidione premeret, atque in potestatem redigeret. Is cõtinuata ad tertium vsque mensem oppugnatione, cum Christiani omnem vim hostilem magna cum strage Turcarum intrepidè repellerent, infecta re militem cum machinis bellicis inglorius abduxit. Priusquam tamen soluta Zigethi obsidione se Turci reciperent, Sammartinum, Gerosgalum, Seliam, Sanlaurentium, & Caliangem (aliis Calamancia dicitur) partim flammis iniectis absumserunt, partim solo æquarunt. Extat huius Zigethanæ obsidionis expositio edita à Ioanne
 50 Sambuco.

Ferdinandus, Ferdinandi regis filius, Archidux Austriæ, & Comes Tyrolis, validissimis copiis pro tempore contractis in Vngariam descendit, hostem aggreditur, & cum immortalis præclaræ victoriæ monumento reprimat. De his clarissimus D. Petrus Raymundus Amadonus Medicinæ Doctor, & in ea expeditione Physicus.

Eodem anno Transsylvani à Diuo Ferdinando rege suo ad Ioannem filium regis Ioannis nuper reductum deficiunt.

1558. Selimus, Baiazethésque fratres Solimani filij superstitie patre inter se de imperio, & successionem dimicant, victusque Baiazethes è Caramania cum viginti millibus armatorum, & quatuor filiis ad regem Persicum Tecmasem (Thammasum alij nominant) profugit.

1559. Solimano, qui Selimi partes fouebat, sollicitante, Baiazetes cum quatuor filiis in Persia, præsente Solimani prægustatore, cui illi noti erant, adhibito neruo suffocantur, & genere mortis genti Ottomanicorum familiari de medio tolluntur: Cádauera necatorum Sebastiam deportata pro more monumentis inferuntur.

1560. Classis Hispanica flagitante magno Magistro Melitenfi ad recuperandam Tripolim missa, cum eius expugnandæ, quia præsidium auctum erat, spe deiecta esset; Gersensem insulam (quam ante Dragutes, regulo Insulæ sub amicitia prætextu Tripolim euocato, & suspendio necato, interueniente prodicione occupat, eiusque dominium alteri regulo, sex aureorum millia tributum annui nomine pollicito permiserat) petit, nec magno negotio regulum Maurorum adigit, ut tradito castello, deinceps Hispano se regi pariturum, & quotannis sex aureorum millia tributum nomine soluturum stipularetur: post congressa cum Turcis magnam accipit cladem, qua vel ab hostibus cæsi, vel aquis absorpti, vel in seruitutem abducti fuere, vel alioqui variis perire casibus decem & octo Christianorum millia, triremes amissæ x x v i i. naues onerariæ x i i i i. Gasto, Medinensis Ducis Hispani filius, in hostium potestatem venit.

Eodem anno Turci Fileccum in Vngaria superiore locum satis munitum occupant, vbi Sangiacum Solimanus constituit, qui Budensi Bassæ subiectus esset. Neque multo post inducias Ferdinandus Augustus, ac Solimanus pepigere, quæ utrique parti gratæ durarunt, quàm diu Ferdinandus superstes fuit.

1561. Iacobus Heraclides Basilicus Despota, corrogatis quorundam Poloniæ procerum auxiliis, Moldauiam inuadens, Alexandrum eius regionem crudelem Principem fundit, fugatque, & Moldauicæ regno pellit: ipse principatum illum occupat, profususque apud Portam largitionibus à Solimano, ut in eo pro more confirmaretur, impetrat.

1563. Idem Despota à suis Valachis, hominibus improbis fraude circumuentus, ut elabi non posset, die v. Nouembris occiditur. In huius locum vocatus à Valachis Dux Demetrius Visnouecius, non multo post, Solimano Constantinopolim victus ad certam necem mittitur. Cuius loco Thomas Princeps à factiosis salutatur: sed cum perexiguo tempore rem Valacham administrasset, ab Alexandro iam reuerso expellitur, & in Russiam usque fugatus, Sigismundi Augusti Poloniæ regis iussu ad Podoliæ Leontopolim capite plectitur.

1564. Duce Garzia Toletano feliciter occupata fuit arx in ora maritimæ Africæ, siue Barbariæ sita, quam Pignonem siue rupem Velezi oppidi vocant, Turcicorum hæcenus piratarum Hispanum pelagus infestantium, quod esset in præruptis posita scopulis, & vndiq; mari circumfluo munita, receptaculum. Factum hoc mense Septembri.

Sub exitum eiusdem anni demortuo prius Ferdinando Augusto, die x x v. Iulij, filioque Maximiliano vix imperium auspicato, Ioannes Sigismundus Princeps Transsylvaniæ, (Erdelij begum Turci vocant) fretus viribus potentis patroni Solimani, & perduellium quorundam Procerum, in primis Georgij Bebeci consiliis incitatus, Zatmarum haud exigui momenti munitionem, eiectione Melchiore Balassa, præfecto Cæsaris, ac thesauris eius, coniuge, liberisq; captis, suam in potestatem redigit.

1565. Lazarus Suuendius Baro altæ Landisbergæ, Dux exercitus Maximiliani Imperatoris, copias equitum, peditumque Germanorum in agrum Cepusiensem educit, media bruma Locaium locum munitissimum Turcis defendentibus, admirabili celeritate expugnat: quo capto, neque multo post ictu sclopeti occiso

Francisco

Francisco Nemethio præfecto, arx etiam à præfidiariis ~~dedita~~ fuit. Expugnationem hanc diligenter descriptam edidit Ioannes Sambucus. Inde Zerenzum in potestatem redigit: & Zatmarum, quam Transsylvaniæ Princeps superiori anno occupatam, de eius defensione desperans, indefensam reliquerat, ob naturalem situs commoditatem mox instaurat. Hinc transmissis Tibisco Erdeudam, Cuuaram, Batorem, Vibaniam, Sendereuiam, arces & dominia amplissima, aliaque insignia loca Maximiliani imperio subiicit.

Eodem anno Solimanus ingentem classem, quæ triremibus, oneratis aliisque diuersis nauigiis 250. constabat, ad Melitem insulam oppugnandam misit: 10 quæ S. Helmo, castello in ipso portus ostio expugnato, atque euerso, post diuturnam, validissimamque oppugnationem munitiois S. Michaelis, Hierosolymitanis equitibus incredibili virtute locum, tuebantibus, cum quatuor menses hoc bello absumissent, & hyems iam appeteret, re infecta, & magna clade accepta, amissis scilicet suorum viginti tribus millibus, recessit. Ex Melitenensibus 240 equites, militum tria millia, bello inutilis turbæ capita 1700 cæsa. Descripsit res hoc bello gestas Claudius Grangeus Biturix.

1566. Chius maris Ægæi insula, à Piali Bassa, qui rebus ad Melitem infelicitè gestis, Constantinopolim contendebat, ipsis feriis Paschalibus insidiosè in potestatem Imperatoris Turcici redigitur, Præfecto Insulæ cum x i i viris Rempublicam administrantibus dolo ex vrbe in classem Turcicam euocatis, & detentis, 20 qui postea cum familiabus, & aliis primariis Constantinopolim missi, & hinc inde varias in regiones deportati sunt. Turcicus magistratus Chienfisibus datus, & templa Christianorum solo æquata: Vnicum S. Dominici relictum, ritibus Turcorum initiatur, vt Messitæ (sic templum Mahometicis sacris dedicatum, Turci appellant) loco Turcis esset. Captiui tamen subsequenter annis, intercedente Rege Galliarum Turcis confœderato patriæ restituti fuerunt, & umbra quædam administrationis, iudiciorumque pristinatorum miseris Chienfisibus concessa.

Solimanus à Ioanne Sigismundo Transsylvaniæ Principe exoratus, suscipit expeditionem in Vngariam aduersus Maximilianum Imperatorem.

30 Palota a Budensi Bassa militum corona circumdatur, sed Turcis inopinato aduentu Georgij Comitissæ Helfestainij territis, ac in fugam se coniicientibus, obsidione liberatur.

Vltimo die Iunij Vesprinium ab eodem Comite Helfestainio, & Egone Salmenfi Comite expugnatur, barbaris ad vnum omnibus, præter quinque trucidatis. Capitur etiam Tata.

Maximilianus Imperator cum numerosissimo, expeditissimoque Christianorum exercitu generaliter parato, in regnum Vngariæ Komaron vsque ad hostium vim reprimendam descendit, ibique non solum Vngariæ, sed & totius Christianitatis propugnacula contra hostiles incursiones tutatur.

40 Tatarum gens immanitate barbara, à Solimano exciti, superiores Vngariæ partes, ultra & citra Tibiscum latè discurrent, prædas abigunt, omnia flamma vastant, omnisque ætatis & sexus homines partim cædunt, partim in seruitutem perpetuam abducunt. Horum ad decem millia à Suuendio superantur, cæduntur, ac finibus eiiciuntur: Ducibus ipsorum begis Turcicis altero interemto, altero lethaliter sauciato.

Ab eodemque Suuendio Georgij Bebeci perduellis arces aliquot, Zabatica, Pelfozium, Combazzecum, Crafnathurca, Gadige, aliaque his vicina, tum castella, tum munitiones expugnantur.

50 Giulia, & Zigethum munita Vngariæ loca in Turcorum potestatem veniunt, fortiter pugnante, & tandem occumbente Comite Zerjnio, cum insigni nobilium Vngarorum, strenuorumque militum numero interemto. Descripsit hanc duarum munitionum expugnationem Ioannes Sambucus.

Triduo ante expugnatum Zigethum, Solimanus, cum antea etiam vt fama fuit, epilepsiæ paroxysmis, item apoplexiæ, podagræ, & gangrænæ obnoxius fuisset, in castris moritur dysenteria, die i v. Septemb. anno ætatis 76. vel, vt nonnulli

malunt, 67. postquam imperio præfuisse annos 46. menses 6. Eius obitus tantisper occultatus fuit, astu vasserrimi Veziris bassæ Mechmetis, (necato etiam noctu Solimani archiatro, ne per eum Imperatoris mors emanaret) dum Selimus Solimani filius, occupato citra tumultum imperio, ad exercitum in castra venisset. Ferunt hunc Solimanum, qua fuit barbarica arrogantia, & iactantia, sæpius dicere solitum, Romæ, ac totius Occidentis imperium ad se pertinere, propterea quod ipse Imperatoris Constantini, qui imperium Byzantium transtulit, successor sit.

Occupato Zigetho Baboza, cui Turci iam appropinquabant, ab incolis incensis incensa deseritur: quorum exemplum Sacchani, & Zorgenfes imitantur.

Hoc eodem anno, xxi die mensis Septembris, Selimus II. ætatis annum 10
agens 42. in imperio Solimano patri successit, Turcarum rex xii. Imperator v. 1567. Selimus ob imminentis hyemis asperitatem Constantinopolim redit, relicto in Vngaria cum satis magnis Turcorum, Valachorum, Tartarorumque copiis Pertauo Bassa, Transsylvaniæ Principi auxilium aduersus Maximiliani Imperatoris exercitum laturo.

Transsylvanus Tocaum obsidione cingit, sed eam soluere cogitur, Tataris, Turcis, & Valachis auxiliariis, illius ipsius ditionem populantibus, & inaudita crudelitate passim in fortunas, & corpora miserorum cuiusvis ætatis, & sexus grassantibus: quos postea accepta haud exigua clade territos, atque in Podoliam & Russiam fugatos Palatinus Russorum debellauit. 20

1568. Zatuorum haud levis momenti castrum in finibus Transsylvaniæ situm, Suuendij virtute, medio mense Ianuario expugnatur: quo in loco Suuendius parum abfuit, quin tormentariis globis peritus occubisset.

Muncazio loco munitissimo in Transsylvaniæ finibus per deditionem capto, induciæ quædam fuerunt, vt de pace actiones institui possent: sed earum parum obseruantes Transsylvani duces, quia videbant Suuendium, ne spem pacis inturbaret, Cassouiam abiisse; collectis non magnis copiis, impressione nec opinata Rifuarum adorti capiunt, & thermas, quas Riuulos Dominorum appellant, biennio antè à Suuendio ipsis ademptas, occupant: sed Ruberus Suuendij legatus vtraque recipit, præfidiarios Rifuari interficit: Riuulis autem exorto incendio, propugnatores maiori ex parte extinguuntur. 30

Hoc denique anno pax, octauo quoque anno renouandæ, inter Maximilianum Augustum, & Selimum coit, qua Transsylvanus etiam comprehendebatur. Eius cum aliæ leges, & conditiones erant, tum, vt quisque sibi retineret, quicquid eo bello cepisset. Id quod Maximiliani rebus plurimum profuit: qui fines suos opera Suuendij sic ampliaret, vt ad quadraginta milliaria Germanica cis, & ultra Tibiscum latè dominaretur.

1569. Splendidissimum, & instructissimum Venetiis nauale sub medium mensem Septembrem, accenso tormentario puluere, maximo cum reipublicæ detrimento conflagrauit. Ibidem tam in vrbe, quàm terra continente, diuturna & 40
inuitata quædam erat annonæ caritas. Quo Venetorum aduerso casu permotus Selimus, (licet initio regni pacem à Solimano patre cum Venetis initam confirmasset) vel propria ambitione, vel suorum impulsu, bellum iis inferre statuit, sub prætextu regni Cyprij cuius possessionem nullo iure à Venetis hætenus usurpatam, Selimus ob successionem gentis Otomanicorum in iura Sultanorum Ægypti, ad se pertinere contendebat.

xxvi Septembris die incendium Constantinopoli exoritur, quod totum biduum durat, & domorum, ac multiplicis mercimonij tabernarum circiter triginta & sex millia absumit, Ianizaris, quorum Præfectus decumbebat, ad extinguendum ignem non accurrentibus. 50

1570. Selimus per legatum Venetias missum, Cyprum insulam à Senatu reperit. ferensq; repultam, bellum ei denunciat. Hinc Cyprium bellum, quod à Ioanne Baptista Contareno Veneto, & Petro Byzaro Sentinate descriptum habetur, exortum: ad quod gerendum Selimus tres Bassas, Mustapham cum copiis terrestribus, Piali, atque Alin cum classe mittit.

Pialis Bassa profectus cum suis ad Tenum Insulam Venetorum in Ægæo, ferro ac flammis eam, non sine graui tamen suorum iactura, direptam vastat.

Sebastianus Venerius, Insulæ Corcyræ maxima cum potestate præses, mense Iunio Suppotoum castrum Albanix non procul à Corcyra situm expugnat, præsidioque imposito rebus necessariis munit.

Sub eiusdem mensis exitum Marcus Quirinus, classis Venetæ in Hadriatico mari præfectus, arcem sinus Mainensis ad portum, quem vulgò Qualliarum, siue Coturnicum vocant, positam feliciter expugnat, actisque sub ea cuniculis, & supposito incensoque puluere tormentatio, funditus euersam diruit, ne barbaris amplius receptum præberet.

Nicosia Cypri metropolis sub exitum mensis Iulij à Mustapha Bassa obsideri cœpta, & acerrimè tam oppugnata, quàm defensa, decimo tantum Septembris die in hostium potestatem venit, miserèque diripitur, cæsis præsidariis, extincta nobilitate, perexiguus reliquiis seruituti mancipatis.

Quarto Octobris die in Famagustæ vrbis conspectu Prætoria Mechmetis Veziris Bassæ primarij triremis, & aliæ duæ naues magno captiuorum vtriusque sexus numero, flore nimirum iuuentutis Nicosiæ, & multa, atque preciosa præda onustæ, vt Constantinopolim Imperatori Selimo dono mitterentur, puluere tormentario, vel ipsius gubernatoris negligentia, vel studio captiuæ fœminæ nobilis, quæ mori, quàm indigna ab immanissimis hostibus pati maluit, incenso, in vniuersum disiciuntur, omnibus, qui in iis fuerant, exceptis gubernatore cum tribus captiuis, qui aufugerant, miserè peretintibus.

1571. Famagustam Mustaphas Bassa obsidere cœpit mense Aprili.

Turcica classis Duce Ali Bassa, Cretam insulam (nunc Candiam vocant) petit, vbi exposito in terram milite, sæuitum in obuios immaniter. Rhetymum oppidum ab incolis desertum, mense Iunio, nemine resistente vastatur. Cæteræ ciuitates munitæ, & oppida detrimentum nullum accipiunt. Desiderati Turcicis è copiis tria millia septingenti.

Cerigus Veneti iuris insula, (Cytheram veteres dixere) maiori ex parte diripitur. Zacynthi, & Cephallenix suburbia, & vici excidio dantur. Suppotoum arx, cæsis, captisque præsidariis, à Turcis recipitur: cuius etiam præfectus Manuel Murmurius, vir bello strenuus, in hostis potestatem venit.

Dulcinium situm in Albanix, Dalmatiæque finibus oppidum, mense Iulio Turcis se deditit, ciuibus libertatem suam, militibus vitæ pactis incolumitatem: qui tamen contendentes inter se de possessione oppidi Bassis, plærique omnes in seruitutem abducuntur.

Potuntur Turci etiam Antibari, per summam ignauiam deditionem faciente Alexandro Donato Præfecto: item Butua, quæ, quod versus mare parum munita esset, defendi non potuit. Liesenæ insulæ (Farum Dalmatiæ vocant) suburbia depopulantur, arcem tentare non ausi. Insulæ Curzolæ (quam Corcyram nigram vocant) Vlatim pagum flammis iniectis exurunt. Oppidum insulæ, quod ipsum quoque Curzolæ nomen habet, à viris desertum cum aggredierentur, fœminis animose patriam defendentibus, memorabili cum marium Curzolanorum, & ipsorum hostium infamia, fœmineique sexus immortalis laudare iiciuntur.

Famagustani aliquot menses obsessi, cum fortiter hætenus omnem vim hostilem sustinuissent, tandem mense Augusto, in extrema rerum omnium penuria deditionem fecere, certis cõditionibus à Mustapha Bassa approbatis, ipsiusque manu subsignatis: quæ tamen seruatz non sunt. Marcus enim Antonius Bragadinus, sub quo defensa hætenus Famagusta fuerat, cum illustri nobilium virorum Comitatu in Mustaphæ castra veniens, eique clauis ciuitatis, quod in deditionibus fieri solet, offorens, exceptus initio comiter à Mustapha Bassa, mox ab illa crudeli bellua per summum scelus violata fide, cum aliis per ludibrium adficitur exquisitis iniuriis, tum ad extremum viuus exoritur. Laurentius Teupolus Paphi præfectus, qui & ipse cum aliis Famagustam singulare virtute

propugnârat, suspendio necatur: cæteri dedititij immaniter cōtrucidantur. Turcorum, qui obsidionis principio in vniuersum ad ducenta millia censebantur, obsidione durante octuaginta millia periisse constat.

Die v i i. Octobris committitur à classe Hispanica & Veneta prælium cum classe Turcica ad tres exiguas insulas, vel marinos potius scopulos, quos Strabo Echinadas insulas, Apollodorus Strophadas, hodie Cuzolaros tam Græci, quàm nostri vocant. Victoria potiuntur multis à sæculis inaudita Christiani. Perit occisus Alis Bassa, Pertauus Bassa animaduerso præsentis suorum interitu, non magno nauigio fugiens ad terram euadit. Vluzalis mari profugit cum triginta plus, minúsve triremibus. Cæsa fuerunt ad vigintiquinque millia hostium, capta 10 quatuor millia, classis hostilis vniuersa cum spoliis immensis Christianorum in potestatem venit, iis duntaxat exceptis triremibus, quos euasisse diximus. Liberata Christiana mancipia supra quatuordecim millia. Cum hæc fœderatorum Principum naualis victoria in Perside nuntiata fuisset, multique proceres ad arma palam in Turcos capienda Regem suum Tecmasen adhortarentur, non prius se capturum respondit, quàm vidisset vtiliores Christianorum progressus: parui referre, ligneas scutulas demersisse, dum sunt incolumes syluæ, ac possidentur, vnde possint aliæ exscindi.

Hac Turcis illata clade, Veneti Margaritanum, in Chimeriotarum regione, quæ Albanæ pars est, haud procul à Coreyra situm, deditioe capiunt, x i i. No- 20 uembris die, barbaris vitam, facultatesque paciscentibus: ipsum castrum mox igne concrematum diruunt. Suppotoum quoque desertum à Turcis Albani occupant, & Venetis restituant: à quibus redditum deinceps Selimo fuit.

Hoc eodem anno obiit Ioannes Sigismundus Transsylvaniæ Princeps; cui cum onere tributi annui Turcarum Imperatori soluendi successit Stephanus Barthorius Somlianus, nobilis Vngarus.

1572. Mense Maio anni proximè sequentis tentata fuit à Venetis obsidio Castellum noui in Dalmatia, captaque suburbia: sed succurrentibus barbaris ab obsidione discessum.

Veneti, cum tantoperè à Turca terra marique premerentur, omnia ad bel- 30 lum necessaria rursus apparant, sed sociis classibus tardius aduentantibus, & Turcica classe vt plurimum retrocedente, nec pugnae copiam faciente, nulla referè memorabili gesta in hyberna reditum. Cæsi tamen aliquot centeni Turcorum, & in his Begus Mitylenensis, Dragutis gener in frustra dissectus.

1573. Turci duce Vluzali Bassa, excusso Amida rege Thunifino, (vel Thunetano) auctoritate Selimi alium in eius locum suffecerunt.

Ioannes de Austria nauali de Turcis victoria toto iam orbe celebris, ab Amida rege Thunifino à Turcis fugato, & Guletæ, quæ Hispanorum præsidio tenebatur, priuatam cum duobus filiis vitam agente, regni autem recuperandi desiderio flagrante exoratus, insigni cum classe, comitatus etiam cū aliis triremibus 40 à Duce Sueffano, & Ioanne Andrea Doria in Africam traicit, Thunifim occupat, regem à Turcis datum in potestatem redigit, urbem captam militi suo diripiendam concedit, Abidam fluxæ fidei hominem cū duobus filiis in Siciliam transfuehi iubet, Machometè Abidæ fratrem regno præficit, accepto prius ab ipso Sacramento, quo se perpetuò fidelem Hispano regi clientem futurum promitteret. Inde communicato cum aliis consilio nouā munitionem inter Guletam & Thunifim ad interiectum vtrique lacum exstruere instituit, vt hoc modo & Guleta firmior efficeretur, & tanto facilius in fide barbari continerentur.

1574. Initio sequentis anni Veneti certas ob causas, non consultis, & inuitis adeò Pontifice, atque Hispano, contra leges fœderis, pacem cum Selimo faciunt. 50

Selimus ægerrimè Christianorum in Africa progressus ferens, Sinanè Bassam classi supremo cum imperio præfectum in Africam mittit, qui cum noua munitione nondum perfecta, & præfidiariorum etiam numerus, exauctoratis temerè nonnullis, quos omnem in euentum retentos oportuit, deminutus esset, munitiones illas omnes nullo propè negotio in potestatem suam redigit. Guleta expugnata,

expugnata, & solo æquata Christiani omnes, exceptis quatuordecim ex proceribus, qui vincti Constantinopolim sunt missi, crudelissime trucidati sunt. Cattera Guleta præfectus, quem quidem proditoris nonnulli insimularunt, præmii loco pro vili mancipio aliquandiu habitus, & propè Corcyram in ignominiam Hispanæ gentis ad necem vsque fustibus, iussu Sinanis, cæsus. Gabriel Serbellonius Mediolanensis, nouæ munitiois perficiundæ causâ à Ioanne Austriæ cum præsidio relictus, crudeliter à Sinane Bassa tractatus. Hoc modo præteritis eiectioni sunt Hispani ex Aphrica intra trigessimum & sextum diem: amissaque per summam ignauiam ea, quæ Carolus V. Imperator in potestatem optimo consilio redegerat, vt securitati Siciliæ, regni Neapolitani, totiusque tum Italiæ, tum Hispaniæ consulere.

Sinan Bassa ex Aphricano bello rediens & Corcyram insulam exscindens, in insulanos, reiectis etiam muneribus, quæ ipsi offerebantur, immaniter grassatus, Corcyræ muniendæ Venetis causam præbuit.

Selimus Maronitas & Tuscos populos, Libanum montem inhabitantes, religionemque profitentes Christianam, sub iugum mittere, sed frustra tentat.

Princeps Iuonia, (sic Ioannem vocant) Valachiæ Despota, quum iniqua perentibus Turcis denegasset, adiunctoque sibi non magno Polonorum equitum, militumque numero, nec contemnendis suorum coactis eopius, nimis graue barbarorum iugum excutere conaretur, à fidelissimis sibi creditis proditus, qui missi fuerant, vt à traiectione Danubii Turcos arcerent, indignam magnanimitate sua mortem oppetit. Et Petrus alterius Valachiæ Principis frater, fauentibus Turcis sufficitur. Cæsa ab Iuonis exercitu Turcorum, Muldauorum, & Vngarorum supra ducenta millia. Descripsit huius historiam belli Leonhardus Gorecius, eques Polonus, vbi sub finem hæc addit: Post tam ignobilem cædem Iuoniæ, Selimus totam Muldauiam occupat: omnes ferè stirpis Valachicæ, tam summos, quàm infimos crudeliter è medio tollit, totaque Valachia occupata, arcibusque ipsius firmo præsidio munitis alia multitudine alibi in colonias deducta, in Russiam intentus est.

30 Mense Augusto Seraclium (sic arcem vocant Turci) Portæ Imperatoris ferè contiguum incendio perit, quod intra biduum vix integre restitutum est. Damnum quod fecit eo incendio Imperator, decies centenis millibus, à quibusdam pluris æstimatur.

Eodem anno mense Decembri obiit Selimus II. Solimani filius, cum regnasset annos octo. Ferunt huic diuinos quosdam hoc imperii tempus prædixisse: quod cum breue ipsi videretur, solitum fuisse dicere, voluptatibus impendendum esse. Quare etiam venere, & vino exhaustus febre extinguitur. Bella non nisi per legatos gessit.

1575. Extincto Selimo II. filius ipsius Amurates III. imperium auspicatus est, 40 annum agens ætatis xxvii. Turcarum Rex xlii. Imperator vi. Hic ante omnia recepto more barbaro, strangulari quinque fratres natu se minores in præsentia sua iussit: quorum minimi ceruicibus & iugulo, cum pro more neruus adhiberetur, incertum an tenerioris in hunc amoris causâ motum, an conscientia patrata crudelitatis in omnes, illachrymasse quidem ipsum constat.

Eodem hoc anno Ismael II. Tecmasis (vel Tammasi) filius secundogenitus, fratre eius Haidar Mirise decimosexto regni die à Proceribus quibusdam occiso, Persarum Rex, Sangiacum quendam Curdum, qui à Turca defecerat, receptans, accedentibus etiam aliis causis ex superstitionum dissidiis, & vana somniorum apud Turcos obseruatione, falsaque eorum interpretatione, occasionem præbuit 50 bello atrocissimo inter Persas & Turcos gesto, quod descriptum extat à Petro Byzaro Sentinate, latina, & Ioanne Thoma Minaduo Italo, patria lingua, inde in Germanicam etiam linguam translatus.

Turci limitanei Duce Hufreue Bassa, Wani Beglerbego, Persicis finibus damnum per incurfiones inferre incipiunt.

Imperator Turcicus memor cladis, quam Iuonia cum Polonis Cosaccis su-

periore anno ditionib. Turcicis intulerat, ut aliquādo Polonos vlciceretur, immis-
 missis mense Octobri centum & vndeim millibus Scytharum (siue Tatarorum
 Præcopiensium) regiones Russicas quæquæ versus ad quadraginta miliaria per-
 uastat, ducentas domos equestris ordinis, ac pagos permultos flamma iniecta im-
 mites isti hostes exurunt: senioribus è plebe, puerulisque plorantibus contruci-
 datis: Nobiles circiter triginta vel in præliis occidunt, vel cum vxoribus, liberis-
 que in Valachiam miseris modis colligatos abducunt, multos boum, ouiumque
 greges, multa equorum atmenta abigunt. Interea Cosacci Borysthenis atcole
 ducentis Bogdano Rosinskio in Scythiam irruunt, flamma & cædib. omnia com-
 plecti formidarum vbera abscindunt, alias excæcant, liberos illarum collidunt, & 10
 veteres captiuos liberant.

1576. Stephanus Batorius Transsylvaniæ Princeps, Turcis Erdelianus Begus
 dictus, commendatione Amuratis Patroni sui Poloniæ Rex factus est, cum Hen-
 ricus Valesius Gallus à morte Caroli IX. fratris in Galliam se recepisset.

Ismaeli II. Persarum Regi propter nimiam sæuitiam veneno, quod sororis o-
 pera propinatum ipsi fuerat, sublato, succedit frater natu maximus, Tecmasi filius
 primogenitus, Muchemetes, cognomine Hodabendos, quod Dei seruum signifi-
 cat. Hic bellum Turcicum à fratre inchoatum prosequuturus, filium Emir Chan
 Mirisen, magni iuuenem animi, gerendarumque rerum in primis audum supre-
 mo cum imperio suis copiis præficit: prius tamen quàm hostile quid faceret, lega- 20
 tos ad Amuratem, de pace inter cognatas, & eiusdem superstitionis gentes con-
 feruanda tractaturos mittit.

1577. Muchemetes Persarum Rex cognito Amuratis animo à pace alieno, vires
 suas vt confirmaret, & cum populis Vlu Chan Chitaino, & Kezies Bassæ subditis
 fœdere inito, eos sibi bello contra Turcos gerendo socios adiungit, & à quibusdā
 non paræ auctoritatis Turcis auxiliares, & à Georgianis quoque, antiquitus Ibe-
 ris dictis, copias non exiguas impetrat.

1578. Exercitus Turcicus, qui erat numero ad duceta millia, cui Mustapha Bassa
 supremo cum imperio præfectus erat, Georgianorum (Christianam hî religionem
 Græco ritu colunt) res per summam crudelitatem agere ferro incipit. 30

Mustapha Bassa Principis cuiusdam fœminæ inter Georgianos filios duos,
 subiectionis & obedientiæ erga Amuratem caussa sub fide publica ad se missos,
 nulla datæ fidei habita ratione, Constantinopolim mittit, Amurati insinuās, mo-
 dō ditionem illam iugo subiicere suo velleret, daret operam, vt vel vterque, vel al-
 teruter duntaxat Turcicam amplecteretur religionem, id quod à fratre natu mi-
 nore factum: alter natu maior, licet multum tentatus precibus, promissis, minis de-
 nique formidabilibus, cum adduci non posset, vt Christianam fidem desereret,
 vbi primum cum fratre in patriam reuersus esset, expirat, veneno vel à fratre, vti
 existimatum fuit, vel à Turcis propinato sublatus.

Idem Mustapha Bassa post varios conflictus, & pugnas, quibus modo cum 40
 Persis, modo cum Georgianis insigni cum exercitus iactura congressus est,
 (vno enim prælio mense Augusto, duce Tecmasi Reuani domino xv. millia Tur-
 corum cæsa) Tiphlisum urbē in Georgianorum regione, mense Septemb. capit.

Redactō in potestatem Turcici Imperatoris Tiphlisio, ac Beglerbego, &
 Quæstore ei Præpositis, Mustapha Bassa, transmissio cum copiis flumine Ares, vbi
 vno duntaxat die xvi. millia suorum amisit, quos vorticosus amnis præter e-
 quos, camelos, & mulos absumpsit, Siruano, Siruani, siue Mediæ metropoli, ne-
 mine resistente potitur, cum Persæ facultates suas omnes auexissent, totamque vi-
 ciniam ferro & igni vastassent. Verum digresso Mustapha, & relicto Siruani cum
 præsidio Beglerbego, Persæ cum eo prælio congressi, victoriam insignem conse- 50
 quuntur, Beglerbego omni cum exercitu cæso: Siruanum recipiunt, res à Turcis
 relictas diripiunt, Siruanum muris nudant, & propugnacula à Turcis ædificari
 cœpta diruunt. Periisse hoc primo belli Persici annū dicuntur Turcorum septua-
 ginta millia.

Osman Bassa (siue Secretarius aut Consiliarius) Portæ factus, & cum exer-
 citu

citu in Georgianorum finibus à Mustapha relictus, Siruano à Persis recepto, cum paucis suorum Temircapim, siue Derbentum aufugit. Principem eius loci amicum sibi reddit, filia eius matrimonio sibi iuncta, cuius opera postmodum focerum veneno tollit, & totam istam regionem, possessione sibi ab Amurate confirmata occupat.

Hoc eodem anno Bassa Budensis, nec multò post, vel certè anno sequenti etiam Alexendrinus Præfectus Amuratis iussu strangulantur.

1579. Osman Bassa acceptis auxiliariis copiis L X. Tatarorum millibus, quibus duo Tataria Regis fratres præerant, & rebus aliis bello necessariis, ex arce Temircapina solitis in Siruani fines excursionibus damnum Persis inferens, eos ad prælium alicit, quo Tataři ad internecionem vnà cum altero Tataři Regis fratre caduntur ac delentur. alter frater viuis ab hostibus capitur. Osman ipse Bassa cum paucissimis suorum vix saluus euadit, quibuscum more latronum quotidie vicinas sibi ditiones prædis agendis infestare incipit, nullo nec amicorum, nec hostium discrimine, rationeque habita.

Mustapha quoque Bassa exercitum ad fines Persicos ducit, diuersisque præliis modò cum Persis, modo cum Georgianis confligens, inferior semper, insigni cum suorum clade discedit. Carseum tamen munit, & Beglerbegum ei cum Quæstore præficit, sicut & ad Tschilderim, in Georgianæ limitibus.

20 Vluzalis Bassa, præfectus maris, ab Amurate in Mengreliam, regionem populorum Colchidis missus, iis in locis munitionem, Fassam nomine ædificat, quo facilius in Georgianos duci copiarum possent: sed ea non multo post Vluzalis discesum penitus ab hoste diruitur, & vastatur.

Persa de dispersis hinc inde propter egestatem, contagiosæ luis vim, & imminens hybernium frigus, profugisque Turcis factus certior, in hosticum profugit, prædaque ingenti onustus, in hyberna militem & ipse dimittit.

Mustapha Bassa, ob res infelicitè gestas ad Portam ab Amurate reuocatur, eiusq; in locum sufficitur Sinan Bassa, cui confestim imperatur, vt primo vere semet ad expeditionem Persicam rebus ab omnib. egregiè paratus, & instructus accingat.

30 Vndecima Octob. die, Machumetes Bassa, homo penè octogenarius, qui quæ trium Imperatorum supremus Vezires, siue locum tenens fuerat, hora quarta pomeridiana, à quodam mendico Turcico, (talè quippe se dissimulauerat) supplicationem exhibente, in aulico suo Senatu (Diuanum Turci appellant) interficitur, percussus cultello in dextrum pectus illiso, ex quo vulnere duabus post horis moritur: homicida pariter sequenti die in quatuor partes dissecatur.

Mustapha Bassa in summo vitæ versans discrimine, immensis largitionibus aliquam apud Amuratem gratiam redimit.

40 Sinan Bassa supremo cum imperio, Veziris azemis, hoc est, supremi consilarii Portæ in super dignitate ornatus, contra Persas mittitur: sed propter militum ab antecessore relictorum paucitatem nihil admodum memoria dignum efficere potest: ingressurus Georgianorum regionem, magna clade afficitur, multis ibidem etiam bellicis machinis amissis.

Eiusdem exercitus Tiphlisio ab hostibus circumfesso auxilio missus, tanto cum impetu à Persis & Georgianis inuaditur, vt omnib. rebus amissis, propè nullus ex eis saluus ad Sinanis castra reuerteretur. Quo factum est, vt intra Tiphlisium obsessi Turci, dira fame, gustatis etiam canum, muriumque carnibus, extinguerentur.

50 Mense huius anni Augusto, Regis Persici orator Maxudes Chan, pacis cum Turcis componendæ causâ Constantinopolim missus, quia Turci nimis iniqua postularent, vt nimirum Persæ ipsis omnia tam Siruano comprehensa, quàm extra Siruanum posita loca, tentoriaque relinquerent, quibus hoc bello Mustaphæ Bassæ equus calces suas impressisset, quod Persis faciendum non fuit, re infecta Constantinopoli discedit: domum reuersus aliquanto post perduellionis crimen incurrit, & Rege suo deserto, Amuratis se fidei permittit, Ferhatemq; Bassam deinceps ad bellum Persicum proficiscentem sequitur.

Eiusdem mensis Augusti die sexto Mustapha Bassa Constantinopoli moritur, vel morbo ex usu melopeponum contracto, vel sumpto veneno metu supplicii, quod vereretur ne priores ad causas, ob quas Amuratis indignationem incurrerat, accedente Perfici Oratoris accusatione de suppressis aliquot Regis sui legationibus, magna cum infamia vitæ periculum adiret. Facultates mortui fisco fuerunt illatæ, portione quadam nepotibus relicta.

1581. Sequenti anno nihil ferè memorabile gestum fuit, propter extremam in limitibus & castris inopiam, ipsis etiam militibus ab hoc bello prorsus alienis, & quacunq; ratione possent, se subducentibus. Pactis igitur induciis de pace agi cœptum. Sinan Bassa relictis castris Constantinopolim proficiscitur, & magna pompa ab obuiam sibi prodeuntibus Portæ proceribus excipitur.

Eodem anno Constantinopolim vocatus venit Beglerbegus ciuitatis, & dominationis Ezerumensis, qui quod inauspicati belli suator extitisset, capitis pœnas dedisset, nisi matre & vxore Amuratis centum millib. aureorum sibi conciliatis, & exinde pro se intercedentibus, veniam ab Imperatore ita impetrasset, vt continuò ducenta ducatorum millia in Amuratis ærarium inferret.

Machometes Amuratis filius, maxima, & hæcenus inusitata atque inaudita pompa Constantinopoli circumciditur, præsentibus Imperatoris Romani, item Galliarum, Poloniæ, Persiæ, & Africanorum, Maroci, & Fessæ, ac Tatarorum regum, Erdelii, Moldauicæ, Valachicæ, aliorumq; Principum, ac Senatus Veneti legatis. Egit tum Machometes ætatis annum xv. vel vt alii, xvii. Durauit ipsa festiuitas, in quam impenso sumptus æstimantur decies centenis millib. ducatorum, totis quadraginta diebus, & noctibus continuis. cœpit enim 28. die mensis Maii, & durauit ad 7. Iulii, quo sub ipsum noctis initium à Mechmete Bassa postremo inter Vezires, qui Solimani tonfor aliquando fuerat, non publicè, sed in patris cubiculo circumcisus fuit. Munera Machometi oblata æstimata dicuntur vities centenis millibus ducatorum. Exitus huius tantæ festiuitatis fuit aliquando tristior, propter filium Amuratis alterum Mahumetem tertio post ortum die extinctum, id quod factum 17. Iulii, propter excitatum incendium in publicis, & amplis nonnullis diuersoriis, & exortum inter Ianitscharos, & Spahios, siue equites tumultum, qui tragicum penè & cruentum huic festiuitati exitum præbuisse. Amurates certè cum filio Machomete paucis admodum suorum comitatus, summo mane diei 22. Iulii, tantum non sese subduxit, atque in interiorem aulam recepit. Extat historia totius huius festiuitatis descripta Germanicè.

Dum hæc Constantinopoli geruntur, Osman Bassa per inducias Siruanum inuadens, maximum Persis damnum infert: Sed vicissim ab eis ceditur, omnisq; præda recuperatur: cuius cladis nuntius Constantinopolim prælatus, maximum Persico legato periculum creat.

Eodem anno Persæ & Georgiani coniunctis viribus Turcos adoriuntur, qui Tiphalisio recentes copias cum annonis, soluendisq; militi stipendiis inferre conabantur, multis eorū millib. occisione deletis, & annonis atq; pecuniis interceptis.

Principis illius foeminae annosæ inter Georgianos, cuius mentio antè facta, filio, quod huius cladis Turcis auctor fuisset, Amuratis iussu astutè struuntur infidiæ, quas tamen ipse patefactas sibi per amicos euitat, fuga sibi consulens, & ab Amurate deficiens, ditionem suam ab Otomanico iugo, tyrannideque liberat, seque cum aliis Principibus tam Georgianis, quàm Persis coniungens, perpetuis excursionibus fines Turcicos infestare non desinit. Has vt prohiberet Ferhates Bassa ab Amurate magno cum exercitu, & non exiguo numero fabrorum eos ad fines missus, castellum primum inter Garseum, & Reuanum (regionis hoc, & ciuitatis simul Tocmaci Principi subiectæ nomen est) extruit: inde cum copiis progressus, arcem Reuani fabricat, præsidioque, & aliis rebus necessariis firmat, vnde Turci per Reuanenses agros aliquoties excurrentes omnia rapinis exhauriunt, sed sua potius cum iactura, quàm lucro.

Potocoua nobilis Polonus, qui cum Cosaccis Benderiam Turcici iuris oppidum versus nigrum mare situm, ceperat, ac dirupuerat, aliaque Turcis, qui ab aliis

aliis lædise nolunt, quum maximam sibimet ipsi nocendi licentiam in finibus sumant, damna grauissima dederat, eum fraude amicorum in Stephani Poloniæ regis potestatem venisset, Amurate per legatum res repetente, & non sine minis supplicium eius exquirente, contra datam ipsi salui commeatus fidem, capite prectitur. Tantum in hoc Potocoua robur fuit, vt equorum soleas ferreas etiam recentes, nullo negotio manibus, instar chartæ, vel alterius rei fragilis rumperet.

Eodem anno sex, plus minusve Turcorum millia Duce Sangiaco Solnocensi, qui deinceps Bassa Safuarenfis, siue Zigethanus nominatus fuit, prædæ faciundæ causâ collecta, celeritate quadam inexpectata regionem Cepisiensem inuaserant, Onodium, quod iis in locis oppidulum est, direptum incenderant, multa Christianorum capita cum amplissima præda secum abduxerant: Sed in reditu à nostris ad Agriam, siue Erlam duabus pugnis vincuntur, & in fugam coniiciuntur, plures eorum cæduntur, nec pauciores capiuntur: præda cum mancipiis Christianis recuperatur. Huius rei nuncius Constantinopolim perlatus, primum magnam Legatis Imperatoris Rodolphi inuidiam conflauit. Cognito autem postea, Turcos nulla laceratis iniuria, regionem istam inuasisse, iræ nonnihil sopitæ sunt.

1783. Ferhates Bassa Georgianorum in agros eductis aliquoties suis, duas in iisdem finibus arces ædificat. Cigaloglis arcis Reuanensis à Ferhate Bassa ædificatæ præfectus, siue Beglerbegus, semel atque iterum à Principe Tocmasæ Reuani domino, prælio vincitur, aliquando etiam vulneratus tantum non in hostium potestatem venit.

Osman Bassa, qui ad Temircapim hærebat, acceptis ab Amurate, exercitus supplemento, artificibus machinarum fundendarum peritis, triremiumq; architectis, nauigia quædam multo milite instructa, mittit ad infestanda maris Caspii littora: terrestres verò copias ablegat, vt tam Siruanensium, quàm aliorum sibi finitimorum agros, non minus amicorum, quam hostium, rapinis dirum in modum agerent, ferrent: sed plerumque magno cum detrimento, suorumque cæde reuertuntur. Ne tamen nihil ageret ciuitates quasdam, Sommachiam, Tabassarā, Cabbam, & alias, quarum illa ad Siruani fines, hæ non longo à Temircapi intervallo sitæ, capit, in quib. omnibus gubernatores, & præfectos idoneis cum præfidiis, machinis bellicis, rebusque ad id necessariis, & annonis relinquit.

Sinan Bassa Vezirazemes, hoc est, supremus Portæ Consiliarius, conquærenti Amurati de clade exercitus Turcici in Perside accepta, & illius belli difficultate, præter expectationem, & ipsius quidem Sinanis pollicitationem sibi accidente, (qui, qua fuit tumida superbia, & arrogantia, aliquoties affirmauerat, se, si belli Dux amplissima cum potestate designaretur, penetraturum vel ad intimam Regis Persici regiam Casiminum, & inde regem viuum in potestatem redactum Amurati missurum:) cum temeraria quadam audacia respondisset, vt his rebus obuiam eundo remedium inueniatur, Scachum Scacho (vel Regem Regi) opponendum esse; istud volens innuere, aduersus Regem Regis opus esse opera: planeque necessario requiri ad obtinendam de hoste victoriam, vt ipse Amurates Dux belli aduersus Muchemetem Perfarū Regem proficisceretur: consilio matris Amuratis confestim omnibus honoribus, in primis dignitate supremi Veziris exuitur: ac parum abfuit, quin occideretur. Bona tamen eius condemnati fisco applicantur: Ipse relegatus & exul Malagræ, oppido Macedoniæ aliquandiu vixit. Sufficitur ei in Vezirazematus officio Siaufes Bassa, natione Vngarus, quo cum nupta fuit Amuratis soror.

Vel hoc, vel superiori anno factum, vt Amurates vnus sacrificuli ex offensa aliqua Iudaico nomini infensissimi suasionibus adductus, Iudeos ad vnum omnes quitum Constantinopoli erant, interfici mandaret, quod contempta sua maiestate, atque conculcata, nefarios de se rumores sparsissent, nec solum regni administrandi imperitum, sed stultum etiam atque insanum appellarent, qui regnum virtute maiorum suorum, & sapientia quæsitum, stultitia atque ignauia sua præcipitaturus esset: Ita enim persuasus Amurates fuerat. Verum antequam iussa exe-

cutioni darentur, intercedente Amuratis matre, animus eius mitigatur, & mandatum reuocatur. Eisdem tamen Iudæos Constantinopoli paulò post eiecturus Amurates, re cum summo pontifice suo communicata, tum religione, tum alia causa prohibetur. Fuisse in eodem tum periculo etiam Christiani, qui Constantinopoli degunt, iisdem criminibus accusati perhibentur.

Podolouius nobilis Polonus, stabuli regii suppræfectus mittitur Constantinopolim, ut impetrato Amuratis consensu, in Anatolia aliquot generosos equos Regi Stephano compararet. Is emptis equis viginti quatuor insignibus, ac planè regiis, cum in reditu esset, instructus saluo Amuratis comiteatu, posteaquam noui Cosaccorum motus, & excursionis nuntius ad Portam peruenerat, Amuratis iussu, ex itinere retrahitur, & famulis ei⁹ quatuor ac triginta, quos in comitatu habebat, vno tantum excepto puero, qui solerter in syluam profugiens, euasit, trucidatis, ipse post conceptas ad Deum preces, capite plectitur. Res omnes ipsius, & Comitum regiis cum equis Constantinopolim reducuntur: Equi iussu Amuratis partim in regium Saraium, ad ipsius Imperatoris usus recepti, partim inter Bassas distributi, digitisque singulari cum ignominia Stephani regis passim monstrati fuerunt. Factum hoc mense Augusto.

Hoc eodem anno vigesimo nono die mensis Nouembis, Hama Cadum, Selimi II. relicta vidua, & huius Amuratis mater, diem suum obit, ac propter virum suum Selimum, vbi & quinque strangulati Amuratis fratres iacent, sepelitur.

1584. Initio sequentis anni Legatus ab Amurate ad Poloniæ Regem Stephanum, qui tum Grodnæ in Lituania erat, mittitur, ut eadem Legati regii Podolouii excusaret, quasi is negatus fuisset nullo Amuratis interueniente iussu: quum præscriptos legationi limites egressus, copias Turcicas, quæ tum temporis contra Persas mittebantur, spectatum venisset: cumque diceret Legatus mandato Amuratis adduci à se cædis auctores, (qui tamen non erant, sed fortassis aliud ob malefium capitis anquiriti) de quibus Rex Stephanus supplicium sumeret. Quia vero Cosaccirecens magnum finibus Turcicis damnum intulissent, vicissim petere Amuratem, ut oblata restituerentur, & Cosaccorum Dux (erat hic vir bellicosus, & Turcos in finibus more suo semet insolentius gerentes aliquoties cæciderat) ad necem sibi dederetur: Dux ille fraudulentis verbis Grodnam vocatus cum venisset, intercedentibus apud Regem pro eius incolumitate præcipuis regni Proceribus, non quidem Turco deditus: sed tamen incertum quo deportatus, nunquam ex eo tempore conspectus fuit. Præda Cosaccorum omnis cum captiuis absque cuiusquam impedimento Legato Turcico restituta, & quasi cum triumpho Constantinopolim perlata est.

Hoc eodem anno constituta fuit inter Rodolphum II. Imperatorem, & Amuratem III. induciarum prorogatio, quæ Calendis Ianuarii inciperent, ac nouum ad annum vsque durarent.

Tauricæ Chersonesi partem Borealem, quæ Tatarorum Præcopitarum sedes iam aliquot sæculis fuerat, Osman Bassa, ex Persico bello per Colchidem, & Pontum Euxinum redux, Mense Maio occupat, & in prouinciæ Turcicæ formam redigit: Rege ipsorum Muchemete, quod ex fœdere, quo obligatus Amurati erat, acceptis insuper eo nomine ab ipso ducentis plus, minusve millibus florenorū, vestibus etiam armisque, profectus ad Persicum bellum non fuisset, cum duobus filiis à propriis, & quidem intimis, & selectissimis Consiliariis pecunia corruptis in casa rustica, in qua diuerterat, in frustra conciso. Sic Tataři, qui hætenus liberi & immoti fuerunt, & sociis & fratribus Otomanorum ipsi facti sunt serui: quem amicitia Otomanica finem plerumque habere solet.

Siaufes Bassa, cum alias ob causas, tum verò, quod mittendorum Tataro pecuniæ, reliquorumque subsidiorum auctor Amurati fuerat, interuenientibus etiam occultis aduersus Osmanem Bassam inimiciis, quæ postea patefactæ fuerunt, in publico diuano condemnatur, & à Vezirazematus officio remouetur: eius loco princeps Amuratis Consiliarius constituitur, Osman Bassa, facile Turcorum omnium

omnium secundum Otomanicos, nobilissimus. Fuiſſet Siauses, fatente ipſo Amurate, in pleno diuano, ſine vlla commiſeratione interfectus, niſi in matrimonio habuiſſet Imperatoris ſororem, qua deprecante & vitam, & annonas, & alios redditus, quæ octo circiter millib. florenorum æſtimata fuerunt, ſeruauit, inque domum ſuam ad litus Aſiaticum in hortis ſitam migravit.

Æſtate huius anni Amurates, dum ſe cum multis ſuis (ſunt hi in delitiis Turcicis Imperatoribus) oblectat, quos equis prægrandibus, & ob corporum molem tardis impoſitos, ipſe maximè agilibus, ac præſertim Arabicis uſus ſequetur, & modo in hunc, modo in illum prouectus, nerui bubuli verberibus
 10 tam mutos, quàm equos eorum cæſos ad curſum impellebat. Comitiali morbo ſibi familiari correptus, tam graui lapſu ex equo decedit ad pauimentum alliuſus, vt omninò per urbem veliam moriturus, vel mortuus crederetur: & Ianizarus pro more, velut extincto Imperatore, Chriſtianorum, Iudæorumque tabernas inuolantibus, eaſque diripere incipientibus, maximus penè in vrbe tumultus fuiſſet ſequutus, niſi Ianizarum tribunus, ſumpto de nonnullis ſupplicio, mature iuiſſet obuiam. Ita penè de vita Amuratis, & imperio actum fuit. Paulo poſt tamen is conualuit.

Die 24. menſis Octobris aliquot Begi Turcici ſuis cum copiis, in quibus erant ad decem millia hominum, Carniolæ fines ingreſſi grauiffimam impreſſionem fecerunt: direptis paſſim vicis, ac pagis, magnaue Chriſtianorum mancipiorum multitudine ſecum in ſeruitutem abacta: Quos Iuſtus Iosephus Comes Turrianus, & Tomas Erdendius Comes Muſlouinæ, &c. coactis ſubito duobus hominum millibus, nulla interpoſita mora maximis itinerib. hoſtis tergo inhærentes, tertio tandem die, qui 26. Octob. fuit, ad Slunum Croatiae adſequuntur, inuadunt, & cædunt, captiuos liberat, & prædam recipiunt. Perierunt Turcorum circiter quatuor millia. De hac clade certior factus Amurates, cum intellexiſſet à ſuis iniuriæ factum initium, iure cæſos pronunciauit, affirmans nolle ſe quidquam à ſuis contra leges induciarum ad turbandam pacem in Vngariæ limitibus attentari, iubensque Rodolphi II. Imperatoris Oratori ſuarum ad vtrumque Baſſam
 20 Vngariæ, Budenſem, ac Temeſuarenſem literarum exemplar exhiberi, quibus ſeuerè mandabat, vt milites ſuos limitaneos in officio continerent. Idem vt à noſtris quoque præſtaretur, imperari viciffim petiit.

Eodem anno Ramandanis Baſſæ Tripolitani vidua, cum filio, familia, & mancipiis vtriuſque ſexus quadringentis ferè Conſtantinopolim proſectura, facultatesque ſuas ampliffimas, octies centenis millibus nummum aureorum à Turcis æſtimatas ſecum auctura, coorta ſubito tempeſtate, in ſinum Hadriaticum reii-citur, & à prouiſore eius ſinus, Petro Emo, Patricio Veneto in poteſtatem redigitur, vbi diro quodam, & inaudito furore in captiuos tam mares, quàm ſcæminas ſcæuitum: Maribus occiſis ducentis quinquaginta, filioque Ramandanis Baſſæ,
 40 matris in complexu, & gremio coſoſſo, ſcæminæ quadraginta, prius nefariis polluta ſtupris, vberibus mutilatæ, (quæ quidem viuus adhuc, ſpectantibusque miſellis à quibusdam crudelitate plus quàm barbarica in mare proiectæ perhibentur) diſſectæ tandem atrociter ad vnâ omnes in aquas à piſcibus deuorandæ præcipitâ-tur. & præter has vna inſigni forma puella Chriſtiana, & in Cypro nobili nata familia vel ſummis precibus impetrare non potuit, quo minus ab Emi fratris filio violaretur, & ſuffocata cum aliis mancipiis Turcicis in mare proiiceretur: Sed Amurate grauiffimè apud Venetos de iſta immanitate conquerente, & perpetrati ſceleris pœnas flagitante, ſuiſque ob damnum datum ſatiſſieri volente, alioqui ſe bello ſuorum cædes, & iniurias vindicaturum, minitante: Petrus Emus capite
 50 plectitur, & ipſa triremis cum omni armorum & instrumenti genere, totidemque mancipiis, quot in ea Veneti reperiſſent, redditur.

Hieremias Patriarcha Conſtantinopolitanus nocturno tēpore è Patriarcheio extrahitur, catena collo iniecta per urbis vias ducitur, ludibriis læditur, & bonis omnibus exuitur: poſt durū denique carcerem Rhodum in exilium mittitur, quod cōmunicatis cum Pontifice Romano conſiliis, Calendarium nonū Gregorianum

recepisset: quod tamen Amurates iratus statim abrogat. Succedit ei Cæsareæ Cappadociæ Metropoli, homo indoctus, qui quæ annis aliquot ante Caupo fuerat. Hic præterquam quod pensionem, quam nouus Patriarcha Imperatori sollet persolvere, sex millibus ducatorum auget, etiam alia duo millia eidem Imperatori, nec etiam Purpuratis nihil dat.

Die 15. mensis martii, anni sequentis concessum in Diuano fuit Siausi Bassæ, Amuratis sororio, ut liberè, quibus in locis vellet, versari posset, quod decretum viam ipsi aperuit priorem ad dignitatē redeūdi, id quod non multo post accidit.

Osman Bassa Persicos ad limites accedit, sed occurrentibus intrepidè Persis, modò mille, modò plures, ad decem vsque millia de ipsius exercitu carptim cæduntur. Tandem mense Augusto, Persis insciis, nihilq; tale cogitantibus, Tebrisiū accedit, voluntaria id deditione capit, regiam in eo Persarum, dierum circiter triginta opere cum propugnaculis, tum firmo præsidio, machinis bellicis, & rebus aliis necessariis egregiè munit: Ipse abducturus Tebrisio vniuersas copias, quinto post die in itinere dysenteria moritur.

Extincto Osmane Cigaloglis Bassa, Beglerbegus Reuanensis supremum natus imperium, suos in tutum reducere nititur, quibus Persæ instant, & acerrimo conflictu, eoq; aliquoties repetito, maximam Turcorum stragem edunt: Verum iis impostura quadam deceptis maxima cum celeritate cum suis aufugiens Cigaloglis elabatur, & Vuanum reliquias incolumes ducit. Persæ fugam hostis conspicati Tebrisium reuertuntur, & vrbe recuperata mox arcem obsidere incipiunt. Periisse constat in hisce conflictibus haud dubiè Turcorum ad octoginta millia, in quibus fuerunt veteranorum militum lectissimorum, ad quadraginta millia. Prælia totum continuata triduum, trinoctiumque. Captæ centum ac plures machinæ bellicæ maiores. Rex Persarum re bene gesta, regno semet abdicasse fertur, idque sic tradidisse filio, ut eum sacramento prius obstringeret, quò sanctè polliceretur, nunquam se cum Turcis pacem facturum, ni prius recepisset omnia, quæ iuris aliquando Persici fuissent.

Hac etiam æstate bellum aduersus Maronitas & Truscos Libanum montem inhabitantes, & Christianam religionem profitentes gestum fuit: quorum libertati ac fortunis cum decem annos insidiati Turci fuissent, nunc tandem eos domuit Ibraimus Bassa, Cairi, vel Ægypti Beglerbegus: qui de spoliis thronum regium ex auro puro puto Constantinopolim misisse Amurati dicitur, æstimatum sexies centenis aureorum millibus. Idem Amuratis coniugi, cuius filiam natu maiorem ambiebat, aliisque aulæ istius mulierculis fertur misisse munera, quorum precium ducenta Sultaninorum millia æquarint.

1586. Persis arcem Tebrisianam ab Osmane Bassa superiori æstate munitam obsidentibus, quum obsessi propemodum ad extremam rerum omnium penuriam redacti essent. Cigaloglis Bassa insigni strategemate Persas ab obsidione abstrahit: quo factum, ut conclusis succurreretur, eæque res omnes, quarum inopia laborabatur, cum nouo militum supplemento inueherentur.

Magnus Chaitanus Chan, Persarumque Rex nouum inter se fœdus pepigere, quo mutuis se subsidiis aduersus Turcos ferendis obligarunt. Maioris coniunctionis causa contractum fuit inter liberos vtriusq; matrimonium, Tatarsi Chanis vel Regis filia Persici Regis filio nuptui data. Simul etiam stipulatus est Tatarsus ad vsum Persæ, hominum se viginti millia proprio ære tam diu contra Turcas in armis habiturum, donec bello finis ex voto Persici regis impositus esset.

Mense Maio huius anni Constantinopoli summa cum festiuitate celebratæ sunt nuptiæ Ebraimi, siue Ibraimi Veziris Bassæ cum Huma Kissi, filia Amuratis natu maiore: Dotis nomine numerata sponso fuerunt ducenta ducatorum millia.

Iunio mense orta quædam obscura Constantinopoli nebula fuit, qua desinente, locustis pluit, quæ fructus omnes, & arborum absumpsere folia.

Sub finem anni, mense Decembri Croatinis in finib. aliquot millia Turcorum à nostris numero longè imparibus cæduntur. Perit inter alios Bassæ Bosnensis frater, (natus ex familia Mechemetis Bassæ Vezirazemis, cum quo nupta fuit Selimi

Selimi II. filia, Amuratis soror) cuius caput à ceruicibus recisum, cum captiuis quibusdam Viennam ad serenissimum Austriæ principem Ernestum mittitur.

1587. Mense Febr. annis sequentis, milites limitanei Imperatoris Rodolphi Copanum arcem non procul sitam lacu Balatone, tum temporis congelato, quo tres Turcorum begi conuenerant, ex inopinato adorti capiunt, ex mille plus minusve Turcis, qui in arce, cum inuaderetur, erant, præter alios vilioris fortunæ, centum nonaginta nobiliores, cum septuaginta fœminis in potestatem redigunt, reliquis aut fuga dilapsis, aut sub terra semet intra specus abdentibus: equos generosiores abducunt centum, præda potiuntur æstimata quadraginta nummum aureorum millibus: De tribus Begis, qui id temporis illic fuerunt, Sangiacus Copanensis, Niger Alis dictus, capitur, & Viennam prius, inde Pragam ad Rodolphum Augustum mittitur: alter in loco subterraneo concamerato, quò se defendebat, igne vi tormentarii pulueris accenso, suffocatur: tertius fugæ tum beneficio seruator. Huius cladis causa Vezir Ali Bassa, Amuratis affinis (cuius sororem, relictam viduam Mechemetis Vezirazemis, vxorem habebat) Bassa tum Budensis, non multo post Amuratis iussu strangulatur, vel quia non bene successerat Begorum irruptio ipso coniuente facta: vel vt confirmaret nostros Amurates de sua voluntate in seruandis pactis fœderis, & improbatione excursionum à suis in fines nostros factarum. In locum Alis Bassæ iterum Budam mittitur Sinan Bassa, qui paulo ante Constantinopolim inde fuerat accersitus.

- Anno eodem mensis Augusti die 8. quatuor Begi Turcici, Safuarenfis, siue Zigethanus Bassa, Sangiacus Mohazienfis, Perscheuius, siue Quinquecclesiensis, & nouus ille captiui loco suffectus Copanensis, quinq; suorum millib. collectis, intra fines Rodolphi Imperatoris irrumpunt, & pagis aliquot cis & vltra Limpacum vna cum oppidulis Moracio, Dobronacis ambobus, Resneccio, Tarnaco, septem ac decem in summa pagis repentina impressione obrutis, ac miseris vtriusq; sexus incolis captis, omnia depopulati diripiunt: Hos illustris præfidiariorum castris Canisani Tribunus Georgius Comes Zerinius, Nicolai, illustris Herois, filius, cum vicinis sibi Proceribus, Cisdanubiani limitis custodib. collecta aliqua militum ex præfidiis & subditis manu, reuertentes cum præda, magnoq; captiuorum cuiusuis ætatis & sexus Christianorum numero, supra Catzerolacum, ad vnũ à Canisa miliare, necdum dissipatis omnino tenebris, sub primum diei crepusculũ viriliter adoriuntur, manum conferunt, animosè cædunt, omni armorum genere vulnerant, cedentibus instant, aduersos mactant: eò deniq; trepidationis, ac desperationis adigunt, vt acinaces nostris suos vltro porrigerent, obiicerent, itidemq; cæteris armis depositis alii vitam & incolumitatem voce, gestuque lamentabili deprecarentur, alii quacunque via possent, in sylvas ac saltus aufugerent, ipsisque se paludib. immergerent. Sangiacus Quinquecclesiensis, Alis Bassæ filius, qui in superiore irruptione fugæ beneficio euaserat, hic nostrorum in potestatem venit. Sinan Mohazienfis Begus sclopeti per mediam frontem petitus ictu occumbit. Zigethanus Bassa, cum res suas iam desperatas cerneret, vnà cum Bego Copanensi fuga se subducit è prælio: Copanensis prima post pugnam nocte, quodam in saltu oberrans, cum aliis capitur: Zigethanus euadit. Cæterorum captiuorum fermè mille trecenti fuerunt, de quorum numero multi grauissimè vulnerati post expirarunt. Cæsi tam in ipso prælio, quàm deinceps & in paludibus, ac syluis extincti multo plures ad duo millia. Capita cæsorum quadringenta pro more militari eorum limitum cum sexcentis viuis Canisam duntaxat relata. Potiti præterea nostri mille quingentis, ac eo amplius Turcorum equis: Prædam cum captiuis Christianis recipiunt. Ex nostris, quorum mille quingenti pedites, & quingenti equites fuerunt, vndecim duntaxat desiderati, nonnulli, sed pauci tamen, vulnerati. Non multo post Safuarenfis, siue Zigethanus Bassa Amuratis iussu Constantinopolim vocatus, ob res infelicitè gestas strangulatur.

Mense Decembri huius anni Croatinis in finibus ad Whitzium, Caroli Archiducis Austriæ castrum, quasi nubes quædam anatum, & anserum, aliquot fanè myriadam aduolauit, seque proximum in stagnum demisit, vbi noctu stre-

pitus ingens pugnantium inter se volucrum in tota vicinia, seque mutuis confici-
entium vulneribus auditus fuit. Egressi postridie milites, ciues, agricolæ, tantam
& anatum, & anserum copiam ad fumum, ad aerem exsiccandorum congesse-
runt, vt diutam opima commodè victitarint præda. Nam alii centum, alii ducen-
tas, alii trecentas, alii plures, paucioresve collegerunt mactatas ab se inuicem vo-
lucres. Tandem è prato quodam spaciosissimo sublatis superstites alis auolarunt.
1588. Anno proximè sequenti maximus, & Turcis hætenus inauditus Con-
stantinopoli tumultus exoritur propter non numerata militi stipendia, & mone-
tam adulteratam, exhaustis nimirum bello Persico amplissimis, & ferè immensis
Turcici Imperatoris thesauris: & propter noua, eaque intolerabilia tributa ab A- 10
murate imperata, quæ omnes cuiuscunque ordinis, aut status excepto nemine
conferrent. Huic acerbissimæ exactiõni cum iuxta plebem non Ianitschari tan-
tùm vehementer sese opponerent, ac præ indignatione, officii immemores, præ-
fectum suum, Amuratis futurum generum, ipsos ad obtemperandum Imperato-
ri cohortantem pene interfecissent, & exorto noctu incendio, nec ipsi ad restin-
guendum, quod tamen officii ipsorum erat, accurrerent, & alios etiam, quo mi-
nus id facerent, impedirent, in superq; tabernas mercatorum diripere inciperent:
Sed omnes etiam sacerdotes, ac iudices, cum supremo Turcorum Pontifice con-
tradicerent, eamq; ob causam statas, certasq; preces hebdomatim pro Imperato-
re Turcico fieri solitas intermitterent, eosq; omnes, qui Imperatori auctores hu- 20
ius expilationis fuissent, quin ipsum etiam Amuratem diris deuouerent, suaq; re-
signarent officia, coactus fuit Amurates tributa ista hac vice tollere, & quibuscun-
que modis Pontificem suum cum clericis & iudicibus placare.

In Persia Gentium vrbs, hominibus, & rebus aliis omnibus vacua, à Turcis
duce Ferathe Bassa occupatur, incolis tamen paulo post, promissa eis à Ferathe se-
curitate, in urbem reuersis, volentibus ipsis quinque millia ducatorum tributi no-
mine quotannis petenda imponuntur. Non multo post progressurus Ferathes,
parte exercitus ab hostibus cæsa, milite suo vrgente, à quo in militari tumultu vul-
neribus aliquot affectus fuerat, retrocedere cogitur. Beglerbegus Temircapensis
Siruanum inuasurus, cum omni exercitu ad internecionem cæditur. Cigaloglis 30
Bassa transmissis Euphrate Nehauentum amplissimam urbem voluntaria deditio-
ne capit: Ea occupata, & præsidio satis firmo munita, cum Persis semel atque ite-
rum, multis vtrinque cadentibus, confligit.

Hoc eodem anno Æthiopes in Barbaria Turcis rebellant, & seditio Cairi in
Ægypto commouetur, quæ tamen non multo post componitur.

In Vngaria mense Octobri, Sinanis Bassæ Budensis mandato aliquot vicini
Begi, & Sangiaci cum vndecim millibus tum equitum, tum peditum Turcorum
è Fillico in superiorem Vngariam irruptionem faciunt, direpturi ac vastaturi om-
nem illam regionem, quocunque yenire possent: Castellum etiam Sixum in-
cendunt: sed à præsidariis Imperatoris Romani, quorum mille septingenti sese 40
ipsis opponunt, prælio vincuntur, & fugantur: duo millia quingenti, inter quos
plurimi Ianitschari, & alii, flos quasi ipse exercitus Budensis, cæduntur. multi ca-
piuntur, cum ex nostris trecenti periissent. Cadit ex Turcorum parte Begus Set-
schinenis: Belgradensis accepto vulnere vix fuga euadit. Machinæ quoque bel-
licæ campestris, cum sexcentis plaustris commeatu, & armis onustis in nostro-
rum potestatem veniunt: qui hac potiti victoria, numero aliquot millium au-
cti vicissim in hostium fines impressionem faciunt, Plauensteinium, & Gestes
castra occupant, atque incenso puluere tormentario disiciunt. Sinan vero
Bassa Budensis ob acceptam cladem, & amissa castra, honoribus ac dignitate
exutus, & fortunis spoliatus omnibus, victus Constantinopolim adducitur: 50
in cuius locum Ferhates Bassa, Beglerbegus Bosnensis, miles acerrimus, Bu-
dan mittitur.

1589. Neque sequenti anno quieuerunt tumultus, superiori anno Constantino-
poli excitati. Pactis enim cum Persarum Rege induciis, cum milites & fame ene-
cati, ac fermè nudi solutionē stipendii flagitarent, idq; non solum non acciperent
inte-

integrum, sed nec in moneta proba: conquesti primum de isthac iniuria humiliter, sibi satisfieri, & integra solutione, & pura moneta petunt: Quod cum ipsis denegaretur, innotuissetque, adulteratam monetam à Græciæ Beglerbegò Rumulo importatam fuisse, nouis excitatis turbis flagitât milites, Beglerbegum istum cum Quæstore suo ad necem sibi dari: nec desistunt prius, quàm id ipsum impetrent. Nec hoc tamen modo omnia componuntur. Namque Amurates irarum plenus, cum summum suum Pontificem (quem Musti appellant Turci) & Bassas Vezires (siue Consiliarios) quod tumultus istos non sedassent, nec Beglerbegum de seditionum manibus liberassent, ab officiis remoueret, excitatum militum opera incendium, nemine ad restringendum accurrente, dimidiam penè Constantinopolim absumit: nec igne solum, sed etiam direptionibus plurimum incolis damni datur. Conflagrasse isto feruntur incendio Tempia Turcica (Meschitas isti nominant) septem, viginti quinque amplissima diuersoria, quindecim millia cauponarum: viginti octo millia ædium priuatarum ciuium, & centum triginta millia tabernarum, omnis generis mercimoniis instructissimarû. Rumuli Græciæ Beglerbegi opes relictæ, & aliquot millionibus æstimatæ, in Amuratis thesauros relictæ sunt. Eidem Amurati à Messia Bassa Eunuchò, homine nonagenario mortem obeunte, relictæ supra decies centena millia ducatorum.

Hoc eodem anno Cosacci Nisouii in Turcicos & Tataricos fines irruptionem facientes, damnum iis, quod fidem penè excedat, dant, & sæuitiam antè inauditam ac plus quàm barbaricam exercent: Turcicum oppidum Codon mercatibus celebre inuadunt, inque eo trecentis circiter tabernis mercatorû direptis, atque expilatis, prædam ingentem plurimis interfectis asportant. Quam quidem iniuriam Turci vindicare ipsimet nolentes, Tataros ad inuadendum vicissim Podoliam excitant: quorum numero ad quadraginta millia Polonis minimè expectantibus, repentino impetu, inaudita celeritate, nusquam positus statiuus contento quasi cursu vniuersam Podoliam percurrentes, incredibile dictu, quas cædes, rapinas, vastationes fecerint: Verùm cum in reditu hi essent, & in tria diuisi agmina domos suas repeterent, ad internecionem penè à Cosaccis eos præstolantibus cæduntur, in quibus etiam Regis Tatarici frater occumbit: pauci fuga elabuntur: captiui Christiani omnes liberantur, & præda recipitur.

In Persia Nehauentum, & tota prouincia Hamidan, superiori anno à Turcis occupata, à Persis recuperatur.

Sinan Bassa Budensis Constantinopoli à duobus nobilibus pueris propter crudelitatem atque tyrannidem occiditur.

Incipit agi de pace inter Persas & Turcos.

Sinanis Bassæ Vezirazenis (primarii consiliarii, & locum tenentis) auctoritas minuitur: filius eius Beglerbegus Græciæ omnibus honoribus, & dignitate exuitur: ad quam tamen postea redit.

40 1590. Anno sequenti Amurates irritatus Cosaccorum Nisouiorum successibus, Poloniae Regis ac regni oratori de veteribus pactis, & foederibus, & hæreditaria pace renouandis Constantinopolim misso, quatuor pacis conditiones regno Poloniae parû honestas ac ferè intolerabiles proponit, de tributo annuo Turcarum Imperatori, nomine regni Poloniae pendendo: de arcibus limitaneis solo æquandis: de Cosaccis extinguendis, ac vt in Comitibus electionis noui Regis Turcicus Legatus suffragium teneat, cuius, vt in tribus proximis electionibus factum erat, ratio haberetur. Quæ cum Polonis iniquissimæ viderentur, interuentu legati Reginae Angliæ per Zamoiscium Regis Poloniae Secretarium in aula Turcica res eo deducta est, vt Turcarum Imperator adquiesceret, si pro damnis, quæ Cosacci Nisouii in campis amplissimis inter Borysthenis, & Tyræ ostia vagâtes Turcicis subditis intulerant, centum Quadragenas, (Zimmer vulgò vocant) pellium Zabelinarum Poloni Turco penderent, & Nisouios ex illis locis deinceps remouerent, vel ita coercerent, ne in vicinos Turcorum subditos & socios grassari cædibus & rapinis amplius possent.

Hoc eodem anno mensis Septembris die 5. terræ motus horribilis Viennam

Austriæ, & multa Moraviæ, ac Bohemiæ loca concussit: Viennæ ædes quamplurimæ labefactatæ: Turris Diui Stephani ita conquassata, vt ruina illius metueretur, & de fastigio destruendo consiliū capi necesse fuerit. Templum cænobii Scottorum, & hospitium ad Solem aureum, Patrona, & familia illius diuersorii, & hospitibus aliquod oppressis, concidit. Castellum Canisianum in finibus Vngaricis media ex parte, magna militum strage facta corruit. Praga quoque haud parum contremuisse fertur: Haud procul à Vienna Austriæ agri mephitim exhalant, & solum pluribus locis attris locustis constratum fuit, quæ sub pedibus calcata odorem teterrimum efflarunt. Præsignificata haud dubiè sunt hisce terremotibus paulo post secutæ excursiones, & bellici motus Turcarum. 10

1591. Sequentis anni initio in comitiis regni Poloniæ, & munus pellium Zabelinarum, & magnus ad Portam Imperatoris Turcici legatus, qui pacem & fœdera antiqua Turcis renouet, ac confirmet: Munera etiam Beglerbego, & Bassis Turcicis, qui tractationem pacis Byzantii iuuerant, ad octuaginta millia aureorum decreta sunt. Verum cum munera ista tardiùs mitterentur, nec remouerentur à finibus Cosacci, qui toties subditos Turcicos deprædati fuerant, accederet etiam noua Poloniæ Regis cum Austriaca domo contrahenda affinitas: nouæ inter Turcicum Imperatorem & Poloniæ Regem ortæ sunt offensiones, quæ etiam in bellum videbantur exituræ.

1592. Anno sequenti Turci duce Hazan Bassa Bosnensi, ex Bosnena progressi 20 extremum Croatiæ oppidum, & arcem Wihitsch, quæ annos iam centum quinquaginta orbis Christiani propugnaculum in eo tractu aduersus Turcas firmum & incolume manserat ex improviso obseffum aliquandiu, & deditum occupant: trucidatis, vt ferunt, duobus cuiusq; sexus, ordinis, & conditionis hominum millibus: cæteris in vitam captiuam, ipsa morte durior deductis. Nouam in vicinia ad Colapim fluuium ex robotibus arborum munitionem Petriniam, vna cum ponte paucis dieb. excitant, & in amœnissimum agrum inter Colapim, & Sauum longè latè que rapinis, & incendiis grassantur: Copias Stiriacas & vicinorū à Thoma Erdeud Sclauoniæ Bano collectas, & è regione nouæ arcis Petrinæ, ac pontis recens ædificati confidentes, à tergo circumuentas profligant, ac elapso equitatu 30 pedites, inprimis Stiriacos immaniter concidunt, & maioribus aliquot tormentis potiuntur. Inde per totam Thuropoliam, & populosissimas Sauu, & colapis ripas impunè vagati, ad quatuor hominum millia partim in deplorandam seruitutem, ac morte tristiore abducunt, partim trucidant. Sisseckium arcem ad Colapis & Sauu confluentem sitam propter transitus in Stiriam, Carinthiam, & Carniolā opportunam aliquoties antea tētatam, omninò in suam redigere potestatem cogitantes, Nicolai Miccacci præfecti, & militum præsidiariorum virtute ac fortitudine singulari repulsi eo tempore, obsidionem Sissecki, aliquot oppugnationibus frustra susceptis, deserere coguntur. Insperata hæc Turcarum impressio ingentem terrorem omnibus finitimis gentibus Austriacis, & toti Germaniæ incussit. 40

Panicus quidam terror Labacensem Carnorum metropolim ita concussit, nuntiatio quantumuis falso, de celeri ingentis Turcarum exercitus aduentu, rumore, vt repente tota vrbe trepidatum fuerit, & ad vasa conclamatum: festinantibus omnibus sua quisque arripere, quæ duceret preciosiora, equos, currus, vehicula, qui haberent, conscendebant, cæteri sibi pedites de fuga prospiciebant, matres paruos liberos complectebantur: incondita turba tumultuabatur: clamor ad cælum tollebatur, vlulatus, planctus, vocesq; miserabiles omnibus viis audiebantur, deniq; qua visus erat, lachrymabile vbiq; spectaculū cernebatur. Tandem cū Turcam veluti Hannibalem ad portas vrgere sibi quisq; persuaderet, fuga omniū præceps portis certatim sese effundebat, atq; in tuta auolare pro se quisq; innitebatur. In cæco isto, tumultuosoq; impetu, aliquot pedib. hominum, atq; equorū obtereabantur pueri, nonnullæ etiam mulieres exanimabantur. Qua ex re tanta trepidatio, animique consternatio omnes inuaserat, vt vix triduo, quanquam veri iudices, alii super alios aduētantes, rem periculo carere, hostem viginti, & eo amplius milliaribus ab vrbe abesse nuntiarent, domum redire quisquam auderet.

Rodol-

Rodolphus Imperator Romanus, & cæteri Principes Austriaci ingentem exercitum Turcis opponendum, & amissa recuperaturum ex Stiria, Carinthia, Austria, Vngaria, & superiore Germania colligunt: sed cum hæc serius conuenirent copiar, ac mense Octobri demum castra mouerent: nullum tanto apparatu & tantis sumptibus respondens operæ precium hoc anno fecerunt.

1593. In sequentis anni æstate Hazan Bassa Bosnensis cum aliquot Sangiacbegis, quorum nouem suo subiectos imperio haber, reuersus, expugnata primùm Trefchina, Episcopi Zagabrienfis castello, ad Sisseckii obsidionem initio mensis Iunii redit, & disiectis vi tormentorum muris, interdiu, noctuque oppugnationes
 10 continuat: sed Rodolphi Imperatoris copiar licet minores Turcas adorti, eos profligant, plurimos in flumen propellunt: cæteri qui trans flumen hæserant, ob suorum cladem fuga dilabuntur. Perierunt flumine obruti Hazan Bassa Bosnensis ipse cum fratre, & Sinan Begus, siue præses Clissæ, ex sorore Amuratis Turcici Imperatoris natus, & Memybegus, seu præses Hertzegouinæ superioris Bosnæ metropolis.

Amurates clade suorum exacerbatus, accedentibus supplicibus Sororis ipsius vindictam filii poscentis lamentationibus, & Sinanis Bassæ Vezirazemis, acerrimi Christianorum hostis cohortationibus, statim bellum aduersus Rodolphum Cæsarem apertum decernit: ad quod gerendum summo cum imperio Sinadem Bassam Vezirazemem mittit.
 20

Copiar Cæsaris Rodolphi Petriniam Castellum obsidentes, cognito Beglerbegi Græciæ aduentu, obsidionem soluunt.

Turci Sisseckum vi expugnant, præsidariis omnibus, atque in his aliquot Germanis immaniter trucidatis, & concisis, inq; præterlabentē Colapin abiectis.

Idem Sauum transgressi ad Zagabriam vsque direptionibus, atque incendiis grassati, circiter quinque millia hominum in tristissimā seruitutem abducunt.

Wesperinium totum quatrimum continua oppugnatione conquassatum, tandem in Sinanis Bassæ potestatem venit: Præsidarii secreto exitu egressi, fuga sibi salutem quærunt, sed ab insequentibus Turcis plærique conciduntur: pauci,
 30 & in his Ferdinandus Samaria præfectus, capiuntur.

Pridie Michaelis Palata deditione Sinani Bassæ traditur, discedentibus incolumitas, & saluus conductus promissus, sed non præstitus est. Vniuersi enim ferè sunt trucidati: viginti quatuor tantum salui euaserunt.

Sinane Bassa ab Amurate, quod Persæ ac Georgiani res novas molirentur, Constantinopolim reuocato, Alba Regalis à Cæsareanis copiis obsidetur, & vnum suburbium occupatur, atque incenditur: discedentibus postea nostris, & Turcis insequentibus, prælium committitur mensis Octobris die 24. & nobilis à nostris, duce Ferdinando, Comite ab Hardeck obtinetur victoria. Ianizari in fugam vertuntur, eorum Aga, siue præfectus capitur: Budensis Bassa tribus sclopetorum
 40 ictibus vulneratus, Budam refertur.

In superiori Vngaria Fridericus Baro à Tieffenbach, munitam arcem Zabaccâ vi expugnatam Turcis adimit: Fileccum arcem, & oppidum celebre obsidet, concurrentes auxilio obsessis Turcarum copias profligat, incensum tandem ab ipsis Turcis, & deditionem facientibus præsidariis corporum incolumitatem pactis, in potestatem accipit. Idem Castella Diunum & Hamaicum, Turcis sponte diffugientibus, oppidum & arcem Zethschin cum vicinis Castellis Holloc, Samos, & Plauenstein, quæ præsidarii sponte deferentes hosti venienti aperta reliquerant, occupat. Nouigradum item, celebris Sangiacatus in potestatem nostrorum venit.

50 Turci aliquot ex Alba Regia Begum nouum in arcem Palattam recens occupatam deducentes, ab Husaco Petri Pappæ præfecto fortiter profligantur.

1594. Mense Ianuario insequentis anni Begi Copanensis filia præcipuæ auctoritatis Turco elocanda in itinere, comitibus profligatis, intercipitur, adque Maximilianum Archiducem Austriæ adducitur.

Expeditione in Vngariam aduersus Turcos suscepta, exercitui summo cum

cum imperio præficitur Ferdinandus Archidux Austriae, Ferdinandi Imperatoris filius: locum tenente Maximiliano Rodolphi Imperatoris fratre. Ab his Gra-num obsideri coëptum, sicut à Friderico Barone à Tiffenbach Hatuuan: quorum expugnatio indies speratur.

Hactenus continuatio Chronici Turcici, quam maximam partem ex Ioannis Leunclauui, viri clarissimi Appendice Annalium Turcicorum exscripsi, paucis quibusdam aliunde acceptis. Quia verò ex consignatione earum rerum, quæ proximis his annis gestæ sunt, & adhuc geruntur quotidie, haud obscure perspicitur, quantum & quantis periculis plenum Germaniæ bellum incumbat, quantoque in discrimine versemur, quæ mala non alia causa, quàm multiplicibus peccatis nobis accersiuimus, quæ ut puniat iustissimus Deus, crudelissimum istum hostem nobis immittit: quid nunc nobis facere conueniat, attente cogitandum est. Id verò docet ipsemet Dominus per Prophetam Ieremiam, inquiens: ca. 18. Memento, ut loquutus fuero de aliqua gente, aut regno, ut euellam, extirpem, & perdam: ubi redierit ea gens (contra quam locutus eram) à malitia sua, iam & me quoque poenitebit mali, quod ei facere constitueram. Memento quoque ut loquutus fuero de gente aliqua, aut regno, ut ædificem & plantem: ubi malum fecerit ea gens in conspectu meo, neque audierit vocem meam, iam & me quoque poenitebit boni, quo eam afficere constitueram. Huic igitur salutari Domini præcepto ut obsequuti veram ac seriam agamus poenitentiam, diuinam placemus iram, tantum hostem ceruicibus incumbentem nostris auertamus, præsentissimumque declinemus periculum, præstet id nobis clementissimus Deus, propter vnigenitum Filium suum, per Spiritum sanctum suum: cui laus, honor & gloria in sæcula sæculorum, Amen.

CAELII AVGVSTI NICVRIONIS IN SVAM NO- VAM TOTIVS ORBIS DESCRIPTIO-

nem Proœmium, seu potius Proœmii
fragmentum.



TERRARVM ac marium, patrum nostraque memoria, à variis gentibus præstantissimisque viris illustratarum, Historiam Latinis literis adhuc non satis explicatam, neque etiam alia quauis lingua ab vno aliquo absolute & ordine pertractatam, scripturi sumus: opus quidem arduum summique laboris, sed tantæ utilitatis, ut Lectoris animum, totius orbis, quem veteres Cosmographi potius quibusdam rationibus rotundum esse docuerunt, quàm re ipsa explicarint, aut ipsi cognouerint, plena cognitione ac penè oculari demonstratione imbuere: ex qua Dei opt. max. mirum opificium atque providentiam admiremur: ipsumque non modo omnium creatorem, verum etiam admirabili sapientia gubernantem veneremur, sciamusque extrema tempora adesse, quibus omnes terræ mariaque cognoscantur, ut ad omnes sacrosancti Euangelii lux perueniat, & variis rerum euentuumque exemplis præceptisque ad quamuis humanæ vitæ partem ritè excolendam instituire, ac rerum mira varietate delectare possit. His etenim libris omnes Oceani magni insulae, omnia Africa atque Asia littora, vniuersa America, siue tota illa terra, quam Nouum orbem vocant, omnes eiusdem Oceani sinus variaque partes,

partes, penè tota Asia & Africa cum Moscouia Tartarorum regnis, ac multis Europæ ad Boream vergentibus regionibus & insulis, totius denique orbis ambitus graphicè describentur: ad hæc singularum gentium, mores & instituta sacra atque profana, locorum & urbium situs, & res quæ terra marique gignuntur: animalia varia, sidera etiam huic nostro hemisphærio incognita, antipodes, fortissimorum ac prudentissimorum virorum, vereque heroum res terra marique præclarè gesta, multa maximorum principum bella, leges & iudicia illustria, tempestatum ac siderum miræ vires & vicissitudines, multarum rerum obscuræ causæ insigniaque prodigia: quibus legendis, quanta humana auri cupido, & (ut Poeta ait.) sacra fames, quæ ignotas terras quærere, vasta maria tentare, tempestatum cælique iniuriis subiici, & feros ac barbaros homines adire, mortemque per mille pericula quærere cogat, in mortalium pectoribus possit, quiuis animaduertet: simulque omnia quæ magni viri & Principes faciunt & moliuntur, quamuis propria commoda propriosque fines intueantur: diuina tamen maiestati ad ipsius gloriam augendam & propagandam, vel ipsis inuitis, inservire videbit.

In hoc autem tam difficili opere conatum nostrum animumque probari cupimus: si verò nec dicendi genere, neque ingenii acumine & eruditione rei dignitatem æquauerimus, ætati id ingeniique tenuitati condonari postulamus: qui hunc laborem ideo suscepimus, ut Romani sermonis studiosi, & omnes qui harum rerum cognitionem ex iis linguis, quib. scriptæ sunt, petere non possunt, vel innumera volumina voluere nolunt, Latinam absolutam & compendiosam explicationem habeant. in quo Opere, & si à quibus & quo tempore, quæue via & ratione singula loca illustrata fuerint, docebimus: non tamen temporum, sed locorum Geographicum ordinem (quantum fieri poterit) persequemur. sed quia non bene partes intelligi possent, nisi uniuersi cognitio haberetur, neque locorum descriptiones mente comprehendere, nisi ea arte qua describuntur cognita (in quaque enim re tradenda principia quedam sunt cognoscenda, ex quibus ad reliquarum cognitionem perueniatur) nos igitur prius de ipso uniuerso, tum quoniam pleraque loca, quæ à nobis describentur, maritima sunt, vel nauigationibus ad ea peruentum, de ipsius nauigationis præceptis, & noua locorum ex nauigantium usu describendorum ratione, breuitati cum perspicuitate, quoad fieri poterit, studentes, pauca & necessaria non tam ex veterum libris, quàm ex recentium & eorum qui tanta itinera ac nauigationes confecerunt, certissimis usuque comprobatis præceptis decerpentes, trademus.

Principio igitur uniuersum, quem nos à perfectâ absolutaque elegantia mundum, Græci κόσμος, quod ornatum significat, vocarunt, est, quo cæli, stellæ, elementa, omniaque creata continentur, & (ut Cicero ait) quasi communis quedam hominum atque deorum urbs, ciuitas & domus, quæ diuino numine regitur, cuius ciuitatis nos ciues & membra sumus: ex quo illud natura consequimur, ut communem utilitatem nostræ anteponamus.

Hæc autem uniuersa mundi machina, quemadmodum siderum perpetuus ac circularis motus, multaque alia ab innumeris scriptoribus satis explicata argumenta, quæ nos ideo prætermittimus, docent: non modò in ipsa uniuersi

extima superficie, quam cælum dicimus, verum etiam in partibus, quemadmodum ex hac ipsa nostra historia patebit, rotunda, sphaericaque est. nam quo reliqua omnia continentur, ea forma necesse est esse figuratum, creatorique maxime cognatam & decoram habere, cuius omnis extremitas paribus à medio radiis attingatur: medium autem punctus est, qui & centrum dicitur, & est infima uniuersi pars, ita ut quicquid undequaque in quamuis partem ab eo proficiscitur, sursum tendere: & contrà, quicquid ad id tendit, inferiora petere dicatur. huius centri natura est, ut omne graue ad se trahat, omne autem leue circumferentiam petat magis vel minus pro grauitatis vel leuitatis portione. Est & linea quædam transiens per centrum mundi, & extremitates suas circumferentiae atque supremo cælo applicans, & mundum uniuersum in duas æquas partes diuidens, quæ axis mundi dicitur: eius verò extrema poli appellantur. Id itaque totum tornatum est, ut nihil effici possit rotundius, nihil ut in motu vacuum extrà relinqueret, nihil asperitatis haberet, nihil offensionis, nihil inclusum angulis, nihil anfractibus, nihil eminens, nihil lacunosum, omnesque partes simillimæ essent.

Hic autem mundus in duas regiones est distributus, in elementarem videlicet, atque ætheream. hæc superior atque purissima, quæ cælos & sidera continet: illa inferior, perpetuæ commixtioni corruptionique obnoxia, qua animantia, mortique subiecta continentur, superior illa siue ætherea undecim orbibus vel potius globis connexa est, quorum unus est verè cælestis ille extimus, qui reliquos omnes complectitur & mouet, nec mouetur, purissimus, lucidissimusque atque æternus, arcens & continens ceteros, in quo Angeli & beatorum animæ tanquam in summo perpetuoque bono, quale nec oculus vidit, nec auris audiuit, nec in cor hominis penetrare potest, quiescunt: in quo sunt infixi illi qui voluuntur stellarum cursus sempiterni. Cui subiectum est decimum, quod primum motum appellamus, & circa mundi polos, spatio viginti quatuor horarum, ab ortu in occasum, rursus in ortum rediens, cursum suum perficit, secumque omnes inferiores citatissimo motu suo rapit, ut videmus in sole & stellis: ex quo nobis dierum ac noctium discrimina manant.

Hunc orbem sequitur nonus, qui non circa mundi polos axemue: sed circa axem & polos Zodaici, qui axis mundi axem ex obliquo intersecat, eiusque poli à mundi polis spacio viginti trium graduum, & triginta quinque minutorum distant, superioris contrario motu ab occasu in ortum: rursus in occasum rediens voluitur, & annis *XLIX. M.* cursum suum perficit. Infra hunc positus est octauus orbis, qui etiam proprium motum habet à Septentrione in Austrum, rursus in Septentrionem, & dicitur motus trepidationis, siue motus accessus & recessus. hic autem motus fit in duobus paruulis circulis, in noni orbis concauitate positus, quorum unus in principio arietis, alter in principio libræ, annis *VII. M.* in hoc autem orbe posita sunt stellæ & sidera: quæ fixa ideo vocantur, quòd motus certos habeant, nec singula suos circulos, quemadmodum planetæ, propriosque motus habere cernantur. Reliqui sunt septem planetarum, siue errantium siderum orbes, è quibus unum possidet octauo proximum illa stella, quam Saturniam nominamus. ann. *XXX.* deinde est ho-

minum

minum generi prosperus & salutaris ille fulgor, qui dicitur Iouis, ann. XII. tum rutilus horribilisque terris, quem Martem dicimus, an. II. Deinde subter mediam ferè regionem Sol obtinet, dux & princeps & moderator luminū reliquorum, mens mundi & temperatio, tanta magnitudine, ut cuncta sua luce lustraret & compleat, dieb. CCCLXV. hor. VI. Hunc ut comites consequuntur Veneris alter, alter Mercurii cursus eodem ferè spacio. In infimoque orbe Luna radiis solis accensa, proximè supra ignem conuertitur diebus XXVII. hor. VIII. Horum orbium octo oculis comprehenduntur, reliqui tres nec videri nec tangi possunt: ideo autem sunt excogitati, quòd cum hos moueri sit animaduersum, necesse fuit in loco aliquo moueri. motus enim in loco fit, locus autem continet, nec continetur. Itaque cælum undecimum, quòd Empyreum vocant, supra omnes immotum: sed in quo omnes reliqui & mouentur & sunt, statuerunt. Deinde, quia corpus simplicissimum, quales sunt cæli, non plus quàm unum proprium motum habere potest, & sunt tres illi motus in sideribus obseruati: oportuit tres etiam sphaeras, in quibus hi motus fiant, excogitare.

Hoc tantum in eius schedis repertum est, cum tamen plura scripsisset: cui si fata vitam longiorem dedissent, Opus dedisset, quale priora secula nunquàm videre. Verum morte immatura sublatus, neque hoc neque alia lectu dignissima absolvere potuit.

CÆLII PATRIS IN CÆL. AV- gustinum filium lacrymæ.

O Longè ante omneis mihi quæ me carior ipso est,
Lux mea, quo viuo viuere dulce fuit:
Tu mea tu fili suspiria pectore ab imo
Ducta cape, & fusam cum lacrymis animam.
Tu mihi, tu matri fato præreptus acerbo,
Liquisti tenebras omnibus & lacrymas.
Ah mea tu moriens fregisti comoda fili,
Tecum vna nostra est penè sepulta domus.
Omnia tecum vna perierunt gaudia nostra,
Quæ tuus in vita dulcis alebat amor.
Cuius ego interitu tota de mente fugavi
Hæc studia, atque omneis delicias animi.
Heu mihi iucundum misero nunc lumen ademptum est,
Lumen tum vita dulcius atque anima.
Occidit exemplum iuuenis memorabile morum,
Doctrina insignis, dulcis & eloquio.
Vix dum vicanos octonos egerat aneos:
Tot bona tam paruo clausis in orbe dies.
Partetamen meliore sui super astra locatus,
Cum CHRISTO viuit, perfruiturque Deo.
Vivit & in terris. nam solers plurima scripsit:
Liquit & ingenii pignora docta sui.
His Augustini clarescet nomen vbique:
Ingeniumque probum fama loquetur anus.

O M N I A V N V M.

MAROCHENSIS REGNI
AD CÆLIVM PATREM, THEO-
DORI ZVINGERI MEDICI ET
philosophi Basileensis.

Qui in terris vixit, quantum pia fata dedere,
Qui viuit fama nominis ingenua:
Qui viuit mente, & rediuiuo corpore viuet
Filius, est hymnis dignior an lacrymis?

10

CÆLII AVGVSTI
NICVRIONIS MAROCHEN-
SIS REGNI IN MAVRITANIA NOBILIS-
simi, à Sarracenis conditi, descriptio antè
nunquam edita.

20

NOSTRI Africæ quatuor faciunt partès, quarum primam, Bar-
bariam appellant: secundam, Numidiam: tertiam, Libyam:
quartam, Nigritarum siue Æthiopum regionem. de singulis nos
scitu digna afferemus: ac primùm de prima. Ea Africæ pars,
quæ hodie Barbaria vocatur, ab ortu solis Marmaricæ, quæ ho-
die Barca dicitur, deserta habet: à quibus eam Atlas, qua magis
ad Ortum accedit, quæ pars hodie Mons Meies appellatur, diuidit; quem à Stra- 30
bone aspim dictum existimo, qui ab Alexandria Ægypti, circiter trecenta millia
passuum distat: à Septentrione Mediterraneo mari, ab hoc monte ad Herculeum
fretum vsque protensa. qua verò Occasum spectat, ab eodem freto Oceano A-
tlantico, ad eiusdem Atlantis finem, vbi in Oceanum insurgit vsque, clauditur:
idemque Atlas eam à Meridiano solis ardore tuetur. hæc est totius Africæ nobi-
lissima pars, hodie in quatuor regna siue prouincias diuisa, nempe Marochum,
Fessam, Telefinem, & Tunetè. his accedit Bugiæ ora, pro qua semper Telefinen-
ses & Tunetani reges inter se bella gessere, donec nobilissimam eius urbem Pe-
trus Nauarrus Ferrando Hispaniæ regi subiecit. vt autem institutum ordinem se-
quamur, à Marochi regno, quod omnium maximè ad occasum est, incipiemus. 40
Hanc partem à veterib. Tingitanam Mauritaniam: populos verò à Græcis Mau-
rufios, à Latinis Mauros appellari, nemini dubium est. Primi Mauritaniam ha-
buere Libyes: sed cum Medi, qui in Hispania cum Hercule militauerant, eo mor-
tuo in Africam transuecti, eam partem occupassent, nomen eorum paulatim Li-
byes corrumpere, barbara lingua Mauros pro Medis appellantes. Vtrum autem
Tingitania alias regiones quàm Marochensem complectatur, post videndum
erit, vbi de hac ex huius temporis vsu dixerimus.

Marochi regnum, in Mauritania Tingitana situm, ab Occasu ac Septentio-
ne Oceano clauditur, à Meridie verò vltra Atlantem montem ad arenosam soli-
tudinem vsque pertingit, ab Ortu Omirabi, cui à Ptolemæo Cusa dictus 50
fuit, fluuiio terminatur. in eoq; septem connumerantur regiones,
Sus, Hea, Guzula, Marochi ager, Duccala,
Hazcora, Tedle.

D E S C R I P T I O.
S V S, P R I M A R E G I O
M A R O ' C H I.

115

SVs regio vltra Atlantem meridiem versus est, initium capit ab Oceano occidentali, qui Atlanticus vocatur: & ad Meridiem arenosa solitudine, ad Septentrionem Atlante monte, ad Orientem flumine quod Sus dicitur, a Ptolemæo Subus, à quo tota regio nomen habet, circumscribitur. patet hæc regio in longitudinem, quæ duobus montibus, qui tamen Atlantis membra sunt, nempe Hanchisa
10 & Ilalemo continetur, Sus fluuium vsque septuaginta circiter millia passus: in latitudinem vero, hoc est, ab Atlante ad arenosam solitudinem sexaginta, Hanchisa mons ab extrema Atlantis parte, qua Occasum spectat, oritur, in Ortumque ad quadraginta millia passus extenditur. ad huius montis radices Susiana regio Meridiem versus iacet. incolæ fortissimi pedites sunt, adeo vt singuli duobus equitibus opponi posse ferantur, hastis quibusdam magna agilitate vtuntur. Triticum in hoc monte non oritur: hordei vero, mellisque magna copia. quouis anni tempore apud eos ningit: verum incolæ quum tota hyeme leuibus pannis vestiantur, se frigus parui facere ostendunt. nemini parent: & quamuis Seriphus harum regionum Princeps eos sæpe sub iugum mittere sit conatus, nunquam potuit. In huius montis ad Orientem fine Ilalemus incipit, ac Ortum versus in Guzulam regionem vsque circiter triginta millia passus nonnihil in Eurum deflectens protenditur: ad Austrum, vero in Susiana planicie finem habet. Eius incolæ homines sunt nobiles & strenui: equis abundant, ac perpetua inter se propter argenti fodinam, quæ in eo monte est, bella gerunt, eaque victores potiuntur. ex hoc monte Sus, siue Subus fluuius, qui hanc regionem ab ortu Solis claudit, oritur: ac per huius regionis, quæ ab ipso nomen est sortita, planiciem Austrum versus non quidem recta, sed nonnihil in Libonotum deflectens, x l. millia passus labitur. Sed priusquam eo vsque veniat, ad dexteram Atlantem versus circiter tria millia passuum procul ab fluuiio Tedsi oppidum est amplum, ædium quatuor m. constans, à
30 priscis (vt ferunt) Pœnis conditum, cuius ager copiosus & fertilis est. abundat enim frumento, saccharo, glasto: Nigritæ apud eos negociatores versantur. Populum habet pacatum, ciues elegantes & honestos. popularis est ciuitatis status, ita vt sorte sex viri eligantur, quorum administratio mensibus sexdecim definita est. In ea Iudæi artifices complures sunt, velut artifices, fabri, & eiusdem generis alii. Templum habent multis sacerdotibus, aliisque ministris instructissimum: iudices item, ac legis interpretes publico stipendio conductos. Mercatus ibidem die Lunæ celebratur, ad quem Arabes, agricolæ & montani homines conueniunt.

Hoc oppidum an. Domini M.D.XIII. ad Seriphi imperium accessit, in ea
40 que tabularium suum princeps constituit. distat hoc oppidum ab Oceano l x. M. P. & ab Atlante x x. Ab altera fluminis parte, vbi is iam ad Occasum vergit, recta Notum versus, decem millia passus procul à flumine, & l x. ab Oceano: ab Atlante vero l. Tagauostum maxima huius regionis ciuitas reperitur, à Tedsi x x x. M. P. distat: in ea ædium octo millia numerantur, & vivo lapide extructa est, & ipsa Pœnorum opus. In media vrbe multa sunt fora, tabernæ, officinæ, artifices. Populus in tres est factiones diuisus: frequenterq; inter se ferunt pugnas, atq; alii aduersus alios Arabum subsidia aduocant: qui prout quisque maiora pollicetur, modo huic, modo illi fauent. Agrum habet hæc ciuitas fertilissimum, pecora multa: sed lana paruo admodum precio estimatur. Panni multi, sed exigui ibidē fiunt:
50 qui ab eiusdem vrbis mercatorib. Tombutum, & Gualatum Nigritarum regiones semel quotannis aduehūtur. mercatus bis fit septenis diebus. Vestitus horum honestus est: mulieres formosissime & lepidissime. Viri multi sunt fusci, ex candidis & nigris geniti. Magistratus non sunt definiti aut certi, sed potentioribus reliqui parere coguntur. Rursus ad fluminis dexteram 4. millia passus procul ab Atlante, triginta Occasum versus, à Tedsi non quidem recta, sed ita vt nonnihil in

Caurum iter flectatur, circiter quadraginta, & à Tagauósto, & Oceano totidem Tarodantum satis magnum oppidum est, & ipsum à veteribus pœnis conditum focorum ad tria millia continet. Hoc soli fertilitate, & moribus simile est superioribus: verum minus, & moribus cultius, propterea quòd quum Marini familia Fessæ imperaret, Suse quoque regnavit: fuitque vicarii regii domicilium: cuius rei arcis ruinæ a regibus istis extructæ, quæ etiamnum extant, indicio sunt: extincta verò eius regis familia, ciuitas se in pristinam libertatem vindicauit. Incolæ lana linoque vestiuntur. Opificibus ciuitas abundat. Reip. administratio penes nobilitatem est, ex quibus ordine semper quatuor imperant: imperium semestrale est. Gens pacata, nullaque afficiens vicinos iniuria. In horum finibus qua Atlantem regio spectat, villæ multæ casæque sunt. Planicies, quæ ad Meridiem vergunt, Arabum sunt & sedes & pascua. Ciuitas ipsa magna pendit tributa agri causa, cum ex Sufianæ regionis consuetudine, tum verò vt tuta itinera præstentur. anno M. D. XIII. ab Arabis defecit, ac Seriphum principem asciuit. Ab hac xxxv. M. P. in Occasum progrediendo, Teieutum oppidum in pulcherrima planicie à Pœnis conditum, reperitur. quod in tres partes, quæ simul triangulum efficiunt, est diuisum, & Subo flumine alluitur. Domicilia ad quatuor millia habet. solum frumenti, hordei, & aliarum frugum ac leguminum in primis ferax. Magna quoque vis saccari ibidem oritur, sed id neque coquere neque purgare norunt: idcirco horum saccarum subnigrum est. A Fessæ & Marocco, Nigritarumque regione, multi mercatores eò confluunt ad saccarum comparandum. Dactylorum quoque satis magna copia. Hic nullum monetæ genus in vsu est, sed auro rudi & natiuo vtuntur. Habent etiam sudariola quædam vnus auri drachmæ precio, quibus pecuniæ loco in mercando vtuntur. Argenti parum habent: eo vtuntur ad ornatum mulieres. pro quadrantibus minutisque pecuniis frusto ferri octo drachmarum pondere vtuntur. Pauci sunt apud eos fructus, ficus, vuis, persicis & dactylis exceptis. Olea ibi non nascitur: sed oleum è quibusdam Marochi montibus adfertur: venditurque Suse, ita vt centum quinquaginta libræ, quindecim auri drachmis æstimentur. auri vnciam, quod aurum signatum non habent, nummis aureis Lusitanicis (quos ducatos vocant) septem & eius tertia parte commutant. Eorum vncia Italicè respondet: sed libra vncias decem & octo capit, Tethlam illi vocant: vnde satis constat, centum apud eos pondo Italicæ libras 12. vnciarum 150. conficere. In hac vrbe coria illa elegantia parantur, quæ apud nostrates pelles Marochinæ appellantur: quarum duodecim sex nummis aureis, Fessæ verò octo venduntur. In ea parte quæ Atlantem spectat, multa sunt mapalia & villæ: qua verò Meridiem, vasta omnia. planicies enim sunt, & vicinorum Arabum prædia. In huius vrbis meditulo templum est amplum & magnificum, quod ab eis Templum maius vocatur, per quod fluminis riuum ducunt. Ciues ipsi natura feroces sunt, semper inter se bellum gerunt, raroque pace fruuntur: singulæ ex tribus vrbis partibus rectorem creant, iique triumviri paribus auspiciis Rempub. gerunt: horum trimestre imperium est, nec vltra progreditur. hæc gens ferè eodem vtitur vestitu, quo proxima regio Hea: quidam etiam panno & tunica lintea vestiuntur, atque in capite ex alba tela mitram gestant. Habent in vrbe iudices & sacerdotes, quibus in iis tantum quæ ad sacra & religionem pertinent, obsequuntur: in aliis vt quisque plures habet propinquos, ita fauore superior est. si quis alterum occidat, & à propinquis ipse occidi non possit, septem annorum exilium sumit, aut inuitis aduersariis in vrbe manet. si in exilium abit, eo finito in patriam reuertitur. omnesque nobiles conuiuio accipit, atque cum parte aduersa eo pacto redit in gratiam. In hac vrbe multi sunt artifices Iudæi, qui nullo grauantur onere. A Teieuto secundo flumine, quod Caurum versus cursum suum ad Atlantis radices flectit, paucorum milliarum itinere Messam itur. Sunt autem Messa tria parua oppidula, inter se circiter M. P. distantia, quæ vno nomine Messa dicuntur, ab antiquis Pœnis (vt aiunt) prope Oceani litus sub ipso Atlantis promontorio, vnde Atlas exoritur, condita: quæ a nonnullis falso, vt opinor, Suriga Ptolom. fuisse creduntur: cui tamen Surigam

rigam idem Ptolem. in xxx. gradulat. collocet, & Subi fluminis ostium, à quo hæ non procul absunt in xxv. Sunt autem hæc oppida muris viuo ex lapide septa. Inter ea Sus siue Subus labitur flumen, quod æstate vadosum est, hyeme vado neminem admittit: nauiculis quibusdam vtuntur ad traiciendum minime aptis. Sunt tria hæc oppidula in nemore non syluestri quidem, sed palmis confito, quæ illorum est possessio, sita. fructus ipsi non vsque adeò probantur, quòd in annum minimè durent. Incolæ omnes agriculturam exercent: cum flumen crescit, quod Septembri atque Aprili solet accidere, terram colunt: Maio colligunt fruges. Quòd si mensibus memoratis, aut altero saltem decresceret, nihil colligerent:

10 paucos habent greges. extra oppida fanum est ad mare; quod religiosissime colunt, ex hoc fano sanctum quendam Pontificem à Machumete decantatum proditurum opinantur: & præterea Ionam vatem, quem piscis vorauerat, in Messatium solum eiectum esse fabulantur. Huius templi trabes minores, ossa sunt cetorum: nam sæpe huiusmodi belluæ marinæ mortuæ ad litus eiciuntur, quæ & magnitudine & forma immani terrorem spectantibus incutiunt. Vulgi opinio est, omnes cetos iuxta templum prætereuntes, Dei numine & potestate in eo fano collocata interire. verum eius rei causa est, quòd in mari ad duo M. P. magni acutique aliquot scopuli sunt: cum verò feruet æstu pelagus, marinæ belluæ mouentur atque agitantur: quòd si qua fortè in scopulum impingat, facilè collisa extinguitur, & ad litus mortua impellitur. est in agro non procul ab vrbe ceti costa

20 inftar arcus ad viam collocata, sub qua qui transeunt, camelis insidentes, eius tamen summum arcum capite non attingunt: ea diutissimè ibi fuit tanquam monstrum asseruata. In eius ore litoribus succinum probatissimum inuenitur, quod Lusitanis aut Fessanis mercatoribus paruo precio venditur, ita vt vix aureo nummo vncia æstimetur. Plèrique succinum à ceto gigni, quidam eius excrementum esse, alii semen genitale putant à masculo emissum, quo tempore foeminam appetit: quod post in aqua densatur. alii verò idem in fundo maris oriri putant, ac deinde pelagi æstu ab eo euelli, & ad litus proiici: quod tamen de succino odorato, quod Itali Ambracanem nominant, intelligendum est: non autem de Nauo, quod ex Septentrionalibus Germaniæ insulis adfertur. de quo suo loco dicemus. ab Messa verò Subus fluuius magis ad Caurum cursum dirigit, seque Atlantii in occidua eius parte coniungit, ac prope extremum eiusdem promontorium non procul ab Messa in Oceanum labitur. Ad cuius ostium extremo in Oceano in ipso promontorio, Gartguessemum arx est, vulgo Capo Guer, Hæc regioni finitimum, cuius solum fertile admodum est, & pingue: sed quia supra Seriphi principis mentionem fecimus, & infra quoque multa de eo dicentur, eius origo est nobis explicanda.

Cum igitur Lusitani anno circiter M. CCCC. XC. Gartguessemum arcem cum agro occupassent, Heensis & Susianus populus, vires ad eam recuperandam coniunxerunt, peditumque auxilia è remotissimis locis adsciuerunt, ducemque ac imperatorem quendam Seriphum, hoc est nobilem Arabem ex Machumetis familia delegerunt: qui exercitu adducto, arcem per dies complures obsedit. sed cum multi à Lusitanis arcem propugnantibus quotidie caderentur, populares arce relicta domum redierunt: quidam tamen cum Seripho, qui bellum se contra Christianos tueri velle aiebat, manserunt. stipendia in equites quingentos Susianus populus pendebat, quibus stipendiis acceptis Seriphus, cum iam peritus esset regionis, tyrannidem occupauit, ita vt paulo post equitum supra tria millia, peditum & pecuniæ ingentem numerum haberet. & hæc de Sus regione.

50

H E A, M A R O C H I R E G I O I I.

HE A altera Marochi regio, Susianæ, siue Subianæ ad Septentrionem opposita, Atlante monte, qui Meridionalem Hæc partem claudit, ab ea separatur: ab Occasu & Septentrione Oceanum ab ortu Elisnualem fluuium, & Gebeleh-hadichum, hoc est ferreum mōtem habet, quem Ptolemæo Vasagium promon-

torium esse puto. Vt igitur ab occasu & à montib. Subianæ finitimis incipiamus, prima Atlantis pars, Ideuacal mons est altissimus, qui ab Oceano Orientem versus Ighilinghighil protenditur, eiusdem cum Subianæ regionis Hanchisa monte, cui coniunctus est longitudinis, hoc est x l. M. P. estque summum Atlantis iugum, à Ptolemæo Atlas maior appellatum, Hæque ora à Subiana separat. Latitudo eius ab Tephetha Hæ, Messam Subianæ regionis trium dierum itinere conficitur. habet enim Atlas Tephetham in ipso promontorio ad mare Septentrionem versus, & Messam in Meridiano promontorii latere, quæ trium dierum itinere inter se distant. Hic mons frequens & cultus est: complures enim in eo villæ pagique sunt. Capris caprarumque fructu, hordeo item & melle victitant. Lintea tunica non vtuntur, nec quidquam acu consutum aut elaboratum, quod apud eos qui acu suere norit, nemo reperitur. Itaque panno corpus vt possunt, inuoluunt. Mulieres annulos quosdam argenteos, eosque valde magnos auribus appendunt: & sunt quæ non vno contentæ, quatuor appendant. Quibusdam etiam fibulis argenteis vncialibus vtuntur, quibus humeris uestem annectunt. Manuum quoque digitos & crura annulis argenteis nobiliores & ditiores mulieres exornant: plebeis verò ac tenuiores, ferreis aut æneis vtuntur. Equos habet hæc gens non multos, sed paruos, quorum pedes ferreis soleis non muniunt, qui equi adeò agiles sunt, vt felium more de sublimi loco exiliant. Magnus ibidem leporum, capreolorum & ceruorum numerus est: sed in nullo apud hanc gentem precio. fontibus scatet, & arboribus abundat, maximè nucibus. Hi populi maiore ex parte Arabum more viuunt, è loco in locum subinde migrantes. Arma eorum sunt latipugiones, & retorti siue incurui: itemque eodem modo gladii, quibus dorsum, vt falcibus quibus in Italia prata tondentur, latum & crassum est. In pugnam tria quatuorve hastilia pilave gestant. Apud eos neque magistratus est, neque sacerdos, neque templum, neque doctus quisquam: sunt verò magna ex parte homines improbi & proditores. aiunt hunc montem militum viginti millia emittere. Vbi verò hic mons desinit, Demenfæra mons, qui bonam Hæ partem à Sufiana diuidit initium habet: indeque ortum æstium, hoc est Cæciam versus L. M. P. patet: atque in monte Nissam, qui Marochensis regionis est, desinit: & per eum iter est in Sufianam. Frequens est, sed barbaris & immanib. incolis. Equis abundat hæc gens, frequentiaque cum finitimis & Arabis, vt eos suis finibus arceat, bella gerit. In hoc monte neque vrbs est neque castellum neque domus: multæ villæ, multaque mapalia insunt. Nobiles multi inter eos inueniuntur, quibus tota multitudo paret. hordei miliique solum est in primis ferax. Fontes multi per illorum valles fluunt, qui post in flumen Siffaiam ingrediuntur. Huius populi vestitus satis elegans est. Magna vis ferri inde eruitur, quod in variis distrahunt locis. Ingens Iudæorum numerus per illos montes obequitat, qui armis instructi pro suis dominis, id est, pro eius montis populo decertant: verum ii inter reliquos Africæ Iudæos in religione impii habentur, Carraumi que appellantur. In hoc monte lentisci & buxi magnæ sunt arbores, nuces verò maximæ. Noces cum arganis fructibus miscere solent, atque ex eis oleum quoddam subamarum, quo in cibis & lucernis vtuntur, exprimunt. Est autem Argas arbor quædam spinosa, quæ fructus Hispanicarum oliuarum magnitudine fert, ex quib. oleum tetri admodum odoris, quo in cibis & lucernis vtuntur, exprimunt: horumque magna est in Hæa copia. Ex hoc monte equitum & peditum xxv. M. emitti ferunt. ad huius montis radicem, qua Orientem solem spectat, Esifnual fluuius labitur, qui ex Secfua Marochensis regionis monte oritur, & per horum montium valles Boream versus fluit, donec Tensist fluuium ingrediatur, & sic Orientalem Hæ plagam eo vsque claudit, & à Marochensi agro diuidit: vbi verò hic in Tensist labitur, mons Gebelhadichus, hoc est ferreus incipit, & à Boreali parte in Septentrionem non procul à Tensisto flumine ad Oceanum vsque extenditur: hunc puto à veteribus & Ptolemæo Herculis promontorium appellatum, idque latitudinis ratione adductus. id enim Ptolemæus in xxx. lat. gr. collocat, quem hic non excedere videtur: vel si nō est, tum est Vasagiū promontoriū, quod ab eodē in xxix. lat. gr. & xv. mi. col-

ni. collocatur: idque potius crediderim, neq; enim tantum à Subo distat, vt plures gradus esse possint, nec etià Subum Sus esse, vel ego vel quisquam Cosmographus ambigit, cum Subus à Ptolemæo Libya & Tnigitanæ Mauritaniæ finis, ac in 15 gradu eius ostia constituatur. hic mons Hea à Marocco & Duccala in ea parte reparat. Hunc montē populus incolit, Regrada appellatus. Nemorosus mons est, multis fontib. irriguus: melle arganoq; abundans. Frumentū non habet, sed è Duccala aduehunt. Pauperes sunt, sed probi & religiosi. In montis vertice multi sunt vitam solitariā arborum fructib. & aqua ducentes. Fidem & veritatem colūt: pacem amant: atrocinia aliq; scelera exilio ad certum tempus multant. Simples
10 vltimodum sunt, ita vt si quis ex iis qui in solitudine degunt, aliquid operis efficiat, pro miraculo habeant: à vicinis Arabis sæpe infestantur, quib. hic populus vt quietam vitam agat, certū tributum pendit. Anno 1514. Machumetus Fessanorum rex arma in hanc Arabū partem mouit, quamobrem illi in montes aufugerunt. Montani homines regis copiis adiuti, in Arabes ad angusta loca impetu facto eos debellarunt: capta atque ad regem adducta equitum tria millia & octuaginta, ita montani à tribus liberati fuerunt. Huius montis incolæ militum circiter duodecim millia emittunt. atque hi sunt Heæ fines. Nunc oppida nobis enumeranda, quæ duodecim sunt: quorum primum in occidentia regionis parte ad Oceanum, & Ideuacalis montis radices Tephene vrbs munita est, in ipso Oceani litore
10 re ab Afris condita, quod ad sexcētas domos habet, & portum ad naues paruas satis commodum: ad quem Lusitani mercatores vt suas merces comæ & caprimis pelilibus commutent, venire consueuerunt. Flumen est iuxta urbem parvus quidem, sed in quem nauigia, cum mare reciprocatur & intumescit, sat commodè ingredi possunt. hunc fluuium à Ptolemæo Sanem appellatum minime leui coniectural ducti censemus, cum eius ostiū ad Septentrionalem maioris Atlantidis radicem, quæ proculdubio hic est, ponat. nā hoc loco Ptolemæus non Salam (vt quidā corruptè habent) sed Sanem dicit: Sala autē vbi sit, suo loco ostendemus. oppidū autem apud Ptolemæum, vel aliū quempiā ex veterib. non inuenio: neq; est Herculis portus, qui trib. gradib. ab Atlante distat. Solū omne circa urbē montosum est, in quo hordeū copiose prouenit. Muris est vrbs fortissimis ex lapide quadrato & latere cincta. Ex iis quæ importantur & exportantur, vectigal capiunt: idq; inter ciues diuidunt, qui ad vrbs propugnationē idonei sunt. Sacerdotes & iudices habent: sed ii de cæde & vulnerib. ius dicere non possunt. Quod si quis tale quid committat, inuentus à mortui propinquis occiditur: si euaserit, 7. annorū exilio multatur. quo septennio finito, certa pecunia mortui cognatis data absoluitur. Huius vrbs incolæ colore candido sunt, comēs & humanissimi: multo maiore honore peregrinum quàm ciuem afficiunt. Et quanquā magna ex parte ad ædes ciuiū diuertunt, est tamen in vrbe publicum amplumq; peregrinorū hospitium. pulices hic sunt innumeri, & ingens lotii & caprinarum fecium foetor. singuli namq; ciues
40 ingentem harum alunt copiam, quæ interdū in sua eunt pascua: noctu in vestibulis ædium, atque adeò ad cubiculorum fores stabulantur. Ab hac XL. M. P. Orientem versus ad Orientale Ideuacal montis caput, est Inghilinghighil paruum oppidum in colle ab antiquis Poenis conditum. domos habet ad quadringentas. rerum in eo necessariorum opifices multi sunt. Solum hordei ferax, mellis arganique cōpia. vnica ad id per montis latus via: eaque angustissima & difficilis, ita vt vix eques eò quis possit ascendere. ciues bellicosissimi sunt: cum Arabis assidue pugnant, à quibus semper victores discedunt: facit id natura loci accessu ardui & difficilis. liberalissimi sunt. In eo magna vasorum copia paratur, quæ inde in diuersas regiones feruntur. Hinc IIII. M. P. ad Septentrionem est Eitdeuetum, antiquum oppidum in edito monte, in cuius tamen vertice planicies attenuissima patet, situm: domos circiter septingentas habet. In medio oppido fontes multi, aquas lymphidissimas frigidissimasq; fundūt. Rupib. nemoribusq; horridis & formidabilib. vrbs tota cingitur. Opifices multi Iudæi in eo sunt, fabri, sutores, infectores aurificesq;. Fama est, veteres huiusce oppidi populos, Iudæos fuisse, à Dauide genus trahētes. Sed ea regione à Machumetanis occupata, ad eorū sectam

transiuisse Multos ibidem eius legis peritos inuenias, ita vt plerique decreta ipsa legesque memoria teneant. ait Leo se eo in loco senem inuenisse, qui magnum quoddam Sarracenicae legis volumen, Elmudeuana appellatum, quod legum farraginem vocant, tribus libris distinctum: in quo difficiliore legis quaestiones, & in eas Melici responsa continentur, in promptu haberet: estque hoc oppidum quasi forum quoddam, in quo lites expediuntur: dicæ: edicta siue proclamationes, tabulae, atque eiusdem generis alia fiunt, ita vt eo omnes vicini concurrant. Ab iis iuris peritis omnia sacra & profana administrantur. verum in capitalibus causis parum habent populum obsequentem, in eoque parum admodum eis legum scientia prodest. huius gentis vita uictusque aspera in primis est. hordeo, argano 10 oleo, carneque caprina victitant: frumenti apud hos nulla mentio. Mulieres formosae & coloratae sunt: viri corpore robusto, pectore villosa, liberalissimi, sed sollicito coniugum amore penè insani. Ab hoc xv. M. P. in Septentrionem progrediendo Tagtessa, reperitur antiquum oppidum, in editissimo rotundoque monte positum. Ascensus ad id circa montem quasi per flexuosos quosdam gradus pater: infra oppidum circiter vi. M. P. ab eo labitur flumen, unde aqua ad usum potumque sumitur: ei tamen qui in fluminis ripa sit, vix sesquimiliare abesse oppidum videtur: ad hoc flumen per angustam semitam scalpro scalarum modo factam, mulieres ad aquam hauriendam descendunt. incolæ rapti viuunt: cum vicinis omnibus inimicitias gerunt: greges & armenta sua in montibus habent, sylvarum circa hoc oppidum omnes ca- 20 pris plenae sunt: in eo ne vnus quidem equus inuenitur. sine comITU ac fide publica Arabes per illorum fines iter facere non audent. Est deinde Culeihatium Elmuridinum, quod discipulorum arcem significat, ita positum, vt Tagtessa Culeihatium à Septentrione in Aquilonem, & Eitdeueto à Lyba item in Aquilonem xviii. M. P. iter sit. Hæc arx patrum nostrorum memoria, ab Homare Seiepho nouæ in Sarracenica religione factionis autore extructa est. Hic primum concionator fuit: cumque magnam discipulorum numerum ad se traxisset, eosque obsequentes haberet, maximus effectus est tyrannus: & hanc arcem in altissimi montis cacumine, inter duos alios montes eidem cacumini pares ædificauit, circa quam rupes eminentissimae, nemoraque densissima sunt, ad eamque nisi per angustissimam in eius montis late- 30 re semitam accessus non datur. Is annos xii. regnavit, eiusque causa regio hæc vniuersa fuit vastata, tandem ab vxore est propter priuignae pellicatum interfectus: ex quo quam fuisset scelestus & impius, palam factum est. Itaque eo mortuo tumultuari cepit populus, omnesque eius discipulos & quotquot eius sectae erant, ferro est persequutus. hanc tantam cladem nepos eius euasit, qui arce occupata annum integrum tumultuantium atque Heensium obsidione sustinuit, quamobrem illi cepto destitit. Odium tamen inter eum & Heensium populum, omnesque vicinos maximum mansit: vitam per latrocinia ducebat: equites quosdam habebat, quibus viatoribus erat infestus: perpetuisque excursionibus iam pecora, iam homines agebat rapiebatque: tormentis quoque, quos sclopas hodie vocant, utebatur, quibus iter, 40 à quo arx miliare distat, infestum reddebat. Tanto tamen omnium odio flagrabat, vt neque agros tolerare, neque vllum aliud opus facere, vel pedem extra suum montem ferre posset. Aui sui corpus magnifice admodum in ipsa arce reponi curauit, colique quasi diuum mandauit. Hinc ad Septentrionem circiter xv. aut vi. M. P. Tesegdelum est oppidum satis amplum, domos enim 80. continet, in alto monte positum, rupibus altissimis vndique cinctum, adeo vt muris nihil opus habeat. Propter oppidum fluuius labitur. Horti omni genere arborum confiti ibidem sunt, ac praesertim nucum. ciues habet locupletes. equis abundat: quorum robore freti, Arabes tributa minimè pendunt, sed cum eis bella continenter gerunt: ac saepe numero non paucos trucidant. Agrestes tamen homines fruges ne ab Arabibus auferuntur, in urbem important. Qui in urbe degunt, moribus sunt satis probatis, hospitales & humani. nam custodibus portarum mandant, simul ac peregrinus quispiam appulerit, inquirant ab eo, habeatne certum aliquem in ciuitate amicum: qui si habere se neget, ab iis ad hospitium deducitur. ita nullus peregrinus pecuniam hospiti suo numerat, sed humaniter & gratis accipitur. sollicito coniugum amore vtuntur, homines alioqui

alioqui in fide constantes. Pulcherrimum habent in media vrbe fanum, à multis sacerdotibus cultum. Prætorem vnum satis in sua lege peritum foro præficiunt, qui in omnibus ciuilibus & priuatis causis ius dicit: publicas non attingit. agri in quibus serūt, omnes in montibus sunt. Ab hoc oppido XII. M. P. ad Septentrionem est aliud nomine Teientum, in conualle situm, lapide cocto extructum. Domos habet ad trecentas: cuius incolæ omnes agricolæ sunt. præter hordeū, fruges alias eorum solum non fert. Hortos habent complures, vite, ficu, persico confitos. Magnos caprarum greges habēt. Leonum etiam magnus numerus in ea regione inuenitur: à quibus non pauca detrimenta eorum gregibus importantur. hoc oppidum anno M. D. X I I I. à Lusitanis populo partim cæso, partim in captiuitatem abducto deletum fuit. Hinc X. M. P. Orientem versus est Ileusugaghen, paruum oppidum, in arcis morem in altissimo montis iugo positum, in quo sunt ad quadringētæ domus, & sub eo exiguus labitur fluuius. Nec intus nec extra oppidum sunt horti aut vites, aut arbores vllæ fructiferæ. cuius rei causa est incolarum negligentia atque inertia, qui nullum cibum curant præter hordeum, arganumq; oleum. discalceati incedunt, quibusdam exceptis, qui calceis ex camelino bubuloq; tergore vtuntur. cum campestribus bella assidue gerunt: & canum more se mutuo conficiunt. Neque iudicem neque sacerdotem, aliūve peritum hominem qui eis ius dicat, habent: propterea quod neque ius neq; religionem nisi extremis labris colunt. In omnib. eorum montibus, nullus penitus vilius generis fructus præter mellis copiam inuenitur: hoc & in cibum seruant, & finitimis vendunt: ceram autem vnā cum reliquis sordibus abiiciunt. In oppido exiguum templum est, vix centum hominum capax. nam hoc genus hominum omni religione iureq; contempto, quocunq; eunt, semper pugionem hastilēve aliquod habent ad cædem: homicidæ enim sunt, proditores & conscelerati. Decem milliarium Septentrionem versus itinere, ab hoc oppido progrediendo Hadechis inuenitur, in planicie positum, domib. septingentis frequens, crudoq; torum extructum lapide: flumine alluitur modico, in cuius ripis vites plurimæ sunt, pergulæq; elegantissimæ. In eo artificum Iudæorū magnus numerus: ciues honestè vestiuntur: equos habēt elegantes, propterea quod negociationi dediti sunt, multumq; peregrinantur. monetam hæc ciuitas argenteam cudit. nundinas habent quotannis semel: ad quas montani homines ex vicinis cōfluunt locis. In eo mercatu magna animalium variorum copia inuenitur. Lana item, butyrum, oleum arganum: ferramenta quoque & panni, qui apud eos fieri solent. Dies quindecim hæ nundinæ celebrantur. Sunt in hac gente mulieres formosissimæ, colore candido, mediocriter pingues, atque in primis elegantes & humanæ: sed viri feri, in re vxoria suspiciosi, ita vt ea de causa occidant eos de quibus suspicantur. Nullus ibi iudex, nullus homo doctus, cuius consilio inter eos officia distribuuntur, & negocia procurantur, verum potentiores omnia pro sua libidine tractant: in iis tamen quæ ad religionem spectant, suos habent sacerdotes, aliosque ministros. nulla apud eos vetigalia, portoria nulla, aliæve onera, quemadmodum neque in aliis huius regionis ciuitatibus. vastatum fuit hoc oppidum à Lusitanis anno M. D. X I I I. Hinc Septentrionem versus V I I I. M. P. in montis latere Teculethum est, quo in oppido mille domus habitantur. paruus amnis præterlabitur: ad cuius ripas vtrinque horti multi sunt, variis fructibus confiti. non desunt qui hunc amnem Diurum Ptolemæo esse putent: sed ij mihi gradus iterum non bene numerasse videntur, vel regionem inspexisse, iidem enim Diurum magis ad Septentrionem Azasio, quod in Ducala regione est, ponunt: cum Teculet magis sit ad Meridiem. ego verò aut Vnam aut Agnam puto. In oppido complures putei lympidis ac dulcibus aquis scatentes. Templum quoque non inuenustum: & quatuor pauperibus accipiendis dicata hospitia: & præterea vnum viris religiosi destinatum. Huius oppidi ciues & incolæ satis opulenti sunt. quod oppidum ad Oceanum portui, qui Goz appellatur, vicinum sit ibi magnam frumenti copiam distrahunt: quod in ampla & amœna planicie, quæ prope oppidum est, colligunt: magnam quoque ceræ vim Lusitanis mercatoribus vendunt. itaque satis

ornatè vestiuntur, equosque habent eleganter instructos. captum fuit hoc oppidum, & dirutum à Lusitanis anno M. D. X I I I I. Huic ad Septentrionem paruo spacio positum est Goz, ad Oceanum portus, ad quem Lusitani mercatores naues appellant: hunc puto à Ptolemæo Suriga appellatum potius, quàm Mef-sam. Teculetho Occasum, seu potius Lybam versus X V I I I. M. P. est Ted-n-stum, antiquum à Pœnis in satis amœna & commoda planicie conditum. Muro quod latericio opere & creta extructum est, totum cinctum: eodem opere & vrbana ædificia constant, supra mille & quingentas ædes capit. ex eo par-uuegreditur amnis, qui præter mœnia labitur. aliquot in vrbe tabernæ sunt, in quibus panni quibus vtuntur ipsi, & telæ, quæ è Lusitania eò aduehuntur, vena- 10 les sunt. Opifices nulli sunt, futoribus, fabris & sarctoribus exceptis, vndque aurifice. Diuersoritis caret, & balneis & tonstrina. Si qui peregrini eò comitant, ad amicum notumve aliquem diuertunt. Sin hoc desit, tunc nobiles inter se fortitò hospitem eligunt: ita nemini hospitium deesse potest. Si quem peregrinum honorificè accipiunt, magna delectatione afficiuntur. Illud tamen moris est, vt hospes discedens dominum aliquo munere ornet, quo se gratum esse testetur. Quod si quis eò veniat, qui mercator non sit, ei hoc conceditur, vt sibi ipse ex nobilibus qui ei videatur hospitem eligat, apud quem sine precio aut munere vllò sit. Quod si etiam egens aliquis incidat peregrinus, huic proprium est destinatum hospitium, in nullum præterea vsum erectum, quàm pauperibus 20 accipiendis & alendis. In media vrbe fanum est amplissimum non sine arte, lapide & calce constructum: antiquum, vtpote eo tempore ædificatum, quo Marochi rex huic genti imperabat. In huius fani meditullio ampla cisterna posita est ibi multi sunt sacerdotes aliique viri ad templi ministerium & custodiam constituti. Sunt & alia templa, aliaque ad orandum loca, sed parua, ac nihilominus pulchrè extructa, beneque custodita. In hoc oppido centum Iudæorum familiæ sunt à tributis immunes: nisi quod certos habent ex nobilitate patronos, quos certis muneribus afficere consueuerunt. Quin & incolarum maxima pars Iudæi sunt: & hi monetæ cudendæ præsumt: quæ moneta argentea est, centum-que & sexaginta eius generis monetæ ex vncia fiunt, aspri vocantur, & quadrati 30 sunt. nullum hic vectigal aut publicani sunt: sed si qua impensa in Rep. sit facienda, conueniunt ciues, ac pro cuiusque facultatibus inter se impensam partiuntur. Dirutum fuit anno M. D. X I. ciuibus in montes, ac inde Marochum profugientibus. cuius rei causa fuit, quod vicinos Arabes acceperant cum Lusitani regis duce, qui Azaphi sedet, de oppido Christiani tradendo conuenisse. huius regionis oppida ferè omnia ab Hannone Carthaginensium duce ad hanc oram lustrandam, & colonias in eam deducendas misso condita censentur, ideoque ab antiquis Pœnis ipsi condita dicunt: de cuius navigatione & rebus gestis alio loco dicemus. Totius huius regionis gens hordeaceo pane ferè viuere cōsuevit: quem tamen in placentarum potius quàm panis formam conficiunt, eumque sine fermē- 40 ro. hunc in testaceis quibusdā patellis depressis & planis coquunt, pauci que sunt qui furnis vtantur. Quodam alio cibi genere vescuntur vili & insipido, Elhalid appellatur: cuius conficiendi ratio hæc est. In aheno aquam ebulliunt, in ebullientem hordei farinam coniiciunt, eamque bacillo tamdiu miscent, quoad coctam putent: coctam in catinum ponunt, ac in medio ducta quasi fossa, in eam oleum quod habent effundunt. quo facto tota familia circumfunditur, ac manibus pro cochleari vfi, dum mica superest, vorant. Vere autem totaque ætate eandem farinam solent in lacte coquere, oleique loco butyrum immittunt. Hunc morem in cœnis seruant. In prandio enim, hyeme potissimum, panem cum melle: ætate cum lacte & butyro edunt. Carnibus quoque elixis, cepa & fabis 50 conditis vescuntur: addunt & aliud quoddam edulium, Guscusum ab eis appellatum. neque mensis, neque mappis vtuntur, sed storias rotundas sternunt in solo, ac super eas sumunt impositos cibos. plerique eius generis pro veste, panno quodam è lana, lodicibus quibus lecti in Italia insternuntur, non dissimili (Elchise ab eis appellatur) sese inuoluunt, fasciaque lanea, non latera quidem ipsa, sed imos lumbos ingui-

inguinaque constringunt ac tegunt. in capite pannum quendam, & ipsum è lana palmos longum decem, latum duos, gestare solent. Hunc cortice è nucum radicibus detractò tingunt, eoq; caput inuoluunt, ita tamen vt capitis vertex apertus sit. pileolos soli senes, ac si qui sint docti, gestare consueuerunt: hi autem pilei duplices sunt, & rotundi, eiusdemq; altitudinis, cuius erant quos medici in Italia olim gestabant. lintea tunica nudum corpus paucissimi tegunt, partim quòd apud eos linum non feritur: partim quòd telam qui norit texere, non habent. Sedilia iis sunt storeæ quædam villosæ, iuncis intextæ lecti villosæ lodices, longitudine vlnarum decem, interdum etiam viginti: cuius pars culcitæ loco substernitur, pars pro lin-
 10 teo lodiceque est: hyeme in villosa parte cubant, æstate in aduersa, quæ pilis caret. Puluini & ceruicalia, culei sunt quidam è lana magni & horridi, certis equorum stragulis, quæ ex Epiro & Thracia adferuntur, similes. Mulieres ferè omnes facie aperta, minimeque velata incedunt. Vasa habent lignea quædam non tornata, sed scalpro excauata. Ollæ tamen & catini fictiles sunt. Qui uxorem nondum habent, barbam non nutriunt: sed vxore ducta deinceps eam sinunt ex-
 crescere. Paucos habent equos: sed quos habent, ij per illos montes (tota enim regio aspera admodum, altissimisque & saxosis montibus saltibusque & val-
 libus, paruisque fluminibus est referta) tanta agilitate currunt, vt feles æquare vi-
 deantur. ferreis soleis calceare eos non solent. Asinis equisque agros arant. Ma-
 20 gna vis ceruorum, capreolorum & leporum ibidem inuenitur: verùm nulla apud eos venatio est. Pauca sunt moletrina, quod quidem cum fluminibus regio abundet, mirum est. singulæ tamen domus molas habent, quas fœminæ tra-
 ctant, molendi que operam præstant. Literæ apud hanc gentem domicilium non habent, nec quisquam literatus est præter leguleium aliquem, omni reliquo do-
 ctinæ cultu vacuum. Medicus ibi nullus, chirurgus nullus, pharmacopola nul-
 lus. plerique autem morbi apud eos candenti ferro, vt in bestiis solet, curantur. a-
 liquis tamen chirurgus inuenitur, cui vnica cura est infantes circumcidere. sem-
 per hæc gens in armis est, sed bellum omne inter ipsos est. nam exteris nulla
 fit iniuria. Si cui popularium aliquòd proficiscendum est, vt aut sacerdotem aut mu-
 30 lierem aduersæ partis aliquam comitem, & tanquam obsidem habeat oportet. Iu-
 ris & fori apud eos nulla mentio, in illis præsertim montibus, vbi neque princeps,
 neque prætor est, qui ius dicat: vixque ipsi nobiles & primarij aliquam in vrbibus
 speciem aut vmbra magistratus tueri possunt. sunt in hac regione præter ea que
 enumerauimus, multa castella & pagi. Heæ & Sufianæ principatum sibi Seriphus,
 de quo supra diximus, arrogat. & hæc de Hea.

GVZVLA, MAROCHI REGIO III.

40 **G**VZVLA regio frequentissima est, sed montosa ferè, inter Heam & Sufianam
 in Atlante posita: nonnihil tamen ad Meridiem vltra Atlantem iuxta Sus
 fluuium, & ad Occasum in Australem Nisifæ Marochensis regionis montis
 partem extenditur: ab Occasû igitur Ilalemum Sufianæ montem, à Septen-
 trione Marrocensis regionis montes, ab Ortû eundem Elisnaulem fluuium
 cum Hea finitimum habet: à Meridie arenosam solitudinem. huius regionis
 incolæ feri sunt, à pecuniis imparati: sed pecore diuites, & hordeo affluen-
 tes. æris & ferri fodinas habent: multa que ænea vasa parant, quæ in varias fe-
 runt regiones, & pannis, aromatis equisque atque aliis rebus necessariis permutant.
 In hac regione neque vrbes sunt, neque castella: verùm pagi & ampli &
 boni, quorum singuli plus minus mille continent casas. regem aut dominum
 50 non habent, sed promiscuè sine ordine & lege rem communem administrant:
 ex quo fit, vt inter ipsos fiat perpetua ferè contentio & bellum: cui rei nullam a-
 liam norunt adhibere medelam, nisi quòd ex septem diebus tres perpetuò ha-
 bent induciis consecratos, quibus hostis cum hoste commercium habere turq;
 potest, & ex pago in pagos liberè comere. aliis diebus se inuicem ferarum
 more conficiunt. Hanc induciarum legem religiosus quidã inter eos vir, diuinus

habitus, sanxit. corpus certis è lana tunicis crassis, breuib. angustis, & sine manicis tegunt. pugiones quosdam retortos & latos, vtrinque incidentes, & in tenuissimum acumen desinentes, gestant: enses verò Ideuacalem incolentibus similes: nundinas bimestres quotannis habent, quibus omnes externos qui ibi sunt, etiam si essent decem millia, alunt: vbi dies prima nundinarum venit, inducias firmanant, & singulæ partes centurionem creant, cui centum milites attribuunt: idq; faciunt ad securitatem nundinarum. Hi hac illac discurrent, & fontes pro magnitudine criminis puniunt: fures verò statim hasta quadam eius gentis propria confodiunt, cadauer autem canibus laniandum relinquunt: fit hic mercatus in conualle quadam, merces sub tentoriis & tuguriolis, ex arborum frondibus confectis, mercatores habent: ipsa quoque genera mercium locis distincta sunt, vt alibi panni, alibi aliæ merces vendantur. Qui bestias habent venales, extra tentoria & tabernacula manent. Omnibus tabernaculis adiacet tugurium frondosum ad nobiles accipiendos, & in quibus peregrinis cibus exhibetur: sunt quoque huic rei ædiles præfecti, & quanquam magnas in peregrinos impensas faciant, tamen in suis rebus vendendis duplum lucrantur. nam ad hunc mercatum concursus fit ex tota illa regione, atque etiam ex Nigritarum gente, quia magna habent ibi negocia. Breuiter rudi quidem ingenio sunt Guzulani, verum in illis nundinis quietè & pacatè gubernandis admirabiles. Incipiunt hæ nundinæ x i i. mensis Rabi, qui tertius est Arabici anni, eo ipso die quo Machumetis natiuitas apud eos celebratur, quod ad nostros menses redactum est, xx i i. Aprilis. eo enim die Machumetus anno Christi D. xc i i i. natus est.

MAROCHVS, MAROCHENSIS PROVIN-

CIÆ REGIO IIII.

MAROCHENSIS ager, ab Esfnuale & Nefisa monte initium capit, tenditq; in ortum vsque Hadimeaiuga M. P. C. in Septentriones verò Tensistum flumen sequitur, donec hoc flumen cum Asfnuale flumine, qua Hea ab Orientis latere incipit, coniungatur: regio ipsa trianguli ferè formam efficit, tritico atque aliis frugibus copiosissima est, itemque pecore, aquis, fluminibus, fontibus, fructibus, veluti dactylis, vuis, ficubus, pomis, pyris omnis generis abundat: plana ferè est Gallia cisalpinæ instar. Montes quos habet, frigidissimi & steriles sunt. nam in eis præter hordeum nihil prouenit: vt autem institutum ordinem sequamur, à montibus & ab occasu incipiemus. Primus igitur huius regionis mons est Nifsa, qui hanc regionem ab Hea separat: hunc montem à Demensera Hea monte Asfnuale fluuius diuidit. hic mons ad Septentrionem respicit circiter viii. M. P. valde frequens est: atque in eius cacumine, quanquam in eo crebræ decendant niues, hordeum tamen seritur, feliciterque prouenit. Sunt huius montis incolæ syluestres homines, & inculti: si quando honestum aliquem vident virum, tam eum quam eius vestitum mirantur, quia nulli mercatores ad eos commeant, nec ipsi ad vias, qua solent homines iter facere se conferunt: quod ea loca ferè homines nequam & latrones tenere soleant. Abundat capris, melle & argano. ibi enim arganum incipit inueniri: huius montis Orientalem partem à meridionali solis ardore tuetur Seufaua mons, à quo eiusdem nominis fluuius oritur: qui fluuius ad Nifsa Orientale caput decurrit, eumque à proximo monte separat, & in Asfnualem fluit. niues in hoc mōte perpetuæ sunt, gens barbara, nullam cum finitimis pacem colit: arma sunt saxa, aquæ fundis cōtorquent: hordeo melle & caprina carne victitant. multi inter eos Iudæi, qui in illis montibus fabrilem artem exercent, & ligones, falces, atque equorum soleas conficiunt. lidem quoque domos extruunt, quanquam in eo haud multum sanè habent negocii: quod parietes lapide & creta tecta paleis construuntur. Hic enim neq; calx, neq; regulæ, neque lateres, neque aliud quidquam reperitur. Atque eiusmodi sunt ædes in eis montibus, de quibus diximus. Sunt apud hos multi legum studiosi, quos certis in rebus consulunt. In Orientali Nifsa parte initium habet alius mons, qui Semeda dicitur, quæ à Nifsa Sessaua fluuius diuidit: hic xx. M. P. in solis exortu extēditur. huius

- huius montis incolæ, viles, horridi & pauperes sunt. Fontibus hic mons abundat: niues in eo toto anno nō defunt. nullum ibidem forū aut ius, nisi si quando viator aliquis incidat, qui eis prudens esse videatur: huic de re quapiam controuersa ius dicenti acquiescunt, ideoq. vbi quis peregrinus ad eos venerit, eum donec ipsorū controuersias omnes audierit diiudicarique, discedere non patiuntur: quod vbi fecit, tūc eum sub templi porticu sedere iussum conceptis quibusdam verbis precati, cum muneribus accedunt, capūtque osculantur, atque alius gallum gallinaeum, alius nucis putamen: hic restem ceparum, ille allij adfert. nobilissimus autem inter eos hircum donat. hordeacea farina cum feruente aqua permixta, carneque hircina durissima vescuntur, & in nuda humo cubant. Huic ad Meridiem Tenmele mons est altissimus ac frigidissimus, totus tamen valde frequens: in cuius cacumine vrbs eiusdem nominis posita est: ea quoque admodum frequens, & pulcherrimo ornata templo. mediam alluit fluuius. in hac ciuitate sepulti sunt, Elmahdis concionator, eiusque discipulus Habdul Mumen. Nequissimi & pessimi sunt huius montis incolæ, seque quod eius concionatoris (qui tamen in Saracenica religione transfuga impiusque habetur) Theologiz ac doctrinæ operam dederint, doctissimos ducunt. Itaque vt primum hominem vident externum, cum eo eo disputare volunt. malè vestiti incedunt, quia in eis locis nullus peregrinus versatur: sine lege ferarum more viuunt, nisi quod sacerdotem vnum habent
- 10^o consilij principem. hordeo atque oliuo vescuntur, nucibusque & pineis affluunt. Secusua mons hinc ad Orientem cōiungitur, incultus, præaltus, atque admodum algidus, densissimis syluis & perpetuis niuib. horridus, fontibus scatet, indeque Alisnual fluuius oritur, qui rādiu in Occasum decurrit, donec à Nisifā finem veniat, ibique inter Nisifam & Demenseram cursum suum ad ferreum montem, vbi Tensisto coniungitur, in Septentrionem dirigit. in hoc monte speluncæ sunt multæ, amplæ & profundissimæ, in quib. per tres anni menses, Nouembrem, Decembrem & Ianuariū pecora habent, quorum pabulum & scenum & frondes quædam prægrandium arborum: victum à vicinis montibus capiunt. in hoc enim nihil prouenit. Vere & æstate, lacte, caseo recenti, & butyro abundant. His vita
- 30^o longa est, plerunque annorum octuaginta, sæpe nonaginta, interdum centum viuida senectus, eisque incommodis vacua, quæ anni illi adferre solent. Greges ad vitæ exitum agunt: nullum vnquam externum hominem vident. albos in capite pileos gestare solent, calceos vtuntur nullis, nisi quod pedibus aliquid subiiciunt, ne saxis lædantur, & crura detritis quibusdam fasciis inuoluunt, & funiculis adnectunt, vt ea à niuium iniuria defendant. Ex Orientali Semedæ montis parte initium capit Gedmeua mons, extenditurque Orientem versus ad x x v. M. P. adeo vt cum Imizmizis coniungatur. Incolæ rustici pauperes, & Arabis subiecti: propterea quod sedes ipsi suas prope planiciem, quæ Septentrionalē Teumelis montis partem spectat, habent. in montis lateribus oleæ multæ sunt, & ad hordeum ferendum campi: nemora præterea non pauca, & in montis cacumine complures fontes. Hunc sequitur Hantera altissimus mons, qui Ortum versus Adimeium montem vsque x l v. M. P. extenditur. gentem habet bellicosam, diuitem, & equis abundantem. In eo arx est, qua quidam Maro chensis principis propinquus potitur, verum continua inter eos de finibus bella sunt. In hoc monte multi sunt Iudæi opifices, qui tributa huic domino pendunt. Hi Carainorum in religione sectam sequuntur, suntque (vt dictum est) homines bellicosi. Montis cacumen perpetuis niuib. riger, adeo vt niuium ingens moles primò intuenti nubes videatur. latera eius arboribus, herbisque nuda perpetuò sunt. In plerisque locis candidissimum & purissimum eruitur marmor. quod tamen ab ea gente contemnitur.
- 50^o neque enim quisquam est, qui aut eruere aut expolire id norit. Multis in locis columnæ & capitula columnarum perfecta, vasaque capacissima & pulcherrima ad fontes excipiendos inueniuntur, eorum principum & regum potentissimorum opera adornata: de quibus infra dicemus, sed eorum cœpta bellis interrupta fuerunt. Hunc Orientem ac Meridiem versus attingit Adimeius, mons magnus & altus, qui in Ortum ad flumen Tensistum vsque progreditur. multi hunc mon-

tem populi incolunt. multa ibidem nucibus, oleis, & cotoneis malis referta nemora inueniuntur. Gens est satis bellicosa: omnis generis animalibus abundat, propter cœli temperiem, solique bonitatem. ab hoc monte complures fontes scaturiunt, & Tensistus fluuius, qui hinc cursum suum in Circium dirigit, ibique Oceanum prope Azasium in Duccalia regione ingreditur: hic fluuius aqua abundat, & profundus est, aliquibus tamen in locis ab equite vado transiri potest: prope Marchum urbem pontem habet, à Mansore rege ædificatum, qui quindecim arcibus sustinetur, ex pulcherrimis Africæ ædificiis. eius tamen tres arcus ab Abu Dubusio postremo Marochi rege ac pontifice, sine fructu, ut Iacobum primum ex Marina familia regem transitu prohiberet, fracti fuerunt. In hac regione decem sunt nobiliora oppida, nempe, Teneza, Tumeglastum, Tesrastum, Marochum regia, Agmetum, Hammineium, Imizmizi, Delgumuha, Elgiumuha, Imegiagen. Teneza oppidum munitum in Nisfæ montis latere Septentrionali, quod latus Ghedmina dicitur, ab Asifnuale Orientem versus 10 V I I I. M. P. distans, à priscis Pœnis conditum est. subiaceret ei amplissimi campi, & fertilissimi: quos incolæ Arabum metu colere prohibentur. In montis modò lateribus, interque flumen & oppidum serunt: cuius etiam rei gratia omnium fructuum Arabis pendunt. Hinc circiter 20 X X X. M. P. in Aquilonem est, Tumeglastum, quod tria parua castella in plano loco sita continet, & distat ab Atlante Septentrionem versus X I I I. M. P. circa omnia sunt palmis, vitibus, atque aliis fructibus confita. Planiciem habent pulcherrimam, & frumentis optimam, sed coli propter Arabum excursiones non potest. Sunt hæc castella propè deserta, nec in iis plures sunt quàm duodecim, quindecimve familiæ: domos habent tam angustas, tamque incommodas, ut potius pecorum stabula, quàm hominum domicilia esse videantur: aquæ ibidem salæ sunt. Post 30 X V I. M. P. Ortum versus est Tesrastum paruum oppidum, ad Asifselmelis fluminis ripam situm, procul ab Atlante circiter X X. M. P. hic autem fluuius ex Hantera monte prope Marocum oritur, & in Tensistum fluit, circa urbem hanc multi horti sunt palmiferi, agrique fertiles. Incolæ omnes ferè olitores sunt. Fluuius interdum ita redundat, ut hortos omnes corrumpat, & Arabes æstate in hortos irrumpunt, & quicquid boni est auferunt. Sequitur Marochû, olim Bocanum Hemerum, quod 40 X I I I. M. P. ab hoc Ortum versus, distat, vrbs inter orbis terrarum maximas, Africæ verò nobilissimas numerata. In patentissima planitie X I I I. M. P. procul ab Atlate, & V I. ab Tensisto fluuiio, ad Agmeti portas, quibus per Atlantem montem in solitudinem, in qua Lontuni populi sedes habent, iter est, à Ioseppo Tesfni eius populi regis filio, quo tempore is cû sua gēte in eam prouinciā venit, excellentium architectorum, & magno ingenio præditorum artificum consilio condita, amplum loci spacium occupat: & regnante Hali Ioseppi regis filio, plusquam centum millia domorum continebat. in eā per portas 50 X X I I I. aditus patebat, murisque pulcherrimis & firmissimis ex viua calce & arena cincta erat. Templis, collegiis, balneis, & diuersoriis Africo more instructa. Ex iis autem templis quædam à Lontunæ regibus erecta sunt, alia ab Elmuachidinis, qui post Lontunam familiam ibidem dominati sunt. In media vrbe vnum est omnium pulcherrimû, quod ab Hali, de quo supra diximus, extructum fuit: atque templum Halibeni Ioseppi appellatur. hoc templum eius successor Abdul Mumen destruxit, & iterum construxit, nulla alia de causa, quàm ut nomine Halis obscurato suum illustraret: eius tamen labor irritus fuit, populus enim antiquū retinuit nomen. Est & aliud, prope arcem templum, ab eodem Abdule Mumene, qui secundus in regnum per tyrannidem inuasit, extructum: quod templum ab eius nepote Mansore vndiquaque vlnas quinquaginta auctum fuit, & multis columnis ex Hispania aduectis ornatum: & sub eo cisterna fornicata, quæ templum amplitudine æquaret, substructa, in quam per certas fistulas aqua pluuia omnis ab omni templi parte decurreret. nam fanitæctum ex plumbo totum Mansor esse voluit. Turrim quoque ex lapide quadrato & maximo, ad amphitheatri Romani formam extruxit: cuius turris ambitus centum vlnas continet, altitudo quanta est Bononiæ Asinellorum, vel Argentorati summi templi turris.

Gradus per quos ascenditur, plani sunt, & nouē palmos lati. Muri exterioris crassitudo palmos decem, cochleæ quinque pater. In turri sunt domicilia alia super alia septem commodissima, & elegantissima: scalarum gradus ab imo ad summum luminosissimi sunt, id quod efficiunt elegantissimæ fenestræ, intus quàm foris latiores, summoque artificio elaboratæ. In huius turris summo est altera turricula, cuius fastigium instar obelisci est, ambitus vlnas capit x x v. qui ferè est cochleæ ambitus. hoc fastigium ad pedes viginti attollitur, estque tribus fornicibus tanquam tabulatis distinctum. ex altero in alterum per ligneas scalas scandendum est. In fastigij huius summo veru firmissimè fixum est: in eo tres argentei globi infixi sunt: 10 quorum secundus proportionem minor est primo, & tertius secundo. Cum ventum est in supremum fornicem, caput voluendum, vt ij faciunt, qui in naui cauea, corbitaue quæ in mali cacumine est, versantur: ex quo loco si quis in terram oculos demittat, homines quamuis proceri, vix infantes anniculi videntur: indeque Azafius mons, qui Marochoc x x x. p. m. abest, optimè cernitur: cernunturque planicies quæ circa sunt, ad l. m. p. Templi ipsius interiora non multum habent ornatus. Lacunaria omnia lignea sunt, sed tamen satis eleganter elaborata, cuiusmodi pleraque in Italiæ templis sunt: est autem hoc templum vnum ex maximis orbis terrarum templis: verum nunc desertum propterea, quod populus in id non conuenit ad supplicationes faciendas, nisi Veneris die. Quin & ipsa ciuitas 20 multum diminuta est, præsertim in regionibus templo vicinis, adeò vt difficulter ad ipsum templum ædium impredientibus ruinis, pateat accessus. Sub ipsius templi porticibus, ad centum librariorum siue bibliopolarum tabernæ, totidemque in aduersa parte esse consueuerunt, nunc autem in tota vrbe ne vna quidem reperitur, vixque vrbs tertia pars habitat. Quæ loca sunt in ea vacua, ea palmis, vitibus, aliisque arboribus fructiferis consita sunt. nam extra urbem nihil præ Arabum metu ne palmum quidem possunt colere. In hac vrbe arx est tanta amplitudine, vt vrbs potius quàm arx esse videatur. huius arcis muri latissimi & firmissimi sunt: portæ pulcherrimæ è marmore, Tiburtino simili, cum ferreis valuis. In arcis meditullio templum est cum turri sanè magnificum. In turris fastigio ferrea 30 eminet hasta; in qua tres aurei sunt inserti globi c c x v i. auri talentis: hoc est, aureorum nummum c x x x. m. æstimati: atque hi globi ita sunt collocati & facti, quemadmodum de argenteis diximus. Hos globos plerique principes inde auellere auferreque voluerunt, vt ex eis conflata pecunia in suis opportunitatibus vterentur: verum eis quoties id tentarunt, aliquid aduersi accidit: quamobrem eos relinquere coacti sunt, adeò vt inauspicatam rem ducerent eos inde reuellere. Vulgus eos globos, ea cœli affectione, eoque sidere ibi collocatos existimat, vt nulla humana vi auelli vnquam possint: aiuntque eum qui eos ibi confixit, magicis artibus certos in eis inclusisse spiritus, à quib. perpetuò custodirentur. Patrum nostrorum memoria Marochensis rex, vt Lusitanorum bellum sustinere posset, 40 vulgi superstitione contempta, inde omnino aureos illos globos auferre veluit: sed id ei populus non permisit, in eis maximum vrbs splendorem & præsidium situm esse affirmans. Legitur in historiis, Manforis coniugem, eo à viro suo ædificato templo, vt & ipsa aliquam sui inter templi ornamenta memoriam consecraret, aurum, argentum, gemmas, reliquumque muliebre mundum à marito, dum sponsa esset, sibi donatum vendidisse, & ex eo auro tribus conflatis globis, fastigio illud ornamentum imposuisse. Est præterea in eadem arce nobilissimum collegium, literis, & literarum studiosis dicatum. In eo sunt triginta cubicula: & in imo locus amplus, vbi olim docentium voces audiebantur, qui in eo collegio manebant discipuli, eis victus vestitusque ministrabatur, ita vt semel quotannis nouas vestes acciperent. Doctorum alij centum, alij ducentas auri drachmas pro lectionum ratione in annum accipiebant. In hoc collegium nemo nisi qui principia scientiarum rectè teneret, cooprabatur. Locus est opere tessellato quod Musaicum vocant, pulchrè ornatus: vbi hoc nō est, intus parietes certis lapidibus coctis, & encausto illitis, in quib. tessellarum loco tenues foliaturæ, aliaque opera incisa sunt, vestiuntur: in eo præsertim loco, vbi docetur, & in tectis clausisque porticibus. quæ autē

aperta caelo sunt, pauimentum habent ex iisdem lapidibus vitreatis, quæ Ezzuleia vocant Afri, cuiusmodi etiam in Hispania visuntur. In ædificij meditullio fons est pulcherrimus, ex candidissimo marmore fabrefactus, sed Africo more depressus. Fama est, hic magnum fuisse discipulorum numerum, nunc autem paucissimi sunt: & vnus tantum legum interpres. Sunt etiam in eadem arce duodecim distinctæ ædes planè regiæ, omnia à Mansore fabricata. In primo prætoriani milites balistis vtentes habitabant: hi quæ quingenti esse consueuerant Christiani, qui principi anteibant, si quando ei locum mutare contingebat. In altero huic vicino totidem custodes arcus gestantes: post paulo vltius scribarum locus, & eorum qui à cõsiliis principi sunt, quæ ob id negociorum domos ab eis appellatur. Tertium victo- 10
riæ Atrium dicitur, in quo arma & reliqua ciuitatis bellica instrumenta conseruabatur. Hunc alius sequitur locus, in quo archippocomus siue stabuli magister habitabat: cui adiuncta sunt tria equorum stabula fornicato opere, quorum singula equos ducentos commodè capere possunt. Alia item bina stabula: quorum alterum centum mulis capiendis: alterum equabus & mulabus, quibus vti rex solebat, destinatum. Stabulis coniuncta sunt horea bina, & ipsa fornicata, duplici fornice: in imo stramen, in superiore hordeum ad equos pascendos. in altero horreo frumentum asseruabant: quod ita factum est, vt inferior fornix modiorum xxx. m. capiat, & totidem superior: in quorum tectis de industria quædam sunt facta foramina, & gradus scalarum ex lapide plani eò vsque pertingunt, per 20
quos in tectum scandunt onusta iumenta: inde quæ certo numero modiorum constituto, in horreum per ea foramina demittitur. Quum verò frumentum inde extrahere volunt, alia quædam subsunt foramina, quibus patefactis sua sponte fluit: atque in hunc modum sine negotio & hauriunt & immittunt. Post hæc aliud est domicilium in quo regis filiorum atque aliorum domesticorum fuit schola. In hoc cubiculum est quadratum cum peristylis & fenestris vitreis colorum varietate distinctis. Insunt quoque circa parietes cubiculi, armaria quædam ex tabulis opere insecto auro quæ & cæruleo colore preciosissimo, nempe eo qui ex lapide Lazuli fit, picta & ornata. Aliud item domicilium, in quo alia armatorum caterva considebat: item quæ aliud admodum amplum, vbi rex se ac- 30
cedentes audiebat: aliud, vbi cum regis consiliariis agebant legati: aliud regiæ vxores, earum quæ ancillæ & seruæ occupabant: aliud in multas partes & loca diuisum, regis natu grandiores filij obtinebant. Ultra hæc omnia ad arcis muros, qua planiciem spectat, horti amœnissimi fuere, omni arborum ac florum genere confiti & ornati. In his hortis porticus est tota marmorea & quadrata, septem palmos in solum depressa: & in eius medio columna leonem marmoreum sustinens, satis diligenter efformatum, è cuius ore limpidæ & copiosæ in porticum aquæ effunduntur. In singulis quatuor huius porticus angulis pardus sedet ex candido, certis viridantibus & rotundis maculis à natura factis distincto marmore, quod nusquam, nisi in quadam Atlantis parte C L M P. à Maro- 40
cho, reperitur. Prope hortos septum est, in quo varia ferarum genera inclusa tenebantur, pardi, elephantes, leones, cerui capreoli: quanquam leones separatim ab aliis feris locum habebant, qui etiamnum leonum cauea nominatur. In hac ciuitate mortuo Ioseppo conditore, regnavit filius eius Halis, cui successit filius Abrahamus: quo tempore seditionem in religione excitauit concionator quidam, Elmahelis vocatus, in montibus & natus & altus. Hic haud exiguo militum numero collecto, bellum intulit Abrahamo. Rex cum suis copiis ei obuiam processit, & commissa pugna fusus fugatus quæ est, itineribusque ab Elmaheli occupatis, in urbem redire non potuit. Itaque ea à tergo relicta, Orientem versus fuga contendere compulsus fuit, & cum paucis qui è fuga superfue- 50
rant, iter per Atlantis latus tenuit. At Elmahelis ea victoria non contentus, homini quem suis discipulis præfecerat, Habdul Mumen dicto, mandauit vt regem cum dimidia copiarum parte persequeretur: ipse autem cum reliquis copiis Marochum obsidione cinxit. Rex nusquam consistere, nec se defendere potuit, donec Oranum peruenit: qua in vrbe cum iis, quæ aderant reliquiis, sese vt poterat,

poterat, tueri eogitabat. Sed Habdul Mumene castra ad urbem admonente populus regi se eius causa periclitari nolle denunciauit. Quare infelix rex, omni amissa spe, nocte intempesta, equo conscenso, vxoreque quam secum habebat, in eundem equum accepta, incognitus e ciuitate sese per portam proripuit: atque in altissimam rupem, quæ mari imminabat, contendit. Ibi extimulato atque impulsso calcaribus equo, præceps per prærupta ruit. Ita tres ipsi mortui totique confracti in scopulo inuenti sunt: & miserabiliter sepulti. His rebus in hunc modum gestis Habdul Mumen victor Maroccum rediit: vbi felici suo fato, Elmahelim mortuum reperit: quamobrem rex in defuncti locum, & Pontifex æquadraginta discipulis, & decem Elmahelis scribis sive consiliariis, nouo in lege Machumetica exemplo cooptatus fuit. Hic igitur in urbis obsidione constanter perseuerauit, donec anno vertente urbem vi cepit: captoque Isaco, qui vnus de Abrahami stirpe supererat filius, eum propriis ipse manibus iugulauit: post maiorem militem, qui in vrbe fuerant, & ciuium partem vita priuauit: hic omnes regiones à Messa ad barbaricam Tripolim vsque, quæ pars est Africæ præstantior, suo subiecit imperio, ita vt eius imperij fines in Africa, nonaginta dierum itinere in longitudinem, quindecim in latitudinem paterent. obtinuit etiam in Europa omnem illam Hispaniæ partem, quæ olim Bæica, nunc Granata dicitur, quæque ad Tariffa Tarraconem vsque patet, bonamque Castiliæ Lusitaniæque portionem: nec solus ipse tantum habuit imperium, verum etiam filius ipsius Iosippus, & Iacobus Mansor nepos: omnesque posterius Machumetem Enasir vsque, qui anno Domini M. C. C. XII, in Valentiano regno ab Alphonso (vt opinor) nono Castiliæ rege in eo loco, qui Las Nauas di Tolosa, id est, naues Tolosanæ nuncupatur, l. x. m. partim equitibus, partim peditibus in pugna amissis victus & debellatus fuit: in cuius victoriæ de Mauro rege partæ memoriam, hic Alphonso clypeum suum aurea arce in purpureo campo depicta ornauit. quem morem & posterius adhuc hodie seruant, quod atreum regnum, tanquam munitam arcem eo die barbarorum sanguine confirmatum, ac ex impiorum faucibus ereptum fuerit, indeque regno quod prius Baitanorum appellabatur, Castellæ nomen est inditum, eandemque ob causam D. Iacobi equestrem ordinem instituit, qui purpureo gladio sanguinis argumento vestes suas insigniunt. Hunc Machumetem nostri historici Miramulinum appellant, cuius rei causa hæc est: quod Habdul Mumenus, de quo supra diximus, qui primus nouo exemplo Pontificatum simul & regnum est adeptus, potentia sua & religionis opinione fretus se Miralmuminum, quod credentium principem significat appellari voluit: quod & posterius eius sequuti sunt: nostri autem corrupto nomine Miramulinum, sicut & pro Habdul Mumene, Abed Ramon dixerunt. fuit hic Abdul Mumenus tempore Roderici postremi Visigottorum in Hispania regis anno D. C. C. vel circiter: iisque quas diximus regionibus in Africa occupatis, à Iuliano comite Visigoto ob vim Cabæ filiæ illatam in regem accenso aduocatus & adiutus in Hispaniam traiecit, eamque totam præter Astures & Cantabros imperio suo subiecit: sed paulo post Christianorum viribus ad Mauros pellendos Pellagio Cantabriæ principe duce in Hispania collectis, aliqua Christiani recuperarunt, Mauri tamen iis quæ supra diximus, locis circiter trecentos annos potiti sunt, donec ea clade accepta, ex qua tamen rex fuga incolumis euasit, seque Marochum recepit, declinare horum regum familia virésque coeperunt. At Christiani victoria audaciores facti, bellum continuerunt, & spacio annorum triginta, Valentiam, Deniam, Alicantem, Murciam, & nouam Carthaginem, Cordubam, Siuiliam, Iacen, & Vbedam recuperarunt: Machumetes verò moriens, reliquit decem filios iam natu grandes, inter quos de imperio ortum certamen in causa fuit, vt se inuicem conficerent, & deinde Marina gens in Fessanum regnum veniret. Atque etiam in vicinis locis Habdulua deus populus excitatus, regnum Telenfinorum occupauit, & Tunetano magistratu moto, regem qui ipsi videretur imponebat, venit post regnum ad Iacobum Habdulachi filium ex gente Marina, quæ annis cxx. im-

peravit: neque in his mutationibus tantum ab ullo ciuitas accepit detrimenti, quantum à stirpe Marini, quæ sedem suam Fessæ collocavit, ibique regiam habuit: Marochi verò vicarium. atque in hunc modum Fessa Mauritaniz totiusque Occiduz oræ caput fuit. Pòst & Marium defecit genus, & Marochi quidam ex veteri mōte vrbi proximo dominati sunt, ac tandē Marochensis vrbs contēpta remansit, atque ab Arabibus vexata, quoties populus non statim eorum cupiditati & voluntati sine vlla tergiuersatione obsequitur. non desunt qui hanc urbem non à Ioseppo Tesfni filio, sed ab Habdul Mumene, vel Abed Ramonæ (vt ipsi dicunt) conditam velint: sed nos Leonem Africanum potius quàm alios sequi volumus. Sunt etiam qui non absurdè hoc in loco Bochi regiam, à Pto- 10. lemæo Boccanum Hemerum appellatam fuisse credant, nec Geographica ratio repugnat. Agmetum oppidum à Marocho ortum versus XXI I I I. M. P. distat, ab antiquis Pœnis in quodam Atlantis colle conditum, domorum ad sex millia continet. Hoc regnante Muachidina gente admodum floruit, alterumque Marochum dictum est (fuerunt autem Muachidini Habdul Mumenis successores) hortis & vineis pulcherrimis partim in colle, partim in planicie abundat. Præter id labitur annis ex Atlante ortus, qui deinde cum flumine Tensisto commiscetur. inter hæc flumina planicies est soli bonitate miranda. aiunt enim id solum interdum cum quinquagesimo fructum ferre: huius fluminis aquæ semper albæ sunt, hunc Marochum vsque peruenire existimant: qui per 20. quosdam subterraneos canales decurrens, prope urbem erumpat. Regibus aliquot placuit explorari, vnde hic fluuius veniret. Itaque certos per aquæ canales ire iusserunt: qui laternam præferentes, cum aliquo vsque per canalem peruenissent, veti impetum ferferunt, quo etiam lumen in laterna extinctum fuit: qui ventus tanto impetu flabit, vt maiorem nunquam sensisse viderentur. Sæpe etiam ita periclitati sunt, vt redeūdi facultas omnis ablata videretur. Nā præter hoc ipsum flumen, quod per saxa immania rotatum frangebatur, inter quæ fluctus allidentes, modo in hanc, modo in illam partem flumen præcipitabatur. profundissimas quoque voragines & cauernas inuenerunt, ita vt ab incepto desistere compulsi fuerint: nec quisquam pòst inuentus est, qui idem tentare sit ausus. Qui res Maro- 30. chensium scripserunt, aiunt Marochi conditorem astrorum scientia, qua ij reges præstabant, multa vrbi suæ bella imminere præuidisse: ideoque hæc fluminis cursui aluoque, quæ illum occultarent opposuisse, quo ignorato aquæ fonte, & viis ab hoste priuari non possent. Sub Agmeto prope fluuium trames est, per Atlantem in Guzulam regionem duçens. hæc vrbs nunc habitatore vacua est. Sequitur Haminmei paruum oppidum, in Atlantis colle planiciem versus ab Agmeto, qua solem orientem respicit XVI. M. P. in tramite Fessano, per montis latus iter facientibus situm: inter flumen & oppidum campi sunt vbertate cum Agmetanis conferendi. Fessano regi nunc paret Elginmuha in planicie ad flumen Sessaua, & Orientalem Nissæ partem VII. M. P. procul ab 40. ipso monte Septentrionem versus situm, ab Afris conditum fuit: verum post exactam regno Muachidinam gentem Arabes tenuerunt. veteris vrbs nunc rara tantum quædam extant vestigia. Arabes tantum ibi soli colunt, quantum ad eorum victum satis esse videtur: reliquum incultum sinunt. Quum autem hæc ciuitas esset frequens & plena colonis, quadragies tertium pendebat, & domorum ad sex millia continebat. Imegiagen, arx est ab Elgiumuha XXV. M. P. Eurum versus in vno ex Atlantis iugis sita, non muris, sed situ & natura munita. Hanc nobiles quidam indigenæ olim possidebant: verum ab Homare Essiepho seditionis in religione autore: qui nullum immanitatis genus reliquum fecit. nam & infantes pueros trucidari, & prægnantium foeminarum 50. corpora aperiri, & foetum ex utero abstrahi, & in matrum gremio discerpi mandabat: vt antè mortis acerbiter sentirent, quàm vitæ dulcedinem essent experti, anno M. CCCC. XCIII. exacti fuerunt, ita locus habitatore vacuus mansit, sed pòst M. D. XIII. iterum aliqua ex parte incolæ cœpit: verum quæ ad vitam necessaria sunt, in montis tantum lateribus seri possunt. per planiciem

- hici enim, iam Arabum, iam Lusitanorum metu ne iter quidem fieri potest. Delgumuha vrbs munitissima, in Secſiua mōte supra Aſifnualis fluminis fontes, à Marocho Lybam verſus L. M. P. aliis montibus ſepta eſt: ſub ea (vt diximus) Aſifnual flūuius oritur, quæ vox punica lingua rumoris flūuium ſignificat. ex monte enim magno cum ſtrepitu præceps ruit, efficitq; profundam voraginem inſtar auerni. hoc oppidum patrum noſtrorum ætate conditum fuit: mille prope- modum domicilia continet, equitatu ac peditatu ſatis valet, ex mapalibus pagis- que Atlantis ad quadringenta ſeſtertia: hoc eſt, aureorum nummū decem mil- lia capit. frequentiffimum eſt, atque opificibus inſtrūtiſſimum. populus cum
- 10 Arabis arctiſſima neceſſitudine coniunctus eſt, quos etiam ſæpe magnis & ſplen- didis cum Marochenſium principum indignatione afficit donis: inter ipſorum montes horti ſunt elegantiffimi, fructibus abundantes. hordeum, linum, can- nabem ſolent ſerere: capras habent multas. Sacerdotibus iudicibusque vtuntur: cætera homines ingenio craſſo ſunt, atque in re vxoria admodum ſuſpicioſi. Imizmizi ab hoc X I I I. M. P. Ortum verſus diſtat, oppidum vetuſtum, ſatis amplum, in quadam Atlantis rupe ſitum. ſub eo via tranſuerſa per Atlantem eſt, quæ Guzulam ducit, Burris, id eſt plumoſa appellata: quia ibi perpetuò niues cadunt, quæ albis ſunt ſimiles plumis, quas interdum per aera ferri videmus. Sub hoc quoque latiſſimi patent campi, qui Marochumvſque pertinent: habent in
- 20 longitudine x x x. M. P. ibi frumentum pulcherrimum oritur, quo vix vllum melius reperitur. Arabes autem, Maroccenſisque princeps exactionibus eos adeò premunt, vt minor agri pars deſerta & inculra ſit. Quinetiam incolæ id in- ciipiunt deferere. Egentes quidem pecuniis ſunt, ſed agris & frumento abun- dantes.

D V C C A L A, M A R O C H I R E G I O V.

- D V C C A L A regio tota ferè plana eſt, Euro in Caurum Tenſiſto, à Cauro in Septentrionem Oceano, ab Euro in ortum flumine Habide, atque ab
- 30 Ortu in Septentrionem reflexa Omirabide terminatur. Hæc regio ab Tenſiſto ad Omirabim trium ferè dierum itinere. ab Habide verò in Oceanum circiter duorum patet. habitatore frequens eſt, ſed prauo & imperito. Pauca ibi ſunt mœnibus cinctæ vrbes, noſ tamen præcipuas enumerabimus. Sunt autem hæ: Azafium, Tita, Azamor, Meramer, Elmadina, Subeita, Temeracoſtum, Terga, Bulhauanum, Centum putei, Contis. Montes in ea duo ſunt, nempe Mons viridis, & Benimegher mons. Mons viridis ab Omirabi iuxta ſeruorum, hoc eſt Habidis fluminis in eum ingreſſum initium ducit, tenditque Occaſum verſus vſque ad Haſcoranos colles, Duccalamque ab aliqua Tedlæ parte diui- dit: altus eſt, & nemoroſus valde, aſperque: glande & pineis abundat, easque
- 40 fert arbores, quæ rubrum quendam fructum ferunt, qui Africanus appellatur. ibi complures habitant religioſi homines, qui nulla præterea re quàm huius montis fructibus paſcuntur. diſtant enim ab hominum frequentia paſſuum ad x x v. M. Non pauci quoque in hoc monte fontes inueniuntur, multæque aræ Machumetanorum more excitatæ: atque alia quædam veterum Pœno- rum ædificia. Ad montis radices lacus eſt amœniſſimus, piſcibus affluit, cuius- modi ſunt anguillæ, clupeæ, quas hodie Laccias vocant, & Lucii de genere lu- porum, aliique optimi. circa hunc lacum ingens eſt arborum copia, quarum fo- lia pinearum ſimilia ſunt. in quarum ramis ſemper nidi turturū plurimi ſunt, an- ſerum quoque, anatum item, aliarumque aquatiliū volucrum & coturnicum,
- 50 perdicumq;: nec non leporum, ceruorum, hiſtricum, capreolorum, & luporum magna ibi eſt copia. Benimegher verò mons ad Oceanum & Tenſiſtum flūuium eſt, ab Azafis Occaſum verſus x I I. M. P. diſtat, opificibus variis eſt frequens, qui omnes Azafis domicilia habuerunt. Fertiſſimus eſt, maximeq; frumenti atque olei abundans. quum Azafium à Luſitanis captum fuit, populus in hunc

montem confugit: post tamen & hi à Lusitanis subacti sunt. Azasium in Oceani litore oppidum est, à veteribus Poënis conditum, domorum ad quatuor milia continet, frequentissimum est, sed moribus incultum: solum habet optimum & fertile, verum rudes & imperitos incolas, utpote qui neque agrum colere, neque vineam putare norunt, hortulos tamen aliquot habent satis cultos. fuit in eo quodam magnus opificum numerus, Iudæorum præterea centum ferè familiæ. Quum regum Marochensium vires debilitari cœperunt, familia quædam Farhonis appellata in hac ciuitate imperauit: tandem ad quendam Hebdurrahmanum, qui regnandi causa patrum interfecerat, imperium venit: diuque ciuitate pacata est potitus. Erat huic eximia forma filia, amore capta cuiusdam hominis plebeij: qui tamen magna apud ciues suos gratia pollebât, & Hali Goufimenis filius vocabatur, cuius seruæ cuiusdam matrisque suæ opera puella consuetudinē habuit. Quod cum pater à serua rescuisset, vxorem obiurgauit, eiq; minatus est mortem. Post autem visus est rem non magnifacere, sed vxor viri sui ira cognita, filix amatorem sibi diligenter caueret admonuit. Itaque Hali vitæ suæ timens, dominum suum interficere constituit. ac re cū iuvene quodam strenuo, qui & ipse caput erat multorum militum, & de cuius fide nihil dubitabat, communicata, nihil iam nisi loci ac temporis opportunitatem expectabat. Rex autem die quodam ipsis solenni & festo, Hali per seruum significauit, se cum eo velle animi causa aliquousq; post supplicationem equitare: eique locum, vbi se expectare deberet, indicauit: quo in loco necem ei moliebatur. Hoc nuncio misso rex in templum venit. Hali quid rex animo agitaret, minimè ignarus, socium accersit, eique negocij peragendi tempus adesse significauit: deinde cum decem aliis quibus maximè confidebant armatis (prius tamen celeri nauigio in litore tanquam Azemurum mittere vellent, sed reuera ad fugam si opus foret, comparato) in ipsum templum multitudine refertum, magnanimi, atque ad omnia parati iuuenes veniunt: cum paulo antè rex esset ingressus, & ad eum qui prope sacerdotem ad preces compositus erat, nihil à regio præsidio impediti, utpote qui nihil de talibus tantæque apud regem autoritatis viris suspicarentur, facile accedunt. Hic alter antè, à tergo alter regem aggrediuntur, & simul qui à tergo erat, pugione: qui à fronte, ense confodit & conficit. extemplo clamor ingens fit, & primò præsidarij milites in duos iuuenes impetum faciunt: sed superuenientibus decem cum districtis gladiis, hanc populi conspirationem esse rati, sese in fugam coniecerunt: idem & reliqui qui in templo erant fecerunt, ita ut soli coniurati in templo remanserint: qui fuga inspecta in forum prodire, & ibi multis verbis iure à se regem, qui eis necem machinatus esset, interfectum populo persuaserunt. Populus facile quieuit: ipsosque duos paribus auspiciis regnare passus est: at non diu concordēs in diuersa euntibus studiis regnarunt. Id animaduertentes Lusitani mercatores, quorum magnus semper est in ciuitate numerus, regem suum hortati sunt classem instrueret, facile urbem capi posse. Rex tamen non est motus, donec rursum ab iisdem mercatoribus certior est factus, in ciuitate multas esse factiones: ipsosque muneribus & donis sibi ad intimam alterius principis familiaritatem viam patefecisse. itaque sperare nullo negotio impensisque non magnis, regem vrbe potiri posse. In hunc autem modum incepta res fuit. Mercatores ab eo principe, cui iam erant familiares, ut domum ad mare munitam, in qua res suas tutò conseruare possent, propterea quod in principis morte bonis eorum direptis multum detrimenti accepissent, ipsis extruere liceret impetrarunt: eamque munitissimam excitarunt, clamque in eam sclopos aliaque arma in vasis oleariis aliisque mercium inuolucris inclusa importarunt. nemo enim, modò vectigal solueretur, curiosius quidquam inquirebat. Ut autè se satis ab armis firmos tam ad inferendam quam ad propulsandam vim senserunt, varias discordiarum litiumque causas comminisci cœperunt, ita ut cum mercatoris cuiusdam puer carnes emeret, adeò lanium in furorem cœcitauit, ut ei colaphum impingeret. Puer correpto quem gestabat pugione, lanij pectus cōfixit, ex quo vulnere illico expirauit quo facto in mercatorum domum sese fuga proripuit. Hac re concitatus populus ad arma,

arma, atque ad eam domum, eam diripi, & qui in ea erant, omnes trucidari posse sperans, concurrir. Verum ubi propius accessissent, qui in ea erant, tormenta displodere, glandibusque & aliis missilibus Pœnos petere cœperunt, ex quibus hoc primo impetu circiter centum & quinquaginta ceciderunt. Pœni rei nouitatem admirati, non tamen per multos dies ab oppugnatione destiterunt. Interea classis ab Vlyssipone, quam ad hoc ipsum rex omni genere telorum & commeatus, cum peditum quinque millibus & equitibus ducentis instruxerat, appulsa est. Quare conspecta barbari consternati, vrbe deserta omnes præter regulum, qui in domus extructionem consenserat, eiusque familiam & coniunctos, in Benimeghereum montem aufugerunt. Potitus igitur hac ciuitate classis imperator, eum regulum nomine Iehia ad se venire iussit: cumque ad Lusitanie regem misit: à quo humaniter acceptus, & amplis præmiis affectus, cum viginti viris, qui ei parerent, in Africam, vt extra urbem omnia administraret, & fines tueretur, est remissus. Is enim quem rex classi præfecerat, qua ratione rudis ille populus gubernandus esset, ignorabat. vrbs vacua habitatore, totaque regio vastata remansit. hæc gesta sunt anno M.D.X.I.I. tantorum malorum sæpe causa sunt foemina ac dissensiones. Contis ab Azafis Aquilonem versus circiter xx. M. P. distat, in Oceani litore à Gortis, quum in eo litore regnarent, condita: nunc diruta & deserta est. solum Arabes Duccalani obtinent. Ab hac totidem millia passus Aquilonem versus, ad idem Oceani litus est Tita, ab Afris Tit nuncupatum oppidum, à prisca Pœnis conditum: campos habet circum latissimos, in quibus bonum frumentum, & copiosum nascitur. Populus est rudis: neque hortos colore, neque vllam aliam amœnitatem nouit: vestitur tamen honestè satis propter continua cum Lusitanis commercia & consuetudinem. Capta Azemurè, hæc ciuitas pactione quadam in Lusitanorum potestatem venit. Azemurum ab hoc xx. I.I.I. M. P. item Aquilonem versus distat, ad Oceanum in ipso Omirabis fluminis ostio à Pœnis conditum: amplum & frequens est, domorum ad quinque millia continens: ab Lusitanis mercatoribus frequentatur: quo fit, vt ciues comes & humani sint, eleganterque vestiantur. populus in duas factiones est diuisus, & tamen semper pacatus fuit. agrum habet fertilem, tametsi neque hortos neque vineas, præter ficus quasdam, colant. E fluminis piscatu, hoc est clupeis, sex aut septem millia aureorum nummum in annum vectigalis nomine capiunt: piscatio Octobri incipit, in extremo Aprili cessat. Piscium ingens copia est, sed pinguedinis quàm carniū maior. Piscem frigunt exiguo adiecto oleo, qui ubi ignem sensit, pinguedinis magnam emittit copiam: eoque ad lucernas vtuntur. nam ibi oleum non nascitur. Lusitani semel quotannis eius piscis coemundi gratia eò venire solent, hinc illud magnum vectigal. iidem Lusitani regem suum ad eam ciuitatem capiendam incitarunt: quod ille facere quum veller, classem haud mediocrem eò misit. Sed quum classis præfectus parum esset peritus in capiendo fluminis ostio, naues vi depressæ maiore ex parte perièrè. Verum biennio post rex alteram ducentarum nauium classem misit: quam ubi populus vidit, ita consternatus pauore fuit, vt fuga arrepta in ipsis portis præ multitudine supra octuaginta viri perierint. Venerat eò princeps quidam ad opem ciuibz ferendam, qui in illa trepitatione, quum ad fugam omnes sibi vias interclusas cerneret, sese per funem de mœnibus demisit. Multitudo hac illac per urbem discurrens, alius pedes, sine calceis alius, alius eques fugiebat: & miserum erat cernere pueros, senes, mulieres & puellas nudis pedibus, passis capillis, ab omni parte cursitare: nec qua euadendum esset inuenire. antequam verò Christiani oppugnationem aggredierentur, Iudæi qui paucos in vrbe reliquos videbant, cum Lusitanis de vrbs deditio, vt ipsi cum suis rebus salui essent, pacti, omnium qui aderant consensu eis portas aperuerunt. In hunc igitur modum Christiani hac ciuitate potiti sunt: populus autem pars Salam, pars Fessam commigrauit. Hinc xxx. M. P. ad Meridiem est Elmedina ferè huius regionis caput, muris, eius gentis more, neque elegantibus, neque firmis satis clausa. Populus imperitus dici potest. amictu vtitur è lana ibidem confecto. Mulieres argento & sardis lapidibus ornant

sese. viri bellicosi sunt, equis abundant. hic populus à Fessano rege ob quandam
 Lusitanorum suspicionem in coloniam abire anno M. D. X I I I I. iussus est. Cen-
 tum putei oppidum est in colle saxeo, in Mediterraneis Duccalæ inter Elmedi-
 nam & Azafios situm, extra quod multæ sunt fossæ, in quibus incolæ frumentum
 seruare consueuerunt: aiuntque eius loci homines, frumentum in eis fossis in
 centesimum annum ita incorruptum, vt ne odorem quidem mutaret, conserua-
 ri solitum: ex quarum fossarum multitudine, & quod ex puteis similes videan-
 tur; oppido nomen est inditum. Hic populus nullius est ingenii, quamobrem
 nullus ibi opifex, præter Iudæos quosdam fabros, inuenitur. Meramerum quoq;
 in Mediterraneis ab Azafis X I I I I. M. P. Meridiem versus à Gottis conditum 10
 fuit, quandrings ferè domos habet. ager frumenti oleique ferax, Azafien-
 sium dominis quondam paruit: sed post Azafios à Lusitanis captos, oppidum ab
 incolis desertum, annum ferè sine habitatore fuit. Post re cum Lusitanis compo-
 sita, ad id incolendum redierunt: hodieque regi tributum pendunt. Subeita par-
 uum oppidum est, ad flumen Ommirabin Meridiem versus situm: distat ab El-
 medina circiter X L. M. P. paret Arabis Duccalanis, frumento melleque abundat:
 verum hominum focordia neque hortus est neque vinea. post Bulhauani euer-
 sionem, de qua mox dicemus, hic populus à rege Fessano, in suum regnum, & in
 quoddam paruum oppidum antea desertum deductus constitutusque fuit, &
 Subeita vacua relicta est. Temeracostum etiam exiguum oppidum est, ad eun- 20
 dem Ommirabin fluuium à Subeita ad Eurum haud procul ab eo qui Maroc-
 cum condidit, conditum, indeque nomen habet: frequens tamen est. sunt in eo
 domus ferè quadrings. Azemureis quondam paruit: verum quo anno Aze-
 mur captum à Lusitanis fuit, hoc quoque vastatum est, & eius incolæ Elmedi-
 nam migrarunt. Ad eundem quoq; Ommirabin fluuium non procul à superio-
 re Eurum versus est Terga, paruum & ipsa oppidum, frequens tamen: domos ad
 trecentas habet. quondam Arabis Duccalanis paruit: sed post captos Azafos Ha-
 lis, factionis eius quæ Lusitanis aduersa fuit, dux, huc venit, hicq; aliquandiu cum
 multis fortibus viris habitauit: post autem rex Fessanorum eum in suum regnum
 vnà cum vniuersa familia venire iussit, ex quo oppidum desertum est. Bulhaua- 30
 num item paruum oppidum ad eundem Ommirabin prope montem viridem
 longo in ripa fluminis tractu, mediaq; via per quam Fessa Maroccum itur, posi-
 tum est, quingentis domibus frequens, in eoque multi nobiles & liberales viri
 habitant: domus ibi est amplissima, & complurium hospitem capax, cum am-
 plissimo item stabulo, in quam quotquot illac iter faciunt, humaniter inuitantur,
 & gratis accipiuntur. Impensam omnem populus facit: qui frumenti & pecoris
 diues admodum est. Singuli ciues boum iuga plus minus centena possident: sunt
 qui mille, sunt qui tria millia modiorum frumenti ex suis agris capiant. Arabes
 emptores sunt, atque in annum reponunt. Anno M. D. X I I. Fessanus rex fra-
 trem suum, ad Duccalanos tuendos & gubernandos misit. Qui vbi eò venit, 40
 Azemureum præfectum ad hoc oppidum diripiendum, & ciues in seruitutem ab-
 ducendos venturum accepit. Itaque is duas equitum turmas, in quibus singu-
 lis mille erant equites, & octingentos sagittarios ad oppidi præsidium misit. Eo-
 dem momento quo hæ copię appulerunt, & miles appulit Lusitanus: qui à duo-
 bus millibus Arabum adiutus, Fessanum præsidium facile superauit. Fessani
 sagittarii in media planicie circumuenti, omnes trucidati fuerunt, decem duo-
 decimve exceptis, qui vnà cum reliquis copiis in montes euaserant. Quanquam
 barbari resumptis animis reuersi, Lusitanosq; aggressi, ad centum & quinqu-
 ginta eorum equites ceciderunt. Regis frater Duccalam venit, exegitq; tribu-
 tum, perpetuam defensionem pollicitus. fuit post ab Arabis proditus, & Fessam 50
 reuerti coactus. Populus autem videns aduentum regii fratris tributum quidem
 confecisse, verum nullam opem attulisse, magno metu perculsus, oppidum de-
 seruit, seq; in Tedleos montes recepit. metuebant enim, ne si Lusitani venirent,
 maiorem pecuniam imperarent, quam nisi repræsentarent, captiui omnes abdu-
 cerentur.

H A S C O R A , S E X T A M A R O C H I

R E G I O .

HA S C O R A Duccalam cum monte viridi à Septentrione, ab Occasu Tensitum & Adimeum montem habet, & Quadelabidum flumen inter Occasum & Septentrionem: à Meridie Atlantem, ab Ortu Tenueuem mōtes. Cultiores Hascorani, quàm Duccalani sunt. olei ferax est hæc regio, & caprarum gregibus referta. hinc bona pars coriis Marochinis cōficiendis operam dat: pannum quoque è lana nobilissimum, ut illic moris est, texunt, alij ephippia & phaleras
 10 eleganter exornant. A Festa plerique apud hos ampla negocia tractant, telas cum pellibus & ephippiis permutando. Eadem moneta cum Duccalanis vtuntur. Arabes quoque oleum, atque alia quibus ipsi carent, ab eis accipiunt. Hascoræ oppositæ est Tenueues mons: estque Atlantis facies, qua Meridiem spectat, à Zephyro in Aquilonem tendit. Hascotam ab Duccala separat. ex hoc monte Quadelabidus oritur, qui Hascoram, Tedlam & Duccalam inter se, dein Hascoram ab Oceano seiungit: populis frequens fortissimis & bellicosissimis, siue peditatu, siue equitatu pugnandum sit. Equos habent multos, sed paruos. In hoc monte gladium quidem atque hordeum copiose prouenit: frumenti verò vix granum videas. Itaque hordeo vescuntur. Niuēs per totum annum in hoc monte videntur.
 20 multi sunt inter incolas nobiles, multi equites: atque inter hos vnus est princeps cæteris imperans. Hic omnem publicam pecuniam exigit, quæ satis magna & ampla est: eamque in bella impendit, quæ inter eos & populum Tensitanum sunt. Is ad mille equites habet, nobiles verò equitesque totidem penè conficiunt: habet præterea ipse centum partim balistarios, partim quos nunc vocant sclopentarios, stipatores. Tensita mons Hascoræ ad Meridiem est: ad Occasum Adimeo proximus, ex quo Tensit fluuius ortum habet, qui Adimei radices alluit. Tensita verò ad Orientem Dedese monte, ad Meridiem Daræ solitudine terminatur. Sunt in hoc monte castella quinquaginta, muro lapideo cincta. in eo monte raræ sunt pluuiæ, sed flumine Dara vtuntur, ad quod magna incolentium pars
 30 est sita. Principem habent, qui in bellum ad mille & quingentos equites ducit, pedites plures. Ac quanquam mons non admodum fertilis sit, ad vicena tamen millia aureorum nummum annua (tertia tamen parte minores sunt, quàm nostrates) capit. nam & tritici & pecoris inopes sunt: hordeo tamen & palmarum fructibus satis copiosi. mercibus permutandis pars eorum vitam tuetur. Gogidemus sequitur, Tenueuen inter & Tensitam surgens, quorum ille à Septentrione, hic à Meridie eius claudit latera. quæ pars in Septentrionem vergit, ea habitatur, aduersa tota deserta, ab eo tempore, quo Abraemus Marochensium rex, memorabili illa pugna, cuius mentionem in Sarracenica historia fecimus, ab Elmahele victus se in hunc montem recepit. quem quòd eius montis incolæ iuuare vellent,
 40 in eos arma conuertit: pagos incendit, populum partim trucidauit, partim finibus exterminauit: quo factum est, ut à vilissimis hominibus altera tantum pars colatur: nihil autem ibi nascitur, præter oleum & hordeum. Capras tamen multas habent, & mulos: sed eos humiles admodum, utpote à paruis equis procreatos. Loci natura & situ, libertatem facilius tuentur. A Gogidemi parte occidua incipit Teseton mons biceps & geminus, inque Tagodastum montem terminatur. nihil ibi præter hordeum miliumque gignitur. Ab hoc gemino monte flumen oritur, inde lapsus per amœnissimam planiciem decurrit: quæ ab Arabis tenetur. In Tagodasto monte Tagodastum oppidum est, quatuor aliis præliis montibus cinctum. circa oppidum sunt pomaria omnis generis fructiferarum arborum confita. Vineta quoque pulcherrimis pergulis instructa. Vux sunt rubræ,
 50 quarum acini à magnitudine, oua gallinacea dicuntur. Magna est in hoc monte olei mellisque optimi copia. Mel candidum est aliud, & lacti simillimum: aliud auri modo flauum, & clarum. oleum quoque non insuaue. In oppido sunt fontes amplii, & ex his riuo tanto impetu decurrentes, ut molas agant. Incolæ satis culti. fœminæ venustissimæ, variisque argenteis monilibus ac spiris ornatae.

Iudices habent & sacerdotes, nobiles quoque familias non paucas, ex quibus vnus principatum obtinet, sua tamen iura populo concedit: & quia greges animalium multos habent, lana & pellibus abundant, quæ Fessam atque in alias regiones mittunt. Planiciem quoque colunt ad sex M. P. patentem, & tritici feracem: quam vt pacatam habeant, Arabis certam pensionem quotannis soluunt. In Atlantis latere altera est Elmadina ab Hascorano populo condita. Domorū ad duo millia in ea numerantur. Distat à Marocho Orientem versus, nonaginta ferè miliaria: ab Elmadina Duccalana ad Septentrionem, sexaginta. Est hæc ciuitas alutariis, ephippiorum magistris aliisque artificibus referta. Multi ibidem Iudæi sunt partim mercatores, partim opifices. circa urbem sunt oliueta, vineta, pergulae elegantes; altissimæ nuces. Sunt ciues homines factiosi. Alunt inter se inimicitias in ciuitate: foris quoque cum ciuitate vicinia ad quatuor millia passuum, ad eò vt nemo ex eis in campos ad sua prædia egredi, præter seruos & foeminas turò possit. Quod si quis mercator peregrinus ex vrbe in urbem velit commeare, armatis bene comitatus sit oportet. Quamobrem quisque sclopetarium, quem vocant, militem, aut balistarium, alere solet, cum stipendio decem aut duodecim aureorum nummum singulis mensibus, qui aurei sexdecim Italos conficiunt. Sunt in vrbe quidam legis suæ periti, ex iis iudices & scribas creant. Vectigalia externorum hominum publicani aliquot exigunt, eaque in communem vtilitatem impendunt. Arabis propter agros, qui sunt in planicie, certam pensionem pendunt. Caprarum gregibus abundant, plurisque in cibis fit hircus aut capra, quam hædus: foeminæ colore candido, formæque egregia sunt: hoc vitio laborant, vt cum peregrinis atque exteris libentius quam cum suis, quoquomodo possunt, congregiantur. Ab hac ad Occidentem quatuor M. P. abest Alemdina in conualle posita, quatuor montibus septa, idcirco frigidissima. ab opificibus, mercatoribus & nobilibus habitatur, mille circiter domos continet. Cum Elmadineis continua bellagerunt. nostra memoria, ambas hæc vrbes, cuiusdam mercatoris opera, rex Fessanorum suo adiecit imperio, quod ita factum est: Erat in ciuitate Fessanus quidam mercator, is venustam quandam puellam amabat, quam etiam ei pater desponderat. Quum verò dies nuptiarum venisset, ab ciuitatis principe rapta ei sponsa fuit. Quare is indignatus, aliud tamen præ se ferens, ab eodem principe abeundi potestatem accepit, Fessamque reuersus est: vbi regi rara quædam munera inde allata, donauit: ab eo obnixè flagitans, sagittarios centum, equites trecentos, pedites quadringentos permitteret, quos omnes suis sumptibus alere volebat. Ipse verò vicissim regi pollicebatur, se intra paucos dies urbem capturum, daturumque singulis annis aureum septem millia, siquidem eius nomine urbem liceret cum finibus retinere. Annuit rex, atque vt suam liberalitatem ostenderet, omnem ipse sumptum suscepit, præter balistarios, quos mercatori sustendandos reliquit. Adiecit literas, quibus Tedletensi præfecto mandabat, tot equites totque pedites cum duobus ducibus expediret: eosque traderet mercatori. His acceptis mercator ad urbem castra posuit: vixque illam sex dies obsederat, quum ciues ciuitatis principi, se cum Fessano rege inimicitias suscipere, vllæve damna pati nolle, renunciarunt. Quare audita, is mutata veste ex vrbe proficiscitur: verum agnitus, & ad mercatorem adductus fuit, à quo catenis vinciri iussus est. Interea populus urbem patefecit: eamque regis nomine mercatori tradidit. Puellæ cognati se apud mercatorem excusarunt, sibi per vim ab illo raptam fuisse: eam ipsius esse legitimam vxorem, cui primū desponsa esset. Ea tum vterum gestabat: quare dum pareret, expectauit mercator: post illam denuò sibi desponsam duxit. Is autem qui illum rapuerat, tanquam adulter iudicum sententiis morti addictus est: eodemque die lapidibus est obrutus. Mercator administrationem Reip. suscepit: duas inter se cõtendentes ciuitates, pace coniunxit: regi quod promiserat, præstitit. Proxima Tegodasto ad V. M. P. Elgiumuha vrbs est, haud pridem in alto monte inter alios altissimos montes à populo Tegodastensi cōdita. Ad quingentas domos habet, totidēq; pagi, qui inter eos mōtes sunt, numerāt domicilia. Fōtib. exuberat, & hortis omni genere fluctuū copiosis, p̄cipuè nucib. maximis,

- mis, altissimisque. In collibus verò qui circa montes sunt, multi patent agri, in quibus hordeum feliciter prouenit, oliuæque multæ. Frequens est ciuitas artificibus, maximè verò coriariis, ephippiorum magistris, fabris: quoniam verò ferri vena ibidem est satis ampla, calceos equinos magna in copia cudunt, omnia opera omnesque suas merces ad ea portant loca, in quibus hæ res non inueniuntur. hæc autem seruis, glasto & certorum animalium, quæ in solitudine degunt, coriis permutant: ex quibus coriis scuta durissima faciunt, quas res ipsi post Fessam conuehant, & pannis, telis aliisque quibus vtuntur rebus commutant. Longè hæc vrbs à publica abest via: quo fit, vt si quis externus eò veniat, omnes paruuli & magni ad hominem spectandum accurrant, præsertim si is vestem habeat ipsis inuitatam. Totus populus ab huius vrbs ciuium consilio & nutu pendet. Nam cum inter nobiles ortum dissidium esset, plebsque neutri parti vellet adhærere vrbe cessit: Tegodasto nobilibus relicto, Elgium uha condidit. Itaque nunc altera nobilium, ignobilium altera plena est. Antiqua vrbs est Bzoum in altissimo montis iugo, a superiore Occasum versus ad x x. m. p. sita. Sub hanc ad tria millia decurrit Quadelabidus amnis. Incolæ omnes mercatores sunt, homines boni & vestitu elegantes: oleum, pannum, coria ad solitudinis regiones mittunt. mons ipse oleum, frumentum, atque omnia fructuum præcipua genera suppeditat. Vuam quandam siccant, colore & sapore mirabili. Ficu abundant alto & magno. Nucum arbores ingentes sunt, adeò vt milui in eis tanquam in loco tutissimo nidificent. nemo enim in eorum cacumen auderet ascendere. Tota illa montis pars, per quam ad flumen descendunt, confita elegantissimis hortis est, qui vsque ad fluminis ripam pertinent.

TEDLA, MAROCHI REGIO VII.

- H**Æc parua regio triquetram propemodum formam refert, à Septentrione angulum facit Quadelabis amnis in Omnirabim influens: ab Occidente Tenuues mons, ab Oriente, Ommirabis: quæ flumina ab Atlante latè orta, in Septentrionem ita fluunt, vt tandem coniungantur, triangulumque constituent.
- 30 Tedlæ montes sunt tres, Dedes, Seggemus, & Magran: omnes, vt & reliqui quos supra in aliis regionibus memorauimus, Atlantis partes. Dedes ab Occasu initium à Magrane habet, atque in Adefanis fines terminatur: à Meridie cum Todgæ planicie, ab Ortum cum Seggemo coniungitur. Algidus & ipse est, fontibus scattens, & nemorosus, patet in longum passuum ad l x x x. m. in huius montis iugo oppidi vetusti vestigia apparent, quod Dedesim appellatum, quidam Punici scriptores tradunt, huius montis incolæ antra quædam humida pro domibus plerique habent: hordeo vescuntur, & caprino lacte, & asinino, quibus solis abundant. in cauernis in quibus animalia stabulantur, nitri est ingens copia: sed inutilis, illis quid sit, prorsus ignaris. Qui casas habent, eas lapidibus aggestis mæriæ modo construunt, lapide tegunt. seminudi tam viri quàm foeminae incedunt: quod permirum est in tam frigida regione. Apud eos neque sacerdos, neque magistratus, neque mercator, neque artifex: sed summa inertia, nisi quod per latrocinia, & fraudes vitam agunt: quod cum faciunt, aiunt se vectigal è prætereuntibus capere. in summa, locus nullus in tota Africa est sordidior & nequior. Seggemus autem ab Occasu à Teseuonis finibus ortus, ad Orientem Magranem versus extenditur, vnde Ommirabis fluuius erumpit: ad Meridiem verò cum Dedese monte connectitur. Huius montis incolæ è Zanagæ oris olim huc migrasse feruntur: homines bellicosi, quorum arma sunt pila, gladij Turcicorum more recurui, & pugiones. cum Tedleis, quasi ipsi eorum populares non sint, bella continenter gerunt: locique natura tuti, nemini parent, ouium, caprarum, mulorum, & asinorum magni greges passim in monte pascuntur, quibus tamen subinde leones infesti sunt. Plures ferè in eo monte fontes aquas limpidissimas effundentes cernas, quàm domos: quæ vsque adeo sparsæ sunt, vt vix tres quatuorve vno in loco coniunctæ inueniantur. Saggemo aliquanto altior est Magran mons, idcirco perpetuis niuibz candicans. ad Meridiem Farcalam regionem, qua solitudi-

ni coniungitur, spectat: ab Occasu, ab eadem propè solitudine incipit, itaque De-
 desis radices ad Orientem terminatur. Pecore abundant, sic ut vno in loco pabu-
 culo deficiente moram trahere nequeant. Itaque suas casas è corticibus arborum
 faciunt: easque scenis quibusdam tegunt, & mulis impositas circumferunt: nati
 verò pascua, ibi casas figunt: tamque diu morantur, dum sufficiunt pabula, hye-
 me tamen locum non mutant. Tunc enim egreges in stabulis admodum depres-
 sis, arborum fronde contactis noctu continent: ignesque circa, ne frigore ri-
 geant pecora, accendunt: quibus sæpe flante vento, stabula incenduntur, peco-
 re ex celeri fuga: incolumi: nisi in leones luposque incidant, qui & in hoc monte
 gregibus subinde insidiantur. Sub Magrane monte, inter Dernam fluuium, & 10
 Omirabim in Atlantis latere planicem versus, sita est Tefza, ab Afris condita: sic
 appellata, quod ex Tiburte lapide muros habet. nam id marmoris genus eorum
 lingua Tefza vocatur. Frequens admodum est oppidum, diuitiisque refertum.
 In eo præter alios, sunt ducentæ ferè Iudæorum domus: qui omnes partim mer-
 catores, partim opifices prædiuites sunt. ibi pallia siue penulæ sunt, qui ab hy-
 berno tempore, quo viles sunt, hybernus appellatur. Tefzanorum vestitus sa-
 tis elegans est, morèsque consentanei: præsertim mulierum, quæ ut venustate
 præstant, sic etiam ab ornatu commendari cupiunt. Ac quod maximè ciuitatem
 commendat, ibi sacerdotes, templa, iudices: fuitque aliquando Reipubl. forma
 melior, post autem partibus & seditionibus dissoluta est. quod autem, quantum 20
 malorum afferat Rebus publicis discordia, etiam hoc loco intelligatur, libet rem
 gestam paucis describere. Gliscentibus in partibus odiis, accidit ut quæ pars à
 potentiore vrbe eiecta erat, à Fessæ rege, quod in patriam restitueretur, auxilia pe-
 peteret: quod si faceret, se ei ciuitatis dominatum tradituros. Annuit rex eorum
 postulatis: eisque mille equites leuis armaturæ, item sagittarios centum, & sclo-
 petarios (ut hodie vocant) ducentos, equites omnes tradidit. Scripsit præterea
 rex Arabis quibusdam suis, Zuairis appellatis, qui ad quatuor millia equitum edu-
 cere possunt, eius factionis ducibus si opus esset, suppetias ferrent. His copiis du-
 cem, fortissimum quendam equitem, cui nomen Ezzerango præfecit: qui ut pri-
 mum copias ad urbem adduxit, eam oppugnare cœpit. nam ab aduersæ factionis 30
 ducibus urbem præsidio munitam reperit: à quibus etiam Arabes vicini, qui Be-
 nigheiri appellantur, equitum ad quinque millia euocati fuerant. Hoc ubi vidit
 regis dux, ommissa obsidione, cum Arabis configere statuit: quos omnes tridui
 spacio fudit, atque ita extra urbem omnia occupauit. Quod cum, qui in vrbe
 erant, animaduertent, nec vlla spes reliqua esset, illico legatos pacem petitem
 his conditionibus miserunt: se primum sumptus omnes in ea expeditione factos,
 regi reposituros: item tributi nomine aureorum nummum decem millia quorun-
 dam persoluturos: aduersam factionem in ciuitatem accepturos, ea tamen lege, ut
 à Reipubl. administratione excluderetur, quod cum Fessanus dux exulibus, qui
 secum erant, renunciasset, in hunc illi modum responderunt: Nos, imperator, 40
 nostram fortunam atque opportunitatem agnoscimus. Restitue modò nos in vr-
 bem, & tibi aureorum nummum C. M. ac forsitan etiam plura sine vllius iniuria,
 sinèque vlla direptione, tibi nos datuos esse promittimus. Ab aduersariis enim
 prædiorum nostrorum fructus, quos per integrum triennium acceperunt, re-
 petemus: quorum summa non minor erit, tribus millibus aureorum nummum.
 Adhæc ciuitatis omnem prouentum aureorum ad x x. m. tibi trademus. A Iu-
 dæis præterea decem millia vno aut altero anno tributi nomine exigemus. Hæc
 ubi audiuit Ezzeranghis, iis qui in vrbe erant, respondit, regem exulibus au-
 xilia pro sua virili promississe: idcirco velle ciuitatis administrationem penes
 hos potius, quàm eos qui domi erant, multis de causis, esse. Itaque si urbem 50
 regi dedere vellent, ipsos incolumes futuros: sin in sua perfidia perstarent, se Dei
 ope, Regisque felicitate fretum, rationem, quæ meritis pœnas darent, initu-
 rum. Hæc ubi populus audiuit, in varia est studia diuisus: aliis regem, aliis bel-
 lum cupientibus: ita factum est, ut inter sese armis decertarent. quod cum per
 exploratores Ezzeranghis cognouisset, illico iussit mediū exercitum de equis de-
 scendere,


scendere, atque ad moenia sagittarios, sclopetariosque accedere: quo facto trium horarum spacio, sine vulnere, vrbe potitus est. nam pars ea quæ regem volebat, globo facto ad vrbis portam vno muro clausam accessit, ac murum diruere intus cœpit: item foris milites regij faciebant, cum nemo in muris esset, qui impediret: qui autem in vrbe erant, pugnam, donec porta patefieret, sustinebant. Vrbe capta regis vexilla in moenibus & foro fixa sunt: equites circa urbem, ne quis effugeret, discurrere: ac per præconem indictum regis nomine, & ne quis siue ciuis quicunque is esset, quicquam diriperet, aut caderet quenquam: qui secus faceret, ei capitale esset. Ita ciuitas pacata fuit: ac contrariæ partis duces, ad Imperatorem captiui adducti fuerunt: quibus significauit, tamdiu eos fore captiuos, donec regi belli sumtum vnus mensis (quæ summa ad aureorum nummum x i i. M. erat) repræsentassent. Quamobrem vxores & propinqui ipsorum, ea summa numerata, eos liberarant, quum exules qui cum rege faciebant accedentes, fructus prædiorum suorum trium annorum postularunt. Sed Ezzeranghis eorum controuersiam ad iudices reiecit, affirmans, se neutri parti ius denegaturum: captiuos tamen per eam noctem in custodia habendos censuit. Captiui autem ducis fidem implorabant, qui regiis impensis repræsentatis, eos liberos fore promississet. Ad quæ Ezzeranghis, se nihil alienum à fide sua facere respondit, quod eos regis nomine in custodia non retineret: sed eorum causa, qui sua bona reperunt. quæ de re ex iudicum doctorumque sententia esset statuendum, quod quidem forsitan illis commodum foret. Postridie igitur manè congregatis iudicibus coram regio præfecto, primi captiuorum aduocati, se nequaquam inficiari dicere, suos aduersariorum bona possedisse, quorum maiores viginti & amplius annos captiuorum fortunastenuissent. His aduersæ partis aduocati, respondere, eam rem ante centum & quinquaginta annos, aut eo plus extitisse, cuius confirmandæ causa neque testes, neque vllum monumentum extaret. Huic contrà aduersarij publicam famam opponere, alij negare, primum quod quamdiu eas maiores possedissent, sciri nullo modo posset: deinde iure possedisse, quum fama sit, captiuorum maiores regis Fessanorum perduelles extitisse, idcirco eorum bona ad regium fiscum redacta. Tunc Ezzeranghis, fictis ad misericordiam verbis, procuratorem monuit, ne tantopere miseros captiuos vrgeret. cui procurator: Tibi, inquit, imperator, hi miseri atque inopes videntur? quorum nemo est, qui aureorum nummum quinquaginta millia reperire non possit: qui si catenis quibus vincti sunt, soluantur, citò te hinc propulsauerint: quod & antea fecissent, ni de improviso, & nihil tale suspicantes, eos aggressus esses. Hac oratione audita Ezzeranghis, illicò timuit, & dimisso consilio se ad prandium ire velle simulauit: mox ad se captiuos adduci iussis, eis vt aduersariis suis satisfacerent, imperauit. Quod si non facerent, se eos Fessam ducturum affirmauit, vbi duplum restituere cogerentur. Tunc captiui suas vxores & matres accersere, eos orare ei rei prospicerent: quod tanquam magnarum diuitiarum domini essent ab aduersariis insimulati, cum ne octauam quidem partem eorum possiderent, quæ præfecto regio erant proposita. Sic intra octauum diem, aduersariis ipso præsentem imperatore, allata fuit summa aureorum nummum octodecim millia, non quidem in pecunia numerata, sed in annulis, armillis, inauribus, aliisque muliebribus ornamentis, nam volebant mulieres videri, se nullam præterea pecuniam habere. Ea summa repræsentata, tunc præfectus se Regi ea de rescripsisse, captiuis significauit: sibi que dolere, quod eos dimittere, nisi prius accepto responso, non posset: bono tamen animo esse iubet, futurum vt, quando iam omnibus satisfecissent, omnino dimitterentur. Eadem nocte præfectus suo quodam cōsiliario vocato, eum interrogauit, quoniam pacto ab illis proditoribus alia pecunia emungi, sine perfidiæ nota apud eum populum, posset? cui ille: Finge te ab rege literas accepisse, quibus tibi, vt capitis supplicio afficias, mandatum sit. Sed eadem opera finge te eorum casum miserari, idcirco nolle de eis supplicium sumere: sed malle te eos Fessam mittere. Ita literis regiis compositis, manè statim præfectus omnes captiuos (erant autem duo & quadraginta) ad se adduci iubet,

quibus composito ad miserationem vultu: viri nobiles, inquit, literas ab rege tristi sanè de re accepi: quibus significat, se malto de vobis mala audiuisse, nimirum vos in suam maiestatem deliquisse. quam obrem mandat, vos omnes capitali supplicio affici: quod quidem nō sine magno animi dolore accepi. nam videri possum fidem datam non seruare. Verum alterius potestati sum subiectus, cuius imperium detrectare non licet. Lachrymari miseri ad hæc verba cœperunt, suamque vitam Imperatori commendare: qui & ipse fletum simulans, dicebat se nullam meliorem rationem inuenire, ut se quoque omni eximeret suspicione, quam ut eos Fessam mitteret: vbi forsitan rex eis ignosceret, aut quod sibi videretur, faceret. iamiam vos cum centum equitibus dimittam. Hic illi flere, seque Deo & Imperatori commendare. Tunc accedens quidam, præfectum est in hunc modum allocutus: Te, Imperator, huc rex misit cum imperio, ut eius vicem obires: quare quod tibi visum æquius fuerit, statuere potes. Meum consilium est, ut quantæ sint eorum facultates inquiras. qui si in bonis habent, quantum ad eorum vitam redimendam satis esse videatur, ad regem scribas, te eis promississe nihil acerbius in eorum vitam acturum; rogare eius clementiam, eorum vitam tibi velit condonare, eisque ignoscere: simul verò de summa, quantam ipsi pendere valeant, eum certiore facias. fortè enim flectetur ad misericordiam. Miseri homines Imperatorem orare, id tentaret, se quantum regi videretur, persoluturos, præfectumque magnis muneribus affecturos. Hic præfectus difficultatem rei prætexere: & simul tamen, quantum regi persolvere possent, sciscitari. Fuere qui mille aureos nummos, qui quingentos, & qui octingentos pollicerentur: sed præfectus ob tam exiguam summam se ad regem scripturum negavit, præstare eos ad regem mitti, à quo fortassis quod vellent, impetrarent. Illi denudò orare, se Imperatoris fidei commendare, donec eis præfectus diceret: Vos estis quadraginta duo viri nobiles & ditissimi: si mihi aureorum nummum singuli duo millia promittere vultis, ad regem scribam, & spero me vobis salutem imperaturum: si hoc renuitis, vos Fessam mittam. Acceperunt illi conditionem ea lege, ut quisque pro facultatibus multam persolueret: quibus præfectus annuit. Illi igitur dies quindecim ad eam summam comparandam acceperunt, in quibus præfectus quoque se ad regem scripturum simulavit. Ac diebus duodecim peractis, regem in eius gratiam eis ignoscere renunciauit: atque ad hoc confictas literas ostendit. Quare audita tridui spacio captiuorum cognati totam summam attulerunt: fuerunt autem auri facti, aureorum nummum quatuor & octuaginta millia. Hæc summa appensa, miratus est præfectus, in tam parua ciuitate tantam auri vim à duobus & quadraginta viris inueniri posse. Itaque eos è custodia dimisit, actum regem reuera de tota re certiore fecit: simulque quid porro faciendum, à rege postulauit. Rex illico duos è suis intimis cum centum equitibus misit, ad aurum accipiendum: qui eo accepto Fessam redierunt. Iidem captiui post, equos, seruos, muscum, aliosque odores, quorum omnium pretium ad duo millia aureorum nummum accedebat, præfecto donarunt, tenuitatem suam excusantes, utpote quibus nulla esset reliqua pecunia, eique ob vitam conseruatam gratias egerunt. Sic regio illa in regis Fessanorum ius ditionemque concessit: eamque Ezzeranghis gubernauit, donec proditiōe ab Arabis interfectus est. Capit rex ab ea singulis annis aureorum nummum viginti millia. His in hunc modum gestis, cum de cuiusdam in eodem oppido Iudæi opulentia certior factus esset rex, eum comprehendi iussit: eoque omnibus euerfo bonis, reliquis Iudæis multam aureorum nummum L. M. quasi aduersæ parti studuissent, imposuit: ut intelligas inuento homine, regibus extorquendæ pecuniæ causas nunquam deesse. Ultra Dernam amnem Septentrionem versus, ad radices Atlantis Magranis, inter & Segemum Efza vrbs ab Tefza passuum ad duo millia est posita: quæ domibus constat ferè sexcentis, à Mauris & Iudæis habitata, estque Tefzanis magistratibus subiecta. Ciues omnes opifices sunt: sceminæ tamen operibus è lana factis excellunt, quæstumque ipse ex lanificio quàm viri, vberiore faciunt. Liberale hominum genus, atque erga peregrinos humanissimum. Inter colles & amnem

amnem, hortos habent amœnissimos, omni genere arborum fructiferarum confitos. Ab Efza Occasum versus p. x. m. ab Afris in præalto monte condita fuit Cithiteba, nobilibus viris, equitibusque admodum frequens. Et quoniam ibi magnus fit penularum numerus, quos hybernutos appellari diximus, magna quoque semper mercatorum eò confluit multitudo. & quanquam in montis vertice perpetuæ rigeant niues, omnes tamen circa oppidum valles, vitibus arboribusque fructiferis, refertæ sunt: atque hortorum amœnitate iucundæ. Mulieres ibi niueo candore formæque præstant: nisi quod pinguiiores sunt, & ut oculos, sic etiam crines habent nigros. Multò argento aliisque monilibus comptæ ornatæque incedunt. Placidæ sunt, & comes. contrà, viri elati, atque ad iracundiam proni. nam qua tempestate rex Fessanorum Tedla potitus est, nunquam hi sese ei subdere, eiusque imperata facere voluerunt: sed belli ducem sibi è nobilitate elegeret, qui mille levis armaturæ equitibus eductis, sese regio præfecto opponere ausus est: eumque afflixit, ut quæ occupauerat, se posse retinere dubitaret: quamobrem fratrem suum cum maioribus copiis misit rex, sed frustra. nam bellum in tertium usque annum protractum fuit, donec eius populi dux, ab Iudæo quodam regis consilio, veneno est necatus: tunc enim ciuitas deditionem fecit. Extremum Tedlæ oppidum, Occasum versus, Eithiadum vocatur: trecentis ferè domibus constat, in Atlantis cliuo ab Afris veteribus conditum. à parte superiore muro septum est: qua planitiem spectat, pro muro rupes habet asperas ac præcipites: ab Cithiteba passus distat x i i. m. in eo templum est paruum, sed pulcherrimum. circa templum riuuslympidissimus fluit: totòque oppido plures scaturient fontes, è quibus amnis modicus sub ipsum oppidum fluit: ad cuius ripam horti sunt, suauissimis variisque fructibus referti, præcipuè verò ficu, nuce, olea. Plana loca omne frugum genus ferunt, montana hordeum optimum. pascua lata, in quibus caprarum greges plurimi pascuntur. Viri & fœminæ eodem penè modo, ut de proximis diximus. De Marochenfi regno, eiusque regionibus hætenus.

F I N I S.

30
AD DIVAM ELISABETAM
ANGLIÆ REGINÆ, CÆLII
SEVNDI CVRIONIS EPI-
GRAMMA.

40  IV A potens, orbis Moderatrix alma Britanni,
Pace colis populos, quæ pietate Deum:
Quæ ingenio atque animis, Celso splendor è que, vincis
Zenobiam, & si quæ clarior ante fuit:
Qui tibi diuinæ mittebam scripta puella,
Iam sæui mitto nobile Martis opus.
Dulcibus illa modis si flectere docta nequiuit,
Nunc fors an Phrygio flexerit isto sono.
Nec tamen absurdum est, bello donare puellam.
Ipsa etenim Pallas maxima bella gerit.
50 Ne tu igitur nostrum quæso, ne despicere munus,
Qui colimus nomen Regia Virgo tuum:
Exiguum, fateor: sed si modò suscipis, isto
Felici & magno Numine, maius erit.

AD CAELIVM SECVNDVM

CVRIONEM, GVLIELMI CANTERI

HEXASTICHON.

*Vanta ferox Crispo fertur debere Iugurtha:**Debebit, Cæli, tanta Valetta tibi.**Quantum prisca suum venerantur secula Crispum,**Tantum te nostri, posteritasque colet.**Namque & credetur præstare Valetta Iugurtha:**Nec tu Crispo usquam cedere visus eris.*

10

CAELII SECVNDI

CVRIONIS DE BELLO ME-

LITENSI HISTORIA.



Vi de rerum humanarum inconstantia atque imbecillitate queruntur, haud falso id faciunt: quippe qui omnia cum coe- 20
lo mutari ac fluere cernant. At non ut eadem coeli facies, siderum situs, motus, intervalla, suis temporibus redeunt: sic iidem homines, actiones, artes, imperia, leges: quorum cum pleraque aut mutata sint, aut prorsus interierint, nulla tamen cum coeli conversione rediêre. Exemplo sunt Assyrij, Medi, Persæ, Ægyptij, Pœni, Græci, Romani. OMNIA TEMPVS MUTAT ET ABSVMIT: iamque altissimis obliuionis tenebris obruisset, nisi SOL ALTER iam inde à primis hominibus in terris esset exortus, qui cōtra rerum humanarum inconstantiam niteretur: & caducis fluxisq; rebus quandam immortalitatem conciliaret: quàmque cuncti mortales expeunt, felicitatis viam demonstrarer. Ea est memoria rerū hu- 30
manarum, quam HISTORIAM solemus appellare. Nam cum generi hominum omni sit quidam à natura BONI insitus appetitus, quæ Felicitas dicitur: quidquid agunt, ad id bonum atque ad eam felicitatem referunt. Verum autem bonum, veraque felicitas in ea sita est, ut cum DEO OPT. MAX. coniungamur, eique quàm simillimi simus: quod quidem ij se assecutos esse dicere poterunt, qui sedatis & pacatis animi cupidinibus, ex virtute atque ex hominis dignitate vitam suam omnem instituerint. Ceterum, nemo se id ipsum verè & absolutè assequi posse existimet, nisi in ea hominum societate vixerit, quæ iure congregata, Ciuitas, Resve publica vocatur. quæ quidem tunc beata dicitur, si tria, è quibus apta felicitas est, ei suppeditauerint: videlicet, ut & sit, & bene, & semper. Quoniam verò duo sunt, 40
in quibus necesse est omnem ciuitatem versari, Pax & Bellum: pace magis quàm bello vitæ beatæ compotes fieri possumus. quippe, bellum omne suscipitur, ut in pace viuatur. tantæque est in hominibus pacis cupido, ut nullos labores, sumtus, pericula defugiant, ut illa potiantur: & per illam omnia ad vitam necessaria suppetant, benèque & beatè atatem agant. Ceterum, Pacem ego eam intelligo, non qua armis positis à bello gerendo cessatur, interim tamen odiis in pectore effervescentibus: sed quæ in ciuium animis inter se atque erga ceteros est caritate ac beneuolentia constituta. Sed dux ac regina vitæ mortalium Sapientia est: quæ ubi ad felicitatem graditur, abundè potens per se, & clara habetur, Fortunæq; moderatur: quippe quæ probitatem, industriam, ceterasq; artes bonas, & dare, & tueri 50
potest. Ad hanc duplex est omnibus proposita via: quarum alteram Philosophi ac latrores legum, alterâ Historici nobis muniuêre. illa communibus præceptis, & rationum inductione: hæc factis, euentis, exemplorum varietate, & rebus ipsis nos ad Sapientiam ducit. quæ quidem tanto alteri præstat, quanto pluris facta quàm dicta sunt: quoque facilius abs quovis percipi potest, atque ad animos impellendos aptior

dos aptior est. Hanc igitur reges, hanc belli duces, & viri in *Repub.* principes in primis: hanc ciues, iuuenesq̃, senesq̃, diuites, pauperes, miseri, felices amplecti deberent: hac delectari, hanc adamare, sibiq̃ comitem, sociam, familiarem adiungere: quippe quæ omni ætati, generi, fortunæ sit aptissima: omni genere exemplorum, tam priuatæ quàm publicæ fortunæ refertissima. Nam cum quotidie Fortunam, infima, summa, media, homines, familias, vrbes, *Respub.* gentes, imperia, regna versare, mutare, abolere cernamus: si quid in rebus humanis est, quod ei aliquo modo obuiam ire queat, siue de ipsius potestate detrahere: siue mutata velificatione, quò illa impellit, cursum sine offensione tenere: aut hæc, 10 vna historia potest: aut nulla præterea inuenietur ars, quæ bonorum & malorum propositis finibus, & exemplis, ad finem optatum possit deducere. In hac enim tanquam in nitidissimo speculo, siue potius amplissimo theatro, rerum humanarum cursum, vices, felicitum atque infelicitum euentorum, prudentiæ ac temeritatis causas, & impulsiones licet cernere: quibus omnibus, nisi prorsus stupidi ac fœcordes simus, ad sapientiæ, pacis & felicitatis sedem manu ducimur: in qua summa tranquillitas, omnium rerum expetendarum affluentia, gloria, immortalitas inuenitur. Itaque, cum tanta res sit rerum gestarum memoria, tantasq̃ afferat rebus humanis vtilitates: dedi & ipse pro mea virili operam, non modò vt in eius lectione versarer, verùm etiam vt & ab aliis alia lingua conscriptâ, in 20 latinam transferrem, & ipse quoque historiam scriberem. Cæterum in magna rerum gestarum copia, aliud alii placet. mihi verò, tametsi rebus gestis parem orationem afferre arduum in primis videtur: hoc quod memoriæ mandandum bellum suscepi, maximè memorabile visum est: de quo, quàm verissimè potero, paucis conscribam.

Bellum, quod Solymanus Turcarum imperator cum Equitibus Hierosolymitanis in Melita insula gessit, scribere aggredior: non solum quia atrox ancepsq̃que fuit, verùm etiam quòd in eo propugnatorum virtus insignis enituit: tum etiam, vt quantum arma Christianorum coniuncta possint, intelligatur, quæ tantum dissoluta paruaq̃que valuerunt. Sed prius quàm rei initium facio, pauca de 30 horum Equitum origine, & quo modo in eam insulam venerint, expediam, quo facilius clariusq̃que omnia cognoscantur. Qua tempestate Christiani nominis Latini pro Hierosolymis, cæterisque Syriæ ciuitatibus, aduersus Sarracenos & Turcas, alias item barbaras gentes, bella gerebant: fuere qui se fortunaque suas omnes, pro sacrosancta Christi religione deuouerent. In his fuerunt qui Hierosolymis domos hospitales, peregrinis recipiendis condiderunt: quique ruta itinera à barbarorum incursionibus sua virtute præstare voluerunt, quorum alii Ioannitæ, alii Templarii, alii Teutoni appellati sunt. Verùm Templariis ante ducentos ferè annos, Philippo Pulchro Galliarum rege adnitente, & Clemente Quinto pontifice Romano damnante, prorsus deletis: Ioannitæ, Teutonique 40 mansere. Sed de Ioannitarum appellatione, quanquam ab ea fama quæ plerosq̃ obtinet, diuersum est, qui à Baptista Ioanne eos sic se appellasse putant: Tyrius tamen antistes, qui res eo tempore in Oriente gestas grauissimè scripsit, autor est: Hospitalem domum, cuius se cultores Ioannitæ profitebantur, ab Amalphitanis, Italis hominibus, qui in Oriente negociabantur Aronis, Ægypti pontificis, quem illi Calypham nominant, tum Hierosolymam obtinentis, permissu institutam fundatamque esse: atque ab iisdem Ioanni cuidam Cyprio, patriarchæ Alexandrino, cui à misericordia in egenos cognomentum Eleemoni fuerit, consecratam. Nam qui ad Ioannem Hircanum Machabæum referunt, ii à vetustate auctoritatem ordini conciliare volunt. Cæterùm fides penes autores. Illud 50 autem inter omnes ferè constat, eam quam nunc gestant candidam in veste nigra crucem à Gerardo quodam domus hospitalis magistro Hierosolymis accepisse: reliqua verò instituta, quibus eorum ordo gubernatur, Raimundus Poggius Florentinus, Magister Equitum ad Romanæ militiæ exemplum magna cum potestate dictus, sanxit. Nam opibus principum ac populorum liberalitate vehementer auctis, regnum quoddam virtute & legibus mu-

nitum sibi constituere, nomen & gloriam addidere. Cum autem per ducentos circiter annos in Syria magnis editis facinoribus sacram militiam exercuissent, tandem capta à barbaris Hierosolyma, Ptolemaidem Phœniciaë urbem se recepere: inde quoq; à Sultano deiecti, magnam de suis ac Templariorum fortunis, simul belli Sacri nomine ingenti auri pondere vndique collecto, armarunt, ornaruntq; classem: ac Rhodum, à Turcis occupatam, recepere: eamq; tenere, donec ab hoc eodem Solymano ingenti classe diu obsessi, atrociterque oppugnati cum propriis viribus resistere iam nequirent, & Christianorum auxiliis destituerentur, deditionem facere sunt compulsi. Ea Orientis arce amissa, cum in Siciliam se contulissent, à Carolo Quinto Imperatore Melitam insulam, anno Christianæ salutis M. D. X X I X. obtinuerunt, in eaq; sedem suam collocarunt, de qua opportunè tum dicam, cum de Solymani in ea oppugnanda consilio & apparatu, quæ necessaria erunt, dixerò. Sedibus igitur in Melita collocatis, viribusq; reparatis, non destitere sacri milites Turcarum rationibus quæ possent incommodare, maria percurrendo: in omnibus bellis quæ varia aduersus Turcas noster imperator suscepit, suas vires coniungendo: quibus rebus & solita Imperii proferendi cupidine, antiquo in Christianos odio suscitato, Solymanus animo angi, fremere, sacros milites intentus obseruare: moliri, qua ratione eos toto mari pellere, atque exterminare penitus posset. Itaque quantam posset maximam classem comparare, exornareq; cepit: suisq; maritimarum locorum præfectis ac regulis, idem ipsi facerent, utq; ineunte vere præstò forent, imperauit. Cumq; aliquanto post imperata magno ardore properari partim ipsemet inspexisset, partim nunciis accepisset, procerum suorum ducumq; frequenti concilio conuocato, huiusmodi verba fertur habuisse:

Quod per hosce quadraginta annos semper optauì, ut mihi à cæteris bellis tantum daretur ocii, quo piratas istos Cruciatos, qui se Christianorum propugnacula esse gloriantur, è suis nidulis eiicerem atque extinguerem: id mihi videor hoc tempore, Dei & Muamedis erga nos fauore, consecutus. Nam & Persarum conatus sic repressimus, ut nos impedire nequeant: & in Pannonia, vnde aliqui motus metuendi ferebantur, ea nos ipsi breui agitabimus, quæ hostem nostrum in intimam Germaniam sese abdere, pacemque à nobis petere sint compulsura. Vos ipsi nostrorum hominum ac negociatorum querelas quotidie auditis, quos Melitenses isti non milites, sed prædones, si quando maria illa attingunt, rapiunt & spoliant: quorum iniurias atque alias innumeras nobis illatas, aliquando vicisci, nos iura omnia diuina & humana compellunt: neque mihi aliquid gratius, iucundius, atque ad nominis nostri gloriam aptius potest contingere, quam si hæc duo, prius quàm naturæ concedam, perfecero, ut & Melitam copiam, & res in Pannonia Sarmatiaque constituam. Nisi fortè quis existimet, nobis difficilius esse, Cruciferos hosce ex Meliteni scopulo deturbare, quàm vel maioribus nostris Hierosolyma totaque Syria, vel nobis ipsis ex insula Rhodo depellere ac propulsare. At hæc propior est Italia, vnde auxilia submitti, classeque defendi possit. Mihi credite, nunquam nobiscum mari configere, qui toties se victos fuisse meminerint, audébunt. Præsidia verò, locus tam angustus, magna nec capere: nec si capiat, alere diutius queat. Ad hanc igitur expeditionem nos classem potentissimam proximo ineunte vere mittere statuimus: & iam vniuersis nauarchis excursoribusque, quicunque nostrum agnoscunt imperium, uti cum suis nauibus instructi adsint, imperauimus. Aderit Algerii rex: Alexandrina sunt in promptu præsidia: Dorgutæ quoque instructa nauigia: nostra, vel me procurante, exornantur. Huic classi cunctas Occidentis vires cessuras non dubitamus: id quod, Dei optimi maximi & Muamedis magni ope, vestraque duces nota explorataque virtute freti, dicimus. Iam illud modo reliquum est, ut de belli gerendi ratione singuli cogitetis, vestraque consilia ad me referatis. Quod ut melius facere possitis, en vobis totius insulæ situm, munitiunumque designationem exhibeo, quam à certissimis & peritissimis accepimus. Audita Solymani oratione, reque diligenter agitata, cum ij quibus Melitæ loca ratio-

rationesque cognitæ erant, quid sibi expedire videretur, exposuissent; decretum est, uti primo quoque tempore nauigaret. Commeatibus igitur, aliisque quæ militibus vlti forent, maturè comparatis, ventos morabantur. Hisce de rebus Ioannes Valetta natione Gallus, Melitenis militiæ princeps, Equitumque magister, & literis & nunciis factus certior (habuit enim Byzantij homines idoneos, qui consilia actionesque Solymani specularentur) nequaquam territus est: sed cogitans à Deo pendere victoriam, ab hominibus esse vigilandum, agendum, consulendum: Equitum concilium aduocat, paucisque cum eis in hunc modum loquitur: Quid Solymanus parer, nobilissimi ac fortissimi Equites, quantum in nos

10 bellum moliatur, vos ipsi mecum iamdudum intelligitis. Itaque ea de re me longam vobiscum orationem habere, nihil est opus. Notus hostis, nota imperandi libido, notæ vires, notum eius in nos Christianumque nomen odium sempiternum. In illud potius mihi quisque intendat animum, ut ante omnia Deum nobis conciliemus: deinde, quæ ad bellum opportuna videantur, omnia comparemus. Porro, ut Deum nobis conciliemus, placatumque reddamus, duo à nobis præstanda sunt, Equites: quorum alterum in vitæ correctione & sanctimonia: alterum, in eius religioso cultu, firmæque præsidij spe & votis est situm, quæ Pietas dicitur. His maiores nostri innumeris aduersus barbaros in Oriente victoriis potiti sunt: nec dubium, quin si nos pariter erimus comparati, huius Tyranni vires, conatumque simus illusuri. Verum quoniam vigilantibus & agentibus Deus adesse solet, non stertentibus & ignavis. iis ea præsidia adiungere necesse erit, quæ & nostra professio, & belli postulat ratio, ea verò partim in nobis, partim in Christianis principibus sunt posita. Nam commeatus, stipendia, arma, cæteraque quæ belli usus poscit, sic parabimus, ut nemo nos aut sumtribus aut labori perperisse merito queri possit. Omnia profundâ, nec vitæ cupiditate vllû periculum defugiam. Quod ad principes attinet, mihi persuadere nequeo, illos in tanta rei gerendæ occasione, tantoque non modo nostrarum, sed multo magis suarum rerum periculo cessaturos. Equidem singulos hortabor literis, nunciis (quod & iam ex parte fecimus) excitabo. In Pontifice quidè maximo, in Cæsare, atque in Hispaniæ rege, qua sunt pietate, abundè præsidij nos habituros esse, minimè ambigo: hi ceteros commouebunt. Vos autem, huius nostræ sacræ militiæ lumina, & principes, reliquosque fratres nostros, Equites fortissimos, certum habeo, sic pro sacrosancta Christi religione, pro salute, fortunisque omnibus, pro nominis Latini gloria, contra immanissimum tyrannum, omnis veræ religionis, omnis boni moris, artis, disciplinæ euerforem, orbis terrarum pestem, Deo & mortalibus inuisum, dimicaturus, ut nostræ gloriosæ Crucis, quam tantopere contemnit, acumina sit vel in ipsa Byzantij vrbe, in suis illis lustris, sensurus. Neque enim iam in insula Rhodo, procul ab nostrorum auxiliis, ab Asia, ab Europa, ab Ægypto, terra marique hostibus septi, rem geremus: sed in Italiæ atque Hispaniæ oculis, in locis munitissimis, vnde hostis circumueniri facile poterit. Quod ut fiat, Deum illum Opt.

40 Max. precari atque implorare debemus. Hæc ubi dixisset magnus Equitum Magister: qui aderant omnes, se potius vitam, quàm ut causæ communi vlla in parte desint, aut in Solymani potestatem veniant, amissuros, vno ore promiserunt. Post preces, vota que ad omnia insulæ templa ac delubra decreta: tresque delecti ex Equitum ordine Tribuni: vnus Italus, cognomento Imperator: & Bornæus, natione Gallus: & Quatrius Tarraconensis: viri cauti, & belli in primis gnari, qui quæ bello opportuna censerent, cuncta sedulo pararent. Ab his igitur ædificia suburbana, & arbores, quæ locis munitis impedimento esse possent, deiecta: munitiones inspectæ, confirmata præsidia, commeatum omnis generis quanta maxima potuit copia distributa, à magno Magistro literæ ad Pontificem & ceteros principes datæ: nuncij in varia loca dimissi, qui cum alios, tum Equites Melitenenses, de toto negotio certiores facerent. Ex his literis vnas ad Pium Quartum Pontificem Maximum perscribam, ut ex iis de aliis æstimetur. harum hoc est exemplum:

Dum totis huius nostræ militiæ viribus contra Turcicam classem me parare,

ac munire satago, tot res necessarias mihi deesse video, quas nullo queam modo cōparare, vt ni (quæ tua est beatissime Pater, pietas) tuis literis subsidij spem fecisses, & iam auri P. C. vnâque militum cohorte tuis stipendiis conductâ, subleuassēs, quid mihi agendum foret planè ignorarem. Nam propter complurium annorum Turcicas minas, ad tam immanes sumptus adacti sumus, vt ingenti ære alieno contracto, ac magis & magis indies scœnore aucto, vnde nos explicare possemus, rationem nullam videremus. Illud autem meum animum potissimum angit, quòd, siue hanc expeditionem suscipiat hostis, siue omittat, cum videamus illum classi instruendæ, & ceteris belli apparatibus continenter operam nauare, nobisque minari, hosce intolerabiles sumptus facere cogimur. existimat enim, 10 quantum importunitatis habet, Christianos vix satis virium, quibus se tueantur, habituros: tantum abest, vt detrimentum aliquod à nobis sibi esse metuendum putet. Quos spiritus ex eo concepit, quòd suæ superbix neminem obuiam ire cernit. Ad hoc, certum habet, vel solos Occidui maris prædones, si quidem conspirare libeat, classē multo maiorem, validiorēque habituros ea, quæ superiore anno ab omnibus Christianis tanta cum difficultate cōacta est. Optandum tamen, vt ei parem hoc anno videamus. Ceterum quis nescit, quantumuis paruis, nedum vniuersis Orientis viribus adiunctis, eos multò magis nobis nocere potuisse, atque etiamnum posse, ni Deus eorum Imperatorem tantisper contineret, quo sese colligendi, atque in eos impetum faciendi, Christiani principes tempus 20 haberent? Quoniam autem Dei fauorem parui facere videntur, sic vt nullis detrimentis, nullâque infamia à tam profundo somno excitentur: verendum est ne isti crudelissimo Tyranno ad rabiem suam explendam habenas, nisi iam remisit, remittat ac laxet, sic vt nullæ vires satis ad eam coercendam sint futuræ. Hæc tibi, beatissime Pater, antè prouisa esse, tuumque inuictum animum, huius sanctæ ac piæ vindictæ desiderio ardere, minimè dubito. itaque, arrogans videri possim qui iisce de reb. differere apud te ausim, quæ tuæ diuinæ prudētiæ multo sunt notiora quàm mihi. VERVM enim quæ cum oculis cernuntur, multo magis moueant, quàm quæ auribus accipiuntur: ego, cuius ob oculos hæc quotidie versantur, sic afficior, vt tacere nequeam: nec me continere, quin suppliciter ac demissè ro- 30 gem, non tam huiusce nostræ sacræ militiæ, quæ sese pro Christiana religione deuouere, ac mactari parata semper est (nullum enim mortis genus nostro instituto conuenientius esse potest) quàm totius Reipub. Christianæ nomine: quæ cum in sacro Concilio cogendo omnibus incommodis pro sua tranquillitate spretis, tam pium & paternum in se amorem cognouerit, nunc alium conuentum haud minus necessarium, ad tantas superiorum temporum ruinas instaurandas, & deteriores præcauendas cogat: quæ iam iâ impendent, nisi arma in hunc pestiferum serpentem vertantur, vt saltem intra suos fines (quando pro suis eum possidere permittimus) compulsus, tantam Christianorum multitudinem, quantam magna cum Christiani nominis ignominia quotidie rapit, vorare tandem desi- 40 nat. Nam eò iam suum venenum dilataffe cernimus, vt orbis Christiani terminos, angustos illos quidem complexus, totum ferè inclusum teneat. Nunc igitur domesticis atque intestinis bellis Dei beneficio restinctis, pacēque inter Christianos principes constituta, expergisci nos decet. Nam si quo aduerso fato inter eos noua excitarentur bella, hæc importuna belua nequaquam obdormisceret, sed in nostram omnium perniciem euigilaret. Equidem, Pater beatissime, tua ista pietate atque prudentia fretus singulari, spero te hanc tantam laudis & gloriæ occasionem, qua Deum & homines promereri potes, successoribus tuis minimè relicturum. Hac spe me ipse consolor, quòd sperem fore, vt hanc necessariam expeditionem, priusquam ex hac vita migrem, videam: qua re nihil 50 mihi gratius vel ad gloriam, vel ad felicitatem potest accedere. Quòd si fortè longior quàm par est, & liberior in scribendo fui, tuæ pietatis erit, mihi in summo dolore constituto, veniam dare. Ego verò tuæ Sanctitati, pro ista tua in nostrum ordinem perpetua benignitate, seu pietate potius, gratias ago immortales, agamque dum viuam: Deumque precor, vti te diu felicissimè conseruet.

Pereos

Pereos dies Garzias Toletanus, qui pro Hispaniæ rege Philippo Siciliam administrabat, regiæque classi præerat, veritus ne Solymani classis per speciem Meliten-
 sis expeditionis, Gulettam arcem in Tunetani stagni faucibus sitam peteret, ad
 eam præsidio atque aliis rebus necessariis confirmandam traiecit: atque ex itinere
 Melitam accessit, ut cum Melitenfis militiæ Magistro de ratione belli ageret.
 Sed cum accepissent, iam Solymani classem Byzantiis soluisse: temporis exigui-
 tate impediti, non tam diu simul, quàm rei grauitas postulasset, esse potuere. Ita-
 que Garzias ad Gulettam profectus, ea confirmata, maturè se in Siciliam recepit:
 ubi classi & ipse exonerandæ operam dabat. At Solymani classis **X X I I**. die Mar-
 10 tij, Anno Christi **M. D. L X V**. Constantinopoli profectioe indicta, postero die è
 portu profecta, Peloponnesum versus cursum direxit, Methonemq; peruenit. Ibi
 Mustapha, homo quinque & septuaginta annos natus, terrestrium copiarum du-
 ctor, exercitum recensuit. Censæ autem ex Asia minore equitum, ex iis qui Spa-
 chi dicuntur, millia **V I I**. quibus præerat eiusdem prouinciæ præfectus, cum le-
 gatis duobus: ex Cilicia, quingenti: ex Lesbo insula, quæ hodie, ab vrbe quæ ibi
 est, Mitylenæ dicitur, quadringenti: quibus suæ prouinciæ prætores singuli im-
 perabant. Habuit prætorianorum, quos Ianizeros appellant, millia **I I I** & **D**. quos
 bini ab ipso Solymano delecti Tribuni ductabant: quod horum præfectus, qui
 eorū lingua Aga vocatur, ab vrbe nunquā discedit. Ad hoc, est genus quoddam
 20 hominum apud Turcas, qui è templorum fructibus vitā agunt: horum millia tre-
 decim in exercitu fuere, qui se Byzantij pro lege patria, proq; suo Imperatore de-
 uouerant. Conuenerant ex Thracia & Peloponneso præfecti duo: vnusque le-
 gatus, cum **M C C** equitibus: cumque tribus millibus & quingentis ex variis locis,
 voluntariis. Ibidem quoque Piali rei maritimæ præfectus censum nauium habuit,
 reperitque triremes centum & triginta, naues onerarias minores vndecim, toti-
 dem maiores: præter eam quæ prope Methonem fracta est, in qua fuere pulueris
 sulphurei cadorem sex millia, pilarum tredecim millia, & spachi sexcenti, è qui-
 bus vix ducenti euasere. Decem præterea è Rhodo triremes, sub Haliporti, homi-
 minis septuagenarij, imperio: binæ Mityleneæ, Salacho Algerij recens mortui
 30 fratre præfecto: itēque biremes, aliæque piratica nauigia circiter septemda-
 cim. Hac valida classe Turcæ die **X I I I**. Maij Methone profecti, **X V I I**. ad Meli-
 tam appulsi, portum cepere in ea insulæ parte situm, quæ Vulturum siue Orien-
 tem hybernū spectat, incolæ Marzasiroccum appellant. Sed cum se ibi non sa-
 tis tutos cernerent, in alium locum qui Maiarus appellatur, se recepere. Nondum
 Dörguta tum venerat: quem, quia nuntiatum Magistro Equitum fuerat, ad Me-
 ningem insulam, quas Gerbas hodie vocant, cum suis nauibus præstò esse, Tunc-
 ranoque regi ænea tormenta quatuor, atque alia quædam dono misisse: ac ne se
 bello cum Christianis gerendo immisceret, sed certo comœatu Turcas iuaret,
 pactum fuisse: ob hanc atque alias causas, aut Gulettam petere Turcæ credeban-
 40 tur: aut hunc rumorem spargere, quo Melitenfes improviso adorirentur. At Ma-
 gister Equitum, vir acri ingenio, belli haud ignarus, firmissimus contra periculā
 insidias, hæc atque alia antecapere, consilia hostium atque itinera explorare, in o-
 mnem partem intentus vigilare. In militibus autem summa constantia & alacri-
 tas erat. Locus postulare videtur, Melitæ situm paucis describere: & ea loca, in
 quibus restam magnæ gestæ sunt attingere. Melita insula inter Africam Siciliam-
 que sita, Africane an Europæ attribuenda, dubium esset, ni veteres eam, & Puni-
 ca lingua, qua semper vsi sunt, Africæ vendicarent. Hæc à Vulturno in Corum
X X. P. M. protensa, lata **X I I**. vbi latior, in angustum paulatim tendens, a meridie
 Africam qua Syrtis minor, paruaque Leptis: à septentrione Siciliam, in Pachinum
 50 quàm in Lilybæum pronior, spectat: ambitu P. M. **L X**. Hanc initio Pœnos habuif-
 se: in ea Battum Cyrenes conditorem, Iarbæ Didonisque tēporibus regnasse ac-
 cepimus: quæ postea in Carthaginensium potestate fuit, donec bello Punico se-
 cundo victis nauali prælio Carthaginensibus, in Romanorum ditionem venit.
 qua tempestate fortunati Melitenfes existimabantur, propter multarum gentium
 commercia, & varias artes, & linum xylinon tenuitate, mollitiæ, candorēque no-

bile: ex quo vestes Melitenses celebratae. ad hoc, melle optimo diues: unde no-
 men traxisse videri possit: & rosa admodum laudata. biferæ arbores, binæ sæpè
 menses, hordei præsertim, & lini xylini. Ceterum terra passim lapidosa, salebrosa-
 que, arboribus infœcunda: fert tamen ficum, pomum, amygdalum, vitem, atque
 alias fructiferas arbores humana diligentia cultas: palmas quoque, sed steriles:
 carduis grandioribus abundat, quibus incolæ pro lignis vruntur. Cælo terræque
 dulcium aquarum penuria: quos habet fontes, crediderim hybernis imbribus re-
 pleri: nam & aquæ semisalsæ sunt, & æstiuo siccantur, sidere: quo etiam incolæ
 tinguntur, vt non multum ab Æthiopis colore distent: itaque brumæ tempore ibi
 gignentia omnia laxiora. Genus hominû salubri corpore, victu tenui, induratum, 10
 patiens laborum magis quàm bellicosum: plerosque senectus, non morbus dis-
 soluit. Edificia, vrbe excepta, quæ in insulæ ferè medio (nisi quod ad meridiem
 magis accedit) sita, & ipsa Melita dicitur, atque aliquot suburbanis, Numidarum,
 mapalibus similia, oblonga, humilia ruderibus aut arundine tecta. Melitæos ca-
 nes, quos ab hac insula quidam putant appellatos, Plinius alteri Melitæ, quæ in A-
 drianæ sinu inter Corcyram & Illyricum est, attribuit. Quinetiam, quod huc Pau-
 lum Apostolum naui fracta eiectum fuerunt, videndum est, ne illam Adrianam
 potius Lucas intellexerit: cum in Adriæ tumia tarentur, nec cõstet extra eiectos.
 Illud insuper quod aiunt, videlicet in ea insula malefici generis animal nullum gi-
 gni, neque allatum nocere ab eo tempore quo viperam excussit Paulus, huic in- 20
 sulæ à natura datum videri possit, vt & Gaulo, & Galatæ, & Clupeæ, & Balearibus
 aliisque in eodem mari, & alibi. nam nec Creta vllum noxium animal alit, nec
 Albion lupum, Hyberniæve serpentem, cæli nimirum terræque abhorrentena-
 tura. Sed hac de re, vt quisque volet: equidem quæ contra receptam opinionem
 afferri probabiliter posse videbantur, mihi prætereunda non fuere. nunc ad rem
 redeo. Melita, quæ Siciliam spectat, multos curuatur in sinus, stationesque nau-
 bus accipiendis accommodatas. portus autem, præter Orientalem, quem Mar-
 zafiroccum diximus appellari, præterque Tomæ stationem, & quæ ab hac non
 longè distat, nomine Scallæ, geminos habet, vna peninsula tanquam dorso à Me-
 ridie in Septentrionem procurrente, tantum interiecta: quorum alter, qui ab O- 30
 riente, litus in Occasum legenti prior occurrit, Maior: alter, Marzamusetus ab
 incolis dicitur. In peninsula fronte arx natura & arte munita, Diuo Helmo sa-
 cra, quem nos Hermetem deinceps nominabimus. Maiorem portum ingredien-
 ti, ad læuam quatuor occurrunt siue peninsulae parue, siue promontoria, toti-
 demque sinus. In primo sunt furcæ, à quibus etiam nomen habet, damnatorum
 supplicio destinatae. In secundi extremo arx est, in præcipiti atque vndique præ-
 rupto saxo, munitissima, sancti Angelini nomine appellata. Huic oppidum, fossa tan-
 tum & muro disinctum, cohæret, & ipsum rupe excisa atque excauata situm,
 mari operibusque bene munitum: quod Burgum & interdum Nouam urbem
 appellat. In arce militiæ princeps habitat: in oppido, milites. In tercio castellum 40
 est, quod etiam Burgum vocant, Michaëli sacrum. Quartum incutum, vltra
 sinuosam terram, vsque ad aquam Mariam, & mediam peninsulam, quam diximus.
 Rursum à portu Museto in Occasum tendenti occurrit alia statio potius quàm
 portus, Diuo Georgio sacra: dein, quæ Benorrat appellatur. Hinc Pauli portus,
 Orientali haud minor: post, Salinarum sinus: & in aduersa litoris parte, qua in
 Africam vergit, statio Miliaria dicta. Melitæ adiacent aliquot parue insulæ: in
 his præcipua Gaulus, quam quidam Cofyram esse volunt: hodie Gozo voca-
 tur, ambitu p. m. xxx. patet: à Melita Occasum versus quinque intercurrente
 freto, abest. Hæc anno salutis m. d. l. l. à Turcis capta vastataque fuit, sex milli-
 bus inde mortalium in seruitutem abductis: quo etiam tempore Tripolis in Afri- 50
 ca, olim Leptis magna, iisdem militibus est adempta. Inter hanc & Melitæ latus
 Occidentale, binæ angusto freto inter se disinctæ iacent, Cuminæ appellatae.
 Est & ad Euronotum insula parua, Piper modò dicta: quæ omnes Meliten-
 sis militiæ principi parent, reliqua pleraque mari sæuo & rupibus altissimis se-
 pta. De Melita, & eius incolis, ad rem præsentem cognoscendam satis dictum
 est. Iam,

est. Iam, quibus copiis fretus Valeta Equitum Magister, Turcicam classem expectaret, dicendum. Primum omnium, in insula erant mille trecenti milites stipendia facientes: ex quibus mille, pars Hispani, pars Galli & Hetrusci: reliqui Neapolitani. mille item socij nauales ex Equitum classe, & quingenti in Angeli oppido: incolarum vero ad quinque millia, qui se ex agris eo receperat, rei bellicae haud imperiti. Quingenti praeterea sacrae militiae Equites, praeter sacerdotes & armigeros. Nam tria haec genera sunt eorum, qui Fratres in hoc ordine dicuntur. Hic numerus est eorum qui arces & oppida Hermetis, Angeli, Michaelis tuebantur, in quamque prorata portione distributi. In vrbe autem ipsa, quae Melita (vt dixi) vocatur, ducenti erant impositi milites, ac totidem ciues, & quadringenti ex tota insula delecti: equis merentes trecenti. Huic omni praesidio, Ioannes Vagno à Moncalerio, nobili in Taurinis oppido, imperabat. Ad hoc commeatus affatim, arma, tela, & caetera quae diuturnae obsidioni, belloque multarum rerum egenti vsui esse solent: & quod in his omnibus maximum est, aduersus omnem fortunam INVICTVS animus, qui ex victis saepenumero victores facit. Itaque his rebus omnibus paratis, compositisque, cum accepissent, Barbarorum triremes viginti septem portum Marzasiroccum occupasse, & milites exposuisse: Gyon Ioannitarum classis praefectus, vir impiger & fortis, cum sclopetariis quinquaginta, hosti obuiam it, quod eum in aperta loca eliceret: verum illi eis conspectis, sese ad naues illico recepere. Ab altera autem parte, vbi classis maior erat pars, ducenti ex nauibus emissi, obuiam habuerunt Riueriam Gallum, cum octo aliis equitibus: qui, interfecto equo, & vno ex sociis amisso, in manus hostium venit. Dum haec geruntur, nauta quidam Christianus ex portu Vulturni in urbem Melitam profugit: qui hostium consilia patefecit. aiebat enim, eos de Mustapha sententia plures in terram copias cum aeneis tormentis exponere decreuisse, locaque munita obsidione cingere: verum ei rei Piam classis praefectum reclamare, querique se in apertum exitium missum: cum vix octo Ianizerorum millia, & decem Spachorum haberet: reliquos, praeter socios nauales, imbellem turbam esse. se quidem nihil incepturum, donec Dorguta, qui in horas expectabatur, venisset: tunc Hermetis arcem oppugnandam. Iusserat enim Solymianus, ne quid Dorguta inconsulto agitarent: tanta erat in barbaro rege de Dorguta in rebus bellicis peritia & virtute opinio. Siue igitur haec vera, siue ficta erant: barbari tamen vniuersa classe ad eum quem dixi, Vulturni portum conuersa, viginti millia militum exposuere: quinque campestria tormenta ex nauibus extrahere: castra aggere & fossa munire: locus Azorbar Melitenensium lingua vocatur. Hoc facto, Piam ipse cum septem millibus, Michaelis castellum speculatum procedit, qua parte Catarinae fanum est situm: quanquam propius accedere non est ausus, propterea quod tormentis ex oppido peterentur. Certatum nihilominus satis acriter à Melitenensibus, qua in pugna Curfelinius, cognomento Prada, vno comitatus Hispano, tanta se virtute in hostem immisit, vt signum vnum auferret, & Sangiacum quandam cum aliquot aliis occideret: itaque Turcae in castra redire, vbi inter principes deliberatum, Hermetisne arcem, an oppidum Michaelis oppugnare praestaret: decretumque, Hermetis arcem totis viribus oppugnandam esse. Sed cum prius in montem, vnde arcem speculari possent, conscendissent, leue praelium commissum, in quo vtrinque pauci desiderati. Rebus sic paulatim incalescentibus, cogitauit Melitenensium princeps, de iis quae gererentur, Toletanum Siciliae praetorem, quo maturius classem exornaret, esse certiore faciendum. Itaque triremem vnam noctu ex portu soluere iubet, atque in Siciliam contendere, quae Saluagum equitem cum mandatis veheret. Interea Turcae vallum ad Hermetis arcem tormentis verberandam extruunt: vtque naues affligerent, quae in portu maiore stabant, sicque suis in portum prorumpendi aditum patefacerent. At non diu ea munitione vti valere. nam vix opus perfecerant, cum crebris ab arce fulminibus corrupta ac deiecta fuit: quae res barbarorum audaciam non nihil repressit. Interea Ochial cum sex nauibus ex praesidio Alexandrino deductis, in quibus nonnongenti milites, ad has Turcarum copias accessit. Itaque Turcae vallum alterum loco

eminentiore construere, eò tria magna tormenta comportare, quibus non modò
 portum, in quo Melitenſium naues erant, ſed & ipſam Angeli arcem, Principis ſe-
 dem, infeſtam reddebant: atque in hunc modum propius arcem Hermetis ſoſ-
 ſa & aggere aſto accedere. quanquam primò id fruſtrà conati, quòd ab iis qui in
 arce erant, impedirentur: tamen poſt ſummis laboribus & induſtria perfecere.
 nam Turcæ in eo genere mortalibus ceteris præſtant. Quamobrem breui in eum
 locum tormenta, vnde arcem & Michaelis caſtellum percutere inſtituerant, col-
 locauere. Erat Hiſpanus quidam nobili genere, in Turcarum caſtris ſeruus. is
 cum, vt ſit, conſilia hoſtium quædam cognouiſſet, de iis per quendam Chriſtia-
 num perfugam, Valetam principem certior fecit. Eo audito, Valera ex inopia 10
 binas cohortes Hiſpanorum in Hermetis arcem ire illico iubet: quas Cerda at-
 que Miranda duxere. Hi magno arci poſt præſidio, & hoſti detrimento fuere. Ve-
 nit & Torcuta Leptitanorum præfectus, cum nauibus tredecim, & militibus mil-
 le ſexcentis. Hunc ſequuntur biremes decem: Hippone, quæ nunc Bona dicitur,
 atque Meninge, militum cohortes binas deportarunt. Interea Saluagus Genuen-
 ſis, militiæ ſacræ Eques, vir impiger, quem ſuprà ad Toletanum in Siciliam miſ-
 ſum duximus, Meſſanam peruenit: is vbi de rebus Melitenſium Toletanum cer-
 tior fecit, celoce Melitam redire iuſſus eſt: quem præſidij gratia binæ trire-
 mes, vna qua veſtus fuerat Corniſſone præfecto, altera Santalo, ambæ ſacræ mili-
 tiæ principis, haud procul à Melita comitatæ, mox in Siciliam rediere. is autem, 20
 non tamen ſine præſenti periculo, per medios hoſtes, vno è ſuis amiſſo, in oppi-
 dum ſeſe tertia noctis vigilia immiſit. Iam Turcæ mutato conſilio, quo tum Her-
 metis arcem, tum Michaelis caſtellum oppugnare decreuerant, ad aquam Mar-
 ſæ (fontis nomen eſt) caſtra fecerant: quæ res difficiliorem ingreſſum Saluago
 fecit. Expoſitis igitur quæ à Toletano haberet mandatis, eadem nocte in Siciliam
 à Magiſtro equitum eſt remiſſus, vt ei nunciaret maioribus eſſe opus copiis: pro-
 inde vnam aut alteram cohortem delectorum militum quamprimùm mitteret,
 quò ſe aduerſus tanti hoſtis vim tueri poſſet. Saluagus nullis laboribus aut pericu-
 lis territus, properè ſe mari committit: ac breui in Syracuſanum portum delatus.
 binas illas triremes, quarum paulò antè mentionem feci, naſtus, Melitam, vt præ- 30
 ceptum erat, cum quadringentis militibus, in quibus nò pauci ſacri Equites, mit-
 tit: addit & maiorum tormentorum peritos aliquot: ac ne quid ſui muneris præ-
 termitteret, occiduam Melitæ partem, vbi ab hoſte conſpici poſſent, vitarent:
 orientalem longiore quidem circa inſulam ambitu, ſed tutiorem tenerent, do-
 cuit: inde in Auſtrum ſeſtentes, ad litus quod Miliare dicitur, naues appelle-
 rent: inde militem per depreſſos inſulæ locos, noctu Melitam urbem, quæ ab eo
 loco quater mille paſſus abeſt, ducere properarent: vnde in Michaelis caſtel-
 lum facile tranſire poſſent. His dictis, ipſe Meſſanam contendit: ibi Toletano
 belli grauitatem, & defenſorum paucitatem exponit: mille ſaltem peditos petit:
 quibus vnà cum iis quos iam miſiſſet, exiſtimaret obſidionem tantiſper poſſe 40
 ſuſtineri, donec is tota claſſe laborantibus ſubueniret. Dum autem hæc com-
 parantur, quæ difficulter & tardè, noſtris principibus tanto periculo indormien-
 tiſus perfici poterant: die tertia Iunij menſis, qui dies ſacer Hermeti erat, Tur-
 cæ repente arcem Hermetis expugnare ſunt aggreſſi, rati ſe eam partem quæ ag-
 geri arcis vicina erat, breuioribus ſcalis poſſe ſuperare. At noſtri, in ſoſſa muni-
 mento antea deſtituta, per quod hoſtem à latere propellerent lignorum faſci-
 bus, ac terra vallum ſatis firmum & amplum conſtruxerunt, è quo, arce quo-
 que iuuante, acriter reſiſtere: ſoſſam hoſtium cadaueribus replere: barbari
 multitudine, qua magis quàm virtute victores eſſe ſolent, virgere: donec vi
 vallum etſi ſerò, obtinuere. quo facto, tota illa parte ſoſſæ potiſus ſunt, quæ 50
 portum Muſetum ſpectat: quo in loco mira celeritate ſeſe, ne à noſtris lædi poſ-
 ſent, aggere muniere: qua in re plurimùm, tormentis in altera Marzamufeti
 fronte collocatis, iuuabantur. eis enim tota illa pars defenſoribus nudaba-
 tur: angulus propugnaculi deprimebatur: ipſiusque aggeris frons concutie-
 batur: cuius altitudo magnitudòque hoſti moleſta, noſtris quoque parum
 commoda

commoda erat, quod latera caua, quibus defenderetur, non haberet. Quoniam verò nox imminabat, barbari numero ad quinque millia (nam qui impetum fecerant, fuere circiter nouem millia) ibidem mansere, quamobrem Christiani in arcem sese recipere, locumque eum hostibus relinquere coacti sunt: qui noctis tenebristuti, faccis tomento & terra fartis, eam fossam implere, quæ aggeri suberat, ut minus latam, minusque profundam tentarunt. In ea oppugnatione, ex barbaris supra octingentos cæsi, partim Janizeri, partim Spachi: præter faucios non paucos, quorum bona pars in fossis semianimis remansit, nam ea pars quæ ab eis repleta fuerat, ipsisque & nostris descensum in fossam prohibebat: quod nullus ad eam aditus, præter eum qui in aggeris erat fronte, pateret quamobrem vulneratos eo in loco perire, quod eis nullo modo subueniri posset, necesse fuit. E nostris in primo congressu circiter quinque & quadraginta sunt desiderati: inter quos sacri equites Guardampes Aruernus, Mafius Narbonensis tribunus, eiusque frater, Contilia Hispanus, Somaia Florentinus, Neinecúsque Germanus: vulnerati aliquot, in quibus Motta centurio, qui post in arce ex eo vulnere mortuus est. Eadem nocte Magister equitum nouo subsidio opus esse, uti par erat, ratus, ducentos milites, & vnâ equites è suis ducentos in arcem submisit: qui si plures fuissent, vnâ cum quadringentis, qui ibi erant, forsitan barbaros à muro & vallo propellere, locumque diutius tueri potuissent: sed quia militum inopia laborabat Militiæ princeps, idcirco Saluagum in Siciliam emiserat, ut antè dictum est, quod ad se quingentos saltem milites mittere omnino conaretur. Interea ipse intrepidus expectare: nullum laborem aut periculum defugere: interdum principum Christianorum infelicitatem secum deplorare, quorum socordia barbari hostis debellandi occasio tam ostentata, negligenteretur. Vehementer autem mirabatur, sibi auxilia nulla submitti: binas præsertim suas triremes, quas à Saluago properè missas antè diximus, verum illæ nauicularij culpa cursum, uti erant iussæ, non tenuerant. Primum enim cum vitare occasum, atque in ortum inflectere deberent, in occasum Gaulónque deflectere: nauiculario affirmante se aliquot biremes ad Miliaris custodiam hærentes vidisse: quæ uti post cognitum est, nullæ fuere. Sed is METV, QVO egregia sæpenumero consilia corumpuntur, progredi non est ausus: quo factum, ut Melitenensis princeps tam necessario subsidio caruerit. Quæ quidem res cum Toletano & aliis, tum verò maximè Saluago ipsi, molestissima accidit. videbat enim fore, si barbari Hermetis arcem, id est Melitæ propugnaculum occuparent, uti reliqua loca in magnum discrimen adducerentur, omnisque ad subueniendum aditus intercluderetur. Posse autem capi, ex eo liquere: quod iam & propugnaculum vnum occupassent, & locum sanè angustum vndique ferè obsecsum à fronte atque à latere acriter oppugnant. Hæc atque alia peritis viris cogitantibus, animum angebant: præsertim cum viderent, tam negligenter auxilia comparari. Interea tamen Romæ milites scribebantur Pij Quarti Pontificis iussu, qui Melitam mitterentur: qui ut sui quoque exemplo reliquos principes ad ferendam Sacræ militiæ opem excitaret, Cambiano eius ordinis legato, auri libras centum appendi: puluerem sulphureum, atque alia in belli vsum necessaria, ab Angelica arce depromi iussit: ne quid, quod quidem à se præstari posset, desiderari posse videretur. Militibus, qui sexcenti erant, Pompeium Columnam præficit, & cū eo Camillum Medicem legatum proficisci iubet. Hanc cohortem multi voluntarij, ut sese tam pio bello deuouerent, nomenque celebrarent suum, secuti sunt, tanto animi ardore, ut quæuis parua mora annus videretur. Neapolim igitur profecti, ibi Ioan. Andream Auriam cū nauibus longis vndecim: Populonieg regulū cum nouem. Lainicium Prouanam Taurinensium & Sebusianorū ducis cum tribus, totidemque aliis priuatorū quorundam sumptib. exornatis, nacti sunt. In has naueis, qui Roma venerat, pedites omnes recepti, Messanā, vbi regia classis exornabatur, transiecti fuere. Dum hæc Christiani haud satis pro magnitudine periculi nauiter moliuntur, Turcæ eius rei non ignari, ante omnia experiri, quàm Christianorum vires augerentur, constituunt. nam Hermetis arce capta, reliqua

sibi faciliora pròmittere: Primùm, portum Musetum in suam potestatem fore; ubi classem tutò habere, quamdiu videretur, possent. Locum verò in et duos portus tum ad Michaelis oppidum oppugnandum, tum ad prohibendum ne quis in portum maiorem intraret, nève ex eo emitteretur opportunum. Hęc igitur atq; alia secum reputantes, arcem Hermetis fulminibus crebris verberare incipiunt: quod per quatuor continuos dies facere non destiterunt. Nocte insequente repente magna vi murum aggrediuntur, & iam scalis aggressi, propè summa ceperat: cum nostri, quasi nil cuperent quàm prælium manibus facere, tanta virtute eos deiciunt, vt nunquam post nisi extremo congressu, scalam admouere sint ausi. Dum hæc in hac parte geruntur, Dorgutini milites ad Marsiam scalam (id parui sinus inter furcas & Tomæ stationem nomen est) superbia quadam elati, quasi ceteris præstantiores, se consulerunt. Quod nostri videntes, quo barbaram audaciam reprimerent, ex Angeli oppido egressi, ita eos excepere, vt eorum non paucis cæsis, reliquos, vnde venerant, exemplo redire coegerint. Ex nostris Bonnemius Gallus Sacræ militiæ Eques, cum septem aliis, desiderati. Eodem tempore Monferratus in arcem Hermetis est missus, qui ei arcis Brolia loco præfesset: quod is ex vigiliis & labore in defendenda arce susceptis, in lethalem morbum inciderat. Antea Magistro equitum sæpenumero scripserat idem Brolia, eam arcem omniratione munitam atq; instructam esse, sic vt nullo modo fieri posse censeret, vt in hostium potestatem veniret: Equitibusque atque aliis qui in ea erant, tantum suis verbis ac virtute animi addiderat, vt supra humanas vires & fidem dimicerent. Nec Turcæ, quanquam tanta cum clade reiecti, animos demittere: ceterum maiore quàm antea conatu, arcem tormentis dies aliquot quater: mox omni genere telorum & machinarum muros aggredi. nam & pontem è nauium antennis, ea latitudine, vt decem viros pariter incedentes caperet, supra fossam iecerant: quaterque mille sclopetarios circa fossam disposuerant: & classem omnem ad Georgij littus, haud procul ab arce, appulerant: cumq; eam dies octodecim æneis tormentis, tredecim millibus contortis globis lacerassent, ac iam iam sese arce potituros sperarent: ecce tibi Baragamus Cantaber, eques Melitenfis ambimanu correpto gladio, Medranusque centurio Hispanus, cum aliquot aliis fortissimis viris, ad pontem accurrunt, ac summa cum omnium admiratione Turcis sese opponunt. Res cominus magna vi vtrinque geritur. & iam vnus signum Turcicum in propugnaculum extulerat: quem dum Medranus comprehensum tenet, isque sese explicare nititur, vterque gladio à barbaris emissa concidit. Quo tempore magno adiumento fuere trecenti illi quos paulo antè ab equitum magistro missos diximus: quippe, simul ac videre rem in tantum esse adductam discrimen, pars cadis puluere incendiario plebis ponti subijcere, alij picem sulphure ac ræda mistam ardenti in pontem mittere: alij in proximos saxa voluere, omnis generis tela ingerere, pars eminus sclopetis hostem propellere. ita pons exustus, cuius ruina ad octingentos Turcas oppressit: ceteri quoquo modo potuere, pauci integri, magna pars vulneribus confecti, recedunt: nostri duo vexilla iam in ipsis murorum pinnis infixa, quorum alterum Mustaphinorum, Dogurtinorum alterum erat, refixere. At in altera parte, quæ ad Libonotum vergit, iam Turcarum manipulus aggeris editioris summa occuparat: quos qui in Angelica erant arce videntes, illico tormento se eos deiekturos rati, septem è nostris arcis propugnatoribus in eodem aggere (errore vt fit, cum vltro citroque homines mouentur) interficiunt. Sed errorem maiore contorta pila corrigere volentes, quatuor Turcarum præfectos, cum duodecim audacissimis militibus discerpunt. Dum hic summis viribus pugnatur, iam barbari fossas ad eam Hermetis partem, quæ Angeli arcem spectat, egerant: sed nostri testis sulphure & pice accensis, eos citò discedere coegerunt. In hunc modum barbari ab omni parte fortiter repulsi in castra rediere. Ex barbaris in hac pugna cecidere circiter duo millia: ex nostris ferè centum ac totidem vulnerati. Eodem die Valera magister Equitum, cum portum Musetum à barbaris non tam arctè custodiri cerneret, propere celocem ex portu ad Marsiam scalam transferri per terram iubet, quo illinc in Siciliam trajiciat.

traiciat. nam quanto in periculo Hermetis arx esset uti par erat, secum reputans de eo, ac de iis quæ gesta erant, Toletanum Pontificemque per literas certiores facit, eosque ad auxilia maturanda hortatur. Quas ad Toletanum dedit, earum exemplum infra scriptum est: nam quas ad Pontificem quod eodem modo ferè habeant, omittendas censui.

G A R Z I Æ T O L E T A N O S I C I L I Æ

P R O R E G I, C L A S S I S Q V E P R Æ-

fecto, Salutem.

- 10 **A** B E O tempore quo Saluagum misi, binas ad te literas dedi, perque Melitam urbem in Gaulon perferendas curavi: quæ utinam in tuas peruenerint manus. Post, cum nulli neque nuncij neque literæ à vobis apparerent, hominem cum mandatis Messanam properare iusseram: qui cum noctes aliquot exire tentasset, ac tandem exiisset, vixque duum millium spacium confecisset, barbaros ad se versus cursu tendentes videt: quos ut effugerent, extemplo ad terram nauim appellere coacti sunt: literisque in mare abiectis, felictoque nauigio, ipsi incolimes euasere. Iam cum Turcæ classem è Vulturni portu deduxerint, quantum referat te de iis quæ geruntur certiores fieri, mecum ipse cogitans, iussi celocem ad Marsiam scalam deferri, nam cum classis Turcica in alteram insulæ partem transierit, sine impedimento epistolam ad te breui peruenturam spero. Quæ autem te scire velim, hæc sunt. Decimaquinta huius mensis, hostium classis vniuersa hunc portum sub noctem præteruecta est. nox obstitit, quo minus eius debilitatem, dum remulco triremes penè inermes & claudæ vix traherentur prospiceremus. Aquæ inopia potissimum, eos è Vulturni portu discedere coëgit, ac fortè metus etiam istius vestræ classis: quippe qui, sicut accepi, intellexerint, in Messanæ portu centum quinquaginta naues in ancoris esse. qua etiam de causa se in Pauli portum non receperunt: sed naues quidem supra portum Musetum, triremium verò bonam partem ad Georgij, quo terrestribus copiis propiores sint, collocarunt. quanquam non est ea vicinitas tanta, quin si vestra classis improuisa
- 30 adfit, eadem trepidatione sese ad naues sint recepturi, ac si abessent longius. Ad Vulturnum, nemo iam apparet: prima enim castra ad Catharinæ & Ioannis, villis omnibus incensis, reliquerunt. nunc classem, ubi dixi habent, exercitum ad Hermetis arcem: quam Deus adhuc seruauit, atque (ut spero) seruabit. quod quidem vel ex eo sperandum est, quod hesternò die factum est: quo quatuor horarum acerrimam oppugnationem, Dei ope freti nostri fortissimi milites etiam ponte à barbaris in ea parte quæ Corum spectat, ad Museti portum iacto, fortissimè sustinuerunt: hostemque quater aggressum, magno ipsius detrimento repulerunt: non sine tamen aliqua nostrorum iactura: inter quos Medranus centurio, magno meo cum dolore occubuit. Hac victoria nostri usque adeò sunt confirmati, ut sperem
- 40 arcem in aduenium tuum posse defendi: præsertim cum hostes multum de pristino illo eiaculandi ardore remiserint. Quod si aliquot militum manipulis, aut saltem nostris istis geminis triremib, adiutus essem, nunquam existimarem hanc arcem nobis eripi posse: pro cuius defensione, dum auxilia in horas expecto, quidquid militum aliarumque bellicarum rerum habui, consumpsi. Constitutum est, vel si moriendum nobis omnibus sit, eò nos tuo fretos auxilio conferre, quem confidimus nostram omnium salutem, quæ pietas virtusque tua est, minimè neglecturum: sed periculo, in quo nos fore necesse est, si opem distuleris, cognito, te aliquot militum manipulos nulla interposita mora omnino missurum, præsertim in tanta mittendi facilitate. nam cum Turcæ ab orientali insulæ parte discesserint, milites nostri ad Saxa nigra exponi possunt. In tua manu, nostra est sita salus: in eadem, post Deum, spes omnis reposita. Te igitur, ne nos deseras, vehementer oro, tuæque fidei ac pietati omnia committo. Vale, ex Melita, die
- 50 X V I I. Iunij.

His literis acceptis, cognitoque obsessæ arcis periculo, Toletanus vehementer est (quemadmodum debuit) commotus: seq; classem vniuersam in barbaros edu-

cendi cupidine teneri ostendebat. verum, quod ab Liguria Hispaniaque nondum supplementa nauium venissent, nec sine illis prelij fortunam periclitari consilium esset, placuit, Ioannem Cardonam cum quatuor nauibus longis, in quibus duæ Melitensium equitum, properè mittere. Cardonæ Roblessem, castrorum magistrum, cum delecta Hispanorum militum cohorte, adiunxit. Vnà quoque equites Melitenses ad octoginta, qui Messanæ traiciendi occasionem operiebantur, profecti sunt: in his ex Ioannitarum proceribus erant, Parisotus Magni Magistri nepos: Vincentius Caraffa: Boninsegna & Maldonatus, ambo Hispani: Centius Aquitanus, atque aliquot alij. qui etsi tempestate aliisque rebus impediti, serò (vt post dicam) in Melitam peruenierunt, magno tamen adiumento fuere: qui si ante Hermetem captum affuissent, forsitan potuisset conseruari. Messana, die XII. Iunij, quatuor hæc naues soluerant. At barbari haud pluris tot suorum stragem facientes, quàm pecudum, obstinatis animis pugnam redintegrare, extremaque omnia experiri constituunt. Ac primùm æneis machinis horrenda in arcem fulmina noctes atque dies iaculari post vndique quàm muri deiectiones fuerant impetum facere, tanta multitudine oppugnantium & vi, vt ni omnem iam terrorem vera propugnatorum virtus, spesque immortalitatis, è pectoribus eorum excussisset, res ipsa fugam aut deditionem extorsisset. Grauis fuit illa vtriusque pugna: & ni vtrique obfirmati essent, illi ad expugnandam arcem, hi ad propugnandam, ea dies finem pugnandi fecisset. Quinque horas pugnam acerrimè, actandem Turcæ virtute nostrorum repulsi, pedem referunt: nec tamen secutam noctem quietam agunt: sed tormentis ita arcem defensoribus nudari satagunt, vt nostri vix impedire possent, quo minus scalis ascensum tentarent: quod ne facere tunc auderent à nostris summo conatu prospectum est. Ex nostris ducenti eo conflictu desiderati fuere, ex barbaris innumerabiles: ipseque Dorguta, dum & ducis & militis fortissimi obit munera, saxo caput percussus, biduo post vitam amisit. corpus eius Leptim honorificè delatum. Hac nostrorum virtute, ac facinoribus suorumque clade Turcarum duces magis efferati, classe vniuersa in vnum collecta, Hermetis arcem corona circumuenire iubent, ibique consistere eo consilio, vt eam terra marique totis copiis extremum oppugnent: nec no- 30 uos subinde milites, alios aliis submittere desisterent, donec arce potirentur. Itaque pontes, scalæ, machinæ, arma, tela, alia quæ expugnationi vsui essent, magno studio comparantur. Hæc cum Valeta ex arce Angelica cerneret, veritus, vt par erat, ne arx diutius ferre tantum furorem posset, biduo quàm barbari extremum impetum facerent, concilium cogit. Quanto in periculo sint, qui Hermetis arcem defendant, omnes secum videre dicit: nec se dubitare, quin pro sua pietate singuli, commilitonum suorum, aliorumque militum clade & periculis perinde commoueantur, ac suis: consilium dent hortatur, quid ad illorum salutem faciendum putent: ita tamen, vt nihil à solita sacrosanctæ militiæ virtute, existimatione, que alienum statuatur. His auditis, breues sunt dictæ sententiæ: decretumque, 40 quoniam arx teneri ultra non posset, vti eorum qui in ea erant saluti consularur, ad quod quidem efficiendum, duodecim naiculæ mitterentur, quibus, qui in arce erant exportari possent. Itaque tres Equites sunt delecti, qui eò nocte insequente maturarent: quid consilio videretur nunciarent: arcem quo in statu esset, diligenter inspicerent. Quod si existimarent propugnatores, arcem esse defendendam: aquam veneno corrumperent: & tormenta, ne quis post eorum esset vsus, clauis configerent. Eò igitur profecti delecti viri, Medina Hispanus, Rocca Gallus, & Constantinus Castriorus Italus, nec sine vitæ præsentis periculo (quippe sclopetorum glandibus à barbaris appetiti) militibus prædialiis Magistri & reliquorum sententiam exposuerunt. Illi primùm omnium gratias agunt 50 Magistro & reliquis, pro eo quod de sua omnium salute tam sollicitè agant. Deinde, quod ad arcem attinet, eam quidem, si eius angustiam, defensorum paucitatem, & hostium multitudinem spectare velint, in magno periculo versari: siquidem barbari tanta pertinacia, sæpius pugnam iterare statuunt. Sed quoniam adhuc Dei opem tam præsentem senserant, qui ipsos aduersus tantam rabiem tutatus esset,

tus esset, tum quòd nullus rei quæ ad defensionem pertineret, indigerent: ac denique quòd hanc prouinciam sibi à Magistro depoposcissent: etsi citra vitæ suæ discrimen scirent se eam tueri non posse, se nolle tantam ac talem rei bene gerendæ occasionem, quæ fortè nunquam pòst futura sit, negligere. Itaque statuisse, hunc spiritum pro Dei gloria, proque sua religione profundere. VITÆ huius breuem esse cursum, gloriæ sempiternum: cumque esset omnibus definita mors, optandum, vt vita, quæ necessitati deberetur, Deo Rei que publicæ potius donata, quàm reseruata naturæ videretur. Quod si contingat, se effecturos, ne barbarus hostis vlla voluptate læticiæ afficiatur, quæ non plurimo ei suorum sanguine stererit. Hæc Magistro renunciarent: hortarenturque securo animo esset, sibi que de ipsis ea promitteret, quæ fortium essent, eorum præsertim qui sacre Equitum militiæ nomen dedissent. Hoc accepto fortiore quàm feliciore responso, tres Equites, arce diligenter inspecta, ad Magistrum rediere. Is concilio aduocato, auditoque militum obfessorum responso, quid legati ipsi censerent, audire voluit. Castrioti igitur sententia fuit, locum, quòd fossas nostri adhuc tenerent, posse defendi: seque si iuberetur, id suscepturum: ibique potius vitam amissurum, quàm vt susceptum deferat. At Gallus cognomento Rocca, sibi videri, nullo modo locum defendi posse: se existimare, si Iulius Cæsar ipse viueret, & ad quas angustias is locus redactus sit cerneret, propugnaculis præsertim omnibus corruptis ac deiectis, tantis hostium pertinacissimorum copiis circumiectis, nunquam eum passurum vt tot fortissimorum militum iactura fieret: sed locum relicturum, vt suos aliis maioris momenti locis turandis conseruaret. VIRO RVM fortium esse, ea præstare quæ ab homine præstari possunt: vltra tendere, hominis non esse. Id sibi videri esse faciendum, quod in deploratis corporis membris solet: VT VITA cum reliquo corpore conseruetur, membrum amittere non dubitamus. Hispanus cum Castrioto sentiens, haud facillè locum deferendum esse sibi videri dixit. primùm quòd fossæ aggeresque integri essent: dein, quia tantum videret in defensoribus consensum, tantamque cum hoste configendi alacritatem: quòd vnum penè victoriam prælagire videretur. Horum sententiis in consilio diligenter disputatis, visum pluribus, vti qui in arce erant, per dies aliquot sustinerent, præsertim cum ei militiæ mos non sit locos facillè relinquere, quin potius eos ad mortem vsque tueri: vt vel hoc modo barbarus hostis sentiat, qui cum sibi res sit, eiusque superbia retundatur. nam si locum defererent, metu id factum videri posse: ex quo & hostis insolentia augeri, & ordini dedecus inuri videretur. At barbari in id quod statuerant intenti, die XXII. Iunij cunctis circa arcem terrestribus maritimisque copiis coactis, media nocte scalas ab omni parte admouere: pontes, vineasque agere: duobus & triginta æneis catapultis ingentes pilas contorquere: quod reliquum erat munimentorum demoliri. Nostri contra, alios deturbare, alios repellere, cedere, auidius vulnerare quàm semet tegere: vbi maior ab hoste vis fieret, ibi maximè virtutem ostendere: clamor vtrunque permixtus hortatione, læticia, gemitu: ac totius prælij facies varia, incerta, fœda, & miserabilis. Et iam ventum erat ad horam diei tertiam, cum anceps esset victoria: ac ni tanta fuisset æneorum fulminum vis, qua iam muros omnes ad saxum vsque in quo arx ipsa stabat, deiecerant, potuissent nostri barbarorum impetum aliquot dies sustinere. Verùm nudato muris ac defensoribus saxo, & plus quadringentis interfectis, vix iam se aliquis, quin statim discerperetur, ostendere poterat: & iam arcis præfectus Monserratus, Eubœæque prætor Garas, vno catapultæ ictu conciderant: pari virtute, pietate, dignitate viri: pro breui vitæ pariter immortalitatem consecuti. Reliqui tamen qui pro arce stabant, tanta iactura cladeque nequaquam territi, quin potius quasi noua virtute cœlitus aucti, maiore vinitti, barbarorum signa iam in arce fixa reuellere, discerpere: signiferos, centuriones, præfectos, aliosque confodere: nihil iam spectare, quàm vt vitam pro religione ponerent, gloriam immortalem obtinerent. Iam sol ad medium cœlum ascenderat: ætus ingens, lassitudo, crebri tormentorū ictus: hostium multitudo tanta, vt subinde recentes fessis submitterentur: nostrorū contra paucitas,

eaque labore, vigiliis, siti & vulneribus debilitata, fecerunt, vt barbari tandem vi arce potirentur: sed tanta cum suorum clade, vt permirum sit, tam multos à tam paucis occidi potuisse. Nostri omnes ad vnum fortiter pugnando cæsi. Hic mihi Turcica in Equites crudelitas prætereunda non est: quo intelligatur, I M M A N I T A T I nunquam deesse, vnde vltra mortem sæuiat. Capta arce, cum aliquot Equites semiuivos inuenissent, corde prius è pectore eorum exempto, capiteque amputato, rubris sagis cum alba cruce indutos (solent enim vetere instituto hi Equites in bello, rubro colore: in pace, nigro vestiri) pedibus in Angeli Michaelisque castellorum conspectu ad triginta suspenderunt. Ceterum cum hoc non satis Mustaphæ videretur, eos simul vinctos in mare abijci iussit. Com- 10 moto autem mari sequente die, ventus eos in Maiorem portum eiecit: quos à nostris cognitos, Valeta humari piè atque honestè, non sine intimo dolore mandauit. Qua hostis barbarie adeò exacerbat fuit, vt ediceret, Ne quis deinceps Turcam vllam capere, sed omnes ferro trucidarentur. Itaque quotquot capti antea fuerant, omnes illico obtruncati: eorumque capita, qua parte hostis erat, extra muros proiecta. Ab initio obsidionis, ad captam arcem M. C C C. in queis sacri Equites, C. X X X. ibidem occubuere. Valeta amissa Hermetis arce, etsi (vti par fuerat) summo dolore eius animus premeretur, præ se tamen aliud ferebat, ne suorum militum animos turbaret. Dicebat enim, sibi nihil improvisum accidisse: hanc esse belli fortunam, Dei que voluntatem, vt modò hi, modò illi 20 vineantur. I G N A V I A M, non talem militum virtutem mœrorem suis relinquere, neque esse ob eam rem hostem formidandum, qui tantam stragem accepit, vt victus magis quam victor diei posse videatur. N O S T R O R V M iacturam gloria atq; immortalitate compensari: quæ res omnium animos ad fortiter agendum inflammare debeat. Se quidem nondum spem victoriæ de hostium reliquiis, haud quidem suis viribus, sed Dei omnipotentis ope, vt semper, fretum, abiecisse, existimare se, omnes eodem animo esse: & vt sint, hortari. His dictis, vir in omnem fortunam paratus, è conspectu abiit. Deinde multa cum animo suo versans, statuit, ad præsidij Melitæ vrbis præfectum Petrum Mesquitam literas dare, quibus eum, atque eos qui Messanæ erant, sacros milites, vnaque Toletanum, de 30 Hermetis iactura certiores faceret. Harum exemplum, quod in eis Sacræ militiæ principis Valetæ animus elucet, hic describere libuit.

Dum equites illi protectionem adornant, Hermetinæ arcis miserabilis casus interuenit. qui etsi eum nobis, quem existimare potes, attulit dolorem: eum tamen, quasi arcano quodam Dei consilio acciderit, in eam partem accepimus vt clementissimus pater nos monere, non perdere penitus velit. N E Q V E enim fas esse puto, de ipsius clementia potentiaque dubitare. Illud tamen nihilominus queri possum, nos ab iis fuisse desertos, à quibus minimè decebat: vt septem & triginta dierum spacio, quo fortissimi nostri milites hostis impetum sustinuerunt (quod quidem diuinitus potius quam humanitus factum est) à nostris met, 40 quitantum nobis debent, ne minimo quidem subsidio, quod non semel potuerunt, adiuti fuerimus. Sed libet Deo, quicquid illud est, acceptum ferre: à quo solo, vt tot bona adhuc accepimus, sic in posterum nos accepturos speramus. Nam quantum video, humanis præsidiis iam nobis fidendum non est: quandoquidem nullis nostris literis, nulla diligentia, nullis precibus, monitis, nullis denique imperiis eos qui maximè parere debuissent, commouere potuimus. Temporis exiguitas, vt Toletano scribere de hac re possimus, nō patitur: tuum erit, cum ipsum, tum amicos nostros certiores facere. Qui si nostris mandatis paruissent, vel quantulocunque militum præsidio iuissent, Hermetis arcem forsitan non amisisset: ob cuius defensionem, optima militum parte priuati sumus. Quamobrem, 50 nisi Toletanus hac obsidione nos liberare maturauerit, vereor vt post in tempore adesse queat: præsertim verò, si antè hic obsideamur, quam nostræ istæ copiolæ adsint, quas tanquam somniantes nobis pollicebamur, quasque vix tempore affuturas speramus. Non diffidimus tamen de Dei erga nos amore ac prouidentia: cuius instinctu paucis horis post, Toletani virtus diuina excitata, ad nos liberandos

berandos conuolabit. quippe nostra omnis salus in celeritate posita est. Hostes cuncta classe in portum Musetum contracta, arci repurgandæ, locisque quos tormenta corruerunt reficiendis, ut eis contra nos, uti possint, operam nauant. Itaque his literis lectis, illico ad nos Catharinensem, Belcacarensem, Belmestium, & Zoricium, centuriones, cum suis militibus mittes, ut eorum fidei fortique opera uti valeamus. Deum precor, nobis alicunde opem ferat, nosque seruet. Vale, ex arce Angelica die XXIII Iulij.

- Lectis Magistri literis, Mesquita properè nauigiolum in mare iaci iubet: in idque Masium equitem, cognomento Collonellum ingredi. cui & Magistri literas ad se, & suas eiusdem ferè sententiæ ad Equites qui Messanæ agebant, tradit: oraturque, ut in Siciliam velis remisque traiciat. Interea Mustapha hominem: Valetam mittit, & cum eo senem quendam Hispanum captiuum, cui libertatem, modò ad oppidum usque cum suo nuncio eat, promittit: eisque mandat, uti cum Valeta de deditioe agant: videantque ecqua ratione pacisci velit. Qui ad oppidum profecti, Turca foris expectante, Christianus intro ad Principem admittitur: ei que Mustaphæ mandata exponit. At Valeta ubi pactioe ac deditioe vocem audiuit, sic exarsit, ut, ni fuisset Christianus, euestigio eum suspendi imperasset. Itaque ei optionem facit, ut aut cum ipsis maneat, si videatur: sin minus, illico discedat: dicatque comiti suo, ni confestim abeat, sese tormentis eum ab arce repulsurum. Hoc accepto nuncio, Turca repente in castra rediit: quo Mustapha in tantam est rabiem coniectus, ut palam diceret, se nullum crudelitatis genus in Christianos deinceps prætermisurum. Erat tum apud Mustapham Philippus è Lascarorum nobilissima Græciæ familia: qui à Christianis, Patras in Achaia occupantibus, puer in ea vrbe captus est: & quamdiu captiuus fuit, honestè atque humaniter habitus: eam ob rem post semper bene in Christianos affectus. Is cum Mustaphæ consiliorum multorum particeps esset, diuino quodam instinctu, cogitauit se non parum Christianis commodare posse, si ad eos transiret. itaque ad Michaelis castellum transire constituit: quod cum sæpius tentasset, tandem Calen. Iulij sese coniecit in mare (nam terra nullo modo effugere potuisset (atque ad castellum non sine vitæ discrimine, quòd à Turcis conspectus, plumbeis glandibus & sagittis peteretur, enatauit. Hic ad Magistrum deductus, ei non solum multa hostium consilia patefecit, verum etiam quid ad Michaelis angulum faciendum esset. ut quædam hostium consilia de eo loco inuadendo irrita forent, edocuit: multaque alia, quæ nostris haud exiguo adiumento fuere. Post etiam, quoties opus fuit, strenue contra Turcas depugnauit. Obsidione verò soluta, Melitaque liberata, cum Magistri commendatione Romam ad Pontificem venit à quo benignè acceptus, & ob virtutem beneficiæque non in Melitenses modò, verum etiam in Christianam Rempublicam collata muneribus donatus, ubi Turcicam sectam, cui fuerat initiatus, detestatus esset, in Hispaniam ad regem Philippum se contulit, quo ei pariter nonnulla Solimani consilia indicaret. Dum ea quæ suprà dixi, aguntur, Collonellus, quem in Siciliam missum antea dicebamus, Messanam incolumis peruenit: ubi classem Christianam nondum exornatam esse comperit sic, ut Melitensium rebus afflictis statim posset succurrere. nam, necdum ex Hispania naues venerant: & Ioannes Andreas Auria iam cum viginti octo nauibus longis reditum parabat, ut quatuor milia peditum, qui in Etruria Capino Vitellio duce scribebantur, acciperet. Quam tarditatem secum reputantes sacri milites, quantumque in mora periculum esset, re inter se deliberata, opem suis ferre, diuina potentia freti, quocunque modo decernunt. Huic expeditioni duos maximè idoneos è suo cœtu præficiunt, Messanensis & Barolitanæ domus præfectos. Hi properè Garziam Toletanum conueniunt: quæ sacri milites non modò pro Hispaniæ rege, verum etiam pro tota Rep. Christiana gesserint, commemorant: quantos sumptus etiam superiore anno, in Pinioniam expeditionem fecerint: ubi nec commætu, nec machinis, nec nauibus nec vitæ propriæ pepercissent, quo regi ipsi & Reip. prodesse. Ad hoc, ut secum diligentius reputaret, Melitæ iacturam non ad Sacros Equites tan-

tum, sed ad Italiam omnem, præsertim verò ad Siciliam, ob tam importunæ
 potentis hostis vicinitatem pertinere. His atque aliis de causis, quæ temporis exi-
 guitas recensere vetaret, se ab eo quatuor millia peditum flagitare: cum qui-
 bus sacri milites omnes, qui illic essent, itemque alij clari viri & voluntarij com-
 plures, quod ante frustra tentarant, Melitenſibus opem laturi, properarent. His
 copiis sperare se, si minus hostem pellere, aut amissa recipere, at eius progressum
 remorari & sistere posse: donec ipse vniuersa classe exornata ac producta, Tur-
 cicam inuadat, atque (vt sperandum est) frangat, ac dissipet. His auditis, dum
 secum, quid agendum, Toletanus deliberat, nuncius ab Hispania: qui, quæ man-
 data à rege attulerit, etiam si varia fuerunt hominum iudicia, nunquam sciri po-
 tuit. illud tamen eius aduentu factum est, vt Toletanus breue responſum Sa-
 cris militibus daret. Respondit enim, se, quod peterent, facere non posse, quòd
 ea ratione se suis nauibus priuaret: fieretque, vt minus eis post operam, sicuti
 optabat, dare posset. Quòd si omnes equites cum Pontificiorum militum par-
 te in insulam portari placeat, posse eos id duabus illis quas haberent longis nau-
 bus facere: se quoque vnam è suis additurum. Hoc responſo accepto, cum a-
 liud extorquere non possent, quod deferebatur, acceperunt. Dum igitur hæ na-
 ues instruuntur, quatuor illæ quarum supra mentionem fecimus, quæ sexcentos
 milites & octuaginta sacros Equites vehebant, variis difficultatibus per dies x x.
 conflictatæ, nondum Melitam attingere potuerant. Quoniam autem Toleta-
 nus præceperat, ne descensionem facerent, ni prius, an Hermetis arx à nostris
 teneretur, scirent: nauiculam speculatoriam in terram emisit: seque illum,
 & sequentem diem opperituros in mari, receperunt. Interea graui exorta tem-
 pestate, factum est, vt ea ad diem dictam redire nequuerit. Quamobrem, qui
 expectauerant, veriti ne aut tempestate amissa, aut ab hostibus intercepta es-
 set, Pozalum, Siculæ oræ locum, Melitæ proximum, se recipiunt, vt aliquid
 cognoscerent: quo simul ac peruenere, Hermetis arcem etiam tum defendi
 cognouere: simulque vt descensionem faciant, reuertuntur. verum vbi ad sex
 M. P. loco appropinquant, quo loco facienda descensio erat, ibi ignem conspi-
 ciunt: quæ res fecit, vt & Cataſcopium ab hostibus captum, & hostem ibidem in
 insidiis esse suspicarentur. Quamobrem Pozalum redeunt: vbi ab equite Gallo,
 qui è Melita venerat, accipiunt, eam facem suo iussu accensam, vt eo signo ad-
 moniti sine metu procederent. Quare cognita, magna celeritate ad eum locum
 contendunt. ac tandem ad Saxa nigra (qui locus in ea Insulæ parte est, quæ Li-
 byam spectat) die x x i x. lunij nocte intempeſta descensionem faciunt: prope-
 reque ad urbem, à nemine visi, se conferunt. à qua magna cum læticia accepti,
 Magistri imperium opperiebantur. Interim nebula (quod rarissimè ibi fit) exor-
 ta est, adeò spissa, vt prospectum penè omnem tolleret. Erat tum in arce puer fe-
 rè duodecim annorum: is de arcis fenestra prospiciens, repente territus, se Tur-
 cam Michaelis castellum versus euntem videre clamat. Quo audito, aliquot
 equites in eam partem excurrentes, inuenerunt Græculum è Melita urbe ho-
 minem: qui retractus, & quæſtione subiectus (nam sine præſecti comite, ne-
 minè ire licebat) confessus est, se hostem de nostrorum militum aduentu cer-
 tiorem facere voluisse, vt ex insidiis ad Magistrum euntes interciperentur. Equi-
 tes, quòd viderent illum ex occasione plurimum nocere posse, in partes quatuor
 diffecari præceperunt. Triduo post, qui è Sicilia venerant præſidij milites, no-
 ctis initio ad Magistrum incolumes peruenere, duobus tribusve pueris exceptis:
 qui quòd armis aliisque sarcinis impediti essent, tam citò ingredi nequuerant.
 Horum aduentu incredibile est quantum animi obsessis acceſſerit: & in primis
 Valetæ Magistro, qui equitum suorum, aliorumque militum florem diuino nu-
 mine sibi acceſſiſſe perſpiceret. Et, Grates ago tibi (inquit lachrymans) summe
 Rex, qui meas preces audis: qui hunc tuum gregem à lupis rapaciſſimis circum-
 ſeſſum, nō deſeris. Hæc sunt perpetuæ bonitatis, virtutis, ſapientiæ tuæ opera. Qui
 recentes venerant à Magistro, id vnum ceu honorarium poſcere, vti Michaelis
 præſidio imponerentur. id Valeta eorum propoſito collaudato, eis permittit: nec
 tamen

tamen ob id vetus præsidium remouit. Hi ergo, queis cupido ingens esset manus cum barbaris conferere, sequenti die validam eruptionem fecere: hostemque ad Margaritæ nacti, supra ducentos cæcidere: totque sauciare, ut nullus incruento gladio in castellum, suorum nemine amisso, redierit. Id cum Turcarum præfectus cerneret, cognouit eos esse qui recentes in castellum venerant. Idcirco cum suis exposulauit, quasi per eorum socordiam illi essent ingressi. Illi autem maximè in suspicionem venire, quorum custodiæ extima insulæ loca erant demandata. Eam suspicionem augere, quòd tres Algerianæ biremes sese subdixerant: quare factum est, ut nec illis nec Christianis Turcæ sectam professis, qui quandoque possent aufugerent, fideret. Itaque edixit, ne horum quisquam extra naues cubaret: qui facerent, palo confixi, atque exusti poenas darent. & custodiis mutatis, Salachi biremes, quas fidas magis existimaret, ad insulæ custodiam apposuit. Ne quid autem vel ipsorum aliqui, vel Christiani tentare possent, naues complures in Museti portu catenis simul vinctæ: cæteræque, quàm antea, inter se minus disiunctæ haberi cœptæ. Quoniam verò ea tempestate in exercitu barbarorum, dysenteria atque aliis morborum generibus innumeri mortales laborabant, tria valerudinaria constituta sunt: vulneratorum vnum, ad aquam Marsiam, ad cuius custodiam duo Turcarum millia: alterum in puppibus nauium, ubi Turcæ voluntarij: tertium inter ipsa nauium transtra, ubi Christiani coacti curabantur. Eodem tempore præfectus, quem Bassam vocant, Leptitanis in Dorgutæ demortui locum, Ochiale præfecit: qui cum nauibus longis quinque eò profectus, rebus ibi compositis, in castra reuersus est: binasque frumento onustas naues Bassa Leptim ire iusserat, ut ibi panis, quo maximè egebant, pararetur. Ad Solymantum quoque Zalachum militum præfectum miserat, qui de Hermetis expugnatione illum doceret: ferretque Melitæ insulæ, qualem inuenerant, designationem: addebaturque, se Meliteneses paratiores ac firmiores, quàm ab initio credidissent, inuenisse. Quòd si vltra bellum trahere placeat, viris, commeatu, aliisque ad belli usum necessariis opus esse: quod si haberet, se loca quidem munita reliqua, sed non tam citò, occupaturum. Interim tamen dum responsum præstolatur, nullum tempus ab oppugnatione vacuum esse passurum. Ac ne falsum scripsisse videretur, septuaginta muralibus machinis, in queis tres maximi Basilisci, quatuordecim è locis oppugnatio capta. nam à furcarum promotorio, ad aquam Marsiam, indeque ad Hermetis arcem, in qua trecentos Ianizeros collocarant, totum illum ambitum multiplici aggere vallòque & castellis sepauerant: vnde diésque noctesque Angeli & Michaelis oppida tormentorum fulminibus quassare, muros demoliri, propugnacula deiicere, domos frangere: sic ut in eis vix quisquam tutus esse posset. qua ex re mulieres puerique primùm magnis detrimentis affecti. Ipsi verò barbari intra suas munitiones inclusi, tutiores esse: nec sæpe extrà excurrere, nisi multitudine freti: nec si tamen citra detrimentum: quòd ab equis præsidij Melitenensis, à tergo instantibus, eorum non pauci cæderentur. Vbi Romæ de Hermetis arce amissa compertum est, mœrore & metu ciuitas repleta. pars enim dolere pro gloria Latini nominis: pars timere, ne ad se quoque Melitenensium calamitas redundaret. Fuit etiam quoddam hominum genus inuidum, maledicum, belli insolens & ignarum, quod culpam amissæ arcis in Valentem ipsum Magistrum equitum transferre auderet: quem cum sua ipsius virtus, tum quotquot cum eo fuerunt viri clarissimi ac fortissimi, nec non hæc Historia ex vera rerum gestarum luce expressa, & hoc tempore & apud posteros à calumniis satis vindicabunt. F A C I L E enim alterius famam lædit, qui non parcat suæ: N E C imperitia censere de peritorum consiliis, nec ignauia de fortiter factis verè

50 potest. Ad rem autem ut redeam, dicebam tres longas naueis Messanæ comparari: quibus in comparandis tanta ij queis hoc mandatum erat, vti diligentia sunt, ut septima Iulij die è portu discederent. Erant in eis, præter Equites sacros, Hispani sexcenti, & pontificij trecenti, Pompeio Columna præfecto: remiges partim voluntarij, partim coacti. his libertas promissa, si modò suo munere nauiter fungerentur, ut in portum sese immitterent: fore, ut eodem quo reliqui milites ha-

berentur loco. ac ut non viris modò, verùm etiam commeatu, obsecris subuenirent, nauibus eisdem ducentos quinquaginta medimnos frumenti, ad hoc puluerem sulphureum, nitrum & plumbum ad tormentorum vsum imposuerunt. Et quanquam factu difficilimum censebatur, uti per portum ipsum, Turcis & ipsum & circum omnia custodientibus, in insulam intrarent: nihilominus tamen tantus erat in equitibus suis subueniendi ardor, ut omnia tum sibi tum aliis facilia tutaque promitterent. Cum autem Insulæ appropinquare cœpissent, speculatoriam nauiculam præmiserunt, ut signis ex Angeli arce perspectis, procedendumne, an retrocedendum esset, agnoscerent. Quæ cum eò processisset, unde signa posset speculari: tum deprehensum est, esse recedendum. Quod ubi Turcæ deprehenderunt, illico, ut signa illa obscurarent, æneis tormentis, aliisque ad signa displosis, cœlum fumo tanquam nebula replere: verùm quòd iam à nostris visa essent, id frustra fuit. Sic tres illæ naues in Siciliam rediere. neque enim Valetæ optimo principi consilium fuit, tot Equites sacros, tot claros viros, militesque, apertum in discrimen vocare. Nam videbat in Museti portus faucibus aliquot barbarorum naues, ad locum qui Arenulæ vocatur, noctu subfidere, ut portus maioris ingressum exitumque prohiberent. Per eosdem dies, qui in vrbe erant, cognita nostrorum, qui nuper accesserant, valida eruptione, & ipsi audaciores facti: cum barbari prædabundi aliquot pecora abigerent, equites nostri eos insecuti, atque aliquot ex barbaris interfectis prædam abstulerunt: nec eo contenti, ad naues vsque persecuti sunt. At Turcæ videntes fugam ad se vorsum fieri, arma conclamare: ad imperatoris tabernaculum accurrere, atque à muris verberandis cessare. Hæc res fecit, ut Magister equitum existimaret, eos ad Michaelis castellum inuadendum se comparare. idcirco ratus, sua præsentia præsidio vires atque animum accessurum, in eam partem, per pontem qui ratibus constratus vtramque peneinsulam coniungebat, transire constituit. Sed re properè cognita, in arcem reuersus est. Sunt qui hoc factum audax quidem existiment, verùm plenum periculi: atque ideo vituperandum: **Q**UOD non corporis, sed animi viribus consilio atque recto imperio res magnæ gerantur, quibus princeps etiam absens suis adesse queat. Principe autem amisso (quod quidem, si se in discrimen coniiciat, euenire facillè possit) vnà cum eo omnia concidere: non secus atque in corpore fieri, amissa anima, videmus. Alij verò laude dignum, & necessariam principis præsentiam in periculis maximè censent: propterea quòd ne anima quidem ipsa corpori, nisi adsit, imò insit, aut consulere, aut imperare possit. Deinde, in eo Valetam veterum regum atque Imperatorum exemplum secutum: Alexandri, Themistoclis, Cæsaris, Marij, & aliorum, quorum illa erant ad suos milites verba: **E**GOMET in agmine, in prælio, consultor idem & socius periculi nobiscum adesto: me, vosque, in omnibus rebus iuxta geram. quis nescit, ut in aliis rebus, sic & in bello, ac multo etiam magis, Domini præsentia omnia rectius ac facilius administrari: neque aliud voluit prudens poetâ ostendere, cum in Latinorum & Rutulorum bello dixit, **V**RGET PRÆSENTIA TURNI. Quibus rationibus adducti, statuunt Ioannitarum principem Valetam fortiter simul & prudenter, atque ex suo munere statuisse. Eodem quoque tempore, Algerij Rex cum triremibus septem, biremibus decem, in quibus duo millia & ducenti milites fuere, Turcis auxilio venit. Cui cum ab initio non affuisse molestum esset, cuperétque aliquod illustre facinus patrare, simul militum suorum virtutem experiri: ab imperatore postulauit, uti sibi principem locum in Michaelis oppugnatione permetteret. id quod non modò permisit, verùm etiam duo millia lectissimorum militum è suis, ei adiunxit. quo impetrato, è Museti portu ad aquam Marisiam circiter nonaginta nauigia minora machinis celeriter trāsferri iubet: quæ ex ea parte Regi castellum mari oppugnare consiliū esset. At Valeta, cum is conspectis, tum à perfuga eius rei antea admonitus, hostis consiliū cognouit. idcirco duos Melitenses naucleros industrios & fideles illico accersit: reque cum eis comunicata, sciscitatur, quid illi faciendū censerent, quò barbaris ad
muri

- muri pedem descensionem facere paratibus, obuam iretur. Hi re percepta, respondent: Se existimare, si ex nauium antennis, tignisve ferreis annulis simul connexis catena fiat: eaque ab angulo Angelicæ arcis, ad eum locum, quem ad locum nauigia appellere hostis cogitabat, ducta, eorum cogitata impediri posse. Placuit Magistro consilium sic, vt nocte insequente & perfecta catena fuerit, & suo loco posita. Barbari, vbi diluxit, hoc impedimento conspecto, suspensi hære-
 re, ignari quónam modo suos milites exponerent. Dum sic cogitabundi hærent, ad Regem accedit perfuga Christianus, homo audacissimus (cvi generi temeritas pro virtute, pro constantia desperatio est) polliceturque se catenam illam fra-
 10 cturum: simulque sumpta securi, sese abiecit in mare: quem duo trësve, quo illum iuuarent, sunt secuti. ad quam, simul ac nando peruenerunt, perfuga in eam insiliit, securimque cœpit impingere. Quod nostri videntes, repente Melitenses quinq; sexve cum nudis gladiis eò enatant: ac duobus interfectis, ceteros fugant. Pòst nemo tam audax inuentus est, qui idem tentare vellet. nec ob id tamen Rex destitit ab incœpto: sed mira diligentia se ad oppugnationem parat. Itaque die xv Iulij in albescente coelo, terra marique oppugnationem aggreditur. Verùm, cum obsessi omnia tormenta in eam partem direxissent, vnde naues veniebant, tanta fuit eorum vis, vt trium horarum spacio, quo perseverauit oppugnatio, Turcarum duo millia discerpta submersaque fuerint, & naues duodecim depressæ. Ma-
 20 ior nauigiorum pars ad catenam appulsa, cum descensum in terram facere nequirent, ad castelli angulum proras obuenterút: ceterum re infecta, retrocedere sunt compulsi. Præliatum est in terra horis quinque: Turcæ complures, è nostris ducenti desiderati: in queis Federicus Garziæ Toletani præfecti Siciliæ filius, pila ferrea discerptus: itemque Gordius natione Gallus: Eranciscus Sanoghera, eiusque nepos Ioannes, Hispani: omnes sacri Equites: Medinaque vulneratus, qui pòst ex eo vulnere est mortuus. At Valeta, qui videret quanto in discrimine res Melitensis futura esset, si huiusmodi præliis sæpius esset decertandum, vbi fessi diésque & noctes sine requie cum recentibus & nouis committerentur, nec de nouo subsidio ac supplemento quicquam acciperet: die xv i. Iulij hominem in
 30 Siciliam misit: qui à castello ad extremum sinum, qui ad aquam Mariam pertinet, enatauit: & illinc ad urbem per medios hostes ignoratus euasit: vnde nauigiolo Messanam peruolauit. Huic literas ad Toletanum dat, quibus postulat, ad se binas suas triremes, cum iis equitibus qui tum Messanæ essent, cumque ea militum manu, quæ nauibus transportari posset, mitti. monétque vbi ad insulam accessissent, ante portum consisterent, paratæ signo dato sese in portum inferre. Eodem tempore quo is Messanam peruenit, classis ab Hispania, quæ multos variarum gentium equites sacros vehabat, venerat. Cum autem Toletanus duas illas naues longas vellet ad Valetam mittere, prius ad eum literas occultis notis exaratas binis nauculis misit: his se triremes missurum significabat. Ceterùm, signa
 40 ab eo petebat, queis illæ, intrandumne, an recedendum esset, cognoscerent. quæ cum diuersæ proficiscerentur, alteram medicamentis onustam, ab hostibus interceptam esse, pòst intellectum est: & quanquam altera incolumis ad Melitenses peruenit, tamen quoniam aliquot dies antè inter Michaelis castellum Melitamque urbem omnia itinera interclusa, trësque vltro citròque commeari consueti, capti ab hostibus fuerant, atque acerbissimè necati, ad hoc, portus vigilantissimè custodiretur: equites qui Messanæ erant, de binis triremibus mittendis consilij inopes erant. Nihilominus tamen, quòd eas Magister postularet, cogitarentque (quod & ille aiebat) vbi rerum agitur summa, vnus particulæ periculum minus esse metuendum: visum, eas esse fortunæ committendas: hac tamen
 50 cautione, vt ne omnes illi equites periculo exponerentur, sed ex omnibus quadraginta modò cum satis magno militum auxiliatorum numero mitterentur. Cum his Salazar Hispanus centurio, à Tolerano missus in scapha remulco à triremibus in Gaulon vsque trahenda, profectus est: qui pòst, illinc in Melitam insulam, urbemque, hostium copias speculatum iret. Interim Turcæ cladis in oppugnatione Michaelis acceptæ memores, vindictæ cupiditate ardere: idcirco tanto

impetu castellum æneis machinis verberare, ut quantum noctu reficiebant: tantum manè ipsi deiicerent ac comminuerent. Dumque tormentis res ageretur, pontem ipsi construxerant: quem die x. Iulij, ante solis exortum in fossa posuerunt, quo ex æquatis locis, prælium cum nostris manu facerent. Qui ab eis visus, cognitoque quantum detrimentum posset importare, illico Parisotus Valetæ nepos, & Agleria, equites, cum militum mercenariorum satis magna manu, ut pontem igni corrumpere, extra munitiones excurrunt: qui à barbaris excepti, re infecta omnes ferè, vnà cū Parisoto & Agleria, obtruncati. Barbari tormentis muros quaterè vsque ad xxviii. Iulij diem nunquam intermiserunt: quo post meridiem castellum à multis partibus inuadunt: ter fessis aut deiectis recentes submit- 10
 tunt: tantaque vi agunt, ut nihil dubitent se eo die castello potituros. At nostri haud minore vi resistere: telis, tormentis, igni, manu, hostem propellere: ac tandem ut à muris discedat, suorum cum non parua iactura, cogere. Hac victoria obsessis animus creuit, sic ut iam hostem parui facerent. Quoniam verò à nostris extra prælium tormenta silerent, neque iam eruptiones fierent, existimabant barbari, & paucos esse in præsidio milites, & tormentorum materia fomentoque destitui. At, id Valetæ consilio potius, quam inopia fieri: qui cum nihil de auxiliis acciperet, videretque barbaros ad inuadendum indies ferociore, NOLEBAT in ocio negocij præsidia consumi. At Turcæ cum viderent, frequentibus præliis rem parum procedere, omnem industriam ac laborem cuniculis agendis impendere statuunt. Et iam 20
 penè vnum antè per fecerant, quam id nostri perciperent. Quo autem minus id animaduernerent, binas triremes accedere ad muros iubent, eoque ex loco tormentorum globis domos pulsare: rati nostros, dum quid hostis facturum sit spectant, muros remissius custodituros: se verò facilius, occultiusque per cuniculum in castellum irrepturos. At obsessi, ubi eorum artes senserunt, contrario cuniculo eas irritas facere: cum aliorum, tum maximè vnus signiferi virtute, hostem propellere. nam is cum prius in cuniculum testas pice accensas cōiecisset, ipse secutus, phalaricam præferens, Turcas omnes è cuniculo eiecit: hanc ob rem torque aureo quinque librarum à Magistro equitum donatus. ET QUIA virtus virtutem parit, eaque in arduo sita est: postera die, quæ prima Augusti fuit, eruptione ab aliquot facta, pons ille, 30
 quem diximus ab hoste fossæ impositum, facibus & puluere sulphureo iniecto, exustus est. Quod quidem opportunè factum est. nam postridie barbari sole iam in occasum inclinante, denuò castellum, ubi Carolus Ruffus curabat, aggressi, à nostris fortiter repulsi sunt. præliatum tribus horis: Turcæ trecenti cæsi: ex Equitibus, ipse Ruffus, atque Bareus, cum aliquot mercenariis militibus. Hoc tempore nostri multitudine tormentorum adeò inclusi ab hoste tenebatur, ut ne in fossam quidem despicere, aut sese villo modo ostendere, nedum eruptionem facere, quin illicò peterentur, possent. nec tamè ob id, ubi sese occasio præclari facinoris dabat, vitæ suæ parcere. Quemadmodum Calderonius Hispanus: qui cum animaduerneret, eam muri partem, quam hostis ad Castellæ munimentum percusserat & fre- 40
 gerat, speculanda & cognoscendam esse, exire non dubitauit: sed momento glan- de percussus concidit. Qui casus cum reliquos terrere debuisse videretur, incendit. Nam cum cernerent hostes in fossa replenda summo conatu operam dare: certi potius mortem oppetere, quam in crudelissimorum hostium manus venire, noctu exire constituunt, eorumque conatui obuiam ire. Itaque centum, pars Equites sacri, pars stipendia facientes, impetu in hostes facto, eos fossam deserere, fugamque capeffere compellunt. Ex eis circiter octuaginta cæsi, è nostris decem: in quibus duo Equites, Ioannes Cantaber, atque Macrinus. quorum capita, hastis præfixa, in vallo Seruatoris, quod à nostris videri possent, extulerunt. Eodem die vesperi, qui erant in vrbe Melita, simul plures ignes excitarunt, & sclo- 50
 petorum plausum ediderunt. id tam obsessi, quam Turcæ, fieri existimarunt, quod classis nostra appropinquaret: vel auxiliares in insula copiae, profligandis hostibus pares, adessent. Sed neutrum fuit: idque eò tantum factum, ut & alacritatem ostenderent: & barbaros suspensos rei nouitate tenerent. At Turcæ fossam ad Castellæ propugnaculum terra repleuerunt: quæ res effecit, ut neque ab
 depressis

depressis illis calis, neque ab Arueniæ angulo, quæ ad hostes, si qui in fossam descendunt, tormentis petendos porrigi solent, lædi barbari, quippe altiores, quiterent: & ad murum tormentis deiectum & apertum, transire sine impedimento possent. A vallo igitur editiore, quod ad Seruatoris dextrimum latruxerant, duobus æneis tormentis grandioribus iaculari cœperunt. primoque ictu fenestram, qua pilæ emitti in hostem solent, cui Franciscus Castillia præerat, attigerunt: ea est huius gentis in iaculando peritia. Ioannes Bernardus Godinerius, eques Hispanus, vir strenuus, parui tormenti glande plumbea traiectus occubuit. Eodem die Franciscus Aquilates Hispanus, qui præsidarius miles fuerat, & Gauli vxorem cum liberis habebat, ex oppido Michaelis, ¹⁰ *M E T* V ac spe consultoribus pessimis, ad hostes perfugit: estque præfectos ad impetum rursus faciendum hortatus, oppido sine dubio potituros: quod vix quadringenti viri in eo essent, laboribus & vulneribus penè confecti: reliquos periisse. Itaque barbari, vbi vident tormentis per & Nouæ vrbis, & Michaelis muros, vel plaustris aditum patefactum, vtrunque totis viribus inuadere constituunt: & experiri, tantumne esset obsessis virium, vt ab eis toties repelli ab oppugnatione queant. Itaque septima die Augusti, eadem hora & Nouam urbem ad Castellæ propugnaculum, & Michaelis castellum adoriuntur, tanta cum multitudine & vi, vt terra circum omnis regeretur. Tormentorum tonitrua, sclopetorum cum crepitu grando, armorum fragor, tubarum & tympanorum clangor, virorum vtrinque clamores, tot tantæque erant, vt cœlum cum terra permisceri videretur. ²⁰ Hæc cum Equites qui in vrbis præsidio erant, audirent, cœlumque fumo obduci cernerent, veriti ne barbari, vt ad Hermetem, nunquam ab oppugnatione desisterent, donec oppido potirentur: illico vniuersus se equitatus ex vrbe effundit: atque vt ab oppugnatione barbaros auerterent, in eos Turcas qui aquæ Marsiæ præsidio impositi erant, impressionem faciunt: qui omnes trepidi improuiso metu fugere. nostri insequi, cædere, fundere: illi horrendum stridere: quo qui apud Michaellem certabant exciti, prælium relinquere sunt coacti, vt suis opem laborantibus ferre maturarent. sic à nostris vtrinque magna cum strage repulsi, vltra mille & quingentos desiderarunt: præter eos qui à Melitensi equitatu, priusquam sui adessent, interfecti fuerant. E nostris vtriusque oppidi plus centum sunt desiderati, totidem ferè vulnerati: prælium vltra horas quinque productum. Hic Valeta, illoque aliisque proximis diebus è tanto periculo liberatus, Deo immortalis supplicationem indixit: atque ad templum cum ciuium multitudine incescit. Dum hæc geruntur, Garzias Toletanus indicio è Calabria allata accepit, naues quasdam militibus commeatu, aliisque ad belli vsum necessariis onustas, Constantinopoli Melitam contendere: quamobrem extemplò Altamiram Gildandradamque regulos, cum nauibus lōgis quinque, eis obuiam mittit: cumque hi Melitæ ad triginta milliaria appropinquassent, ⁴⁰ eas quidem naues non repperunt: sed myoparonem vnum, vnâque liburnicam biremem. Myoparonem capiunt, liburnica Melitam ad hostes profugit. At Mustapharatus, *N E M I N E M* esse adeò valentem qui continua laboris & vigiliæ contentione non tandem frangatur: nullam obsessis requietem dandam esse censuit. Itaque suos, qua parte aditus patefactus tormentis erat, Michaelis castellum inuadere iubet. Sed virtute nostrorum citò haud exigua cum clade reiecti sunt. Neque enim tam crebras oppugnationes Bassa instituebat, quod eis locis potiri speraret: sed vt & strenui ducis munere fungeretur, & Solymani satisfaceret voluntati: qui, aut ibi cuncti vitam amitterent, aut ea loca caperent, imperarat. Quin etiam, ad eundem Solymanum liburnicam cum literis peruolare iussit, ⁵⁰ queis eum de classis conditione docebat: quibus difficultatibus conflictaretur exercitus: quam exigua esset spes ea loca capiundi: quantus Christianorum apparatus, & eiusdem generis alia. Interim binæ illæ Melitensium triremes, Messana profectæ, Syracusas venerant: vbi diem vnum mansere, vt Salazari celocem ad cursus celeritatem inungerent: vtque Pachynum promontorium luce præterueherentur. Itaque postridie è portu exeuntibus obuissit

Melitenſis quidam è Pozalo nauicula veſtus, & grauiter ſaucius. is rogatus, quid tam malè mulctatus eſſet? reſpondit: Se cum noctu iuxta portum vno cum comite nauiculam appuliſſet, à duobus Siculis, qui ibi domum habebant, vt ſecum eam noctem maneret, inuitatum: id quod ipſi cum feciſſent, ecce tibi nocte in-
 tempeſta Turcæ quinque, à quibus duo Siculi capti, comes occiſus, ipſe vulnera-
 tus, noctis beneficio euaserit. Ad hoc, Siculos Turcis indicaſſe: in eum portum
 binas triremes ſacràs militibus, aliſque oneratas veniſſe, quæ in Melitam profici-
 ſcantur. Hac re audita, Equites ſatis intellexêre, ſuam profectionem hoſti notam
 eſſe: quòdque cogitauerant, in portum Melitenſem ſeſe immittere, id periculo-
 ſſimum fore, aut potius fieri nullo modo poſſe. nihilominus, vt Salazaris nau-
 giolum remulco traherent, à ſuſcepto itinere non ſunt deterriti. Dum igitur pro-
 cedunt, binas triremes & liburnicam vnã haud longè præire cognoscunt: quæ
 viſis noſtris, longius Melitam verſus abiêre. nec fuit dubium, quin illæ ipſæ eſſent,
 à quibus quinque illi Turcæ emiſſi, ea patraſſent, quæ ſaucius Melitenſis retuliſ-
 ſet. Suum tamen iter Pozalum vſque tenuêre: vnde literis ad Toletanum datis,
 de iis quæ acciderant omnibus eum certiore fecêre: cùmque ſe mari commit-
 tere Vulturno Auſtròque reſlantibus non auderent, Syracuſas rediere, vt ex To-
 letani ſententia ceterum curſum inſtituerent. Eam ob rem illicò ad eum Meſſa-
 nam, è ſuis equitibus vnum ire iubent. Viſum igitur ei, ne vltrà procederent, ſed
 claſſem vniuerſam opperirentur: quæ breui in Melitam eſſet traiectionura. At Sala-
 zar Pozalum deductus, ſua nauicula curſum ſuum tenere ſtatuit. Et quanquam
 eo die quo Pozalo ſoluit, nimbis, ventis & fulgetris cœlum turbatum eſſet, reli-
 qui dies tranquilliores fuere: ſic vt breui in vr̄bem Melitam incolumis peruene-
 rit. ibi Turcico ornatu, & comite qui & ipſe Turcicam linguam norat, aſſumto,
 noctu in hoſtium caſtra ſpeculandi gratia ſe contulerunt. Ibi omnia iſpeculati, co-
 gnouere, in vniuerſum militum vix quatuordecim millia, & eorum pleroſque ſau-
 cios, & morbis affectos: reliquos, inutilem atque imbellem turbam eſſe: quod
 fortiffimum Mars (vt ſolet) abſumiſſet. vbi autem caſtrorũ modum formamque
 inſpexiſſent, in vr̄bem ſe recepere. Hinc proxima nocte cum audaci & impigro
 Petro Paccio Hiſpano, ad locum quendam Malecæ ſpeculæ proximũ ſe confe-
 runt: eoque accuratè obſeruato, Petrus ibi relinquitur: vt obſeruatis Gauli Me-
 litæque vr̄bis ſignis, Toletanum de omnibus, ſicuti erat ab Salazare edoctus, cer-
 tiorem faceret. Ceterũ Salazar ipſe ſua nauicula, quam veniens ibidem reli-
 querat, feliciter Meſſanam eſt reuectus: vbi, quæ vldiſſet, omnia Toletano expo-
 ſuit, atque iuter cetera illud multis modis confirmabat, claſſem Turcicam debi-
 lem, mancã armis, viris nudã, longè imparem eſſe, quæ cum Chriſtianorum
 x. m. congregaretur. Redierat, & per eos dies vna ex illis duabus nauiculis, quas
 ſuprà miſſas ſpeculatum diximus, altero cum homine Hiſpano, vnòque per fuga:
 ad hoc, quatuor illæ triremes, Meſſana antè profectæ, Turcas quatuordecim cir-
 ca Melitam captos ferentes: quæ omnes idem quo Salazar, confirmabant. nimi-
 rum barbarorum copias, frequentibus præliis numero & viribus vehementer im-
 minutas: ſic vt nè verberibus quidem ad ſubeundos muros impelli poſſent: eam
 ob cauſam à Baſſa ipſo aliquot cæſos. Terrorem eorum augebat, quòd viderent
 neminem è ſuis ſaucium redire, quin vitam amitteret. Ad hoc videbant noſtros
 inaudita virtute locos defendere, neque vllius bellici tormenti iactum fruſtra eſ-
 ſe: itaque eos ad eam expeditionem veniſſe pigere, pœniteréque: tale bellum de-
 teſtari, qua poſſent prælio abſtinere, fugam capeſſere: quod & non pauci fecere,
 ex iis præſertim qui fidem Chriſtianam eiurant. Hanc ob cauſam à Baſſa ap-
 poſitæ cuſtodix: imperatũque, vti aut oppidum caperent, aut omnes mortem
 occumberent: ſic Imperatorem Solymannum, cui refragari nefas ſit, præcepiſſe.
 Hæc atque talia effecere, vt Toletanus aliquanto citius de educenda claſſe cogi-
 taret. Interea obſeſſi, omni induſtria & viribus ſeſe tueri ſatagunt. Erat autem ibi
 Franciſcus Giuara primi pili centurio, vir nobilis, impiger, maximique ingenij:
 hic ab oppidi muro, quem tormentorum ictibus hoſtes deiecerant, decem pe-
 dum interuallo, munimentum eduxit longum paſſus quinquaginta, pedes latum
 quinque,

Quinque, cum suis vtrínque angulis: quod binis noctibus est perfectum, póstque magno obsessis adiumento fuit. Hostis subter angulum fossæ, vbi Boninsegna Hispanus, eques fortissimus, curabat, cuniculum agere cœpit. Sed obsessi id sentientes, contrario cuniculo irritum fecêre. Interim accidit, vt dum perfuga ab hoste ad oppidum naret, caperetur: quod quidem obsessis molestissimum accidit qui aliquid de hostili exercitu, eorúmque consiliis cognoscere cuperent. Vbi hoc parum procedit, pars turrim Michaelis occupare nituntur: pars ad castrorum Magistri & Castellæ propugnaculum aliquot pulueris incédiarij sacculos iniicere: sed nostrorum vigilantia effectum, vt omnis eorum conatus frustra esset. nam

10 multis in ipso cuniculo cæsis, etiam pulueris cados aliquot abstulêre. His atque aliis offensionibus ac difficultatibus spe sua Turcarum duces Mustaphaque Píalque frustrati, cum primoribus, manendúmne diutius, an abeundum, deliberant. Plerique domum redeundum censent. Verùm Mustapha manendum esse, dum, quam Byzantium miserat, biremis cum Solymani mandatis rediret. INTEREA aut vi, aut dolo, casum victoriæ quærendum. Atque equidem multo id factitabant crebrius, quàm obsessorum res postularent. nam neque quiescere ipsi, neque alios pati poterant. modò enim tormentis pulsare, modò pontes, modò aut cuniculos aut aggeres agere, aut fossas implere: iam prælium aliquod, aut aliud facere. Tanta erat in omni parte solertia, vt quidquid instituisent, exiguo tempore

20 perficeretur. Itaque cum noctu castrorum Præfectus Robles ad muri ruinam inspiciendam accessisset, capite parui tormenti glânde percusso, est mortuus, magno sui desiderio cunctis xelicto: quippe vir amari dignus ob multas bonas artes, quibus obsessis multû sæpe proderat. Eam ob rem, Magister equitum, Tribunum militum, quem secum habebat, virum belli scientem, qui suo nomine Michaelis arci præfesset, misit. is autem sic eam prouinciam administravit, vigilando, consulendo, prouidendo, vt quoties locum barbari sunt aggressi, toties & cum detrimento repulsi. Interea binæ illæ triremes, vna cum biremi, quas suprà diximus à binis Melitensium equitum conspectas, Christianorum classem in promptu esse Piali maris præfecto nunciant. qui improuisum eius aduētum veritus, naues longas circiter septuaginta instrui iubet: præter quas in portu Museti quadraginta inermes atque inutiles remanebant, quòd neque viros haberent, neque arma-

30 menta. nam hæc in pontibus, vineis, aliisque ad oppugnationes necessariis absumferant: viri, pars morbis, multi in præliis conciderant. Igitur Píal per dies aliquot luce in Maiaro propter litus se continebat: noctu verò in altum progressus, nostros opperiebatur. Vbi neminem apparere videt, in terrâ socios nauales rursum exponit. Quoniam verò tormentis materia deficere incipiebat, ex tricenis singularum nauium pulueris cadis, vicanos, aut quinós vicanos pro rata portione capiunt: dein maiore quàm vnquam antea impetu, vtriusque oppidi muros quassant, eis præsertim tormentis qui Basilisci appellantur: quorû pilæ ducenûm pond-

40 do, septem palmorum orbe constabant. His arcis Michaelinæ muri planè deiecti. Eodem tempore Bassa ad Angeli urbem, Castellæ propugnaculum, sic crebris tormentorum ictibus percussit, vt totum penè prostrauerit. His hunc in modum gestis, cum barbari cernerent vtrumque oppidum muris, omnique munimento nudatum & apertum, sic vt nihil iam mutuum conspectum impediret: nihil morati die X V I I I. Augusti, sole iam medium tenente cœlum, totis copiis vtrumque oppidum aggressi, ter reiecti, tẽrque regressi, tandem ingenti cum strage & pudore ab omni parte deturbati, receptui canere coacti sunt. Pugnatum ad horas quinque. Hoc in ferocissimo prælio, Valeræ principis inuicta virtus illustris extitit: qui armatus, contòque formidabilis, ante alios fortissimè pugnans conspicie-

50 batur: cuius præsentia non modò militibus stimulos addidit, verùm pueros quoque & mulieres ad fortiter faciendum excitauit. Sic enim est: M A G I S homines mouentur exemplis, quàm verbis. Ex ingenti autem Turcarum numero, pars in urbis fossa substiterat: ac ne ab Castellæ vallo tormentis læderetur, munimentum è terra, fasciculis, aliæque materia summa celeritate perfecerant. Id autem eò pertinebat, vt ibi manentes muros, suffodere, ac subire possent, eam

ob rem vlnarum quindecim spacium occuparant. Id obfessi cum animaduertissent, directis in eam partem tormentis, & plures interfecerunt, & flammis iniectis corruperunt. Postero die, ab hoste prælium redintegratum ad eadem est loca. nam ex copia militum pro fessis recentes inducere facile poterant. At primum ab eis suum morem secutis, tormentis vsque ad noctem vtrumque oppidum pulsatum: dein media nocte luna terras illustrante, prælium atrox horrendo cum stridore atque imperu inceptum. Ea res nostros non nihil initio terruit: attamen virtutis memores, omni genere telorum & piceis ignibus tantum effecerunt, vt hostes malè mulctati, post trium horarum certamen in sua castra redierint. Eomet die à nostris cuniculus ad castellæ munitionem deprehensus, in quo 10 Turcæ circiter centum sunt reperti, ac ferè omnes trucidati: ipseque cuniculus corruptus. nec tamen hostes sequenti die quiescere: sed septies recentibus atque integris submissis eadem loca inuadere: non modò armis, verum etiam sacculis puluere igneo refertis pugnare: quibus Boninsegna ambusta facie, oculum amisit. Eodem pariter tempore, barbari, in ea parte quæ à calcare nomen habet (quam idcirco Speronem vocant, nos rostrum possumus appellare: est enim loci angulus porrectior) in ea inquam parte vehementer adnitebantur, vt in arcem irrumperent: vbi Centius Aquitanus inuictò animo eques in vallum ascendit, contòque audacissimè pugnans, qui eò ascendere nitebantur, deicere: vnòque confosso, ceteros terrere: ipse verò ibidem glande in brachio vulneratus, vbi se paulisper retraxisset dum vulnus obligatur, in vallum redire, nec à pugna discedere, donec victor vallum conseruasset. Itaque barbaris vndique ingenti cum strage pulsus, victoria penes nostros fuit. è quibus desiderati ferè centum: hique plerique, vt semper, tormentorum pilis. In his fortissimè Equites, ad Castellæ ruinam Fragus, ad castellum Michaelis, Scipio cognomento Pratus, Ioannes Baptista Soderinus, Paulus Boniportus, Marius Fagianus, Ruffinus, & aliquot alij longiore vita digni. Subterraneum quoque aditum ad Michaelis castellum egerant Turcæ: qui simul & deprehensus est, & impeditus. Histot tantisque præliis quidam inter Equites, minimè infimi, veriti ne quod sæpius tentatur, tandem procedat, Valeta dixerunt: Sibi videri, omnia literarum monumenta, omnes tabulas & reli- 30 quias Diuorum, aliæque religiosa, ex oppido in Angelicam arcem esse transferenda & asseruanda, vtpote locum & munitiorem, & tutiorem. Valeta, etsi intelligebat, qui hæc dicerent, bono animo dicere: nihilominus ea oratione non nihil est commotus. Eis igitur respondit: Hoc aliud esse nihil, quàm non solum Meliten-sium, qui strenuè se gererent, plusque præstarent quàm quisquam sperare potuisset, animos debilitare, atque infringere: verum etiam militum mercenariorum si hoc illi persentiscerent. Itaque se omnia aut conseruare, aut amittere statuisse. atque ne quis deinceps spem in Angeli arce reponeret, velle omne arcis præsidium in oppidum deducere, vt vnà cum aliis cum hoste pugnarent: solos tormentorum magistros in arce relinquere, qui si opus foret, pilas in hostes contorquerent. Re- 40 sponsum equidem tali Principe dignum, & posteritatis memoriæ commendandum. SPERARE non poterit miles, qui ducem viderit de victoria desperare: nec audere, vbi dux ipse metu perculsus cernitur. Dum Magister Equitum hoc responso eos non modò pudore afficit, sed labantes animos ad virtutem erigit: Turcæ, ne illa dies, vt nec tres priores, prælij experts esset, primo diluculo, eademmet loca maiore quàm antea viadoriuntur, ad Castellæ præsertim (vt semper) ruinas: vbi Sanromanus ab Aruernia, qui in ea parte curabat, vitam hanc breuem amisit, gloriam immortalem est adeptus. Ad Michaelem Adurnius eques, atque Fagio, cum aliquot aliis grauiter vulnerati. nam citò se hostis è pugna retraxit: & simul tantis catapultarum fulminibus iaculari, vt insula omnis tremere, cælum ar- 50 dere subtexique fumo videretur. Interea Valeta, è prælio matutino satis fessus, secesserat paulisper sui recolligendi causa: cum ecce sacerdos quidam Hispanus, manibus in cælum sublatis ad Magistrum accurrit, clamans & vociferans actum de re Melitensi esse: iam enim tria quatuorve signa hostium per Castellæ ruinam in oppidum irruisse. Quo audito, repentè Magister capiti casside imposita, sum-
taque

Itaque hasta: En vobis commilitones, inquit, venit hora, qua vos fortissimos Christianæ religionis defensores ostendatis. Quod si eandem virtutem quam in aliis præliis ostendistis, nunc quoque retinetis, non est quod de extremo dubitetis. Nā idem hostis, idem Deus, qui nos adhuc seruauit, ne nunc quidem deferet. Item mecum illustres animæ. Hæc fatus, simul ipse, ubi periculū maius, properare: & cum eo milites omnes, item ciues, mares & scæminæ, puerique senesque, cuncti in hostem vadunt. Ibi prælium atrox, & periculosum: alij hostem ab ingressu arcere: alij ingressum aut occidere, aut fugientem insequi, sauctare, pellere: illi haud timide resistere. maxima vi certatur: intus, foris, omnia constrata telis, armis, cadaueribus, sanguine. Magister omnia prouidere, apud omnes adesse, laudare, hortari, monere, multū ipse pugnare, strenui militis & boni imperatoris officia simul exquebatur. Itaque cum solis occasu cedentibus barbaris, prælium finitur. Magister haud dubiè victor, ceterum non sine multo suorum sanguine: quippe qui in ea pugna plus quam ducentos viros amiserit. Hostium verò, præter eos qui erant ingressi, quorum nemo euasit, ad duo millia occubuere. Hæc sunt quatuor illa maxima prælia, cum obsessis continenter facta. Interea Garzias Toletanus, ut in Melitam exercitū deportaret, nihil aliud opperiebatur quam Ioannem Cardonam, Panhormum cum nauibus longis duodecim profectum, ut inde naueis quatuor commeatibus onustas traheret. Ceterum cum diutius moram trahere videretur, cursorum ad eum peruolare iussit: ut si naueis illas remulcando trahere qua opus esset celeritate nequiret, ne tempus morando tereret, sed commeatum & alia in suas triremes imposeret, reditumque maturaret. Itaque Toletanus cum classe septuaginta duarum triremium, vicesima die mensis Augusti Messana Syracusas profectus est. Portabat autem delectorum militum decem millia: in quibus fuere ducenti & amplius sacre Ioannitarum militiæ equites, & circiter quadraginta Stephanitæ. Hic est equitum ordo, ab Cosmo Medice Florentinorum duce ad Melitenis militiæ exemplum institutus, anno salutis Christianæ M. D. L X I. Differt ab Ioannitis in eo, quod quam illi candidam, hi rubram crucem gestant auro circumscriptam: dein, quod milites ipsi semel esse mariti possunt, quæ res Ioannitis permessa non est. Ilua, Ligustici siue Tusci maris insula, eorum propria sedes est. verum dum in ea Cosmopolis vrbs noua à Cosmo conditur, equites Pisis habitant. Ordinis Magnus Magister idem est, qui & autor, eiusque posterum. Quod autem Stephanitæ appellantur, id non à Stephano illo protomartyre habent: sed à Stephano Pontifice quodam, Florentinæ ciuitatis patrono, in diuorum numerum relato. Præter Equites sacros, in ea classe fuere viri illustres & reguli, Ascanius Cornia, Piscarij fratres, Annibal Estensis, Hercules Varanus, Æneas Pius, Capinus Vincentiusque Vitellij, alij præterea genere & militia clari. Classe igitur in portum Syracusanum appulsa, Toletanus Auriam cum vna triremi & scapha in Melitam præmisit, qui hominē in terram exponeret: ut is à Petro Paccio, quem antea ad Malecam speculatorem in insula relictum diximus, quid vidisset cognosceret. A quo intellectum est, in mari nauigium visum nullum esse præter liburnicam vnam, quæ x x i. Augusti die manē Gaulon versustenderet. eodemque die vesperi, ut ex Malecæ custodia acceperat, sexdecim vela aquatum ad Salinas venisse: quod autem post abierint, ad minus per noctem obseruari potuisse. Nostri interea ad Castellæ ruinam egregiè se munierat: tormentaque bellica pluribus in locis collocauerant: quæ hostis latera pulsabant, & aggeres quos Boninsegnæ propugnaculum agebant, quo inde Castellæ arcem omnem paruum tormentorum ictibus infestam haberent. At Turcæ cum vtrunque oppidum, ut antea, totis viribus aggredi statuisent, pluteū tignis asseribusque contextum triginta militum capacem, sub Michaelis prostrarum murum agunt: eo fiebat, uti nemo iam in ea parte sese nostrorum auderet ostendere. Quod cum nostri ferre nequireret, eruptione facta, iisq; qui erant sub pluteo fugatis, pluteū igni iniecto corrumpere. Eodem modo qui nouā urbem oppugnabant, altero pluteo pariter ad Castellæ ruinā cōbusto, reiecti sunt. Insequente nocte, Castellæ custodes erupere: & corruptis Turcarū ad eum locum oppugnandū munimentis, & præsidariis qui

Ibi erant obtruncatis, cuncti incolumes in urbem se recepere. Arcum illóque aliisque diebus hostis non quiesceret, sed vineis, pluteis, aggeribusque reparatis, nostros subinde à muris vtrinque submouere contenderent: omnis illorum labor, virtute ac vigilantia nostrorum frustra fuit. Egerant obsessi ad Castellæ ruinam cuniculum, in eoque octo pulueris sulphurei cados incluserant: ut si hostes denuò inuaderent, iniecto igni dissiparentur. Dum autem barbari circa eandem fossam & ipsi fodiunt, ut in obsessos aliquid pro more moliantur, in eum cuniculum incurrunt, ipsumque ablati cadis corrumpunt: & quod coeperat munimentum absolunt. His in hunc modum vtrò citròque agitis. Mustapha terrestrium copiarum præfectus, bellóque præclarus; iam præcipiti ætate non esse cunctand¹⁰um ratus, PERTINACIAM in bello casum victoriæ sæpenumero inuenire, statuit Michaëlis arcem totis viribus oppugnare. Itaque producto Imperatoris sui augustiore vexillo, cuius in cuspide aureus globus eminebat, per ruinas percurrere in oppidum iubet. Subeunt hi: resistunt nostri: ingens atque anceps prælium geritur. cumque bis iam reiecti essent, ipse Mustapha ad suorum munitiones progressus, quod videret eos segnius agere, orare & hortari milites ne deficerent: illum diem superiores labores & victorias confirmaturum: ne hostes victos, vincere paterentur. nullum iam hosti munimentum esse, quo se tegat: omnia deiecta, superesse modò aliquot defessa & mutilata corpora, quæ aciem suorum gladiorum ferre non possint. tali pertinacia ipsos Hermæam arcem obtinuisse. Postremò, pro cuiusque ingenio pecuniam, honores pollicendo, minitando, obtestando, alium alio modo excitare. Hi siue ob ducis præsentiam, siue eius promissis illecti, siue minis impuls, redintegrant prælium. Pugnatur vtrinque magna vis: sed barbari nostris breui cedere coacti sunt. Nostri enim fossam quandam egerat, in ea duo medioæria tormenta collocarât, quibus pluteum ceteris firmiorem, corio etiam contra ignes munitum, per latus peterent. Is primò tormentorum iactu comminutus: qui sub eo erant milites quadraginta lacerati. Quin & nocte eadem, qui in altero oppido ad Castellæ propugnaculum stabant, valida eruptione facta, omnes hostis munitiones corrumpunt: barbarosque ex aggere quodam supra nostrorum munitiones facto, deiectos fundunt & fugant. Tunc nostri cognouêre, hostes deinceps ægrè pugnatu²⁰ros: nam ad eum aggerem fuêre milites ferè trecenti, nostri autem modò viginti quinque: cum quibus tamen illi congre³⁰di noluerunt. Alterum cuniculum nostri ad Castellæ vallum egerant, eadem de causa. ceterum cum viderent propè esse, ut ab iis qui foris suas munitiones reficiebant, inueniretur, ignem ipsi apposuerunt: cuius impetu repente sexaginta Turcæ, qui in eo loco erant, in auras sunt dissipati. Dum hæc fierent, iam Garzias Toletanus cum classe Syraculis profectus, Pachinum versus secundis ventis iter tenebat: cum navis oneraria in inari conspicitur, tempestate, ut post cognitum est, in eum locum delata. Ea ex Meninge insula commeatum, pulueris sulphurei & globorum magnum numerum in Turcarum castra vehebat. Hæc facile, nostra classe⁴⁰ inspecta, deditionem fecit: quam Toletanus, fociis naualibus permutatis, Syracusas misit. cumque secundo cursu Melitam versus classis procederet, tanta repente exorta vis ventorum est, ut ad Ægusam insulam ducentis & viginti à Melita P. M. occasum versus, reiicerentur. Iamque dies primus Septembris aderat, cum literæ à Tolétano ad Valetam afferuntur, quibus se breui ad insulam cum classe futurum significabat. Eodémque die Christianus è Turcarum nauibus ubi captiuus detinebatur, in Angeli oppidum fuga se recepit. is affirmabat, in Turcarum castris paucos esse ad pugnam idoneos: plerumque exercitum vulneribus, fame, morbis, aliisque malis debilitatum: ad hoc, innumerabiles quotidie mori. Illud tamen addebat, eos de Melita urbe obsidenda cogitare: iamque murales⁵⁰ machinas quinque ad id in promptu esse, nam & superioribus diebus circiter duodecim equos, & proximè quatuordecim ex præsidio Meliteni captos. Interea classis, quam ad Ægusam reiectam diximus, iam tranquilliore mari, Drepanum se receperat: vnde, Gaulon versus, quò intenderat, nauigauit. In itinere autem binæ illæ Ioannitarum tûremes, liburnicas duas Turcarum conspicatæ, in eas impetu facto

- facto ceperunt, & vnà cum classe abduxerunt. nam quinta Septembris die ad eam insulam accesserant. Cæterū cū è Melita signa non videret Toletanus, quibus fretus in eam descensionem faceret, Pozallum illico reuersus est: quò Auria eum secutus, ei se & signa vidisse, & descensionem in insulam Melitam tutissimam esse, affirmauit. His verbis Garzias confirmatus, postero die prima noctis vigilia Gaulon rediit. Eodem die quidam perfuga Christianus à Turcis ad nostros transferat. is Valetæ dixit, se idcirco effugisse, quò ei lætum nuncium afferret. scilicet Turcas postremò fortunam in Michaelis castello oppugnando tentare statuisse, id quod in sequenti die essent facturi. Quod si ex sententia ipsorum procederet,
- 1^o manfuros: sin minùs, prorsus abituros. Quò autem animo id facerent maiore, Mustapham signiferis, qui primi signa in mœnibus fixissent, auri talenta quinque præmium proposuisse, eosq; ad superiores militiæ ordines promotorum: reliquos prout quisq; meritis foret, pecunia aut honore remuneraturum. Valera ratus hæc sibi Dei nutu cuncta, vt & antea semper, per huiusmodi homines nunciari atque portendi, Deo in primis opt. max. grates agere: dein, quæ vsui esse ad hostis conatum irritum faciendum existimaret, diligenter apparare. Turcæ verò totum eum diem nouæ vrbs domos, nauesq; in portu stantes, tormentis percutere: quibus etiam nauis magna depressa est. At Garzias Toletanus manè ad Melitam per fretum classe appulsa, copias in insulam properè dilucido & silentio exponit.
 - 2^o Dumq; naues eius in Gaulo aquatur, is cū exercitu ad quatuor stadia progressus, præfectos militum ac tribunos quid factò sit opus docet: monetq;, vt omnia edita ac præcepta Hispaniarum regis nomine fiant, tantisper dum ad Magnum militiæ sacre Magistrum veniant: tum ei, sicuti Regi, omnes pareant. Ad hoc, Ascanio Corniæ præcipit, vti in rebus gerendis, quod maior pars in consilio statuatur, id sequatur. Ita paucis cohortatus eos, Melitam proficiscentes relinquit. ipse circa meridiem ad naues se recepit: ac vniuersa cum classe Orientem versus nauigans, in Melitæ vrbs conspectum, quæ 111. M. P. abest à meridiano litore, venit: qua conspecta, Melitenses illico lætitiæ signum omni genere tormentorum dedere: quibus & ipse per tormentorum magistros responderi, bis omnibus tormentis
 - 3^o displois, iussit. Dein quò intenderat, in Siciliam rediit, vt Vrbinate reguli cohortes, quæ Messanæ erant, & Hispanorum aliquot, Syracusis acciperet: mox Melitam versus rediret, quo abeuntem Turcarum classem inermem ac semifractam à tergo insequeretur. At Turcæ, qui (vt dictum est) an Michaelis oppido potiri possent, postremò experiri in animo habebant, iam aliquot dies ante classis aduentum, vasa colligere ceperant. Cæterum vbi de classis aduentu, & copiis expositis cognouerunt, repente alii ad arma, alii ad vasa conclamant, & simul trepidi sibi quisq; pro moribus consulunt: alii fugere, alii arma capere: magna pars ad munitiones atq; ad tormenta accurrere: & munimentis exustis, impedimenta ad naues tormentaq;, quanta maxima possunt celeritate trahere. Id cum qui erant
 - 4^o in Angeli oppido cernerent, non expectato Magistri imperio, eruptione facta ad Burmolam, vbi Turcarum cohortes aliquot tormentum ingens custodiebant, magno impetu procurrunt. Cæterum barbari pugnam detrectantes, relicto tormento, se in fugam concitarunt: nostri, tormentum in oppidum taxerunt. Quod si eo die recentes nostræ copię, hostium tergo, dum ad naues impediti concurrunt, institissent, aut casum victoriæ forsitan inuenissent, aut saltem pleraq; machinarum bellicarum parte potiti essent. Sed arbitror illos vetus rei militaris dictum secutos, quo monemur H O S T I abeunti viam sternendam esse, pontemq; vel argenteum faciendum. Quanquam nostri à comeatu, aliisq; vsui obsessis futuris, quæ difficulter propter viarum asperitatem, & iumentorum inopiam, im-
 - 5^o portabantur, discedendum non esse rati, tumultuario prælio hostem laceffe e noluerunt. Quo factum est, vt barbari omnia impedimenta, machinas bellicas, & plerunq; exercitum nauibus sine impedimento imponerent. Die vndecima Septembris, dum Turcica classis è portu Museto educitur, perfuga natione Ligu ad Valetam properato itinere venit: eiq; dixit, Turcarum ad decem milia Melitam versus tendere, vt nostris copiis venientibus occurrerent. Quare audita, Ma-

gister militum satis magnam manum ad Hermetis arcem ire iussit, qui in ea sacræ militiæ vexillum figerent. Profecti, viginti quatuor tormenta, partim muralia magna, partim mediocria, & cæpēstria ibi inuenere, quæ Turcæ inde tam citò extrahere nequiuerant. Turcarum classis è Museto ad Pauli portum transiit: ibiq; septem milia Turcarum in terram, vnà cum Mustapha terrestrium copiarum præfecto, exposuit. Audierant enim, nostros trium milium numerum non excedere. Inde urbem versus, ex nostrorum (vt existimabant) paucitate audaciores facti, procedunt. At nostri iam ad pugnam parati, infensi intentiq; barbaris obuiam vadunt. Vbi in collem quendam vtriq; venissent, clamor ingens exoritur: prælium inter primos incipit: pauci vtrinq; cadunt. Cæterum nostris numero & robore inualescentibus Turcæ terga vertere: nostri insequi, cædere, fundere: donec illi in naues compellerentur: in quas dum certatim sese immittunt, circiter quadringenti in mari perire: cæsi autē mille & octingenti. Quod si nostri locorum & regionis periti fuissent, deleri cuncti ad vnum poterant. In naueis igitur compulsi, insequentem diem totum & plerunque noctis in eo portu constitere. mox ante lucem ad tormenti bombum, quod erat abeundi signum, Græciā versus vela, Melita insula vastata atq; inope relicta, fecerunt. Pulsis igitur è tota insula ingenti cū clade Turcis, Valeta princeps magna gloria victor, supplicia Deo opt. max. decernit: fortibus viris præmia distribuit: vniuersos laudat, atq; agit gratias: faucios ac morbis affectos cum cura reficit: insulæ vastitatem deplorat: ac 20 de ruinis impigrè instaurandis consilium capit. atq; in his tamen omnibus itinera consiliaq; hostium explorat: nihil apud se, vt pleriq; in victoria, remissum patitur. Itaq; Valetam omnes magnum & sapientem virum dicere, & quasi numen quoddam suspicere: quo viuo, cuncta prosperè cessura sperant. Eadem ferè tempestate Solymanus in Pannoniam ingentes copias præmittebat: quas ipse ineunte vere secutus est. quo metu Germania omnis commota erat. nam Germani inde à priscis temporibus, cum cæteris gentibus, pro gloria, non pro salute certare: cum Turcis autem, pro salute magis quàm pro gloria certamen habent. Aduersus hunc Maximilianus Imperator cum satis firmo exercitu progressus, Vesperinum expugnauit. Cæterum Solymanus in alia parte Segestum, Iulamq; magni 30 momenti loca, vi obtinuit. Sed in ipso victoriæ cursu, quinta die Septembris, in vrbe clarissima, quæ à quinque templis nomen habet, mortuus est, Anno Salutis M. D. L X V I. cui Selymus filius successit: qui, si patri aut auo similis erit, & Germania intestinis odiis ac dissensionibus flagrare perrexerit, verendum est, ne quod Thraciæ, Daciæ, Mæsiæ, & vicinæ Pannoniæ accidit, idem & ipsi eueniat. N V L L A enim tam magna tamq; firma potentia est, quam discordia non comminuat & perdat.

Historia de bello Melitenfi Finis.

A D L E C T O R E M.

40

Hic Historia sequentem Epistolam addere libuit, quod summario & breuissimè ea continent, quæ fusius in Historia sunt explicata. eritq; eius siue Epitome, siue argumentum, siue Epilogus. Huius nobis copiam fecit Xistus Margranus, eius ad quem scripta est a Secretis, vir humanitate singulari. quod præfari libuit, ne de epistola fide fortè dubites: neve, cui hoc bonū debeas, ignores. Vale.

FR. IOANNES VALETA MAGISTER
HOSPITALIS HIEROSOLYMITANI.

Venerando, religioso in Christo, nobis charissimo fratri, Georgio de Hohenheim, dicto Bombast, Prioratus nostri Alemantia Priori, S. D.

Si non dubitamus, quin ex multorum literis atq; relatu, iam intellexeris aduentum classis Turcicæ, ad has insulas, adq; Ordinem nostrum inuadendum, & penitus delendum, felicemq; & diuinitus de ea à nobis habitam victoriam: tamen illa ipsa, si nostris etiam literis ad te perferrentur, multo tibi iucundiora fore putauimus. Nam cum certò nobis persuasum sit, te

50

fit, te in hoc tam felici quàm saluari successu, Deo opt. max. gratias esse acturum: fructumq; huius beneficii ad te, propter dignitatem, quam in nostro ordine geris, maximè peruenturum, libenter tecum commune hoc gaudium pariter gaudere constituimus: planeq; ac palàm testificari, hanc tam insignem tamq; admirabilem victoriam nos Domino Iesu Christo, summo regū Regi, ac bonorū omnium auctori referre acceptam. Quod ut meritò & libentius facere possis, rem omnem, non longis verbis (id enim esset historiam scribere) sed summatim & paucis explicabimus. Sultanus Solymanus, Christiani nominis, & præsertim Ordinis nostri acerrimus hostis, non contentus, nos clarissima insula Rhodo, arceq; Tripolitana, fortunisq; penè omnibus iam expoliasse: non aliud cogitans, nisi qua ratione nos ante alios penitus delere atque extinguere posset, classem instructissimam & numerosissimam aduersus nos parari iussit: quæ Bizantio, vndecimo Calendas Aprilis soluens, decimo quinto Calendas Iunii Melitam appulsa est. Constabat ea classis ex triremibus, biremibus, aliisq; nauigiis fermè ducentis quinquaginta. Hostium numerus pugnatorum, veritati propior, fuit plus minúsve quadraginta millium. Præfectus exercitus terrestris, Mustapha Bassa: classis verò, Pyali Bassa, qui paucis diebus transactis, in exonerandis in litus com meatibus, & speculandis locis, figendis tentoriis, aliisq; (ut fieri solet) ordinandis, arcem sancti Elmi, quæ in faucibus portus sita est, magno impetu, maximaq; tormentorum vi in primis

10 oppugnare cœperunt. Idque cum plures dies labore non intermisso fecissent, ac magnam murorum partem aperuissent, omniq; missilium telorum genere impugnassent: vîrtute tamen & industria nostrorum equitum, aliorumq; militum, triginta quinque dies propugnata ac protecta est, magna cum clade & cæde hostium: licet arx ipsa, iudicio multorum, ad paucos dies contra tantam vim defendi posse videretur. Tandem octauo Calendas Iulii, cum nostri multitudinem & impetum inimicorum sustinere non possent, terra mariq; circumdata ac interclusa, omniq; auxilio destituta, paucis nostris qui supererant trucidatis, à Turcis arx ipsa capta est. Qua victoria elati, arcem & oppidum sancti Michaelis, & hanc nouam ciuitatem, præsertim ad propugnaculum Castellæ & Lusitanæ, oppugnare inceperunt: pluribusq; locis magna diligentia, maioriq; machinarum & tormentorum bellicorum impetu & numero, more suo mœnia quatere atque deiicere aggressi sunt. Quam oppugnationem horrendam & stupendâ effecerunt in primis, Turcarum exercitus terra mariq; apprimè tremendus: mox ingentia, nullibiq; locorum tam horrendæ molis furibundi; impetus tormenta, globos ferreos saxeosq; quinque septemq; palmorum rotunditatis interdum noctuq; iacientia: quibus non crassissima mœnia dirui, sed etiam montes subuerti possent. quorum vi mœnia ipsa plurimis in locis adeò corruerūt, ut facile plano pede ascendi posset: quâ cum barbari ipsi sæpius magno impetu & clamore ingredi tentassent, toties magna cum strage & ignominia permultis eorum occisis ac vulneratis, repulsi & reiecti

40 sunt. Præfecti autem tam maris quàm terræ, postquam tot locis, omnibus copiis obsidione oppugnationeq; ferme quadrimestri, summa vi frustra oppugnassent, & maiorem partem suorum veteranorum militum amisissent, hyeme præsertim iam instante, quo omnia bella iure gentium conquiescere debent: nihil aliud præter recessum, seu potius fugam meditati sunt. quam maturare coëgit aduentus Garziæ à Tolèdo, Siciliæ proregis, ac præfecti classis regis Hispaniarum, cum subsidio & auxilio decem millium militum & selectorum virorum, inter quos erant ad minus ducenti & quatuordecim equites nostri, ac plures alii nobiles ac generosi viri: qui sola Christiana pietate commoti, voluntariè ex diuersis mundi partibus concurrerunt, opem & auxiliū nobis allaturi. Habes summatim & paucis,

50 progressum ac fugam classis Turcicæ, victoriamq; de ea diuinitus à nobis obtentam. Tuum erit considerare & coniicere, quo in statu Ordo ac Insula hæc in præsentiarum sit, ac reperiatur: in quam paupertatem redacti simus, quantis rebus indigeamus. quibus nisi ope & auxilio fratrum nostrorū, præsertim tuorum similiū, ut speramus & credimus, adiuuemur, actum erit de rebus nostris.

Bene vale: Melitæ, 7. Idus Octobris. 1565. Finis.

INDEX RERVM ET VERBORVM TOTO HOC OPE.

REPRÆCIPVE MEMO-

RABILIVM:

In quo prior numerus paginas, posterior lineas designat.

| | | | | |
|-----------|--|--|---|--|
| A. | | Alexandriam Heraclius vincit | Araxes fluuius | 56,30 |
| A | Batius Sarracenorum dux | 10,1 | Arbores Sarraceni adorant | 7, |
| | 20,29 | Algerii rex Turcis auxilio venit | 31 | |
| | Abdala Zubir tyrannus | 160,44. in Michaelis oppugnatione principem locum petit, eumque impetrat, | Arca ferrea magnete pendet | 11, |
| | captus interficitur, ibid. | ibid.48 | 32 | |
| | Abdalamus Iezidi filius | 17,40 | Argas arbor qualis | 118,43 |
| | Abdeluzitus Mucæ nepos | 32,9 | Argyropylus Romanus imperator | 57,13 |
| | Abderama Gothlandiæ rex | 33,48 | Armara Phrygiæ ciuitas | 15,33 |
| | Abdimelicus in Mesopotamiā pergit | 19,7. pontifex creatur | Armenia Persis semper subdita | 56,6. Sarracenis traditur |
| | 18,5. quando mortuus | 20,18. trucidatur | 19,37. sub imperium Romanum venit | 20,26. armis carent Hispani |
| | 18,23 | Abdimelici genealogia | 18,10. | Aron Sarracenorum rex moritur |
| | Abdimoneplis mercator ditissimus | 7,41 | | 41,8 |
| | Abduramen Cordubæ rex | 53,17 | Arriani secta | 8,8 |
| | Abedramon Muauia filius | 18,28. pontifex salatur | 20,21 | Artes, actiones, imperia, leges, quæ vel mutata sunt, vel prorsus interierunt, non redeunt |
| | Abraemus Sarracenorum dux | 29,20. Marochensium rex | 135,37 | Artifices peritissimi |
| | 135,37 | Abrahamus Meccæ fundator | 10,52. Marochiæ rex deuctus præcipitem sese cum vxore de saxo dedit | 129,6 |
| | Abubalanus Syriæ imperator | 38,10 | Abulanius Syria prætor | 33,18 |
| | Adimeius mons magnus | 125,54 | Africa à Sarracenis occupatur | 20,6 unde dicta |
| | Adulter lapidib. obruitur | 138,50 | 7,10 | Africa partem Sarraceni inhabitant |
| | Ætius Galliæ prætor | 33,18 | 6,41 partes quot & quæ | 114,24 |
| | Africa à Sarracenis occupatur | 20,6 unde dicta | 7,10 | Africam totam Heraclius occupat |
| | 10,2 | Agricolæ imperiti in regione fertilissima | 132,3 | Aigolandus vincitur |
| | 39,44 | Albion nullum lupum alit | 148,23 | Alchacemus pontifex |
| | 14,54. quando & quo pacto mortuus, ibid. | Alchoran à quo constructus | 13,38. In ordinem redigitur, ibid. | Alexandri ad suos milites verba |
| | 160,36 | Alexandria à Tartaris occupatur | 67,54 | Alexandriam Heraclius vincit |
| | 10,1 | Algerii rex Turcis auxilio venit | 160,44. in Michaelis oppugnatione principem locum petit, eumque impetrat, | ibid.48 |
| | Alis Muamedis successor | 11,39. eius mors | 14,49. descriptio | ibid.50 |
| | Almanfor mœrore confectus obiit | 53,38 | Alphonfus Castiliæ rex | 129,22 |
| | Alphonfus Cantabriæ rex | 32,29. Eroila filius rex creatur | 37,54 | Austriæ rex |
| | 39,51. & 45,42 | Ab Amalphitanis domus hospitalis instituta | 143,43 | Ambulaculus pontifex |
| | 45,14 | Amerus dux | 32,47 | Amorreus Sarracenorum rex |
| | 36,11 | Anastasiu capitur | 43,40. supplicio afficitur. ibid. Thomæ filius adoptiuus | 26 |
| | Animus inuictus ex victis sepe numero victores facit | 149,15 | Annonæ penuria vrbs occupatur | 43,29 |
| | Anulus Muamedis | 14,21 | Anuli inscriptio, ibid. | 51 & 17,20,38 |
| | Anuli magni antribus appenduntur | 118,13 | Antiochia a Latinis capitur | 61,28. in Romanorum potestatem deuenit |
| | 52,55. quo pacto obfessa & expugnata. | ibid. | Antiochenus dux turpiter vincitur | 57,17 |
| | Aquæ ductus sub terra | 130,21 | Aquæ defectus in exercitu | 14,39 |
| | Ara fluuius | 25,48 | Ara Machumeticæ | 131,44. in syluis extructæ. |
| | ibid. | Arabes homines audaces | 57,22. populi creduli | 11,11 |
| | Arabia tota subigitur. | ibid. | Arabia diuisio | 6,43. inhabitatores ibid. |
| | 52. nomina a quibus indita. | ibid. | Aradum vrbs Cypri | 13,35 |
| | Araxes fluuius | 56,30 | Arbores Sarraceni adorant | 7,31 |
| | Arca ferrea magnete pendet | 11,32 | Argas arbor qualis | 118,43 |
| | Argyropylus Romanus imperator | 57,13 | Armara Phrygiæ ciuitas | 15,33 |
| | Armenia Persis semper subdita | 56,6. Sarracenis traditur | 19,37. sub imperium Romanum venit | 20,26. armis carent Hispani |
| | 23,10 | Aron Sarracenorum rex moritur | 41,8 | Arriani secta |
| | 8,8 | Artes, actiones, imperia, leges, quæ vel mutata sunt, vel prorsus interierunt, non redeunt | 142,23 | Artifices peritissimi |
| | 115,34 | Arx ædificiis pulchre dispositis ornata | 128,5 amplissima | 127.26. munitissima |
| | 26,16. Sobrabriæ regis | 26,43 | Ascanio Corniæ præceptum quale datum | 169,24 |
| | Asia a Heraclio occupatur | 9,55 | asinis agris arantur | 123,19. |
| | Asmulinus Lamonitarum dux | 37,19 | Assassinorum secta | 62,11 |
| | Assyria tota sub Sarracenorum imperium redigitur | 12,41 | Atinus fugit | 36,4. rei militaris peritus |
| | 34,39 | Atlas mons maximus | 20,45 | Attila Hunnorum rex |
| | 6,24. dux | 33,19 | Audacia mortis comes | 35,48. mortem infert. |
| | ibid. | Auenio Mauriti præfes | 34,35 | Aumar pontifex creatur |
| | 31,30 | Aumar e vita discedit | 32,32 | Auream coronam reges Gortia gestant |
| | 23,18 | Aurum & argentum Tartari nihili faciunt | 66,54 | Aziebus Muamedis dux |
| | 10,50 | Baby- | | |

I N D E X.

B.
Babylon munitur 14,36
 Bagadat vrbs prope ruinā
 Babylonis conditur 41,15
 Baiazethes Turcarum impera-
 tor à Tamerlano capitur 72,2
 Balduinus Ierosolymitarum rex
 63,32
 Baragamus eques 152,29
 Barbari metu perculsi 164,41.
 quot caesi & sauciati 159,3.
 cū nostris pugnam inire de-
 trectāt 169,42. magna vi pu-
 gnantes, nostris cedere co-
 guntur 168,23
 Barbariæ ditiusio 20,52. situs
 20,51. & 114,28
 D. Basilij collegium à Christia-
 nis inhabitatur 24,40
 Basilisci tormentorum genus
 165,39
 Bassa barbarorum præfectus
 159,20. mandatū quod mili-
 tibus tradidit 164,49
 Baydos Tartarorum dux 68,36
 Bellum atrocissimū 23,5. 37,7.
 ciuile ibid. crudele 43,49.
 Melitense ab authore cur
 conscriptum 143,26
 Belli fortuna, Dei que voluntas
 est, ut modò hi, modò illi vin-
 cantur 156,20
 Bello omnia mutantur 25,5
 Benimegher mons fertilissimus
 131,51
 Bermudes Legionis rex 53,35
 Berofus historiographus 7,1
 Bonifa. Corsicæ Comes 45,50
 Boninsegna Hispanus, eques
 fortissimus 165,2. ambusta
 facie oculum amittit 166,14
 Bonnemius Gallus cum septem
 aliis desideratus 152,14
 Bonum summum 142,33. in
 quo situm ibid. 42
 Bosra Arabiæ metropolis 11,54
 Bramans Sarracenorū rex 36,50
 Bruta animalia catulos suos a-
 mant 28,11
 Brolias suis militibus animum
 addit 152,20
 Bubacus Arabiæ princeps 8,22
 ad Burmolā, qui in Angeli op-
 pido sunt, procurrit 169,40
 Bufurrus Isauriæ regiones va-
 stat 13,43. Sarracenorum
 dux ibid.
 Byzantium à Sarracenis obli-
 detur 22,35. oppugnatur 16,
 7, & 31,51
 Bzoum vrbs vetusta 137,14
 C.

Cabæ forma Hispaniæ ob-
 fuit 21,42

Cadauera ob famem maximam
 comeduntur 32,2
 Cæsarea vrbs expugnatur 32,41
 Cairoanū vrbs fundatur 13,30
 Caismi delentur 37,20
 Calcei aurei 23,18
 Calderonij interitus 162,39
 Califorum genus omnino in-
 terit 18,23
 Calinicus nauīū præfect⁹ 16,27
 Calyfa Assyriæ rex 41,23
 Calyphas Hierosolymorū im-
 perator 143,45
 Calpes mons 22,7
 Camelos ducentos onerat vnus
 author propriis libris 17,3
 Campana magna 24,41
 ex Cāpanis lucernæ fiunt 53,34
 Canices veneranda 42,18
 Capitolium Romanū capinun-
 quam potuit 49,31
 Carolus Crassus V. Germano-
 rum Imperator 51,40
 Carolus Magnus 36,42. Pipini
 filius 37,37. Nauarræ fines
 ingenti exercitu ingreditur
 38,30
 Carolus Ruffus eques cæsus
 162,35
 Carteia vrbs Hispaniæ 22,23
 Carthago à Heraclio expugna-
 tur 10,2
 Casæ è corticibus factæ 138,3
 Castriotus 155,15
 Caucasum montem vsque om-
 nia deuastata 14,10
 Cerdania arx 33,49. regio Sar-
 racenis subdita 26,30
 Centius Aquitanus inuictō a-
 nimo eques 166,18
 Christianus Muameticam im-
 pietatem amplectitur 41,49.
 elapsus Turcarum res prodit
 168,47. profugus nomen
 mutat 41,53. perfuga Valetæ
 lætum nunciū affert 169,7
 Christiani affliguntur 26,37.
 capiuntur 45,27. carceribus
 detinentur 13,49. Sarrace-
 nos depopulantur 26,35.
 Sarracenos in fugam conui-
 ciunt 32,49
 Christianorum cum barbaris
 hostibus conflictus 155,54.
 & inde in Turcas bellū ma-
 ximum 60,45. mores corru-
 pti 8,7
 Christianos Deus à Sarracenis
 liberat 29,16
 Christum Deum non esse, secta
 Sarracena credit 8,28. Sal-
 uatorem confitentes, fratres
 sunt 49,10
 Clypeus argenteus 33,10

Ciafas Abdimelici confangui-
 neus 18,6. Damasco potitur
 ibid. 24
 Ciliciæ fines vastantur 15,19
 Circumcisione Sarraceni vtua-
 tur 7,21
 Ciues humanissimi 119,16
 Ciuitas beata quæ 142,39. in
 quibus versetur ibid.
 Cæli temperies hominum mo-
 res mutat 31,5
 Collegiū nobilissimum 127,46
 Collis lunonis 26,22
 Columba fert literas 62,5
 Commeatus Constantinop-
 litanis adimitur 31,15
 Cōcordia principum Christia-
 ni affliguntur 32,24. regna
 crescunt 6,17
 Conradus dux Franconiæ 65,6
 Conscientia mala serpens bi-
 ceps 23,43 (32
 Constantia vrbs nobilissima 13,
 Constantinopolis olim Byzan-
 tium 30,45
 Cōstantinopolis ambitus 30,53
 Constantinopolis ædificator
 ibidem
 Constantinopolis situs 30,20
 Contis ciuitas in Lusitanorum
 potestatem venit 133,25
 Contis vrbs capitur ibid. 50
 Contis vrbs descriptio ibid. 17
 Conuentus exitiabilis 16,52
 Copiæ quib. fretus Valeta, Tur-
 carum classem expectauit
 149,1
 Cordubæ vrbs celebris 32,19
 Cosdroas in vincula conuicitur
 10,20. interficitur ibid.
 Cosdroes rex Persæ 9,46. à Pho-
 ca interficitur ibidem
 Craterus 44,53. in crucem tol-
 litur ibid.
 Creta à Sarracenis occupatur
 44,18. nullum noxium ani-
 mal alit 148,22. vastatur 16,
 41
 Crucem candidam à quo Ioan-
 nitæ acceperint 43,50
 Crura annulis argenteis ornant
 mulieres 118,16
 Cusa vrbs Arabiæ 14,49
 Cupido regnandi multum va-
 let 10,19
 Cursianum oppidum munitis-
 simum 36,20
 Cuminæ insulæ 148,52
 Cuniculis agendis omnem la-
 borem Turcæ impendunt
 162,20
 Curselinij fortitudo 149,39
 Cyrenaica regio à Sarracenis
 occupatur 21,3

I N D E X.

Cyrellus episcopus Christū cō-
fessus interficitur 44,30
Cyrus episcopus Alexandrinus
12,26

D.

Daber Egypti princeps 57,
Dadacus Maruani filium
vincit 37,6
Damascus à Sarracenis obfide-
tur 12,23
Damascus à Turcis occupatur
60,40 (15,12)
Damascus Sarracenorum sedes
Dara flumen 135,29 (131,2)
Delgumuha vrbs munitissima
Deus implorantes se ex animo,
nunquam deserit 50,5
Deus pro Christianis pugnat
29,14
Deus sanguine iniusto non de-
lectatur 40,47
de Dei clementia dubitare ne-
fas est, pium Valeræ dictum
156,37
cum Deo coniungi vera felici-
tas 142,34
Deo iuuante nemo timendus
hostis est 28,44
Dij Sarracenorum varij 7,28
Diodorus historiographus 7,21
ex discipulo præceptor sicut ex
fructu arbor cognoscitur
48,12
Discordia fratrum perire facit
regna 41,9
Discordia regna pereunt 32,25
Dissensiones vrbes euertūt 133,
17. ex felicitate nimia oriun-
tur 15,13
Diuitiæ comparantur merca-
tura 14,26
Domus amplissima hospitibus
parata: nam quotquot eò ve-
nerint, gratis habentur 134,
34
Dorguta Leptitanorum præfe-
ctus 150,13. eius interitus
154,26
de Dorgutæ in rebus bellicis
peritia, Solymani opinio
149,31
Dorgutinorum militū nō pauci
à nostris cæsi 152,10, & 13
Duccalia Marochi regio 131,26
Duccaliæ regionis situs ac de-
scriptio ibid.
Duccaliæ regionis vrbes ibid.
Dux militaris imperitus 63,48
Ducē qui miles de victoria de-
sperare videt, ipse sperare nō
poterit 166,42
Duce mortuo exercitus cū ho-
stibus conspirat 57,2
Duces decem, amissa victoria

orbantur luminibus 56,48
Duces Muamedis quot & qui
11,20

E.

Ebasius obtuncatur 29,28
Edeffa vrbs capitur 12,48
Egilona Roderici cōiunx 32,10
Eithiam Tedlæ oppidū 141,18
Elephantes turrigeri 56,54
Elmahelis victoria 54,3
Elmadina vrbs 136,6
Epistola Iesv Christi seruato-
ris manu scripta 57,40
Epitaphium Roderici 23,48
Equites sacri post prælium cum
barbaris commissum deside-
rati 161,22
Equitum sacrorū catalogus 151,
13. Hierosolymitanorum in
Melita origo, & quomodo
eò venerint 143,30
Equitatus Melitensis beneficio
barbari ab oppugnatione No-
uæ vrbs, & Michaelis castel-
li, aucti 163,18, & 25
Equi comparatio & similitudo
7,55. lapsu interficitur qui-
dam 15,31
Equi agiles 118,18
Eubocara Muamedis successor
11,50. moritur ibidem
Eudo Gottus præpositus 33,32.
vincitur ibidem
Euelitus magno exercitu Ro-
manos adoritur 32,37
Eunuchus rei militaris peritus
52,39
Euphemius interficitur 45,18
Euphrates fluuius 68,48
Exarchus quid 14,13
Exēplis magis quàm verbis ho-
mines mouentur 165,52
Exercitus maximus cōscribitur
42,13. tempestate perit 32,7
Exitus acta probat 31,6
Ezzerāgus dux fortissimus 138,
29. interficitur 140,44

F.

Fasila ab vr̄sis deuoratur 33,
8. Pelagij filius. ibid. quan-
do mortuus ibidem
Famam alterius facile lædit, qui
non parcat suæ 159,48
Fames maxima 31,55
Fame milites moriuntur ibi. 34
Fanum Helenæ 25,44. Nuriæ
virginis 26,21. Ioan. Pede-
porti 25,30
Federici Garziæ interit⁹ 161,23
Ferdinandus postremus Tarra-
conensium rex 53,50
Fossanorum rex Tedla potitur
141,11
Fides antiqua euauit 28,18.

hostibus seruāda 12,33. Sar-
racenis est nulla 28,28
Fœdus Turcarum cum Roma-
nis 68,6
Fœderis tabulæ pro vexillo, 19,
27
Felicitate in summa dissidia ma-
xima oriuntur 15,13
Fœminæ molendi operam præ-
stant 123,22. feminuæ 137,
40
Fons cādidissimo marmore fa-
brefactus 128,3. copiosus
21,16. frigidissimam profe-
rens aquam 119,52
Fores argenteæ 46,4
Forma Helenæ Troianis obfuit
21,43. muliebris Hispaniam
perdit ibidem
Fortitudine regna crescūt 6,17
Franci bellicosissimi 33,22. ex
Germania in Galliam irrum-
punt 6,26
Francici reges voluptatibus de-
diti 33,25
Frāciscus Giuara primipili cen-
turio 164,53
Fratres pecem de regno cōten-
dunt 54,12
Fratrum discordia 63,10. sepa-
rat regnum 41,10
Fridericus Barbarossa Turcas
vincit 66,4
Frigore pereunt milites 31,34
Frumentum ad centesimū vsq;
annum bonum & perfectū
seruatur 134,6. apud Hascor-
as nullum 135,18. optimi ge-
neris 131,20
Fuga misera in specu 133,46
Furtis dediti Sarraceni 7,28
Furum cadauera canibus lace-
randa proiciuntur 124,9. in
nundinis deprehensorū pœ-
na ibid. 8

G.

Gades insula à Iuliano inua-
ditur 22,16. eius situs ibi.
Gelafius Toleti rex 36,45
Galata oppidum 30,46
Galatiā Sarraceni vastāt 20,29
Gallia à Sarracenis affligitur 6,
36. armis florētissima 28,41
Gallus cognomento Rocca
155,17
Galli gens ferocissima 49,27
Gartgueslemus arx oppugna-
tur 117,38
Garzias Christianorum rex 26,
45. Toleranus, Sicilia admi-
nistratores 147,1. cum classe
Syracusas profectus 168,36
copias in insulam Melitam,
silentio exponit 169,19
Garzia

I N D E X.

Garziæ literæ 168,45
 Gemma vnica conficitur men-
 fa 24,25
 Genua quoties & quando ca-
 pta 51,24,& 28
 Geometriz studiosus insignis
 48,3 (47)
 Georgius Maniaces prætor 57,
 Germaniæ commotio 170,26
 Germanus heros fortissimus
 66,6
 Gistauis vallis oppida 25,55
 Gizidus Abdimelici filius 32,33,
 moritur ibidem
 Gizitus II. pontifex creatur 36,
 31
 Globi argentei turri infixi 127,
 9. aurei turri infixi ibid. 30
 Gothi Africę inhabitatores; 20,
 7. strages 24,4
 Gothorum in Romanos bel-
 lum 6,22
 Gotfridus Christianorum rex
 61,35
 Gottalania vnde dicta 22,47
 Gottica acies vincitur 16,23
 Gottica Gallia quæ 21,34
 Gozo insula 148,47
 Gradacus Armeniæ prætor 32,
 53
 Græci Sarracenis in Christia-
 nos bella gerendi occasio-
 nem præbent 47,41. Sarra-
 cenos vincunt 15,38
 Græciam perdunt Sarraceni 6,
 66
 Gulletta arx contra Turcas con-
 firmata 147,3
 Guzula Marochi regio 123,37
 vrbibus caret, ibid. eius si-
 tus ibidem
 Gyon hosti obuiam it 149,18
 H.
H Abdulmunnes rex &
 pontifex creatur 54,9.
 eius posteri ibid.
 Hadigia Abdimoneplis vxor 8,
 10
 Hebræorum mores Sarraceni
 retinent 7,20
 Hannon Carthaginensium dux
 122,36
 Hantera mōs altissimus 125,41
 Hascoræ Marochi regio 135,1
 Hascoræ situs ibidem. inhabi-
 tatores quid agant ibid.
 Hea Marochi regio 117,50
 Hea inhabitatores acu suere
 nesciunt 118,12. quibus armis
 vtantur ibidem
 Hea regionis situs 118,1. oppi-
 da 119,17
 Hebdurrahmanus patruū suum
 causa regnādi interficit 132,8

Helenæ forma Troianis obfuit
 21,43
 Heraclius Christianus princeps
 10,14. cōtra Sarracenos ten-
 dit 20,9. imperator Sceni-
 tarum 9,44. Sarracenos fu-
 dit 12,4. totam Asiam occu-
 pat 9,55. *Egyptum* ingredi-
 tur ibidem
 Herculis promontorium 118,53
 hæredes Maumedis de suc-
 cessione contendunt 11,41
 Hermes arx à Turcis infestata
 150,44. ab iisdem expugna-
 ta, Christianis omnibus ad
 vnum pugnando cæsis 156,
 2,& 3
 Hermetis, Angeli, & Michaelis
 arces & oppida qui sint tuta-
 ti 149,8
 Herodotus historiograph⁹ 7,21
 Hierosolyma obsidione cingi-
 tur 12,40. occupatur ibidem
 Roman. imperio restituitur
 10,26
 Hierosolymis domus hospita-
 les, peregrinis recipiendis
 conditæ 143,35
 Hierosolymitanum templum
 spoliatur 12,9
 Hispani bello fortissimi 38,49
 Hispania diuiditur 32,22. pluri-
 bus regibus paret 41,21. tota
 in Sarracen. potestatem ve-
 nit 24,46
 Hispaniæ diuisio & partes 21,19
 Hispanus nobilis de hostium
 consiliis Valetam certio-
 rem facit 150,8
 Historia humanarum rerū me-
 moria 142,30. philosophiæ
 & legibus præstat 142,54
 Historiæ encomium 143,12
 Hocemus pontifex fit 17,39.
 interficitur ibid. 42 (17,43)
 Hocemi filij quotnam, & qui
 Homar ab vxore interficitur
 120,32. crudelissimus tyran-
 nus 130,49. seditionis in re-
 ligione author. ibidem. de-
 scribitur 13,5. templum Hie-
 rosolymis ædificat ibid. 3
 Homarus Eubocarā subsequi-
 tur 11,46,& 50
 Homicidij poena 116,46
 Homo gladio in duas partes se-
 catur 66,9. rex regum ap-
 pellatur 57,6
 Homines absque legibus viue-
 re non possunt 9,8
 Hominibus natura educationē
 liberorum donauit 28,14
 Hordeum sub niue prouenit
 124,38

Hordeo vescuntur Hascoræ in-
 habitatores 135,19
 Hormisdas Perfarum rex 12,55.
 bello moritur ibidem
 Horti elegantissimi inter mon-
 tes 131,12
 Hospitalitas apud Marochenses
 magna 122,20
 Hospitalitatis erga peregrinos
 exemplum 134,35
 Hospites gratis habetur 120,54
 Hosti abeunti via sternenda
 169,47
 de Humanarum rerum incon-
 stantia & imbecillitate que-
 rela 142,19
 Hunaimum Muamedes cum
 exercitu tendit 10,43
 Hunni à Faunis agrestibus ge-
 niti 55,51. Europam vastant
 33,20. magicis artibus sem-
 per dediti 55,51. nobilissima-
 rum vrbiū euerfores 49,40
 Hunnorum sedes 55,37
 Hybernia nullum serpentem a-
 lit 148,23
 Hyems niuib. omnia regit 15,
 35. sæuissima 31,32
 I.
 S. Iacobus pugnat contra Sarra-
 cenos 43,55
 S. Iacobi ordo instituitur 44,4
 Iaidus Sarracenorum dux 14,9
 Ianizeri 147,17
 Ibnabala Cæsaraugustæ rex 38,
 22
 Icarus Sarracenus 63,12. vento
 se committens ossibus con-
 fractis expirat ibid. 19
 Ices pontifex 36,36
 Iconium vrbs felicissima à Tur-
 cis euertitur 59,43
 Ideuacal mons altissimus 118,2
 Idola cremantur 19,23
 Idololatriam pueri non amant,
 eum adulti eam amplectan-
 tur 28,18
 Iezidus in pontificem creatur
 17,31. præclare & memora-
 tu dignū nihil gessit, verū
 ocio semper deditus. ibid. 32.
 quamdiu regnarit ibid. 38
 Iezidi symbolum ibidem
 Ierosolyma cruentissimo mar-
 te capitur 61,34
 Ignicus Ruderici patruelis 22,
 29
 Illiberis fluuius 36,12
 Illyricum à Sarracenis depopu-
 latur 48,50
 Ilua Stephanitarum propria se-
 des 167,30
 Imegiagen arx natura munita
 130,46

Imperator militis officium suscipit 35,47
nec Imperitiae de peritorum consiliis cedere, nec ignavia de fortiter factis verè potest 159,49
Imperium Turcicum deletur 69,20
Impiorum millia centum, contra unicum pium nihil efficiunt 28,44
Impios Deus terræ motu occidit 29,20
Infantes media hyeme lauantur 71,5
Insulae, quæ Melitensis militiæ principarent 48,53. **novæ nascuntur** 32,46
Ioan. Catea Cæsaris dux 12,44
Ioannes Cardona 167,17. **cum quatuor navibus longis Toletano. Melitensibus missus** 154,3. **cæsus** 162,48
Ioannitæ 143,37. & 167,28. **eorum appellatio** 143,40
Ioannis Bernardi Godineti interitus 163,7
Ioan. Valera quod suis vires atque animum additurus, in discrimen se coniecit, ab aliis vitio, ab aliis laudi datum 160,25. **suos post captam arcem animat** 56,17. **quid post parram victoriam fecerit** 170,18
Ioannis Valerae exhortatoria oratio 145,8. **hortatio** 154,38. **invieta virtus, quo in prælio maximè fuerit illustis** 165,48. **ad Garziam Toletanum Siciliae proconsulem literæ** 153,10. **literæ ad præsidij Melitæ urbis præfectum, Petrum Mesquitam datæ** 156,29. **epistola ad Georgium de Hohenheim, summam historiarum complectens** 70,50
in Ioann. Valeram amissæ arcis Hermetis culpa, à quibusdā maleuolis translata 159,44
Ioan. Zimisca Sarracenos vincit 52,20
Iobus Antiochenæ ecclesiæ pastor 42,31
Ionæ templum 117,13
Iosephus Cordubæ rex 37,48
Ioseph. historiographus 7,9
Iosippus Tesfimi filius 18,40
Isacus Abrahami vnicus filius 129,12
Isacum Elmahelis propriis manibus iugulat ibid.
Ismael Meceæ fundator 10,52
Italia à Sarracen. vastatur 6,36. **omnium terrarum regina** 27,51. **orbis terrarum arx** 31,10

Iudæi artifices 115,34. **diuites** 10,46. **fermè omnes qui in finibus Arabiæ erant, à Muhamede interimuntur ibidem. fabrile artè exercètes** 124,48
Iulianus obruncatur 29,26
Iulianus Ceptæ comes 21,36
Ius non colunt Marochenses 121,19
Iusiurandum strictis sit gladiis 9,24
Iustitia apud Tartaros viget 67,20
L. Acus amœnissimus 131,45
Lanius à puero pugione confoditur 132,53
Lectica eburnea 23,19
Leon urbs à Pelagio capitur 29,33
Leo Imperator 30,12 (53)
Leo Philosophus insignis 47,
Leo pontifex quartus 49,4
Leonis ad populum oratio ibid. ad Deum precatio 50,14
Leo Pontifex victis Sarracenis civitatem novā extruit 50,30
Leo prætor Armeniæ 22,38
Leonum numerus magnus 121,8
Lex gladio præcipitur 11,22
Legum studiosi apud Marochos 124,53
Liberalitatis exemplum 14,27
Libera legens hominum 140,40
Libya à Sarracenis occupatur 20,31. **eius situs** ibid. 44
Libri Maumedis in ordinem rediguntur 13,37
Liburnicæ duæ abductæ 168,55
Ligus perfuga, Turcarum proditor 169,53
Literarum Heæ inhabitatores ignari 123,23
Longobardi maximā Italiæ partem occupant 6,25
Ludovicus Galliarum rex 45,38
Lunam Sarraceni adorant 7,31
Luxu regna perduntur 6,19
Luxuriæ exercitus pestis 44,49

M.

Machina coriobubulo obducta 35,54
Machumerus Fessanorum rex 119,12. **quando natus** 124,22. **moriens filios relinquit decem** 129,50
Macrini interitus 162,48
Mæander fluvius 63,8
Magetar militum præfectus 24,21
Magnes Muamedis arcam tenet pendulam 11,34
Magran mons perpetuis nivibus candescens 137,54
Malo accepto stultus sapit 12,34

Malsamas dux 32,40
Malsamas legatus Sarraceno-rum 30,15
Mamumus quis & qualis 47,50
Manilia à Pelagio capta 29,34
Mare sanguine rubrum colore nanciscitur 14,1 (47)
Maria Mauricij Cæsaris filia 9,
Marmor apud Marochos con-temnitur 125,49
marmorea columna homini deuoranda, qua conditione proposita 12,37
Marmoreæ turres 53,28
Marmoreum simulacrum 24,28
Marothum omnium terræ vr-bium maxima 126,30
Marochus Marochensis prouinciarum regio 124,24
Marochi regionis oppida quot nam & quæ 114,51. & 126,11
Marochi regionis situs 114,48
Marochi regni nomina 114,36
Marochensis urbs à quo condita 130,7
Marochensium cibus 122,42
Marsilius Saragotiarum rex 36,47
Martellus rei militaris peritissimus 34,54
Martelli ad milites oratio 35,20. **mors** 36,18
Martialis poeta 32,15
Maruanus Dadacum vincit 37,10. **pontifex creatur** 18,2. & 36,37. **regno expellitur** 18,3. **quamdiu regnarit ibid. Syriæ Imperator** 37,7
Marzafiroccus portus à Turcis captus 147,33
Masius eques, literis à Mesquita instructus, velis remisque in Siciliam traicere iubetur 157,9. **Messanam incolumis peruenit** ibid. 42
Masutus Turcarum imperator 62,53. **eius filij** 63,9
Maumedis prosopographia 7,45. **diuini honoris vindicator** 8,5. **Meccam instructo exercitu pergit** 9,37. **vincitur** ibid.
Maumedis educatio 7,37
Maumedis oratio 8,40. **parentes** 7,34
Mauritaniæ inhabitatores primi 114,42
Mecca ab Ismaele condita 10,52. **Muamedis sedes** 11,9. **eius nobilitas fermè extinguitur** 10,42.
Medicinam non curant Heæ populi 123,25
Medina arx Iudæis diuitibus referta 10,46

Medinæ

I N D E X.

Medinæ expugnatio. ibid.
Medranus centurio Hispanus
152,30
Mel candidum lacti simillimum
135,52
Melitâ insulâ Ioannitæ quando
& a quo obtinuerint 144,16
in Melite insula, quod ab eo tē-
pore, quo viperam excussit
Paulus, malefici generis ani-
mal nullū gignitur, nec alla-
tum nocet, vnde sit 148,19
de Melita eiusque incolis, nar-
ratio 147,45. & inde
de Melitenfi quodam, grauitet
saucio 164,1
Melitenfes sub Romanis quare
fortunati existimētur 147,54
ex Meninge insula nauis onera-
ria, comeatuū, pulueris sul-
phurei, & globorū magnum
numerum in Turcarum ca-
stra vehit 168,39
mensa ex vnica viridi gemma
confecta 24,25
mensis & mappis carent Maro-
chenfes 122,52
mercatores stragemainfigne
parant 132,52
merces commutantur 119,21
mercatura magnæ diuitiē com-
parantur 14,26
Mesopotamia Arabis finitima
19 subigitur 12,49
metus ac spes, consultores pes-
simi 163,11
metu egregia sæpenumero cō-
silia corrumpuntur 151,30
Michael Comnenus a Turcis
capitur 59,52
Michael Comnenus Turcas le-
gatus vincit. ibid.50
Michaelis arx ab Algerii rege
infelicitet oppugnata 161,
43. castellum a barbaris fru-
stra oppugnatum 162,8, &
40. præsidio, milites e Sicilia
qui aduenerāt impositi 158,46
militis officium imperator sub-
it 35,47
milites periti 35,1. stipendiis
fraudentur 10,29
militum fortitudo & constan-
tia. ibid.35
Milo Anglerius, vir fortissimus
39,34
miraculū in Asia magnū 32,42
Miralmuminus, hæc vox Ara-
biæ principem credentium
significat 18,37
milui in arboribus nucum nidi-
ficant 137,20
monachus futurorum peritus
42,3

moneta argentea 122,29. qua-
drata ibid.30
mons præstigiis demonum ce-
lebris 26,21. quinquaginta
habens castella 135,28
Monferratus cur in arcem Her-
metis missus 152,16
Monferrati interitus 155,47
morbo pereunt milites 31,35,
& 36,25
morbicandenti ferro curantur
123,26
morientes pro Christo dupli-
cē honorē cōsequūtur 64,55
Mortago Bulgarorum rex 43,
11. fœdus seruare studet. ibid.
14. natura sordidissimus ibi.
12. pecuniæ parcens ib. Tho-
mam vincit ibid.16
mortales immortalia odia exer-
cere non decet 40,53
mortis comes audacia 35,48
mortuus e sepulchro captus cō-
crematur 18,24
mos antiquus quo pacto cum
rege capto agebatur 43,32
mores hominum a cœli tempe-
rie mutantur 31,5
Muamedes Aaronis filius 41,
39. ingeniosissimus 8,10. li-
terarum ignarus 13,8. Mec-
cam expugnat, atque victor
euadit 10,37, & 42. quando,
vbi & quomodo mortuus 11,
29. Thraciam ingreditur 19,
40
Muamedis libri censentur 17,3.
in aquam deliciūtur. ib. quot
& quanti. ibi.
Muamus Leoni literas scribit
48,11
Muauis dux 32,47. Ægypti
præfectus 13,30. moritur 17,
10. quamdiu regnarit & vi-
xerit ibid.19. rei militaris pe-
ritus 14,35. literarum igna-
rus 17,20
Muauis descriptio. ibid.52.
symbolum ibid.51
Mucca Libyæ præfes 21,51
Muchemetus equo decedens
moritur 57,1
Muga Sarracenorum dux 38,7
Mugnoces Cerdaniæ princeps
26,29
Mugnoces interficitur 33,50.
vir immanissimus 26,36
Mugnuza dux Gottorum 24,
29. proditor 29,22
muliebris forma Hispaniam
perdit 21,42
mur⁹ creta extruct⁹ 122,7. mar-
moreis lapidib. cōfect⁹ 138,12
Mutar Ciasam vincit 19,5. Per-

fidis prouinciæ præfes 17,36
Mustapha Turcicarum copia-
rum ductor 147,12. homi-
nem ad Valetam mittit, qui
de deditioe cum ipso agat
157,11. Michaelis arcē oppu-
gnat 168,12. eius ad milites
oratio. ibid.

N.

NArbo vrbs opulenta, &
munita 36,8
Narbo à Sarracenis capitur 33,
37. oppugnatur 36,10
Narbonensis prouincia solici-
tatur 34,25
Nauarræ loca 26,12
nauleri a Valeta in consilium
adhibiti 160,54
naues longæ duæ a Toletano
Valetæ missæ 161,38
nauta Christianus Melitenfib.
hostiū consilia aperit 149,23
Neocæsarea vrbs vastatur 59,23
Nerua Cocceius imperator 33,
12
Nicæa vrbs Bithyniæ 32,48. ca-
pitur 61,15
Nicephori ad Arabem epistola
40,41
Norandinus Damascenorum
potentissimus rex 70,1
Nouam vrbem, & Michaelis
castellum barbari adoriun-
tur 163,17
nox pugnam mitigat 33,3
nucum in Hea magna copia
118,45

O.

OCio deditus fuit Euclitus
32,39. dediti sunt Fran-
ci 33,25
ocio regna decrescunt 6,19
Ochial a Bassa præfecto in Dor-
gutæ demortui locum præ-
fectus 159,20
Olympius Italiæ exarchus 14,12
Omar Sarracenorū dux 37,47
Ommirabim fluiuius 134,21
Opasius Ægicæ regis filius 29,5.
episcopus 24,18. proditor
29,22
ordo equestris D. Iacobi 44,4
Orontes fluiuius 61,24
ossium aceruus maximus 33,55
Otho Germanorum impera-
tor 51,29
Ozmenus Homaris successor
13,16. pontifex creatus ib.21
Ozmeni descriptio 14,24. bel-
la 13,22. mors 14,20. sepul-
tura ibid.28

P.

PAlmifera regio quæ 20,
49

- in Pannoniam ingentes copias
 Solymanus mittit 170, 25
 Paradisus terrenus 62, 31
 Pardus ex marmore factus 128, 38
 Parisoti interitus 162, 8
 Paulus apostolus, in quam Melitæ insulæ parrem naui sit eiectus 148, 17
 ad Pauli portum 7000 Turcarū in terram vnā cum Mustapha exponuntur 170, 4
 Pax ciuilis, quæ dicatur 142, 45
 Pax non seruat 12, 29 scelere paranda non est 10, 18 semel fracta difficillimè rursus cōficitur 12, 38
 Pacis dona 68, 10
 Pacis & belli collatio ibi. 7
 Pauper Imperatoris nomē suscipit 42, 30
 Pauperes religiosi 119, 7
 Pecunia ubi in nullo vsu 116, 22
 Pecunia promissa negatur 12, 31
 Pelagius flumē transnatat 27, 19
 Pelagius in dicendo vehemens 28, 46 profligatur iniuste 27, 21 quando mortuus 33, 8 rex creatur 28, 54
 Pelagij oratio 27, 24 prudentia 27, 24
 Peperis Ægypti rex 71, 30
 Persæ Romanorum imperium agnoscunt 19, 39
 Persarum origo 17, 37
 Perrinaria in bello victoriæ casum sæpenumero inuenit, Mustaphæ dictum 168, 11
 Peste Sarraceni pereunt 16, 30, 18, 45 trecenta millia hominum moriuntur 32, 4
 Pestilentia affliguntur Hispani per duos annos 23, 7
 Petrus Cantabriæ dux 27, 5
 Philippus Gallorum rex 60, 48
 Mustaphæ consiliorum particeps, magistrum equitum vtiliter monet 157, 26 cum magistri cōmendatione Romanam ad pontificem venit ibi. in Hispaniam ad regem Philippum se cōfert 157, 40
 Phœnicia à Sarracenis subigitur 12, 24
 Pias Michaelis castellum speculatum procedit 149, 35 rei matimæ apud Turcos præfectus 147, 24
 Pij III. pont. iussu milites, qui Melitenensibus suppetias laturi mittuntur, Romæ conscripiti 151, 40
 ad Pium quartum pōtificem literæ 145, 52
 Pileos qui gestare debeāt 123, 4
 Pinguedinis pisciū pro oleo vsus 133, 35
 Pipinus moritur 37, 37
 Pipinus II. Galliæ rex 36, 38
 Pipinus Italiæ rex 44, 12
 Pisafirius Babylonis dux 58, 13
 Plinius scriptor grauissimus 55, 38
 Pluuia arcus relaxat 47, 3
 Policratia apud Guzule inhabitatores viget 123, 50
 Pompelo Cantabrorum regni caput 38, 30 oppugnatur ibi.
 Pons fossæ ab hostibus astuto cōsilio impositus 162, 3 à nostris exustus ibi. 30 pulcherrimus 126, 7
 Pœnitentes Deus recipit 28, 8
 Portæ marmoreæ 127, 28
 Portugallia Lusitaniæ caput 53, 21
 Potentiam etiam firmissimam à discordia cōminui 167, 52
 Præda opima 34, 22
 Prælium cruentissimum 37, 29, durans septem diebus 23, 27 nocturnum 39, 5
 Præsidiorum militum fortitudo 154, 49
 Principum nostrorum securitas in Sacro hoc bello, notata 150, 42
 Precatio Muauia 17, 22
 Preces per integrā noctem fundit exercitus 43, 52
 Principes viuicremantur 20, 15
 prodicionem ciuitatis medicus aperit 58, 3
 Proditores patriæ breui pereunt 33, 52
 Promissa non seruantur 15, 28 24, 53 non seruata, cladē inferunt 41, 9
 Ptolemæus equitum magister 12, 7
 Puella causa excidij vrbis 136, 30
 Pugna atrox 29, 12 & 36, 13 celebris 29, 17 pro patria 33, 14 vnus diei 33, 2
 Putei ceterum oppidū 134, 3 dulcibus aquis scatentes 121, 50
 Pyrenæorum tractus 25, 14.
- Q** Vadelabidus, amnis 137, 16
 Quæstor imprudēs 10, 30.
- R** Aimundus Poggius institutorū, quibus Ioannitarum ordo gubernatur, autor 143, 52
 Ramirus Asturum rex 43, 45
 Legionis rex 53, 9
 Regna quo pacto decrescant 6, 20 dilatētur & crescant ibi. 17
 Religio & pietas antiqua euauit 28, 18 Sarracenorum varia 7, 28
 Res Christianorū semper prosperæ 24, 36
 Rerum ubi summa agitur, vnus particulæ periculum minus est metuendum 161, 48
 Rebus afflictis historia medetur 143, 8 nouis delectantur Arabes 11, 11
 Resp. à nobilib. administratur 116, 8 seditionibus dissoluitur 138, 20
 Rex à subditis trucidatur 32, 12 à suis in tēplo interficitur 132 30 manib. pedibusq; amputatis asino imponitur 43, 34
 Regis coniunx trucidatur 32, 21
 Regis interfectores imperium consequuntur 132, 37
 Regem suos in prælio deserere turpe 23, 22
 Reges Sarracenorum 7, 24
 Regius ornatus 24, 18
 Rhodus à Ioannitis decipitur 144, 6
 Richaredus Gothorū rex 32, 30
 Richilas vrbis Tingis comes 22, 44
 Riuerias Gallus in hostium manus venit 149, 21
 Robles castrorū præfectus moritur 165, 20
 Rocenus Persarum rex 72, 31
 Rodericus solitarius 23, 35 Visingottus Hispaniæ rex 21, 10
 Roderici clades 27, 6 epitaphiū. 23, 48 fuga 23, 34
 Rolandus Britannia dux 40, 13
 Roma mœrore & metu repleta 159, 41
 Roma omnium Orientaliū vrbium pulcherrima 47, 8
 Roma orbis terrarum arx 31, 10
 Roma p. prodicionē capitur 47, 7
 Romanæ vrbis ornamenta Constantinopolim transferuntur 30, 55
 Romanū imperiū à Sarracenis multis cladib. afficitur 40, 40 penē omnib. mortalib. leges dedit 6, 18 quō creuerit ibid.
 Romani à Sarracenis vincuntur 12, 39 à Turcis vincuntur 47, 1, Sarracenos in fugam compellunt 46, 53 vincunt 57, 50
 Romanor. clades maxima 13, 55
 Rubrū mare Arabes alluit 6, 52.
- S.**
 Aba Sarracenorū dux 48, 36
 Sabati^o Armeniæ p. 19, 36
 Sacra insula noua 32, 46
 Saidu

I N D E X.

- Saidus contra Abdimelicū copias parat, & conscripto exercitu pugnare iubet, atque supplex pacem petit 19,13
 Saidus clam interficitur. ibi. 16
 Saladinus imperator 71,13
 Saladini genus quamdiu regnarit. ibid. 20
 Salazar Hispanus centurio in hostiū castra se cōfert 164,25
 Salinus Asmulini filius 37,29
 Salses arx munitissima 26,16
 Saluagus Genuensis, Tolerani mandata ad Melitenfes magnocū vitæ discrimine perfert 150,15. à magistro equitum in Siciliam remittitur. ibid. 25. binas triremes Melitam mittit. ibid. 30. suis salubre consilium communicat. ibid. à Tolerano 1000. pedites in subsidium petit. ibi. 39
 Samuchus Turcarum militaris dux 59,16
 Sanromanus ab Auernia vitast hanc breuem amittit, gloriā in mortale adipiscitur 166,47
 Sapientia, vitæ mortalium dux atq; regina 142,48
 ad Sapientiam duplex via omnibus proposita. ibid. 51
 Sarraceni à Romanis fugati & victi 50,25. suspensi. ibi. 29. à Sufia vincuntur 16,19. ad Persas contendunt 12,52. Christianæ religionis eueriores 6,29. Constantinopolim obfident 30,11. deum p-diderunt 28,29. diuina humanis permiscuerunt 6,11. ex Christianorum. diffidiis coaluerunt. ibid. furtis & rapinis dediti 7,28. gen^o ignauū 28,42. in Galliam pergūt 33,15. Italiam inuadunt 51,20
 Panormum capiunt 45,49. patriæ proditores sunt 28,28 potius mortem quam seruitutis conditionem ineunt 39,21. Romam petūt 46,2. Romanas prouincias aggrediuntur 19,35. Romanos adoriuntur 12,19. sanguinarii dicuntur 24,33. totum terrarū orbem peruagati 6,10. Thraciā inuadunt 36,29. vincuntur 11,28, & 46,33. vnde dicti 7,13 & 11,15. vt à Iudæis distincti. ibid.
 Saracenorū clades maxima 33,55. fortissimi qui 7,15. potentia, imperium & nomen minutum & extinctum 54,15. quis primus Romanos agrefus 17,10. regnum obscuratū 41,35. strages maxima 34,14 & 44,1. viginti millia trucidantur 24,6 & 29,18
 Sarracenicum in Turcas bellum 56,36
 Sarracenicum regnū in plures diuiditur partes 41,12. quomodo hodie sese habeat 6,37 toti Christianæ reipub. formidabile. ibid. 39
 Saxa instar pluuiæ proiciuntur 29,13
 Scalæ hominibus refertæ franguntur 35,48
 Scene vrbs Arabiæ 6,48
 Seenitæ desertam Arabiam inhabitant 7,16
 Scenitarum ædificia. ibid.
 Scholia filiorum regis 128,25
 Sclauī à Iustiniāno vincuntur 19,8
 Secta Assassinatorum 62,11. Caraniorum 125,45 horribilis 8,29 latronum 62,11 Muamedis animas ad Tartara detrudit 27,40, & 37,14. 71,52. vna depressa, alia incipit 15,17
 Sectæ Muamedicæ restaurator 13,38
 Sectarum Sarracenorū nomina quot, & quæ fuerint, & vnde ortæ 17,6
 Segestum, Iulamq; magni momenti loca, Solymanus Turcicus imperator vi obtinet 170,30
 Segrius amnis 26,23
 Selimis patri in regno succedit 170,33
 Selimus Turcarum imperator 71,36. 72,34
 Senex memoria præditus summa 120,2
 Sepulcrum maximum 65,21
 Manumedis 11,33
 ad Sepulchrum vrbs condita Hocemi 17,42
 Sepultura Alis 14,50. filiorum Hocemi 17,47. Muauiz ibi. 10. Ozomeni 14,28. Roderici 23,46
 Sequani Germanis pximi 33,18
 Sergius in crucem agitur 15,27
 Sergius monachus 8,8
 Seriphus dux & imperator 117,41, & 123,34
 Serpētes Sarraceni adorāt 7,31
 Seruituti 5000. hominum subiiciuntur 13,45
 in Seruitutem redigūtur octingenta millia 16,4 (51
 Sicilia Romanis instituitur 57, in Siciliam homo cum literis ad Toleranum à Valera missus pro ope imploranda 161,32
 è Sicilia præfidiarii milites Melitam veniunt 158,46
 Sigillum Muamedis 11,17
 Signiferi strategema 162,26
 Simulachrū marmoreū 24,42
 Sifibertus obtruncatur 29,27
 Sobrabriæ regionis oppida 26,41
 Solem Sarraceni adorant 7,31
 Solicudinarii in Duccalia multi 131,41
 Solimanus Ioannitas deditio-nem facere compellit 144,9
 Turcarum Imperator 61,12
 Solimani obitus 170,32
 Solimani in oppugnanda Melita consiliū & apparatus 144,12. ad duces suos verba ibi. 24
 Sophorum origo 17,37
 Soror à fratre adamatur. ibi.
 Spachi 147,13
 Speculo milites arcentur 31,38
 Spolia fortes reddunt milites 35,36
 Statua ingens 14,5
 Stella Dei nuntius 23,36
 Stephani vallum 25,26
 Stephanitarum ordo 167,26 ab Ioannitis quid differat. ibi. 28 vnde hoc nomē habeat ibi. 33
 Sterc^o exiccātū comeditur 32,2
 Stipendia militibus denegata maximam calamitatem inferunt 10,30
 Stratagema insigne per mercatores 132,52. per speculum 31,38
 Studia bonarum literarū à Sarracenis è medio tollūtur 6,32
 Succinum vnde fiat 17,25
 Sultanus cum Romano imperatore pacem facit 65,49.
 Egyptiæ pontifex 41,24
 Sultani filii 66,13
 Sus Marochi regio 115,1
 Sus fluius, ibid. 7
 Sufia nepos Muauiz 16,19
 Sufiana regio 115,13
 Sufianæ inhabitatores fortissimi, ibid.
 Syracusani à Sarracen. spoliantur 15,55
 Syria à Nicephoro occupatur 52,21

T.

T Agodastum oppidū 135,48
 Tamerlanus Parthorū imperator 72,1
 Tangrolipix Persarum rex 57,3
 Tarif Auenzarcas dux militaris 22,5

I N D E X.

Tarrari non seditiosi 67,1, vn-
de dicti 67,17
Tartarorum gens qualis 66,49
rex quis 67,11. Tribus, ibi. 4
Tartaris Turcicum imperium
subiicitur 98,47
Tauri montis descriptio 67,30
Tedla regio 137,24
Tedla Marochi regio vt à Fessa-
nortum rege capta, & quid
cum inhabitatoribus egerit
139,2, 10 & 55
Tedi oppidū amplificū 115,29
Tefza vrbs 138,11. à quibus con-
dita, ibid.
Tefzanorum vestitus, ibi. 16
Temperantia regna crescunt
6,17
Templum comburitur 19,23
diui Iacobi marmoreum 45,
48. diui Petri Romæ 46,3.
spoliatur, ibid. expiscium of-
fibus confectum 117,13 or-
bis terrarum maximum 127.
17. Hierosolymitanum va-
statur 37,9. insigne 126,42.
magnificum 116,38. pulcher-
rimum 141,21. S. Martini
spoliatur 34,11. opulentissi-
mum, ibid. Veneris 26,17
Tenmele mons altissimus &
frigidissimus 125,11
Tensita mons 135,25
Tensit fluiuius, ibid. 26
Terræ motus Christianorum
hostes interimit 29,20
Teseuon mons biceps 135,45
Tharsensium regis minaces &
contumeliosæ literæ 50,55
Tharsus a Maumede oppugna-
tur frustra 10,44
Thebæ occupantur 41,7
Theodorus Beganus Cæsaris
vicarius Sarracenos vincit
11,27
Theodorus Sacellarius Cæsaris
legatus 12,12
Thomas capitur 43,32. diade-
mate coronatur 42,31. in-
terficitur 43,39
ex Thracia & Peloponneso
quanta multitudo venerit
Turcarum imperatori, in

oppugnanda Melita insula
suppetias latura 147,22
Tolosæ regia sedes 34,2
Trebelcius Bulgarorum rex 20,
29
tribunos Muamedes eligit quos
Dei gladios vocat 11,19
Tripolis capta 148,50
Tripolis vrbs Syriæ 13,48
Tuguria ex arundinibus 71,6
Turcæ à Romanis fugantur 58,
42. a quibus religionem ac-
ceperint 6,40. originem vn-
de trahant 56,15. Cappado-
ciam ingrediuntur 59,43.
Muamedis sectam ample-
ctuntur 58,49
Turcarum copiarum vincuntur 66,
42. cum Romanis ingens
bellum 62,12. & 64,20
Turcarum regis ad captiuum
Imperatorem oratio 60,7
Turci capti, simul omnes ob-
truncantur 156,14. 60 in au-
ras dissipantur 168,35. circi-
ter 400 in mari pereunt 170,
13. octingenti pontis exusti
ruina opprimuntur 152,40
Turcica gens Armeniam vastat
38,16. eius in equites sacros
crudelitas 156,4
Turcicarum copiarum cœsentur 147,13
Turcicarum rerum scriptores
72,50
Turcicum imperium diuiditur
62,49
Turrim Alcaba Sarraceni ado-
rant 7,31. ædificatâ ab Ismae-
le. ibid.
Tyrānus crudelissimus 130,49
Tyrius antistes 143,41
V.
Valeat concilium 154,35
Valetudinaria tria à bar-
baris constituta 159,17
Vallis Arani 26,31
vectigal ex piscatu fluminis 133,
31
venationis ignari inhabitatores
Heæ 123,21
Veneris templum 26,17
Veneti omnes a Sarracenis in-
terficiuntur 48,49

vento victoria comparatur 129
20
vento exercitus dissipatur 65,
16
Vermudeces in regem eligitur
38,5
vi aut dolo victoriæ casum que-
rendum esse, Mustaphæ cō-
siliū 165,15
victores qui primi omnium fu-
erint 6,23
Vincentius martyr vbi interfe-
ctus 24,39
Virgili dictum 160,41
virgo castitati dedita violatur
45,8
virgo specie matrimonii deci-
pitur 27,12
viri semiaudi 137,40
vita hæc momentanea cum æ-
terna est commutanda 27,
47
Vlitus fit pontifex 20,24
Vliti mors 22,33
Urbanus pontifex maximus 60,
44
Urbanus 11. pontifex maxi-
mus 24,49
vrbs a mensa nomen accipit 24,
24
vrbs habitatoribus vacua 130,
36
vrbs ob proditoris ignomini-
am deletur 29,25
Vuilhelmus Aquitanix dux 61,
52
ad Vukurni portum barbari v-
niuersa classe se conuertunt
149,33

X.

X Erxes mare flagris cedit
47,32

Xistus Margrauius 170,43

Z.

Z Acharias Rom. pontifex
36,41

Zalochus ad Solimanum mis-
sus 159,24

Zanagæ homines bellicosi 137,
47

Zigæ natura ferocissimi 70,55

Zulziminius pontifex creatur
22,34. moritur 31,29

